

სხანი

შოკოლადი



ქართული
ლიბრეოთეკა

1439 / 2
2013

მაისი 2013 №90
ფასი 7 ლარი



მანა სუმბაძე

სპეცპროექტში
„ილუსტრატორები“

ბიძინა მაყაშვილის

საავტორო რუბრიკა
ბლუზი მტკვრის პირას

ისტორია
გურამ შავდია
მაშო ოდიშელიძე


ფილიპ როთი 80

DVD ქართული ფილმების კრებული: „ნათელა“



Dirsi

საინჟინრო
კონსტრუქციები



ქ. ჩოლოყაშვილის ქუჩასა და მდ.მტკვარს შორის
თბილისი, საქართველო



+ 995 322 74 04 04



info@dirsi.com.ge





მაგრესი დიდესი დირსესი

www.dirsi.com.ge



ყდა: მაია სუმბაძე
ფოტო: ლელი ბლაგონრაგოვა

	06	რედაქტორის სვეტი
	08	ავტორთა სვეტები
წარდგენა	10	სად არის შენი ბედნიერება ნათელა? <i>დავით ბუხრიკიძე</i>
ანონსი	12	10 მნიშვნელოვანი მოვლენა, რომელიც არ უნდა გამოტოვოთ <i>სალომე აფხაზიშვილი</i>
რესტორნის კრიტიკა	20	რაო და „ანტრეს“ არასამარხოვო ვნებანიო... <i>კოლია ფხალაძე</i>
ისტორია	28	ქართველი მხატვრების სწავლა და გაფრენები დიუსელდორფში <i>ლევან შატბერაშვილი</i>
იუბილე	40	ფილიპ როთი: „უკვე რამდენიმე წელიწადია, მართლა არაფერი დამინერია“
	44	დაუფარავად <i>ავტორი დევიდ რემნიკი, ინგლისურიდან თარგმნა ქეთი ქანთარია</i>
ქალაქი	54	წვერა, მურწა, ჭანარი... <i>დათო ქარდავა</i>
	61	მეთევზეები მტკვარზე <i>ეკა მახათაძე</i>
ესე	66	რეკანიბალიზაცია <i>პაატა ქურდაძე</i>
	75	ორი იგავი პოლიტიკაზე <i>ხათუნა ცხადაძე</i>
	76	მე ვიცი <i>პიერ პაოლო პაზოლინი</i>
	79	იგავი პატიოსნებაზე გახრწნილთა ქვეყანაში <i>იტალო კალვინო</i>
სპეცპროექტი	84	ილუსტრატორები <i>სალომე აფხაზიშვილი</i> <i>ლევან ცუცქერიძე, მამია მალაზონია, თამაზ ვარვარიძე, სანდრო ასათიანი, დათო მაჭავარიანი (კაკადუ), მაია სუმბაძე</i>
იდები	98	ვიზუალური ნიშნების ენა <i>სანდრო ასათიანი</i>
საავტორო	100	ბლუზი მტკვრის პირას <i>ბიძინა მაყაშვილი</i>
პროზა	108	თანამზრახველები <i>ჯულიან ბარსი, ინგლისურიდან თარგმნა ირმა ტაველიძემ</i>
რეცენზია	116	არის თუ არა სიყვარული ვერტიკალური და ბრუნვადი <i>დავით ბუხრიკიძე</i>
მიმოხილვა	118	წიგნები <i>სალომე აფხაზიშვილი</i>
	122	მუსიკა <i>სალომე აფხაზიშვილი</i>

Part of the
ProCredit Group



პროკრედიტ ბანკი
ProCredit Bank



Georgia



ჩვენი ახალი სათავმო ოფისი
ენეგოეფექტური, კომფორტული, ოპტიმალური!

აღ. ყაზბეგის გამზ. 21

საპარტოვოს პარლამენტის
მრავალპირა ვიზლით

 *22 22  220 22 22 | www.procreditbank.ge

მთავარი რედაქტორი

მალხაზ ხარბელია

სტილი და კორექტურა

ინა არჩუაშვილი

ღიზინი

თორნიკე ლორთქიფანიძე

ნომარზე მუშაობდნენ:

სალომე აფხაზიშვილი, დავით ბუხრიკიძე, ლევან შატბერაშვილი, ქეთი ქანთარია, ბიძინა მაცაშვილი, პაატა ქურდაძე, სანდრო ასათიანი, ირმა ტაველიძე, ხათუნა ცხადაძე, კოლია ფხალაძე, დათო ქარდავა

ფოტო

ლელი ბლავგონრაგოვა, მაკა გოგალაძე, ეკა მახათაძე, ნიკო ტარიელაშვილი

ღირაქტორი

შალვა ჩუბინიძე

პროექტის მენეჯერი

ქეთევან ბაბუნაშვილი

მარკაპტინგის მენეჯერი

ია შენგელია

გაყიდვების ღირაქტორი

ქეთევან ქავთარაძე

დისტრიბუცია

მიხეილ მამუჩიშვილი

გამომცემლობა

შპს „ცხელი შოკოლადი“
მისამართი: თბილისი, აფაქიძის ქ. 11, ტიფლის ბიზნეს ცენტრი
სხვა გამოცემები
„ქართული ღვინის გზამკვლევი“

სტამბა

„სეზანი“, თბილისი, წერეთლის 140, ტელ.: 235 70 02
ჟურნალი გამოდის 2004 წლის 25 დეკემბრიდან

© „ცხელი შოკოლადი“ საავტორო უფლებები დაცულია. ჟურნალში გამოქვეყნებული მასალების ნაწილობრივი ან მთლიანი გამოყენება გამომცემლობის ნებართვის გარეშე აკრძალულია.



სიცოცხლის უფლება

ეს ჩემი პირველი „ცხელი შოკოლადი“ და ამ ნომერზე მუშაობით მაგარი მძიმე თვე გადავაგორე. აპრილი. მკაცრი და პირქუში აპრილი (როგორც ტომას ელიოტი იტყოდა – April is the cruellest month...). ამ ერთი თვის მანძილზე ბევრი ვიფიქრე, ვფიქრობდი იმაზე, რაც (და ვინც) ჩემამდე იყო „ცხელ შოკოლადში“, ახლანდელი შესაძლებლობებიც ბევრი ვწონე და ვახარისხე, თუმცა ყველაზე მეტი ფიქრი მაინც მომავალზე მომინია, რომელსაც ძალიან მხნედ და იმედიანად ვუყურებ, მიუხედავად იმისა, რომ კითხვები აქაც ბევრია. დაახლოებით ასეთი კითხვები: მე უფრო შეეცვლები თუ „ცხელი შოკოლადი“? რა უფრო მნიშვნელოვანია ამ ორ სიტყვაში, ცხელი თუ შოკოლადი? ცოტა სიმნარე, უფრო მეტიც, სიცხარე ხომ არ გამოგვერია შოკოლადში? როგორ შეეცვრები მე ჩემს მკითხველს და როგორ შემეცვრება იგი მე?... იცი მკითხველო ეს ერთი თვე რა ერთი თვე იყო?...

ლადობა იქით იყოს და მიწოდდა ამ სვეტში ყველაზე მთავარი მეთქვა თქვენთვის, მაგრამ ვატყობ, ასე, ორი სიტყვით, არ გამოდის ეს ამბავი, ამიტომ დღევანდელ ნომერში გამოქვეყნებული ერთ-ერთი წერილიდან პატარა ისტორიას გავიხსენებ, სათქმელს რომ მივუახლოვდე. კარგი ამერიკელი რომანისტი იყო ერთი, შავკანიანი, რაღვ ელისონი, ზოგიერთს შეიძლება ნაკითხულიც გაქვთ მისი „უზილაგი კაცი“ (1952). სწორედ ამ რომანის გამო მოსდეს შარი თანამომემებმა, რადგან რომანში შავკანიან ოჯახში მომხდარი ინცესტი აღწერა. ხალხი აღშფოთებული იყო, როგორ გაბედა რომანში ასეთი სცენის შეტანა, მაშინ როცა შავკანიანთა მოძრაობა ქვეყანაში, ის-ის იყო, ფეხს იკიდებდა, ხალხი ფიზილდებოდა, თავისი უფლებებისთვის ბრძოლას იწყებდა, ეს კი რაღაც საშინელებებს წერდა თავის ხალხზე. ელისონმა იცით რა უპასუხა? „მე სამოქალაქო უფლებებისთვის ბრძოლის მექანიზმის ჭანჭიკი არა ვარო“, აი ასე უპასუხა ამ კაცმა.

ეს ისტორია ძალიან აქტუალურია დღევანდელი საქართველოსთვის, სადაც პატრიოტული ენებები დულან და გადმოდულან, სადაც მთავარი მტერი რუსეთი გვყავს, უფრო მაგარი მტერი კი, როგორც წესი, განსხვავებული აზრის ადამიანები არიან. აქტუალურია ქვეყნისთვის, სადაც ძალიან ბევრი იბრძვის საკუთარი პოლიტიკური თუ რელიგიური მრწამსის გასაფარჯიშებლად, ვიღაცებს უბრალოდ სძულთ, ვიღაცა სადაც ზემოთ მიცოცავს და ყველა ხერხს მიმართავს ამისთვის, არიან გულმხურვალე იდეალისტებიც და სამართლიანობისთვის მებრძოლი რაინდებიც. ამისგან შედგება ჩვენი აქტუური საზოგადოება და ეს აქტივობა ხშირად, სამწუხაროდ, მძევლებად გვაქცევს ხოლმე, ე.წ. „ბრძოლის მექანიზმის ჭანჭიკებად“. პირადად მე ასეთი მძევლობა, რელიგიური თუ ნაციონალისტური ექსტრემიზმის ან სხვა რაღაცა იდეოლოგიების (ნებისმიერი მიმართულების) ტყვეობაში ყოფნა დღევანდელი უმთავრეს პრობლემად მიმაჩნია. ეს იმდენად დიდი საფრთხეა, რომ შეიძლება ყველაზე მნიშვნელოვანიც კი ნაგვართვას, მაგ. ჭრეტის, ფიქრის ან სიცოცხლის უნარი და უფლება, თუნდაც საყვარელი საქმის სიამოვნებით კეთების უფლება.

ისე, ჩვენში დარჩეს და სიცოცხლის უფლებისთვის ბრძოლაში მეც კაი ჭანჭიკი და მძევალი გავხდებოდი.

ერთ თვეში შევხვდებით!

მალხაზ ხარბელია

მოიბა 100 000 ლარი ოსნების სანდისტოვის



აქსია!



JACOBS



ბაღაფხიჯაუთ იაჯობს მონარქის ფანა, მიილუთ შანსი მოქანსალაქიჯე მოიჯოთ **იაჯობის ქიჯაბი** ღა ბააზზაჯვეთ ჯოიი SMS-ით **მოსაჯიი ჯიჯიის** მოსაბაბაჯე.



1. შეიძინეთ იაკობს მონარქის 75გრ, 95გრ, 140გრ, 190გრ შეფუთვა.
2. გადაფხიკეთ დამცავი ფენა, მიიღეთ შანსი, მომენტალურად მოიგოთ 10 000 ჟიქა.
3. იაკობსის ჟიქის მოგების შემთხვევაში დარეკეთ ცხელ ხაზზე - **2 14 14 34**.
4. გააგზავნეთ კოდი SMS-ით ნომერზე - **91 109** 100 000 ლარის მოსაგებად.
5. პრიზების მისაღებად საჭიროა წარმოადგინოთ იაკობსის ქილა ან შეფუთვა, რომელზეც დაკრული იქნება მომგებიანი სტიკერი.

SMS ნომერი - 91 109
საქანი ხაზი - 2 14 14 34
www.jacobs.ge

აქცია ტარდება საქართველოს ტერიტორიაზე. აქცია დაიწყება **15 აპრილს, 00.01 საათიდან**, SMS-ების მიღება შეწყდება **26 ივნისს, 23:59 საათზე**, **100 000 ლარის** გათამაშება შედგება **30 ივნისს, საღამოს 18:30 საათზე**, რუსთავე 2-ის პირდაპირ ეთერში. პრიზებთან დაკავშირებით პრეტენზიები განიხილება მოგებიდან 5 დღის განმავლობაში.

ნამაზალისებელი გათამაშების ნებართვის ნომერი: **N 19-03/07**



ლეივან მატაპარაშვილი

ილუსტრატორი თავის ნამუშევარს ტექსტის მთავარი იდეის, შინაარსის ან სიუჟეტის გარშემო აგებს, რაც პირადი ამბების მოსაყოლად, ადგილს და დროს ობიექტურად აღარ ტოვებს. მხატვარი კი თავისი ემოციებისა და პირადი ამბების გამოხატვის წინაშე აბსოლუტურად თავისუფალია. მას არც ავტორის, არც რედაქტორისა და არც გამომცემლის შეკვეთა ამაში ხელს არ უშლის. ილუსტრატორი პირიქითაა. დაკვეთის მიღებისთანავე, ის სწორედ მისგან დამოუკიდებელი ამბის ან გმირის სამყაროში იწყებს ცხოვრებას. საინტერესოა როგორი გზით აგრძელებს არსებობას ასეთ დროს ილუსტრატორის პირადი ამბები, სად გადაინაცვალავს ხოლმე მისი შინაგანი სამყარო და რა დოზით ვლინდება ის ილუსტრაციებში?

ეს ის კითხვებია, რომლებიც „ცხელი შოკოლადის“ სპეცპროექტის გმირებს დაუესვით, რაზეც ერთმანეთისგან რადიკალურად განსხვავებული პასუხები მივიღეთ. მათ შორის მოისმინეთ ისეთებსაც, რომელიც ილუსტრაციაში, პირად ამბებსა და სხვების სამყაროს შორის მკვეთრ ზღვარს ავლავს და ისეთებსაც, რომლებიც ილუსტრაციებში მხოლოდ საკუთარი თავის გამოხატვის შესახებ გვიყვება. მხატვარ-ილუსტრატორების ამოცნობაში, მათ მოსაზრებებთან ერთად, ის ილუსტრაციებიც დაგეხმარებათ, რომლებსაც აღნიშნულ სპეცპროექტში გვთავაზობენ მხატვრები.

ქართველი მხატვრების სწავლა და გაფრენები დიუსელდორფში



სალომე ავხანიშვილი

მხატვარი და თავისუფლება ორი ისეთი სიტყვაა, რომ ხშირად, ჩვეულებრივი საუბრის დროსაც, ერთ წინადადებაში, ერთმანეთის გვერდი-გვერდ აღმოჩნდებიან ხოლმე. ბევრისთვის ალბათ თავისთავად ცხადია, რომ მხატვარი თავისუფლების გარეშე ვერაფრის გაკეთებას ვერ შეძლებს. მაგალითად, მხატვრები საბჭოთა კავშირის დროს ხშირად იძულებულნი იყვნენ, უარი ეთქვათ ისეთი რეაქციების დახატვაზე, რაც ოფიციალურ იდეოლოგიას ეწინააღმდეგებდა. საბჭოთა კავშირის დაშლის შემდეგ უკვე ოც წელზე მეტი გავიდა, მაგრამ მხატვრების თავისუფლების პრობლემა მაინც პრობლემად რჩება. ბევრს საზღვარგარეთ სურს წასვლა სწავლის გასაგრძელებლად, რადგან თვლის, რომ სწავლის ის მეთოდი, რომელიც საქართველოშია დამკვიდრებული, მხატვარს არ აძლევს საშუალებას ბოლომდე გაიხსნას, გათავისუფლდეს და საკუთარი თავის რეალიზაცია მოახერხოს.

ამ პრობლემებში უკეთ გასაკვევად, ხელოვნების აკადემიის სტუდენტებს, მაშო ოდიშელიძეს და გურამ შავდიას ვენეცი დიუსელდორფში, სადაც მრავალი რამე შევიტყვე და ვნახე. ჩემს მიერ შეგროვებული ინფორმაცია გადავწყვიტე თქვენთვისაც გამეზიარებინა, რადგან ვიფიქრობ, რომ შეიძლება ბევრი საინტერესო რამე გავიგოთ თანამედროვე ევროპული სახელოვნებო აკადემიების და იქ არსებული პედაგოგიური მიდგომების შესახებ.

ილუსტრატორები



ქეთი ქანთარია

ფილიპ როთი, ყველაზე ნაყოფიერი თანამედროვე რომანისტი, რომელმაც სამწერლო კარიერის დასაწყისში საკუთარ სასტესო ორგანოსთან და ფსიქოთერაპევტთან მონაცვლეობით გასაუბრებით ხალხი ცრემლებამდე აცინა და აბრაზა, რომელსაც სიმშვიდე არ უძებნია და მგონი მთელ დასავლურ ებრაულ ტრადიციას ნერვები უშალა, დღეს თვლის, რომ მოდუნების ხანა დაიმსახურა.

„ძალიან მალე მაინცდება რომანები, რომლებსაც ვწერ და მერე თავიდან მიხდება მათი ნაიკითხვა“, წერს ადამიანი, რომლის წიგნების დაიწყება უკვე შეუძლებელია და რომელმაც მსოფლიო ლიტერატურაში, ამერიკულზე რომ არაფერი ვთქვათ, თავისი დროის პირველ მწერალთა შორის დამკვიდრა ადგილი. არც თუ ისე დიდი ხნის წინ წერაზე საერთოდ არ უარი თქვა. ფილიპ როთი ორმოცდათხუთმეტი წლის განმავლობაში „იბრძოდა“, და ახლა, როცა 80 წლის გახდა, მოულოდნელად აღმოაჩინა, რომ წერის და მუშაობის გარდა, ცხოვრებაში სხვა სიამოვნებაც არსებობს, მოცალოებაში განმარტოების, დამსახურებული უსაქმურობის, თვლემის, მჭვრეტელობის და სეირნობის საათები. ოციოდე წლის წინ საშუალო განსასვენებლად ადგილის შერჩევაზე დაიწყო ფიქრი, მშვიდი და აუმღერეველი კლევა-ძიების მერე აირჩია: ბარდ კოლეჯი, ადგილი, სადაც ადრე სტუდენტებს ლექციას უკითხავდა, თან ნიუ-იორკთან ახლოსაა. იქ, ასე ეჩვენება, მზიარულად თუ არ იქნება, გარშემო სულ ადამიანები იქნებიან. ალბათ მხოლოდ ერთთულები გაიგებენ ამ კანონზომიერებას: რას ნიშნავს, როცა ცხოვრებას მუშაობაში გაატარებ, საკუთარ ხელობაში მწვერვალს მიაღწევ, „ღვანულმოსილების“ რეკორდს მოხსნი და არც ნალევლით, აღარც მზიარულებით, ჯერაც ჯანმრთელი და მხნე, მარადისობასთან ერთად დაიწყებ სუნთქვას.

დაუფარავად

მხოლოდ სილქნეტის
ინტერნეტ აბონენტებისთვის

ნოუთბუქები

უკრეცედენტოდ დაბალ ფასად!



~~699 ლარი~~

579 ლარი

დანაზომი: 120 ლარი


acer

~~640 ლარი~~

550 ლარი

დანაზომი: 90 ლარი

ASUS



- ყველა ნოუთბუქზე ვრცელდება 1-2 წლამდე გარანტია
- ისარგებლეთ სილქნეტის ანტივირუსით სპეციალურ ფასად

თქვენი უზრუნველყოფა
გადავსა "კამარა სისტემს"
აღ. ყაზბეგის გამზ. 19

თქვენი უზრუნველყოფა
გადავსა "ულტრა"
ღვინის აღმართი 23, აღ.ყაზბეგის.9



სად არის შენი ბედნიერება ნათელა? ამო ბეკ-ნაზაროვის ფილმი „ნათელა“ (1926)

ავტორი დავით ბუხრიძე

კინოს ისტორიამ ნატო ვაჩნაძის შესახებ მრავალი ლეგენდა შემოინახა. ერთ-ერთი მათგანი მოგვითხრობს, თუ როგორ აღმოაჩინა მოსკოვიდან ჩამოსულმა ახალგაზრდა რეჟისორმა და პროდიუსერმა ამო ბეკ-ნაზაროვმა (ნამდვილი სახელი და გვარია ამბარცუმ ნაზარიანი) ქართული მუნჯური კინოს ვარსკვლავი. 1923 წელს ფილმისთვის „მამის მკვლელები“ (ალექსანდრე ყაზბეგის ამავე სახელწოდების მოთხრობის მიხედვით), რეჟისორი ნუნუს როლის შემსრულებელს ეძებდა. თბილისში სეირნობისას შიხმანის ცნობილ ფოტოატელიეში ულამაზესი ახალგაზრდა ქალის ფოტო დაინახა და მაშინვე გადაწყვიტა, რომ სწორედ ასეთი გარეგნული მონაცემის ქალი სჭირდებოდა.

ბეკ-ნაზაროვი იმდენად იყო მოხიბლული, რომ გურჯაანში მცხოვრებ ახალგაზრდა ქალს თავად მიაკითხა. პრაგმატულად მოაზროვნე რეჟისორი მიხვდა, რომ ნატო ვაჩნაძის საოცარი სილამაზე და უშუალობა მის ფილმებს დიდ წარმატებას მოუტანდა. მართლაც, „მამის მკვლელების“ გამოსვლას მოსკოვში წინ უძღოდა ვრცელი სარეკლამო კამპანია „ნატო ვაჩნაძე – ქართველი ვერა ხოლოდნაია“, ხოლო მისი ფოტოების სერია მთელს საბჭოეთს მოედო.

უკვე ორ-სამ წელიწადში ნატო ვაჩნაძე ნამდვილი ვარსკვლავი გახდა, რომლის ეკრანზე გამოჩენას ფილმისთვის გარანტირებული წარმატება მოჰქონდა. 1926 წელს ბეკ-ნაზაროვი საკმაოდ რთულად გადასალებ ისტორიულ ბლოკბასტერს შეეჭიდა, რომლის სახელწოდებაც „ნათელა“. ფილმს საფუძვლად უდევს რეალური მოვლენები, კერძოდ, 1857 წელს სამეგრელოში მომხდარი გლეხთა აჯანყება, რომელსაც უტუ მიქავა ჩაუდგა სათავეში. ნატო ვაჩნაძეს პარტნიორობას აკაკი ხორავა (უტუ მიქავა), მიხეილ ჭიაურელი (ჯონდო, უტუ მიქავას მეგობარი), სანდრო ჟორჟოლიანი (ხითი, უტუ მიქავას შეგირდი), კოტე ანდრონიკაშვილი (ომარ ფაშა), დიმიტრი ყიფიანი (თავადი

ჩიჩუა), ალისა ქიქოძე (სიდუ, მიქავას სატრფო) უწევენ.

საკავშირო გაქირავებას ფილმმა დიდი შემოსავალი მოუტანა, რასაც რეჟისორი ბეკ-ნაზაროვი მთლიანად ნატო ვაჩნაძეს უმადლოდა. მოსკოვში „ნათელას“ ეკრანზე გამოსვლის წინ დაიბეჭდა და გაიყიდა ნატო ვაჩნაძის დაახლოებით 50 ათასი ფოტო! ეს წარმოუდგენელი ციფრია და მუნჯი კინოს არც ერთ მსახიობს საბჭოთა დროს მსგავსი წარმატება არ ჰქონია. მნიშვნელოვანია ისტორიული კონტექსტი, კერძოდ, რუსეთისა და ოსმალეთის ომი (1953-1856 წლები). ასევე გლეხთა აჯანყების თემა, რომელიც მთლიანად ნატურაზეა გადაღებული და ეფექტური ბატალური სცენებითაა გამყარებული.

წარმატებულად შეიძლება ჩაითვალოს მსახიობთა თამაშიც (ცხადია, იმდროინდელი კინოესთეტიკის გათვალისწინებით). აკაკი ხორავას შესრულებაში ჰეროიკული მანერა უკვე იგრძნობა, ხოლო ალექსანდრე ჟორჟოლიანი თავისი სახასიათო თუ კომიკური შტრიხებით ბურვილს უფრო მოგაგონებთ. უტყუარი სოციალური ალლოთი გამოირჩევა მიხეილ ჭიაურელის პერსონაჟი, ხოლო დედოფალ ეკატერინე დადიანის პატარა როლზე რეჟისორმა მართლაც თავადის ქალი, ელენე მაჩაბელი-ჩერქეზიშვილი მოიწვია.

ჰარამხანის სცენები, საგანგებოდ დადგმული ცეკვები თუ ეგზოტიკური აღმოსავლური ატმოსფერო უფრო მსოფლიო კინემატოგრაფიული მოდის გავლენით შეიძლება აიხსნას. ფილმის საკმაოდ ვრცელი ეპიზოდები – ნათელას გაყიდვა ომარ ფაშას ჰარამხანაში და ქალების გაქცევა უდაბნოში, გადაღებულია სამარყანდში. საინტერესოა დადიანების სასახლის ინტერიერიც. ერთი სიტყვით, ფილმში უამრავი საინტერესო ეპიზოდია, რომელიც მუნჯი კინოს ფარგლებს სცილდება.



საუკეთესო, რაც აღაშინას ქალუქს შექმნას, შეიძლება



“ავერსისთვის” ქველმოქმედება დაარსების დღიდან პრიორიტეტად იქცა. ამის გამო, კომპანიის დამფუძნებელმა საქველმოქმედო ფონდი შექმნა, რომელიც მუდმივად ეხმარება ბავშვთა სახლებს, მოსუცთა პანსიონატებს და ორგანიზაციებს, მონაწილეობას იღებს სხვადასხვა საქველმოქმედო აქციებში. “ავერსი” სასულიერო პირების, ქართველი ოლიმპიელებისა და ვეტერანი სპორტსმენების ჯანმრთელობაზეც ზრუნავს, თუმცა საზოგადოებისთვის და თავად “ავერსისთვის” გამორჩეულად მნიშვნელოვანი, ისევე და ისევე, მრავალშვილიანთა დახმარების პროგრამაა, რადგან მომავალი თაობა ყოველი ოჯახისთვის იმედი, ცხოვრების დედააზრი და უმთავრესი საზრუნავია.

საქველმოქმედო პროექტი “ავერსმა” იმ ოჯახების დახმარებლად წამოიწყო, რომლებიც ფინანსური სიდუხჭირის მიუხედავად შვილებზე უარს არ ამბობდნენ, თუმცა მრავალშვილიანთა დახმარების პროგრამა მხოლოდ ცალკეული ოჯახებისთვის განეული დახმარება არ გახლავთ; ის ყველაზე ეროვნული პროექტია, რომელიც ქვეყნის დემოგრაფიული მდგომარეობის გამოსწორებას, შვილიერების პოპულარიზაციას ისახავს მიზნად.

პროექტი “ავერსის” დამფუძნებლის ინიციატივით დაიწყო. პაატა კურტიანიძე თავადაც ექვსი შვილის მამაა და არაერთხელ უთქვამს, რომ შვილები მისთვის ყველაზე ძვირფასი განძია:

“ოჯახში სამი და-ძმა ვიზრდებოდი, ასე რომ, დედამიშვილობის ფასი ყოველთვის მესმოდა, თუმცა დაოჯახებამდე ნამდვილად არ მიფიქრია, რომ ექვსი შვილი მეყოლებოდა. არც მერე დამიგვემავს მრავალშვილიანობა, უბრალოდ, როდესაც ჩემი უფროსი შვილის თვალებში პირველად წაიკეთებ აზრი, იმდენად სასიამოვნო იყო ამის დანახვა და შეგრძნება, იმდენად საოცარი ემოცია გამიჩნდა, რომ მივხვდი: საუკეთესო, რაც აღაშინას ქალუქს შექმნას, არც ფირმაა, არც ხარისხის დაცვა ან რაიმე სხვა მატერიალური ფასეულობა - ეს არის შვილი. აქედან გამომდინარე, მივხვდი, რომ რაც უფრო მეტი შვილი მეყოლებოდა, მით უკეთესი იქნებოდა ჩემთვისაც, ჩემი ოჯახისთვისაც და ქვეყნისთვისაც.

რა უპირატესობა აქვს მრავალშვილიან ოჯახს სხვებთან შედარებით?

- ვფიქრობ, რომ როცა ოჯახში ბევრი ბავშვია, უფრო მეტად სწავლობენ სიყვარულს, მზრუნველობას და ერთმანეთის მხარდაჭერას, ოჯახიც უფრო ძლიერია, შვილებიც უფრო მყარად დაგს ფეხზე, რადგან დედამიშვილების იმედი და თანადგომა აქვს. თუმცა მიმაჩნია, რომ მხოლოდ რაოდენობა არ არის მნიშვნელოვანი; მთავარია, როგორ აღაშინას დაიზრდებიან, როგორ პიროვნებებად ჩამოყალიბდებიან, რა გზას დაადგებიან... ამიტომ მრავალშვილიანობა ძალიან საპასუხისმგებლოა, არც ერთ შვილს არ უნდა მოაკლო ყურადღება, სიყვარული... ამას კი უდიდესი ძალისხმევა, ენერჯია და მონდომება სჭირდება.

როგორი მამა ხართ?

- ამას, ალბათ, მომავალი უკეთ გვიჩვენებს, თუმცა დიდი სურვილი მაქვს, შვილების აღზრდაში საკუთარი წვლილი შევიტანო. ვცდილობ, ყოველ საღამოს გამოვწახო დრო მათთან ურთიერთობისთვის, ვეკითხები, როგორ ჩაიარა დღემ სკოლაში, ვამონებ, როგორ არიან მომზადებულები მომდევნო დღისთვის. კვირა დღესაც ოჯახთან ერთად ვატარებ, თუმცა ბავშვების აღზრდით უმთავრესად მაინც ჩემი მუღუღლეა დაკავებული.

- “ავერსი” მრავალშვილიან ოჯახებს ეხმარება. გვესაუბრეთ, პროექტის შესახებ რომელიც საზოგადოებაში ასეთი

პოპულარობით სარგებლობს

- დემოგრაფიული პრობლემა დღეს ძალზე აქტუალურია. საქართველოსთვის - მცირერიცხოვანი, თანაც კლებადი ერი ვართ ამიტომ მიმაჩნია, რომ ყველა ოჯახმა უნდა გაიაზროს ეს პრობლემა და რაც შეიძლება მეტი შვილი გაუზარდოს ქვეყანას. ექვსი შვილი მაყვს და კარგად მესმის, ბავშვების აღზრდა დიდ ბედნიერებასთან ერთად რამდენა პასუხისმგებლობაა. ჩავთვალავ, რომ შემდეგ სხვა მრავალშვილიანი ოჯახების მატერიალური და მორალური მხარდაჭერაც. სწორედ ამიტომ დაიწყო “ავერსის” მუდმივმოქმედ პროექტი, რომელიც კვლავაც წარმატებით გრძელდება. ამასთანავე მინდა აღვნიშნო, რომ მრავალშვილიანთა დახმარების პროგრამა არ გულისხმობს მხოლოდ მატერიალურ დახმარებას - ბევრი ასეთი ოჯახისგან მსმენია, რომ მათთვის მორალური თანადგომა უფრო მნიშვნელოვანია, ვიდრე ფინანსური; როდესაც ვილატ მადლობას ეუბნება, რომ ქვეყანას მომავალ თაობას უზრდინ, ეს გაცილებით ღირებული რამაა მათთვის.

მართლაც, მრავალშვილიან ოჯახებს თანადგომა და დაფასება სჭირდებათ, რადგან ასეთი ოჯახები ქვეყნის სიძლიერეა, სწორედ აქ უზრდება ქვეყანას დამცველები და მომავალი დიდებულნი...

დასაუბრეთ ოჯახებს, რომლებმაც “ავერსის” მრავალშვილიანთა დახმარების პროექტში მონაწილეობა მიიღეს. ყოველი მათგანს აღნიშნავს, რომ “ავერსის” მხრიდან ყურადღება და დაფასება მათთვის შეუფასებლად დიდი თანადგომაა:

თოფურიძეების ოჯახში დღეს 5 ბავშვი იზრდება. როგორც ოჯახის დიასახლისმა, ქალბატონმა ვერა აღნიშნა, “ავერსი” ერთადერთი კომპანიაა, რომელიც ეროვნულ საქმეს ასე უანგაროდ ემსახურება:

- “მრავალშვილიანი ოჯახები მომრავლდნენ - დღეს უკვე აღარავი უკვირს ოჯახში თუ 5-6 ბავშვი იზრდება... სასიამოვნოა, რომ მათ ისეთი ძლიერი და ეროვნული ინტერესების მქონე კომპანია უდგას მხარში, როგორცაა “ავერსი”. მრავალშვილიანთა დახმარების პროგრამით ის უამრავ გაჭირვებულ ოჯახს უმართავს ხელს ამასთანავე სხვებსაც შეახსენებს, რომ ბევრი შვილის ყოლა საამაყოა რაც დიდია ოჯახი, მით დიდია იმედი მშობლებისთვისაც და ქვეყნისთვისაც”.

5 ბავშვის მშობლები არიან ზაზა და ხატია **თურმანიძეები**, როგორც მათ აღნიშნეს, “ავერსისგან” მატერიალურ თანადგომაზე მეტად მორალური მხარდაჭერა ახარებთ:

- სასიხარულოა, რომ “ავერსისთვის” ერთ-ერთი პრიორიტეტად სწორედ მრავალშვილიანი ოჯახების დახმარებაა, ეს იმას ნიშნავს, რომ ბატონი პაატა ქვეყნის ინტერესების დამცველი და მატერიალური პირველად “ავერსის” დახმარება მაშინ მივიღეთ, როცა მეხუთე შვილ შეგვეძინა, მას შემდეგ ყოველ მომდევნო ბავშვის დაბადებაზე სოლიდურ თანხას გვჭრუნებდა, ნაბოლარა ანდრია რომ შეგვეძინა მოვლის საშუალებებით დაგვესაჩუქრეს. ძალიან სასიამოვნოა, რომ “ავერსი” მრავალშვილიან ოჯახებზე ასე ზრუნავს. როგორც ვიცი, ი ერთადერთია, რომელიც მსგავს პროექტს ახორციელებს” - აღნიშნა ზაზამ

ქვეყანაში არც თუ სახარბიერლო სოციალურ-ეკონომიკურ პრობლემების მიუხედავად ბოლო ხუთი წლის მანძილზე მრავალშვილიანი ოჯახები მომრავლდნენ, თუმცა დემოგრაფიულ მდგომარეობა ჯერ კიდევ საგანგაშოა. ამის გათვალისწინებით, კიდ უფრო მნიშვნელოვანია ის პროექტი, რომელიც “ავერსის” ინიციატივით წამოიწყო და დღემდე წარმატებით გრძელდება.

ავერსი ბისურვებთ ჯანმრთელობას და გამრავლებას!

☎ 2-911-072; 2-967-227

www.aversi.ge

10 მნიშვნელოვანი მოვლენა, რომელიც არ უნდა გამოტოვოთ

ავტორი სალომე აფხაზიშვილი

ფესტივალი



„კვლევა-ძიების 125 წელი“, National Geographic

როდის: 4.05

სად: თბილისის ისტორიის მუზეუმი ქარვასლა

გახსნის დრო: 18:00

მისამართი: სიონის ქ. №8

პროფესიონალი ფოტორეპორტიორების თვალთ დანახული უცნობი სამყარო – ცხოვრება წყალქვეშ, ექსტრემალურ პირობებში ჩატარებული სამეცნიერო-კვლევითი ექსპედიციები, იშვიათი ფლორა და ფაუნა, ისტორიის ხანგრძლივი და საფუძვლიანი კვლევა – ეს ის ძირითადი საკითხებია, რომელსაც National Geographic-ი თავის მსოფლიო აუდიტორიას სთავაზობს. „ქოლგა თბილისი ფოტოს“ ფარგლებში დაგეგმილი გამოფენა დამთვალიერებელს იმ კვლევა-ძიების ამსახველ უნიკალურ ფოტოებს სთავაზობს, რომელიც 125-წლიანი კვლევა-ძიების შედეგია. ამერიკის ეროვნული გეოგრაფიული საზოგადოების დაარსებიდან 125 წელს, National Geographic მასშტაბური გამოფენებით აღნიშნავს. საქართველო მათ შორის ერთ-ერთია.

ფოტოგრაფიის დღეები თბილისში

ქოლგა თბილისი ფოტო

როდის: 1.05 -7.05

მაისის დასაწყისში ფოტოგრაფიის თემით დაინტერესებულ ადამიანებს მნიშვნელოვანი ღონისძიებები ელით. ფოტოკონკურსში გამარჯვებული ფოტო-ნამუშევრების გამოფენის გარდა, თბილისის საგამოფენო თუ სხვადასხვა არტ-სივრცეები არაერთი გამოცდილი უცხოელი და ქართველი ფოტოგრაფების ინდივიდუალურ და ჯგუფურ გამოფენებსაც დაეთმობა. ბოლო პერიოდში ჩატარებული რებრენდინგის შედეგად, წლევანდელ ფესტივალზე მრავლად იქნება წარმოდგენილი საგანმანათლებლო ღონისძიებებიც: ვორკ-შოუები, სემინარები, პორტფოლიოების განხილვა და დისკუსიები. „ქოლგა თბილისი ფოტოს“ ფარგლებში ასევე წარმოდგენილი იქნება იმ ქართველი ფოტოგრაფების რჩეული ნამუშევრები, რომელთაც ქართული ფოტო-ხელოვნების განვითარებაში შეტანილი განსაკუთრებული წვლილისთვის აღექსანდრე როინაშვილის ტრადიციული პრიზი გადაეცემათ.



„ცხოვრების კადრები“, ბენდიქტ ჯ. ფერნანდესი (აშშ)

კურატორი – თინა შელპორნი

როდის: 3.05

სად: ზურაბ წერეთლის თანამედროვე ხელოვნების მუზეუმი

მისამართი: რუსთაველის გამზ. №27
გახსნის დრო: 20:00

ბენდიქტ ჯ. ფერნანდესის ფოტოგრაფიები ქუჩასთან არის დაკავშირებული. 1960-იან წლებში ნიუ-იორკის ქუჩებში აღბეჭდილი კადრებით, ის სწორედ ქუჩის ფოტოგრაფად ჩა-


მოყალიბდა. ფერნანდესის სახელს უკავშირდება მარტინ ლუთერ კინგის ცხოვრების ამსახველი უამრავი დოკუმენტური კადრის, ასევე ამერიკაში 60-იან წლებში განვითარებული ქუჩის პროტესტის ამსახველი ფოტოების არსებობა.

Perwoll

Brilliant Black

ახალივითაა

შავი ფერის
აღდგენის უფაქტი



ბრწყინვალე შავი
ისევ ახალივითაა!

თხევადი საჩუქები საშუალებას

ახალი ღვინის ფესტივალი



როდის: 11.05

სად: თბილისის ეთნოგრაფიული მუზეუმი

მისამართი: კუს ტბის ასახვევი

თუ მაისი ჯერ არ დაგიგეგმავთ, თუმცა ხვდებით, რომ გაზაფხულის მიწურულს ერთი-ორი გამამახინგებელი და ხალხმრავალი ღონისძიება არ განწყენდათ, აუცილებლად მონიშნეთ თქვენს კალენდარში მაისის მეორე შაბათი. 11 მაისს ქართული ღვინის მოყვარულებს ღვინის დღესასწაული გელით; ფესტივალი, რომელიც, „ღვინის კლუბის“ ინიციატივითა და ორგანიზებით, წელს უკვე მეოთხედ ტარდება და ათასობით სტუმარს მასპინძლობს. ფესტივალის მიზანია სწორედ ესაა – ქართული ღვინის ცნობადობისა და კულტურის ამაღლება.

„ახალი ღვინის ფესტივალი“ ერთადერთი ღონისძიებაა, სადაც ღვინის დიდი სანარმოებით დაწყებული, გლეხით დამთავრებული, ყველას ეძლევა მონაწილეობის საშუალება. წელსაც, საქართველოში არსებული ათობით მსხვილი ღვინის კომპანია და, ბოლო პერიოდში, სულ უფრო გააქტიურებული ოჯახური მარნები, სტუმრებს ახალ, 2012 წლის მოსავლიდან დაყენებულ ღვინოებს გაცნობენ.

ფესტივალზე დასწრება იმითაც საინტერესოა, რომ უკვე ნაცნობი საღვინე ვახის ჯიშების გარდა, აქამდე უცნობ, იშვიათი სახეობის და ახალ ღვინოებსაც დააგემოვნებთ. ღვინის გაცნობის სურვილს ის გარემოც შეეგქმნით, რომელიც ღია ცის ქვეშ, თბილისის ეთნოგრაფიულ მუზეუმში დაგხვდებათ – ფოლკლორული ანსამბლების გამოსვლა, ქართული კერძები, ღვინის სუვენირების გამოფენა და, რაც მთავარია – საუკეთესო საშუალება იმისთვის, რომ ღია ცის ქვეშ სანიათროვნო უიკ-ენდი გაატაროთ.

ფესტივალზე დასწრება იმითაც საინტერესოა, რომ უკვე ნაცნობი საღვინე ვახის ჯიშების გარდა, აქამდე უცნობ, იშვიათი სახეობის და ახალ ღვინოებსაც დააგემოვნებთ. ღვინის გაცნობის სურვილს ის გარემოც შეეგქმნით, რომელიც ღია ცის ქვეშ, თბილისის ეთნოგრაფიულ მუზეუმში დაგხვდებათ – ფოლკლორული ანსამბლების გამოსვლა, ქართული კერძები, ღვინის სუვენირების გამოფენა და, რაც მთავარია – საუკეთესო საშუალება იმისთვის, რომ ღია ცის ქვეშ სანიათროვნო უიკ-ენდი გაატაროთ.

თბილისის წიგნის XV საერთაშორისო ფესტივალი



როდის: 23.05 – 26.05

სად: საგამოფენო ცენტრი „ექსპო-ჯორჯია“, მე-11 პავილიონი
მისამართი: ნერეთლის გამზ. №118

მაისის ბოლოს წიგნის მოყვარულებს წლის ყველაზე მასშტაბური ლიტერატურული ღონისძიება ელით. საქართველოს წიგნის გამომცემელთა და გამავრცელებელთა ასოციაციის ორგანიზებით, თბილისის წიგნის მე-15 საერთაშორისო ფესტივალი, წინა წლების მსგავსად უამრავ საინტერესო ღონისძიებას უმასპინძლებს: გაიმართება შეხვედრები ქართველ მწერლებთან და მთარგმნელებთან, წიგნის პრეზენტაციები და ბევრი სხვა საინტერესო ღონისძიება, რომლის შესახებაც, მოგვიანებით ფესტივალის ფეისბუქის გვერდიდან შეიტყობთ. ფესტივალის ერთ-ერთი ყველაზე სასიამოვნო ტრადიცია, რა თქმა უნდა, წელსაც გაგრძელდება, რომლის მიხედვითაც, მკითხველებს საშუალება ექნებათ სასურველი წიგნები რამდენიმე პროცენტით ფასდაკლებით შეიძინონ. მათ წინაშე წლევანდელ წიგნის ფესტივალზე 70-მდე გამომცემლობა და წიგნის გამავრცელებელი კომპანია წარსდგება.

კონფერენცია

საერთაშორისო კონფერენციების ციკლი „კავკასიიდან ოსმალეთის ჰარამხანაბში. დამონებული ქალაქის ბედი ოცნებებსა და რეალობას შორის“.

როდის: 2.05

სად: საქართველოს ეროვნული მუზეუმის აუდიტორია
დასაწყისი: 18.00

მისამართი: ა.ფურცელაძის ქ. №1

კონფერენცია ჩატარდება ფრანგულ ენაზე ქართული სინქრონული თარგმანით

საქართველოს ფრანგული ინსტიტუტი, საზოგადოების კვლევის ცენტრთან და საქართველოს ეროვნულ მუზეუმთან თანამშრომლობით საერთაშორისო კონფერენცი-

ის ციკლს („კავკასიური სივრცე-მუდმივობა და ევოლუციები“) მასპინძლობს. 2 მაისს, კონფერენციის მომხსენებელი სოციალური მეცნიერებების პარიზის უმაღლესი სკოლისა და აღმოსავლეთის კვლევების ინსტიტუტის წარმომადგენელი ჟულიეტ დიუმა იქნება, რომელიც საქართველოს ეროვნული მუზეუმის აუდიტორიაში ოსმალურ ჰარამხანაბში მოხვედრილი კავკასიელი ქალების ცხოვრების ამბებსა და მათ ოცნებებზე ისაუბრებს. ჟულიეტ დიუმა ოსმალეთის ისტორიის დოქტორია და ამჟამად სტამბოლის ანატოლიის კვლევების ფრანგულ ინსტიტუტში მოღვაწეობს. „სილამაზით განთქმული კავკასიელი ქალიშვილები ხშირად ხვდებოდნენ ოსმალურ ჰარამხანაბში. დასავლეთის ხალხები ქალები-

თა და საჭურისებით დასახლებულმა ჰარამხანამ მიიზიდა თავისი ეგზოტიკური ცხოვრების წესით. ეროტიკული ასოციაციებით გაჯერებული ამ მითების მიღმა კი, ჰარამხანა პირველ რიგში მკაცრი აღზრდისა და სოციალური წინსვლის ადგილია, ძალაუფლების არენა და ინტრიგებისა და დაპირისპირებების სამყარო. ჩვენ მივყვებით მოვაჭრეთათვის მონად მიყვდილი კავკასიელი ახალგაზრდა ქალების ისტორიას. ოსმალეთის სასახლეების კარები იღებოდა ამ მზეთუნახავების წინაშე, ხოლო მათ შორის ყველაზე იღვლიანები სულთნის ხასები ხვდებოდნენ იმ იმედით, რომ ერთ დღეს მომავალი სუვერენის დედობა მათ დედოფლობამდე მიიყვანდა“ – აღნიშნულია საკონფერენციო თემის ანოტაციაში.

იგივენი მომავალი



საქართველოს ბანკი
BANK OF GEORGIA
საქართველო

EXPRESS PAY

EXPRESS BONUS


EXPRESS ONLINE

საჩუქრად



საქართველოს ბანკი
BANK OF GEORGIA

EXPRESS PAY



EXPRESS CARD

5488

VALID THRU



1 წელი გარანტიის საკომისიოს გადახდის გარეშე

შეარაბეთ,

1 ივნისამდე ეწვიეთ საქართველოს ბანკის

ნებისმიერ სერვისცენტრს

და მიიღეთ საჩუქრად EXPRESS CARD-ი!



გამოფენა

**ეთერ (ეთო) თედიაშვილის
პერსონალური გამოფენა**



როდის: 7.05 – 18.05

სად: გალერეა „ვანდა“

მისამართი: დ. ჭონქაძის ქ. №14

გახსნა: 19:00

გერმანიაში მცხოვრები ხელოვანის, ეთერ (ეთო) თედიაშვილის პერსონალურ გამოფენას გალერეა „ვანდა“ უმასპინძლებს. გამომწვარ მინაზე თხევადი საღებავებით შესრულებული ნამუშევრების რეტროსპექტივა 40-მდე ნამუშევარს აერთიანებს. მის მიერ შესრულებული ავანგარდული კომპოზიციები, ძირითადად აბსტრაქციებს, პორტრეტებსა და გრაფიკულ ელემენტებს აერთიანებს. გერმანიაში მისი შემოქმედებითი საქმიანობა ვიტრაჟების მოხატვასა და გამოყენებითი ნივთების დიზაინს უკავშირდება. ორწლიანი პაუზის შემდეგ, ქართველი ემიგრანტი პერსონალურ გამოფენას საკუთარ ქვეყანაში გამართავს.

**ვლადიმერ კანდელაკის
პერსონალური გამოფენა**

როდის: 26.04 – 12.05

სად: შალვა ამირანაშვილის სახელობის ხელოვნების მუზეუმი

მისამართი: ლადო გუდიაშვილის ქ. №11

ვლადიმერ კანდელაკის ნამუშევრები მისივე რთული და წინააღმდეგობებით აღსავსე ხასიათის თვისებებს ავლენს, რაც პირველ რიგში პლასტიკისა და დინამიკის, რეალურობისა და ირეალურობის სინთეზში ვლინდება. მხატვარი, ბოლო წლებში შექმნილ თავის ასამდე გრაფიკულ და ფერწერულ ნამუშევარს, შალვა ამირანაშვილის სახელობის ხელოვნების მუზეუმში 12 მაისამდე გამოფენს.

„სიმულტანისტური ბუტიკი“

როდის: 8.05

სად: გამრეკელი-გალერეა

დასაწყისი: 19:00

მისამართი: ინგოროყვას ქ. №14

„სიმულტანისტური ბუტიკი“ მულტიმედია პროექტია, რომელშიც მონაწილეობას ახალგაზრდა მხატვრები – ანდრია დოლიძე და კოტე კაკაბაძე იღებენ. მულტიმედია ხასიათის გამოფენის ინსპირაცია ცნობილი ფრანგი მხატვარ-ექსპერიმენტატორის, სონია დელონის შემოქმედებამ განაპირობა, რის შემდეგაც ქართველმა არტისტებმა ამ იდეის გარშემო ერთმანეთისგან დამოუკიდებლად იმუშავეს. ფერწერული ტილოები, ვიდეო-პროექციები და „ტიუნინგის“ ტექნოლოგიით შესრულებული ობიექტი „სიმულტანისტური ბუტიკის“ ქართველი წარმომადგენლების ხედვას გაგვაცნობს.

**ანტონ ბალანჩივაძის
პერსონალური გამოფენა**

როდის: 28.04 – 08.05

სად: ბაია-გალერეა

მისამართი: შარდენის ქ. №10

თითქმის ათწლიანი პაუზის შემდეგ, საფრანგეთში მოღვაწე ქართველი მხატვარი ანტონ ბალანჩივაძე ბოლო წლებში შექმნილ ფერწერულ ნამუშევრებს ქართველ დამთვალიერებელს წარუდგენს. უჩვეულო გულწრფელობით, სისადავითა და გულუბრყვილობით გამორჩეული გმირები, რომლებიც მხატვარის ფერად სამყაროში ცხოვრობენ, ორი კვირის განმავლობაში „ბაია-გალერეაში“ გადმოინაცვლებენ.



**შპველესი ეგვიპტური მეთოდით შექმნილი სამკაულების
გამოფენა-გაყიდვა**

როდის: 11.05 – 12.05

სად: ბაია-გალერეა

მისამართი: შარდენის ქ. №10



მაისის შუა რიცხვებში „ბაია-გალერეა“ ანი დოგრიშვილის ხელნაკეთი ნივთების პერსონალურ გამოფენა-გაყიდვას უმასპინძლებს. თვითნასწავლი ხელოვანი ხელნაკეთი აქსესუარების შესაქმნელად უძველეს ეგვიპტურ ტექნოლოგიას – მაკრამეს იყენებს, რომელიც საქართველოში თითქმის უცნობია. ამ მეთოდს ეგვიპტელები სხვადასხვა მიზნით იყენებდნენ – ამზადებდნენ სათევზაო ბადეებს და ასევე ქმნიდნენ დეკორატიული პანოებს. ხელოვნური, დამუშავებული თოკებით შექმნილი ფერადი და საუცხოო ნივთების დათვალიერება და შექენა მსურველებს მხოლოდ ორი დღით – 11 და 12 მაისს შეეძლება.

ამდირებს თქვენს ბუნებრივ სილამაზას



მე 3ნი ბანსახუთხაბუდი



მარცის სპეციალური დრაჟე
გლუვი ხანი, მზინარა თმა

ენიხალური ჯობინათა
და მბიბა ფრჩხილბი

დამბალბული მარბანბუბი
www.merz-spezial.com



ABC PHARMACIA
ერბიტი ფარბატი
www.abc-pharm.com



გამოყენების წინ გავანთი ინსტრუქციას. შეუბახის უკუწუნებისა და გეჭიტი მოვლენების შესახებ. დეალუი ინფორმაციის მისაღებე მიმართი უქმს.



IRON MAN 3 / რკინის კაცი 3 3D

რეჟისორი შინ ბლევი

როლებში რობერტ დაუნი უმცროსი, გვინეტ პელტროუ, ბენ კინგსლი...

ჟანრი ფანტასტიკა, მძაფრსიუჟეტოანი

მესამე ნაწილში რკინის კაცს მოუწევს დაუპირისპირდეს მოწინააღმდეგეს, რომლის ძალაუფლებასაც საზღვრები არ აქვს. როდესაც მტერი ანადგურებს ყველაფერს, რაც ეკუთვნის სტარკს, ის გაემგზავრება დამნაშავეის საპოვნელად. მოგზაურობა მისთვის იქცევა გამოცდად. ყოველგვარი დახმარების გარეშე დარჩენილ ტონი სტარკს მოუწევს დაეყრდნოს მხოლოდ თავის ინსტინქტს, გამომგონებლობის გენიალურ ნიჭსა და, რა თქმა უნდა, თავის მექანიკურ ქმნილებებს, რომ დაიცვას მისთვის ძვირფასი ადამიანები და გადაირჩინოს თავი.



STAR TREK INTO DARKNESS 3D

რეჟისორი ჯეი ჯეი აბრამსი

როლებში კრის პაინი, ზაკარი კუინტო, ზოი სალდანა

ჟანრი მძაფრსიუჟეტოანი, სათავგადასავლო, ფანტასტიკა

დედამიწაზე დაბრუნების შემდეგ, ხომალდ „ენტერპრაიზის“ გუნდი ამჩნევს, რომ მათი ორგანიზაციის საქმიანობა და პრინციპები შიგნიდან იხრჩნება. ფლოტი შებოჭილია გაუამრებლობის შიშით და უმოქმედობით. მსოფლიო კი ნელ-ნელა მიექანება წყვილიადისაკენ. ვაპიტანი ვირკი თავის თავზე იღებს ვალდებულებას ებრძოდეს დასადგურებულ ქაოსს და ბოროტებას.



FAST AND FURIOUS 6

რეჟისორი ჯასტინ ლინი

როლებში ვინ დიზელი, პოლ უოკერი, ჯეისონ სტეიტემი

ჟანრი კრიმინალური, დრამა, თრილერი

მას შემდეგ, რაც ლინი და ბრაინი იყვნენ რიოში და გაძარცვეს ერთი ძღვევამოსილი დამნაშავე, ისინი და მათი ჯგუფი დაიშალნენ მთელ მსოფლიოში. მათ, რაღა თქმა უნდა, გაინაწილეს 100 მილიონი დოლარი და ყველაფერი დაიწყო თავიდან, მაგრამ, სამწუხაროდ, მათ არ შეეძლოთ მშობლიურ ადგილებში დაბრინება ...



THE GREAT GATSBY

რეჟისორი ბაზ ლურმანი

როლებში ლეონარდო დი კაპრიო, ტობი მაგუაერი, კერი მალიგანი

ჟანრი დრამა, მელოდრამა

ფილმში მოქმედება მეოცე საუკუნის ოცინი წლების ნიუ-იორკში ვითარდება. ის გამოუცნობი მილიონერის დრამატულ ცხოვრებაზე, წარმატებასა და სიყვარულის ისტორიასზე მოგვითხრობს.



რა მოხდა კიკვბი

რეჟისორი ირაკლი ჩხიკვაძე

როლებში მერაბ ჭიქაშვილი, თორნიკე გოგრიჭიანი, გიორგი ლორია, სანდრო გაბილაია

ჟანრი კომედია

ოთხი მეგობარი უიქენდის გასატარებლად გუდაურში წასვლას გადაწყვეტს, თუმცა ერთი შეხედვით ჩვეულებრივი დროსტარება, უცნაურ და დაუვიწყარ თავგადასავლად შემოუტრიალდებათ. მეგობრები მეორე დღეს იღვიძებენ კიევში და ვერაფრით იხსენებენ, რა მოხდა წინა ღამით. მათი ცხოვრება დანგრევის პირასაა, რადგან მათ დაკარგეს ბავშვობის მეგობარი და საქართველოს ნაკრების მეკარე - გიორგი ლორია, რომელსაც რამდენიმე საათში უმნიშვნელოვანესი თამაში აქვს ეროვნულ ნაკრებში.

FROM BAZ LUHRMANN, THE DIRECTOR OF ROMEO + JULIET AND MOULIN ROUGE

LEONARDO
D. CAPRIO

TOBEY
MAGUIRE

CAREY
MULLIGAN

JOEL
EDGERTON

საინტელექტუალური
სამედიის კომპანია



THE GREAT GATSBY



რაო და „ანტრეს“ არასამარხოვო ვნებანიო...

იაფი ლობიანი გადარბენაზე თუ ძვირი ფრეში კარგი

ფილტვოფოსის თანხლებით?

ავტორი კოლია ფხალაძე



შენ ძალიანაც რომ გრძობდე, სხვები მაინც ვერ ამჩნევენ... თუ, რასაკვირველია, თავადაც არ გასინჯეს. „ანტრეს“ ქსელში გამეფებულ სიამტკბილობაზედ მოგახსენებთ, რომელიც უკვე დიდი ხანია ფრანგული პურ-ფუნთუშეულისა და საკონდიტრო ნაწარმის ლიდერია მშობლიურ ქვეყანაში და მის გარეთაც.

საქართველოს დედაქალაქში დახვეწილი ცხოზა-ქმნადობის ხელოვნება ფრანგმა კულინარებმა 2008 წლის ნოემბრიდან დაიწყეს, როცა თბილისში პირველი „ანტრეს“ გაიხსნა. გადატანილი ომის დეპრესიული დროიდან მოყოლებული, ყური ნელ-ნელა ეჩვეოდა უჩვეულოდ მჟღერი ფრანგული

თანხმონებით წარმოთქმული ტკბილეულობისა თუ ნამცხვრების სახელწოდებებს: „ტარტი, პენ ო' შოკოლა“, „კრუსასანი“, „მაფინი“, „ორანე“... და კიდევ უამრავ სხვას, რომელთა წარმოთქმასაც გაცილებით დახვეწილი პრონონსი ჭირდება.

ევროპიელობა რომ ხარისხიანი კაფეების რაოდენობითაც იზომება, ჩემზე უკეთ ყოფილმა მდგრადმა ეკონომისტმა, მშვენიერმა ვერა ქობალიამ უწყის, რომელმაც თბილისში 2012 წელს მარჯანიშვილის მოედანზე „ანტრეს“ ქსელის რიგით მეექვსე კაფე გახსნა. სხვათა შორის, საფრანგეთის სრულყოფილებიან ელჩთან, რენო სალენსთან ერთად, და არც მიკვირს.


ფრანგულად ხომ სახელმწიფო ლამის კულინარიასაც ნიშნავს. დღეს ჩვენს დედაქალაქში გაბნეული გემრიელი ექვსეულის, ანუ „ანტრეს“ მისამართები ასეთია:

1. აბაშიძის და თაქთაქიშვილის კუთხე (აბაშიძის 13);
2. ჭავჭავაძის გამზირი N78;
3. პეტრიაშვილის ქუჩა N19;
4. რუსთაველის გამზირი N20;
5. გამსახურდიას გამზირი N7;
6. აღმაშებებლის გამზირი N86.

ფრანგული საკონდიტრო ნაწარმის პრემიუმ-კლასის შემოწმება მაინც რუსთაველზე მდებარე კაფედან დაიწყე. სპეციალური რეცეპტებით დამზადებული პურ-ფუნთუშეულის

FIRST DRUG STORE IN GEORGIA

სითი ფარმა



CITY PHARMA

დიღის მასივი III სართალი
საბურთალოს 32
ნარეთლის 11
ახსტაპს 75



იმერჯეანა სითი ფარმაში

რესტორნის კრიზისი

რაოდენობა იქ შთამბეჭდავია, თუმცა შთამბეჭდავია ფასებიც. საშუალო ზომის ბაგეტი „ანტრე“ – 1,5 ლარი, „პარიზული“ – 1,5 ლარი, მარცვლეულის ბაგეტი – 2 ლარი, ძალიან გემრიელია ჭვავის პური (ასევე 2 ლარი), რომელიც საკმაოდ პატარაა და ახალი თონის პურივით სწრაფად შემოგეჭმებათ.

საუზმის დრო 8 სათიდან 12 საათამდეა. მსუბუქი საუზმის მენიუ 5 ლარიდან იწყება, რაც მხოლოდ ესპრესოსა და კრუსანს გულისხმობს. „ანტრე“ – 10 ლარი და ის გაცილებით შთამბეჭდავია (ლორის ნაჭერი, ყველი, მწვანე სალათი, პურის ნაჭერი, პატარა იოგურტი და რძიანი ყავა). ცხადია, მენიუშია საფირმო „კონტინენტალიც“. 15 ლარად ომლეტის, ლორის, ყველის ნაჭრის, მწვანე სალათის, პომიდვრის, თეთრი პურის, კარაქის, მარწყვის იოგურტის, რძიანი ყავის, მინი „პენ-შოკოლას“ და ფორთოხლის წველის დაგემოვნება შეიძლება. შთამბეჭდავი სიის მიუხედავად, ეს ყველაფერი ზომიერად მკვებავ ადამიანსაც კი შეიძლება მიინატურულად მოეჩვენოს.

რუსთაველზე მდებარე „ანტრეში“ საყვარელი კაპუჩინო გაესინჯე, პლუს საფირმო „პენ შოკოლა“ და შოკოლადის კრუსანის. ეს ყველაფერი 11 ლარად. თავად განსაჯეთ, ცოტაა თუ ბევრი. ყავა ნორმალურია, ყოველ შემთხვევაში უცხოეთში, საფირმო კაფეების („კარასი“ და „ბალზაკ კაფე“) კაპუჩინოზე უარესი არ არის. საფირმო კრუსანის გემრიელია, მაგრამ საკმაოდ პატარაც. „პენ შოკოლა“ არც ისე შთამბეჭდავია, როგორც წარმომედგინა. „კულინარიული ბაროკოს“ ნიმუშია „შანტალი“ (6,5 ლარი) შოკოლადის მუსით და კრემით, ასევე „გილფეი“ (4,5 ლარი) შოკოლადით, კრემითა და ხილით.

სანიმუშო რეკლამას უწევენ ახალ ნამცხვრებსაც, მაგალითად, „ამელის“, რომელიც 5 ლარი ღირს. ის მშვენივრად გამოიყურება, მსუბუქია, არაკალორიული და სწრაფად შეჭმადი. კლასიკური ნამცხვრის მოყვარულთა ალბათ ხილის ტარტები უფრო მოეწონებათ, გარგარით, ანანასით და ვაშლით (4-4,5 ლარი). ჩემი დაკვირვებით, ყველა ზემოხსენებულ საკონდიტრო

ნახევარმედვერს ქართველი გურმანი გაცილებით უფრო სწრაფად „აითვისებს“, ვიდრე დეიდა ბელას საფირმო ტორტის თუნდაც ერთ, საშუალო ზომის ნაჭერს. მაგრამ ბელას ტორტი სრულიად სხვა „ოპერის“ თემაა...

რუსთაველზე მდებარე „ანტრეში“ მრავლად დადიან თბილისში მომუშავე უცხოელები (მიუხედავად იმისა, რომ ახლოა მოდური „პროსპერო“, სადაც მათ ჩამოჯდომა, ყავის სმა და წიგნის კითხვა უყვართ). ასევე, საშუალოდ



**ფრანგული
საკონდიტრო
ნანარმის პრემიუ-
კლასის შემოწმება
მაინც რუსთაველზე
მდებარე კაფედან
დავიწყე. სპეციალური
რეცეპტებით
დამზადებული კურ-
ფუნტუშეულის
რაოდენობა იმ
შთამბეჭდავი,
თუმცა შთამბეჭდავი
ფასებით.**

კარგი ხელფასებით უზრუნველყოფილი ქართველები, ტურისტები და ნაწილობრივ არტისტული ბომონდიც. მაგალითად, დავლანდე ჯგუფურად მოსაუზმე ეროვნული კინოცენტრის თანამშრომლები, მოგვიანებით შემოვიდნენ აკადემიის სტუდენტებიც. დახლოებით ოცი მაგიდის ორი მესამედი საესე იყო და როგორც მთავარი მე-

ნეჯერი ამბობს, „მთელი დღის განმავლობაში დაახლოებით ასე“.

უცნაურია, მაგრამ პეტრიაშვილისა და ბარნოვის გადაკვეთზე ასეთი მისვლა-მოსვლა და ხმაური არ არის. იქაური „ანტრე“ გაცილებით პატარაა, სულ ექვსი მაგიდა და გრძელი ჩამოსაჯდომი. პატარა და კამერული სივრცე სიმყუდოვესაც განაპირობებს, რომელიც ერთდროულად გასართობად და სამუშაოდ განაწყობს კლიენტებს. შევნიშნე ლეპტოპს ჩაღრმავებული რამდენიმე ახალგაზრდა. მოგვიანებით შემოვიდა ფილოსოფოსი და პუბლიცისტი გიგა ზედანია უცხოელ კოლეგასთან ერთად, რომელიც თურმე „ანტრეს“ ხშირი და სასურველი სტუმარია.

საზაფხულო ტერასა ბოლომდე ათვისებული არ არის სიცივისა და ქარის გამო. სამაგიეროდ, ზაფხულში ყოველთვის სავსეა. ადმინისტრაცია ნაკლებად ოფიციალურია და კლიენტების უმრავლესობას კარგად იცნობს. ზოგიერთებს გასაკუთრებულადაც ესალმება. რუსთაველსა და აღმაშენებელზე მდებარე „ანტრესგან“ განსხვავებით, მცირე პარკინგის საშუალება მაინც არსებობს. მშობლებს ბავშვები სკოლის შემდეგ მოჰყავთ და როგორც გავარკვიე, ლანჩი პეტრიაშვილზე ორივესთვის სულის მოთქმას ჰგავს.

სიახლეა რუხი პურის სენდვიჩი ძეხვითა და პარმეზანით (5 ლარი) და რატომღაც მოდური სენდვიჩი ინდაურის შაშხით (ასევე 5 ლარი). თანაც გამყიდველი განუწყვეტლივ გახსენებთ, რომ რუხი პური ჭვავის მთლიანი მარცვლეულისგან მზადდება და არ შეიცავს საფუარს. ბავშვებს, ცხადია, ჭვავის მარცვლების სარგებლიანობას და ე.წ. მჟავე ცომის ეგვიპტურ მეთოდს ტკბილეული და ნაყინი ურჩევენიათ.

შეიძლება ითქვას, რომ „ანტრეს“ ნაყინი ცნობილი იტალიური მაღალხარისხოვანი ნაყინის საამო ანარეკლია, რომლის თითო ბურთულა 2,5 ლარი ღირს. სულ 12 სახეობაა, თუმცა ამ ტკბილ საქმეში კარგად ჩახედულები მეუბნებიან, რომ თბილისში ცნობილი ბრენდის, „ანჯელატოს“ გამოჩენის შემდეგ, „ანტრეს“ ნაყინი ისე ყოჩაღად აღარ იყიდება. ამაში არის გარკვეუ-



ეროვნული სვეტი განახლებულ პაპილონი



საქართველოს აკადემიის
ეროვნული ვიზუალიზაცია

რესტორნის კრიტიკა

ლი ლოგოკა: თუ კარგი ნაყინი ძალიან გინდა და თანაც ფასში განსხვავება მნიშვნელოვანი არ არის, მაშინ უფრო ხარისხიან და ფართო ასორტიმენტის მქონე სანაყინეში სიამოვნებით წახვალ.

გამყიდველის რეკომენდაციის მიუხედავად, ინდაურის შაშხის მაგიერ კლასიკური და გაუცხელებელი სენდვიჩი ვამჯობინე – ლორით, ყველით და სალათის ფურცლებით (5 ლარი); ხოლო 7-ლარიან ლატეს, ისევ 7-ლარიანი ფრეში, ანუ ჩემ თვალწინ გამონურული ფორთოხლის წვენი. უცნაური გასტრონომიული განტოლება მეუბნება, რომ არაზარმაცი დიასახლისი იმავე 7 ლარად იყიდის დახლოებით 2,5 კილო ფორთოხალს, რომლისგანაც თუნდაც მექანიკური საწურით, სულ მცირე, 7-8 ჭიქა ფორთოხლის წვენს გამოწურავს, რაც შეიძლება თანხის დაზოგვას ნიშნავს... კი მაგრამ ბრენდი, ატმოსფერო, თავისუფლება, სიამოვნება? ეს ხომ ფული ღირს.

ნებისმიერ შემთხვევაში არჩევანი მაინც თქვენზეა: გინდათ ხარისხიან პროდუქტსა და სიამოვნებაში ძვირი გადაიხადეთ, გინდათ თონეში გამოცხვარი, ლარად ღირებული ლობიანი შეჭამეთ გაჩერებაზე (რასაც დიდი ხანია მივეჩვიე). და თუ გსურთ 80-თეთრიანი „კოკა-კოლაც“ დაყოფით (რასაც თითქმის არასოდეს ვაკეთებ).

მგონია, რომ მაინც შევცდი. სადილზე, უფრო ზუსტად, ლანჩზე, აშკარად უკეთესი იქნებოდა „ანტრეს“ ახალი სახეობის ორი ცხელი კერძიდან ერთ-ერთი მაინც ამერჩია: ორაგული ბრინჯისა და ბოსტნეულის გარნირით (10 ლარი), ან „მელანზანე“ (ზადრიჯანი ბოსტნეულის გარნირით, რომელიც 7 ლარი ღირს). შეცდომა სალამოს „გამოვასწორე“ და ლანჩად წოდებული სამარხვო ორაგული ბოსტნეულით ვახშმად ვაკეში მდებარე „უძველესად“ შერაცხულ „ანტრესში“ ვივარდნი, აბაშიძისა და თაქთაქიშვილის ქუჩების გადაკვეთაზე.

უნდა გამოვტყდე, რომ „სამარხვო ორაგული“ (ასე ეწერა პოსტერზე და ნამდვილად არ ვიცი, ამ გაგანია მარხვაში ორაგული სამარხვო თუ

არა?! ბრინჯისა და ბოსტნეულის გარნირით, ყველა ჯურის სენდვიჩისა და „კონტინენტალზე“ გემრიელი მეჩვენა. თუმცა ყველაფერი შედარებითაა და, დანარჩენისთვის, როგორც წესი, „მასტერკარდი“ არსებობს, რომელიც არ გამაჩნია.

ამასობაში ვიხილე კაფეს გარეთ ნამდვილი (თუ განგებ) მათხოვრები და შიგნით განგებ (თუ ნამდვილად) მხიარული არტისტები; აგრეთვე, გა-



საგაფხულო
თერასა ბოლომდე
ათვისებული არ არის
სიცივისა და ქარის
ბამო. სამაგიეროდ,
გაფხულში ყოველთვის
სავსეა.

დამდგარი სპორტსმენები, ირანელი თუ არაბი ბიზნესმენები დაბურული ცოლებით, უცნაური საერთაშორისო ორგანიზაციის სერიოზული თანამშრომლები, აიპადიანი თინეიჯერები, ხელიკ-ტატუირებული, შავად ჩაცმული შეყვარებულები. მალე დაღამდა და „ანტრეს“ კიდევ ერთი სიახლე გამახსენდა – ტარტი ალუბლისა და ნუშის კრემით (2,5 ლარი), რომელსაც დავაყოლე ჟასმინის ჩაი (3,5 ლარი). სამწუხაროდ, ჩაი ყავასთან შედარებით უხარისხოდ მომეჩვენა.

„ანტრეს“ Take away-ის პრინციპითაც მუშაობს, რაც იმას ნიშნავს, რომ ნებისმიერი პროდუქტის თანწოდება შეგიძლიათ. მაგალითად,

ნაქები და გემრიელი ორაგული ბოსტნეულით ან „მელანზანე“ შეგიძლიათ გააცხელებინოთ და ადგილზე მიირთვათ, ან მართლაც საოცარი თერმორეგულაციის და შეფუთვის საშუალებით შინ წაიღოთ.

გასაგებია, რომ „ანტრეს“ მენეჯმენტი გამოცდილი ფრანგი ტექნოლოგებითაა დაკომპლექტებული, რომლებიც ქსელის აწყობისა და გამართვისთვის სამხრეთ საფრანგეთიდან მოინვიეს. ისინი მომხმარებელს 250-მდე სხვადასხვა დასახელების პროდუქტს შესთავაზებენ. ასე რომ, სახელგანთქმული ფრანგული „ბულანჟერია“ საქართველოში უკვე მეხუთე წელია არსებობს. წლის ბოლომდე „ანტრეს“ ქსელი უფრო გაფართოვდება და თბილისში კიდევ რამდენიმე კაფე გაიხსნება, რომელშიც 200-მდე ადამიანი დასაქმდება. და ეს რეალური პერსპექტივაა, მთავარია ხალხს ფული გაუჩნდეს...

თბილისურ „ანტრეს“ ორი მთავარი ჯადოქარი-კულინარი განაგებს: ალან ჟონე (იგი ორცხობილებს, პურის გამოცხოვასა და კრუსანებს კურირებს) და ქსავიე ჟირარდინი, რომელიც უმთავრესად საკონდიტრო მიმართულებას ხვდის (ნამცხვრები, ნაყინი, ტკბილეული, კანფეტები). ორივეს უყვარს ქართული სამზარეულო, თუმცა ბატონი ალანი ფიქრობს, რომ ის ზედმეტადაა გაჯერებული ცხიმისა და ხორციანი კერძებით, ხოლო ბატონი ქსავიე იმერულ ფხალებსა და კარგად შეკმაზულ ლობიოში კარგად ერკვევა.

P.S. დახლოებით ღამის 9 საათზე, ანუ ვაკეში მდებარე „ანტრეს“ დაკეტვამდე და მუცლის სრულ ამოყორვამდე ერთი საათით ადრე, თავი ლუარსაბისა და დარეჯანის სიმბიოზი მეგონა. ფსიქიკა თითქმის გახლეჩილი მქონდა. ხან მოგებულ „ბაიერნზე“ ვფიქრობდი, ხან „ცხელი შოკოლადის“ ახალ ნომერზე, ხან ბუნეულის საცოდავ ბურჟუაზიაზე, ვერაფრით რომ ვერ ქვამს რესტორანში, ხან პედაგოგ ედიკო რუსიშვილის მოწაფე-პიანისტებზე, ხან პრეზიდენტისა და პრემიერის ნაკვალევზე აღმოცენებულ ახალგამოჩეკილ პაროდისტებზე...

დეკორატიული აქსესუარები თქვენი ინტერიერისათვის



თბილისი, ჭავჭავაძის 34 , სავაჭრო ცენტრი პიქსელი

ტელ: +995 32 2183507

ქავთარაძის 1, ჰიპერმარკეტი გუდვილი

ტელ: +995 32 2145014

ბათუმი, მემედ აბაშიძის 44

ტელ: 422 2359004



<http://www.facebook.com/pages/Creative-Home/>



ფეისბუქი

ავტორი ანა ბელბახიანი

ადამიანების ერთ-ერთი საყვარელი საქმიანობა ცხოვრების პერიოდების შედარებაა. ხშირად გვჩვენებს before/after შედარებების გაკეთება, როგორ გამოვიყურებოდით ვარცხნილობის შეცვლამდე და როგორები ვართ ახლა, როგორი იყო ჩვენი ცხოვრება ფეისბუქამდე და მას შემდეგ, რაც ფეისბუქზე დავრეგისტრირდით. ალბათ ყველას, ვინც მეტ-ნაკლებად ხშირად იყენებს ამ უკანასკნელს, გასჩენია კითხვა, „რას ვაკეთებდი მაშინ, როცა არ მქონდა ფეისბუქი?“

ზოგიერთს არც კი გაახსენდება, რომ ოდესღაც ფორუმების და სხვა სოციალური ქსელების მომხმარებელი იყო, მაგრამ არც ერთ მათგანზე ასე დამოკიდებული არ გამხდარა. აშკარაა, ფეისბუქი იმაზე მეტს გვთავაზობს, ვიდრე უბრალოდ გასართობად ფოტოების ატვირთვა და ვირტუალური მეგობრების შექმნა. მიუხედავად იმისა, რომ უამრავი სტატისტიკა ქვეყნდება იმის შესახებ, თუ როგორ ვახდით დამოკიდებულები ფეისბუქზე, ფაქტია, რომ ამ სოციალურმა ქსელმა უამრავი ადამიანის ცხოვრება შეცვალა უკეთესობისკენ, გაამარტივა ურთიერთობები და კომფორტი შემოიტანა ჩვენს ცხოვრებაში.

როგორ? რამდენიმე მაგალითს მოვიყვან, რომელზეც შესაძლოა, არც

კი გიფიქრიათ ფეისბუქზე ყოფნის დროს, მაგრამ თავს გადაგხდენიათ.



ვირტუალური მეგობარი – გარდა იმისა, რომ ყველას გვყავს რეალური მეგობრები, რომლებსაც კვირაში რამდენჯერმე ვხვდებით, ვიძენთ ვირტუალურ მეგობრებსაც, რომლებთან ურთიერთობაც ხშირად ე.წ. „ნამდვილ“ მეგობრებზე სასიამოვნოა: ალბათ ყველას გვსმენია და გამოგვიცდია კიდევ, რა იოლია უცნობი ადამიანისთვის გულის გადაშლა და პრობლემების გაზიარება, ვირტუალური მეგობრები კი სწორედ ამისთვის არიან 😊. ისევ ხდება, რომ მეგობრობა მხოლოდ ფეისბუქზე არ რჩება და რეალურ ცხოვრებაშიც გრძელდება. პირადი მაგალითით იმის თქმა შემიძლია, რომ უამრავი კარგი მეგობარი შევიძინე ფეისბუქიდან და, ვფიქრობ, მომავალშიც ბევრ სასიამოვნო ადამიანთან ურთიერთობა მელის წინ.



კონტაქტი საზღვრების გარეშე – რამდენ თქვენგანს ჰყავს მეგობარი/ოჯახის წევრი უცხოეთში? როგორ მოვიქცეთ, როცა გვენატრებიან? ალბათ დამეთანხმებით, მათ პროფილში შესვლა, სტატუსების, ფოტოების დათვალიერება თითქოს მათი ცხოვრების მონაწილეს გვხდის და მანძილს ამცირებს.




დაკარგული ბავშვობის მეგობარი – სკოლისდროინდელი დღიურების თვალიერებისას ბავშვობის მეგობარი რომ გაგახსენდებათ, ალბათ მიხვდებით, სად უნდა ეძებოთ. მათი ფეისბუქის თვალიერებისას ყველაფერს ვიგებთ: თურმე გათხოვდა/ცოლი მოიყვანა, უკვე ორი შვილი ჰყავს, თურმე რამდენი დრო გასულა, არა? მეგობრობის განახლება არასდროსაა გვიანი: გაუგზავნეთ მას მეგობრობის თხოვნა 😊.



ინფორმაციის გაზიარება – რას ვაკეთებთ როცა მეგობრებისთვის და ნაცნობებისთვის ახალი ამბის გაზიარება გვსურს? რა თქმა უნდა, ვწერთ სტატუსს/ვავრცელებთ ლინკს, ან ვტვირთავთ ფოტოს. და თუ არ გვინდა, თქვენმა ბოსმა/მშობელმა/საქმრომ ეს ამბავი შეიტყოს, მარტივად ვფილტრავთ აუდიენციას. დამეთანხმებით, ფეისბუქი ამ საკითხშიც შეუდარებელია – შეტყობინება მარტივად და სწრაფად მიდის სასურველ აუდიტორიამდე.



ფეისბუქი საქმიანი ადამიანებისთვის – თუ რომელიმე ორგანიზაციის წარმომადგენელი ხართ და გსურთ, რაც შეიძლება ბევრ ადამიანს გააგებინოთ თქვენი ღონისძიების/პროდუქტის შესახებ, რამდენი-



მე მარტივი კლიკით შეიძლება ამის გაკეთება – ზემოხსენებული ფეისბუქ ფეიჯი ხომ ამისთვის საუკეთესო საშუალებაა, მით უმეტეს, თუ გამოვიყენებთ რეკლამას, რომელიც სატელევიზიო რეკლამაზე გაცილებით იაფია და თუ გავითვალისწინებთ, რომ ინტერნეტმა ტელევიზია გარკვეულწილად ჩაანაცვლა, საკმაოდ ეფექტურიცაა.

f ინფორმაციის მიღება – გქონიათ შემთხვევა, როცა დედა გიყვებათ რომელიმე მნიშვნელოვანი სატელევიზიო სიუჟეტის შესახებ და თქვენ ეს ამბავი გუშინნინ შეიტყვეთ ფეისბუქიდან? ალბათ გქონიათ. თუ მინიმუმ 5 საინფორმაციო სააგენტოს გვერდი გაქვთ გამოწერილი, შეგიძლიათ ტელევიზორი საერთოდ დაივიწყოთ. რომელიმე კომპანიაზე გვსურს ინფორმაციის მიღება? პირველ რიგში მის ოფიციალურ გვერდს ვეძებთ და ვეცნობით სიახლეებს. ძალიან ხშირად მიმიღია სწრაფი და ამომწურავი პასუხი კომპანიის ფეისბუქის ფეიჯიდან ჩემთვის საინტერესო საკითხებზე. ხშირად ნივთებიც კი შემიძენია ონლაინ მაღაზიების ფეიჯებიდან.

f ფეისბუქი და პოლიტიკა – პოლიტიკური მოწოდებების გასავრცელებლად ფეისბუქი რომ არაჩვეულებრივი საშუალებაა, ეგვიპტის მაგალითმაც გვიჩვენა: ამბობენ, მუბარაკი დღემდე ხელისუფლებაში იქნებოდა, რომ არ ყოფილიყო წვდომა ფეისბუქზე, რადგან მაშინ, როცა ყველა მედიასაშუალება გათიშული იყო, ინფორმაცია ფეისბუქით ვრცელდებოდა. აქციის ერთ-ერთმა მონაწილემ შვილს „ფეისბუქიც“ კი დაარქვა .

f ფეისბუქგამარჯვებულები – ილბლიანი ადამიანი არ ვარ, თორემ აუცილებლად მოვიგებდი რამეს ფეისბუქზე: უამრავი კომპანია აწესებს პრიზებს ერთგული და აქტიური მომხმარებლებისთვის, აწყობს კონკურსებს და აკეთებს გასართობ აპლიკაციებს. ერთ-ერთი ასეთი გვერდი ეკუთვნის ალდაგს, რომელმაც ორი წლის განმავლობაში 200-ზე მეტი ადამიანი გაახარა სასიამოვნო სიურპრიზებით. წარმოიდგინეთ, დისნეილენდის საგზური რომ მოიგოთ და ბავშვობის ოცნება აიხდინოთ, ან ძალიან გსურთ უახლესი მოდელის ტელეფონი. ასეთი სიურპრიზები ალ-

დაგის გვერდზე უცხო არაა და თუ ამ გვერდის 120 000 ლაიქერიდან ერთ-ერთი ხართ, შესაძლოა თქვენც აღმოჩნდეთ სიურპრიზის ადრესატი.

კიდევ გიკვირთ, რატომაა ფეისბუქი ასე მაცდური? წართმეული დროის სანაცვლოდ კომფორტს და სარგებელს გვთავაზობს. ისევ პირად მაგალითს დავეყრდნობი და ვიტყვი, რომ უამრავი საქმიანი წინადადება მიმიღია ფეისბუქიდან და ჩემი პირველი სამსახურიც ერთ-ერთი ასეთი წინადადებით დაიწყო. ზოგიერთები ოჯახებსაც კი ქმნიან უბრალო ფეისბუქით დაწყებული ნაცნობობიდან. ასე რომ, თუ აქტიური მომხმარებელი ხართ, თქვენც იპოვით უამრავ მიზეზს იმ მიჯაჭვულობის ასახსნელად, რაც ამ „ჯადოსნურ“ ქსელთან გაკავშირებთ.

რუბრიკას წარმოგიდგინთ „ალდაგი ბისიი“
www.facebook.com/aldagi







ქართველი მხატვრები სწავლა და გაფრენები დიუსელდორფში

ავტორი ლევან შატბერაშვილი

„აქ არავინ არ გეტყვის „ნუ აფრენ, ჯერ ისწავლე და მერე გააფრინე“, პირიქით, აქ შეგიძლია გააფრინო, ბოლომდე შეყვე ამ პროცესს“.

შარშან, ბონში ახალი ჩამოსული ვიყავი, როცა ჩემს სანახავად დიდი ხნის უნახავი მეგობრები, მამო და გურამი ჩამოვიდნენ. მამო ოდიშელიძე და გურამ შავდია დიუსელდორფში სწავლობენ. გურამი დაახლოებით ექვსი წელია, მამო ორი წლით ნაკლები. ორივე დიუსელდორფის ხელოვნების აკადემიის სტუდენტია და ორივე მხატვარი.

მაისი იყო და, ჩვენდა საბედნიეროდ,

ყველაზე საინტერესო კი ის იყო, რომ ჩვენ არასდროს არ ვიცოდით, თუ რატომ გვაკუთვნოდა კარგი ან ცუდი ნიშანი და არც არასდროს იმართებოდა დიკუსია ამის შესახებ.


კარგი ამინდი დაგვემთხვა. ბონის ცენტრში, რეინიგის სადგურიდან არც თუ ისე მოშორებით, ერთი კარგი ადგილი ვიცი, რომელიც დილით სპორტსმენებისთვისაა ზედგამოჭრილი, შუა დღეს გარუჯვის მოყვარულებისთვის, საღამოს კი ლენის ან ლუდის მწრუპელების, მოპიკნიკებისა და შეყვარებული წყვილებისთვის. ამ ადგილს პოპელსდორფის ხეივანი ეწოდება. ხოდა ჩვენც სწორედ ამ ხეივანში შევედით. გზად თეთრი, გერმანული რისლინგის ლენიო ვიყიდეთ და მიზნად დავისახეთ ხეივანის მოღზე წამოწოლილებს ლაპარაკსა და განცხრობაში გამოგვეცალა სამივე ბოთლი. მაშომ და გურამმა მაშინ კარგი სიურპრიზი მომიწყვეს – როგორც კი მწვანე ბალახზე მოვკალათდით, კალათიდან სულ ნუგზარ-ნუგზარი საქმელები ამოგვლავს – ხაჭაპურები, ნაირ-ნაირი სალათები, შემწვარი ქათამი და ა.შ.

ბევრს აღარ გავაგრძელებ, მაგრამ ის საღამო ძალიან კარგ მოგონებად ჩამბეჭდა მეხსიერებაში, რისი მიზეზიც არა მარტო ლენიო და გემრიელი მისაყოლებელი იყო, არამედ ჩვენი გრძელი და საინტერესო საუბარი. ბევრი ვილაპარაკეთ – მე ბონის უნივერსიტეტის ამბებს ვცვებოდი, რომელსაც ლაიტმოტივად გასდევდა ქართული და გერმანული უნივერსიტეტების შეპირისპირებითი დახასიათება, მაშო და გურამი თავიანთ გამოცდილებაზე მიყვებოდნენ – დიუსელდორფის აკადამიაზე, იქაურ სტუდენტებზე; მაგრამ, სიმართლე ითქვას, იმ დღეს დალეული ლენიო, ამბების სიგრძე, მათი უკვე თითქმის ერთნაირი სიძველე თუ თემების სიმრავლე ჩემს გონებას საშუალებას არ აძლევდა ზუსტად აღედგინა საუბრის დეტალები. ამიტომ, ავდექი და გასულ კვირას კიდევ ერთხელ ვესტუმრე მაშოს და გურამს. 15 აპრილს, შუადღისით ჩავედი დიუსელდორფში და პირდაპირ აკადემიაში მივაკითხე მათ.

აკადემია, რომელიც 1773 წელს დაარსდა და ამჟამად სულ 371 სტუდენტს ითვლის, ქალაქის ძველ ნაწილში მდებარეობს და სულ ორი შენობისგან შედგება (გერმანული უმაღლესი სასწავლებლების ფონზე 371 სტუდენტი თითქმის არაფერია. მაგალითად, ჩემი უნივერსიტეტი, რომელიც სტუდენტების რაოდენობით საშუალოზე უფრო ოდნავ დიდ უნივერსიტეტად



„გურამი“, მაშო ოდიშელიძე



„ხე“, მაშო ოდიშელიძე

იოვლება, 30 000 სტუდენტზე მეტს ითვლის). შეხვედრა შესავლელთან გვექნება დანიშნული, მაშო და გურამიც გერმანული პუნქტუალობით მოვიდნენ დათქმულ დროს.

როგორც კი ჩემი მეგზურობა დაიწყო, მაშინვე მივხვდი, რომ ორივეს გულწრფელად უყვარს ეს ადგილი. ერთმანეთს ლაპარაკსაც არ აცლიდნენ, კამათობდნენ, ჯერ სად წავეყვანე, რომელი ოთახი ეჩვენებინათ და ა.შ. საბოლოოდ შეთანხმდნენ, რომ ჯერ თავიანთ სამუშაო ოთახებს მაჩვენებდნენ. მესამე სართულზე ავედით, სადაც გრძელ დერეფანს მწკრივად მიუყვება სამხატვრო სახელოსნოები. ჯერ მაშოსთან შევედით ოთახში, რომელიც დიდი, ნათელი სახელოსნოა და მასში მაშოს გარდა კიდევ სამი სტუდენტი მუშაობს. ოთახი სავსეა ტილოებით, ხის ნაჭრებით და, რაც მთავარია, ეტყობა, რომ აქ მუშაობა არ წყდება. ეტყობა, რომ ვინც აქ მუშაობს, მუდმივად ექსპერიმენტირებს, მუდმივ ძიებაშია და თუკი ატმოსფეროს უკეთ ჩაუკვირდება, მიხვდება, რომ აქ დავალებებს არავინ არ ასრულებს, აქ საკუთარ იდეებზე უფრო მუშაობენ.

ცოტა ხანში მაშოს ოთახი დავტოვეთ და გურამის სახელოსნოსკენ წავედით. გურამის ოთახი ცოტათი უფრო პატარა აღმოჩნდა. იქ გურამის გარდა კიდევ ერთი მხატვარი, ოლივია მუშაობს – ძალიან სასიამოვნო და კეთილი სახის გოგო. ოთახში რომ შევედი, გურამმა ჩემი თავი ქართველ ჟურნალისტად წარუდგინა, თან აუხსნა, რომ დიუსელდორფის აკადემიაზე ვწერდი სტატიას. ოლივიამ საპასუხოდ გერმანული თავაზიანობით ჩაიშემომთავაზა, რაზეც მე ქართული თავაზიანობითვე ვუთხარ უარი – არადა რატომ? დილიდან სამინლად მწყურდა. ცოტა ხანში გურამის ოთახიც დავტოვეთ და სხენისკენ წავედით. სხენი საკმაოდ საინტერესო ადგილია, სწორედ სხენზე ხდება „ჩარჩოების დაჩარჩოება“, ტილოების დაჭიმვა, შემდეგ კი დაგრუნტვა. ძალიან საინტერესო და ხმაურიანი სიტუაციაა. ჩაქუჩებით და სტებლერებით შეიარაღებული მხატვრები ჯერ შიდა ჩარჩოებს ამზადებენ, მერე მასზე სტებლერის პისტოლეტების დახმარებით ტილოს ჭიმავენ, შემდეგ კიდევ დიდი ფუნჯით გრუნტავენ მას.

თან ფოტოებს ვიღებთ, შეთავსებით, ხან მე – ხან გურამი.

სიმართლე ითქვას, მე მხოლოდ მაშინ ვიღებ, როცა გურამი არ იღებს (ანუ მე მაშინ ვიღებ, როცა გურამს ვუღებ). ბევრი სტუდენტი უარს გვეუბნება, რომ ფოტოზე აღვებჭლოთ; ასე რომ, არ იფიქროთ, თითქოს მხოლოდ ქართველების სენი იყოს კამერის შიში.


დაგრუნტვა-დაჭიმვა-დაჩარჩოებისთვის განკუთვნილი სივრციდან, უკვე შენობის უდაბლეს ნერტილში – ნახევარსარდაფში ვეშვებით, სადაც ლითოგრაფიის და ქანდაკების სახელოსნოებია. დერეფანს მიუყვებით და ლითოგრაფიის სახელოსნოში შევდივართ. გურამს კიდევ ერთხელ უნევს ჩემი წარდგენა. სამწუხაროდ, არც აქ მხედებიან გულლიად (ისეთი განცდა მაქვს, თითქოს კუდში დამყვება უარყოფილი და აბეზარი პაპარაცი ჟურნალისტის აჩრდილი). ჩარხების ხმაურში მაშო ცდილობს ამიხსნას ზოგიერთი დანადგარის მუშაობის პრინციპი, მაგრამ უშედეგოდ. იმის დასტურად, რომ ყველაფერი გავიგე, დამაჯერებლად ვუქნევ თავს, მაგრამ თითქმის არაფერი არ მესმის. ჩარხები და დაზგები ცალკე „მეცნიერებაა“ ჩემთვის.

ლითოგრაფიის შემდეგ, უკვე მოქანდაკებთან გადავიდვართ. ოთახები სავსეა უცნაური ფიგურებით და გაუგებარი ქანდაკებებით, საკმაოდ რთულია გაერკვე, რა რა არის. ჩემნაირ არიფს კი, საერთოდ, სამკითხაოდ აქვს საქმე. რას არ ნახავს კაცი, სტალაქტიდების მსგავს ნარმონაქმნებს, ცელოფნის გორებს, ლითონის ლენტებით დამზადებულ კოსმიურ ცხოველებს. შემდეგ გვერდით ოთახში გადავედით, სადაც ასევე მოქანდაკეები არიან, მაგრამ გარდა ქანდაკებისა, კიდევ ერთი საინტერესო რამე გვხვდება – დიდი ინსტალაციის გამაოგნებელი ნაწილი, მომავლის ან, თუნდაც დროის მანქანა. იქვე მისი ავტორებიც სხედან. განსხვავებით სხვებისაგან, კამერას არ ერიდებიან და არც თავიანთი ნამუშევრის დამალვა სურთ.

როგორც გითხარით, აკადემია ორი შენობისგან შედგება და რადგან ერთი უკვე მოვიარეთ, ჩემი მასპინძლები მეორე შენობისკენ მიმიძღვებიან. მეორე შენობას „Orientierungsbereich“, ანუ საორიენტაციო განყოფილება ეწოდება. აქ აკადემიის პირველი წლის სტუდენტები იყრიან თავს, ანუ ის ხალხი, რომლებსაც ჯერ კიდევ არ აურჩევიათ თავიანთი მიმართულება, ან არ-



„ბათარა კაცი“, მაშო ოდიმელიძე



„ჯუნგლები“, მაშო ოდიმელიძე

შეიძლება ითქვას, აკადემია დროს არასდროს არ ჩამორჩება და არასდროს იჭედება ტრადიციის ტყვეობაში. მუდმივად ჩნდება ახალი სასწავლო მიმართულებები, ინსტალაციები იქნება ეს, ფოტოგრაფია, თუ თეატრალური მხატვრობის ფაკულტეტი.



ჩეული აქვთ და აქ ერთნაირი მუშაობის შემდეგ გადაწყვეტილება უნდა მიიღონ, დარჩნენ და გააგრძელონ თავდაპირველად არჩეული მიმართულებით სწავლა თუ ხელოვნების სხვა დარგს მოჰკიდონ ხელი. მოკლედ, სტუდენტებს აქ საშუალება ეძლევათ გაერკვიონ თავიანთ ინტერესებში. მართლაც, აქ ძალიან მკაფიოდ იგრძნობა ის, რომ სტუდენტებს, რომლებიც ამ შენობაში სწავლობენ, ჯერ არ გადაუწყვეტიათ თავიანთი სამომავლო პერსპექტივები. ყველაფერი ერთმანეთშია არეული – ქანდაკება, ინსტალაცია, ლითოგრაფია, ფერწერა, გრაფიკა და ა.შ.

შენობის პირველივე სართულზე კიდევ ერთი ქართველი მხატვარი შეგხვდა – ლევან სვანიშვილი. გაგანია მუშაობაში დავადექით თავს. გურამმა მას ახლა უკვე მშობლიურ ენაზე წარმოუდგინა ჩემი თავი. თბილისის აკადემიის დამთავრების შემდეგ ლევანს თურმე ჯერ ბონში დაუწყია სწავლა და მერე აქ გადმობარგებულა. როგორც ამბობს, აქ ისეთი თავისუფალი გარემოა, რომ ადვილად „იხსნები“ და ბევრი რამის სწავლა შეგიძლია. სამწუხაროდ, ლევანთან დიდი ხნით გასაუბრება ვეღარ შევძელი, რადგან, როგორც ზემოთ მოგახსენეთ, უკვე კარგა ხანია ძალიან მწყუროდა და, რაც მთავარია, ამ წყურვილს თან ერთვოდა შიშილიც. რადგან აკადემიის ყველა მნიშვნელოვანი კუთხე მოვიარეთ, გადავწყვიტეთ სუფთა სინდისით ნავსულიყავით რომელიმე დიუსელდორფულ ბარში – ცოტა ალტი (ლუდის ნაირსახეობაა ერთგვარი) დაგველია, ცოტა გვეჭამა და ბევრი გელაპარაკა აკადემიაზე თუ მხატვრობაზე.

დიუსელდორფის ქუჩებში მცირეხანიანი სეირნობის შემდეგ, ერთი პატარა მორესტორნო-მობარო ადგილი შევარჩიეთ, გარეთ გამოტანილ მაგიდას მივუსხედით და ლუდი შევეუკვეთეთ. როგორც მოსალოდნელი იყო, ჩვენი საუბარი საკმაოდ დიდხანს გაგრძელდა. ძალიან ბევრ რამეს შევხვებთ: ქართული სამხატვრო სასწავლებლების სპეციფიკას, დიუსელდორფის აკადემიის სასწავლო მიდგომებს, თანამედროვე ხელოვნების საკითხებს და ა.შ. მაშოც და გურამიც ძალიან შთაგონებული ყვებოდნენ თავიანთი გამოცდილებისა და შეხედულებების შესახებ, იმდენად საინტერესოდ, რომ რამდენჯერმე ვინანე კიდევ, რომ თან არ მქონდა ვიდეოკამერა, რათა ცოცხლად აღმებეჭდა გურამის და მაშოს აზრები, მათი ლაპარაკის მანერა... ერთი სიტყვით, ლაპარაკის მთელი ის მომხიბვლელობა, რომელიც ხშირად ფურცელზე გადმოტანისას უფერულდება.

ცნობილი ამბავია, თუკი რაიმეს გარკვევა გსურს, დასაწყისიდანვე უნდა გაარკვიო და ამიტომ ჩემი პირველი შეკითხვაც იმის შესახებ დავესვი, თუ როგორ მივიდნენ მხატვრობასთან და როგორ გადაწყვიტეს მხატვრები გამხდარიყვნენ.

მაშო: ბავშვობიდან ჩემი ნამდვილი ინტერესი მხატვრობა იყო და არც ერთი საგანი არ მიზიდავდა ისე, როგორც მხატვრობა. სიმართლე ითქვას, სხვა ყველაფერი მეზარებოდა კიდევ და რაც მართლა სიამოვნებას მანიჭებდა, ხატვა იყო. მერე დროთა განმავლობაში უფრო და უფრო გამიღრმავდა ეს ინტერესი და საბოლოოდ ისე აღმოჩნდა, რომ ნიკოლაძეში ჩავაბარე. თავიდან ძალიან მომწონდა, მაგრამ ნელ-ნელა ვხვდებოდი, რომ პრობლემა, რომელიც ამ სკოლას ჰქონდა, თავისუფლების შეზღუდვა იყო.



„საქონის ლტოვლითა დასახლება“, გურამ შვედია

ყოველი სტუდენტი და პროფესორი ცდილობს გამოხატოს თავისი აზრი და არ არსებობს არანირი ზღვარი, რომ პროფესორმა კოლოკვიუმზე უფრო მეტი უნდა ილაპარაკოს, ვიდრე სტუდენტმა.




„ნითელი ოთახი“, გურამ შველიძე

გურამი: მე და მაშო ერთ კლასში ვიყავით ნიკოლაძეში და ჩაბარების შემდეგ მეც დაახლოებით იმავე პრობლემის წინაშე დავდექი. სირთულე ის იყო, რომ ბავშვობიდან ვხატავდი და, ასე რომ ვთქვათ, გემო უკვე მქონდა გაგებული იმ სიამოვნებისა, რაც ხატვას მოაქვს. რა თქმა უნდა, ეს ჯერ კიდევ არ იყო სტილი, მაგრამ ის უკვე ნამდვილად ვიცოდი, თუ რა გრძნობებთან არის დაკავშირებული, როცა რალაცას შექმნი. ნიკოლაძეში როცა ჩავბარე, აღმოჩნდა, რომ ძალით უნდა მესწავლა ძალიან ბევრი რალაც: ფორმა, სიბრტყე, განათება, შუქ-ჩრდილი... ამის გამო მეგონა, რომ ეს არ იყო მხატვრობა. ალბათ უფრო რალაც ჰუმანიტარულ საგანს ჰგავდა და არ უკავშირდებოდა თავისუფლების იმ განცდას, რაც აქამდე ასე მომწონდა მხატვრობაში. ყველაფერი ისე იყო მოწოდებული და წინასწარ დადგენილი, თითქოს გეუბნებოდნენ: „აი, ეს ესეა და ესე უნდა იყოს დახატული – სხვანაირად არა! აი, შენ რასაც აკეთებ ის არის...“ და როგორც კი ამას ამბობდნენ, უკვე იჭედებოდნენ, არ შეეძლოთ ეთქვათ რას ვაკეთებდი. ან შეიძლებოდა ეთქვათ, რომ რასაც ვაკეთებდით, ის „არასერიოზული“ ან „გაფრენა“ იყო. სხვათა შორის „გაფრენა“ ყველაზე ხშირი გამონათქვამი იყო და ხშირად გვეუბნებოდნენ კიდევც, ჯერ ნიკოლაძეში და შემდეგ უკვე აკადემიაში, – ჯერ ისწავლე და მერე გააფრინეო.

თუკი რომელიმე სკოლას შეიძლება შეეძაროს ეს ყველაფერი, ალბათ უფრო რუსული აკადემიური სკოლისთვის დამახასიათებელი სწავლების სტილით გვასწავლიდნენ. მოკლედ, ნატურიდან ხატვა, ორნამენტების გადმოხატვა და მსგავსი საგნები გვქონდა. თან ეს საგნები ისე იყო განაწილებული, რომ კარგად იყო დაგეგმილი რომელ დღეს რას ხატავდი. საკმაოდ მკაცრად განერილი რეჟიმი იყო და არავის არ აინტერესებდა, რამდენად შეიძლებოდა, რომ შენ ამ რეჟიმს მისადაგებოდი. რაც მთავარია, ამ რეჟიმის მთავარი მიზანი ის გახლდათ, რომ თუკი ამ ყველაფერს „პირნათლად“ შეასრულებდი, მიიღებდი ქულას. კარგ შეფასებას თუ მიიღებდი – ხუთიანს დაგინერდენ. ყველაზე საინტერესო კი ის იყო, რომ ჩვენ არასდროს არ ვიცოდით, თუ რატომ გვეკუთვნოდა კარგი ან ცუდი ნიშანი და არც არასდროს იმართებოდა დიკუსია ამის შესახებ. არავინ არ



„შადრეპანი“, გურამ შველიძე



„კრიზისი“, გურამ შველიძე

გვეუბნებოდა – „შენ ეს შეგეშალა“ ან „ეს უნდა გამოასწორო“ – ჩვენ უბრალოდ გარეთ ვიცდიდით და პროცესიც იმით მთავრდებოდა, რომ უბრალოდ გვიცხადებდნენ ნიშნებს.

მე ამას იმიტომ კი არ ვამბობ, რომ ნიკოლაძე ან აკადემია გავაკრიტიკო, უბრალოდ მინდა ავხსნა, თუ რატომ გამიჩნდა სურვილი, მესწავლა ისეთ ადგილას, სადაც არ იქნებოდა მსგავსი ჩარჩოები. მინდოდა ისეთ ადგილას მოხვედრა, სადაც არ მეტყოდნენ – „შენ ამ საგნებს თუ არ ისწავლი, ცუდი მხატვარი იქნები“. თბილისის აკადემიაში ეს ხდებოდა, მიხედავად იმისა, რომ ვილაცხვებო კარგად აზროვნებდნენ კომპოზიციაში, ვილაცხვებო კი ფერის გრძნობა ჰქონდათ კარგად განვითარებული. აკადემიისა და ნიკოლაძის სისტემაში გვასწავლიდნენ „სწორად ხატვას“ – ანუ იმას, რაც, ჩემი აზრით, დაუშვებელია ხელოვნებაში. აქ სწორი და არასწორი არ არსებობს. ნიჭის ის მარცვალი, რომელიც შეიძლება რომელიმე ჩვენგანს ჰქონოდა, დავინყებოდა იყო და ხაზი არ ესმებოდა მას. ყველა ერთ ქვაბში ვიყავით ჩაყრილები და წინასწარ გვეუბნებოდნენ, თუ სად იყო „იდეა“. ვის რა ჭირდებოდა, არავის არ აინტერესებდა. შეიძლება ითქვას, ამით ჩვენს ცნობიერებაზე ხდებოდა ძალადობა. ძალადობას იმიტომ ვამბობ, რომ შეუძლებელი იყო, რომ ყველას ერთნაირად გვეფიქრა, მაგალითად, ფორმაზე ან შუქრდილზე. სინამდვილეში ხომ ყველა ინდივიდუალურია, აი, მაგალითად, ჩვენი მეგობარი სერგო ძალიან მაგარი იყო ფორმაში, მეორე მეგობარი დათო – კომპოზიციაში და აგებაში – თვალი ჰქონდა ძალიან მაგარი და ხელი.

მამი: ისეთი სიტუაცია იყო, რომ პროტესტიც არ გამოითქმებოდა ამაზე. იმდენად თავისთავად მისაღებ ფაქტებად ითვლებოდა ეს ყველაფერი, რომ დიდად არც არავინ ებრძოდა, იმდენად გამჯდარი იყო ამგვარი დამოკიდებულება (სახლშიც ამას გვეუბნებოდნენ და აკადემიაშიც), რომ რალაცნაირად იჯერებდი კიდევაც, რომ ეს იყო „ჭეშმარიტი ხელოვნება“.

ლ.მ.: რატომ გადანწყობით, რომ მაინცდამაინც აქ ჩამოსულიყავით? უბრალოდ ამ დახურული სივრცის რაიმე სხვა თავისუფალი სივრცით შეცვლა გინდოდათ და სულ ერთი იყო სად ნამოხვიდოდით, თუ დიუსდელდორფის აკადემია იყო ზუსტად ის ადგილი, სადაც გინდოდათ მოხვედრა?

გურამი: დედაჩემის მეგობრისგან გავიგე, რომ არსებობდა ისეთი სივრცე, სადაც უნდა გეხატა არა ის, რასაც გიბრძანებდნენ, არამედ სადაც მთავარი საქმე იყო ხატვის უწყვეტი პროცესი და, რაც მთავარია, იყო გარემო, სადაც ყველაფერი თავისუფალია. ამან ძალიან დამაინტერესა და გავგზავნე ჩემი ოცდახუთი ნახატი. ყველაზე მეტად კი ის მომეწონა, რომ მიღება ხდებოდა არა მოსწრების და ნიშნების ფურცლის საფუძველზე, არამედ ნიჭის იმ მარცვლიდან გამომდინარე, რომელიც შენშია ჩადებული.

ლ.მ.: ხო, მაგრამ ნიჭი ხომ ძალიან სუბიექტური რამეა? როგორაა შესაძლებელი რომ რაიმე კრიტერიუმებით განისაზღვროს მხატვრის ტალანტი? თქვენივე მაგალითის მიხედვით, აკადემიაში და ნიკოლაძეში არსებობდა საკმაოდ კარგად განვითარებული კრიტერიუმები ნიშნების დაწერისთვის. აქ როგორ ხდებოდა ის, რომ რომელიმე პროფესორი შენში ნიჭს ხედავს?

მამი: აქ ნიშნები საერთოდ არ იწერება. ნიშნების მხრივ საერთოდ არანაირი შეფასება არ არსებობს. შეფასება გამოიხატება

ტება პროფესორებისა და სტუდენტების დამოკიდებულებაში შენ მიმართ. მხატვრობა იმდენად ვიზუალური რამაა, რომ პირდაპირ ჩანს ვინ კარგია და ვინ ცუდი – შედეგი ყოველთვის ძალიან თვალსაჩინოა. საქართველოდან სულ იყო შეკითხვები ამასთან დაკავშირებით, თუნდაც მშობლებისგან. სულ აინტერესებდათ რა ნიშნებს, რა შეფასებებს ვიღებდით და ძალიან უკვირდათ, რომ აქ მსგავსი სისტემით არ მუშაობდნენ. მართლაც, როგორ შეიძლება, რომ ვან გოგს მაღალი ნიშანი დაუწერო და გოგენს კიდევ ნაკლები. ეგ იგივეა, პიროვნებები რომ შეაფასო და გარკვეული ნიშნები მიანიჭო, მაგალითად ლევანი უკეთესი ადამიანია თუ გურამი. აქ საუბარი შინაგანი სამყაროს გამოხატვაზეა და, როცა შინაგან სამყაროს ნიშნებით აფასებ ძალიან ძნელი ხდება მისი ნამდვილობის, მისი არსის გაგება.

ლ.მ.: მაშინ რა არის დიუსდელდორფის აკადემიის პრინციპი? რა არის აქაური სწავლების ამოსავალი წერტილი?

გურამი: ეს აკადემია 1773 წელს დაარსდა, შესაბამისად ძალიან ბევრი პერიოდი გამოიარა და ბევრი დიდი მხატვარიც გამოზარდა. შორს რომ არ წავიდე, მეოცე საუკუნეში ისეთი მხატვრები და არტისტები გამოვიდნენ აქედან, როგორებიც გერჰარდ რიხტერი და ჯოზეფ ბოისი არიან; ისეთი ხალხი ასწავლიდა, როგორცაა, მაგალითად პაულ კლეე. მოკლედ რომ ვთქვათ, ამ აკადემიაში ძალიან კარგად იცნობენ ტრადიციას და ასევე კარგად ერკვევიან თანამედროვეობაში. დღეს რაც ხდება აქ, ამ აკადემიაში, არის იმ ყველაფრის მემკვიდრეობა და შედეგი, რა განვითარებაც აქ წლების განმავლობაში მიმდინარეობდა. გარდა ამისა, აქ მუდმივად ხდება განახლება. შეიძლება ითქვას, აკადემია დროს არასდროს არ ჩამორჩება და არასდროს იჭედება ტრადიციის ტყვეობაში. მუდმივად ჩნდება ახალი სასწავლო მიმართულებები, ინსტალაციები იქნება ეს, ფოტოგრაფია, თუ თეატრალური მხატვრობის ფაკულტეტი. მოკლედ, თანამედროვეობის ყველანაირი კრიტერიუმის დაკმაყოფილებას ცდილობენ. მუდმივად თანამედროვეობას უწყობენ ფეხს და არ არის მიმართულება ან ნოვაცია თანამედროვე ხელოვნებაში, დიუსდელდორფის აკადემიას რომ არ ჰქონდეს მასში თანამონაწილეობის სურვილი.

იმის გამო, რომ ჩვენ მოკლებულები ვიყავით ამ ყველაფერს, თან ძალიან გვანტერესებდა კიდევ ის ყველაფერი, რაც აქ ხდებოდა; ჩვენ სწორედ ის ადგილი გვანტერესებდა, სადაც თანამედროვე ხელოვნების პროცესები მიმდინარეობდა და არა რენესანსის ან კლასიკური პერიოდის. მიზანი ის იყო, რომ იმ ენაზე გვესაუბრა, რა ენაზეც თანამედროვე ხელოვნება საუბრობს. გვანტერესებდა ის, თუ როგორ იყო შესაძლებელი განვითარება მასწავლებლის უხეში ჩარევის გარეშე, სადაც მასწავლებელი არ გეტყოდა: „შენ ეს არასწორად დახატე, რადგან თავი აქ ექვსჯერ ჩადის და ფეხი კი მოღრეცილია“. გვანტერესებდა მოგვეჩვენა ის სისტემა, სადაც მხატვარს შეეძლო თავისი პრაქტიკის საშუალებით მიეღწია კომუნიკაციის იმ ენისთვის, რომლის საშუალებითაც მოახერხებდა თანამედროვე ხელოვნებაში თავის დამკვიდრებას და არ იქნებოდა, ვთქვათ, ნატურმორტიტ მოლაპარაკე მხატვარი. არ იქნებოდა ის, ვინც ნატურის საშუალებით გადმოაჭრიალებდა ადამიანის ყოველკუნოს, შეისწავლიდა მის ყოველ ფორმას და ამ ყველაფრის

იმისდა მიუხედავად, რომ ჯერ კიდევ სტუდენტები ვართ და აკადემია არ დაგვიმთავრებია, მხატვრის სტატუსს დიპლომთან ერთად კი არ მივიღებთ, არამედ ჩვენ უკვე ვართ მხატვრები. კარგები ვართ თუ ცუდები, ამას, ამ შემთხვევაში, მნიშვნელობა არა აქვს. მთავარი ისაა, რომ ჩვენ მხატვრები ვართ და აკადემიაშიც მხატვრები გვქვია.



უსათაურო, გურამ შავდია

მარადიულ გამეორებას ხელოვნებას დაარქმევდა. ამის გამო, თბილისში ხანდახან ვიქრობდი, რომ აკადემიაში კი არა სამედიცინოზე ვსწავლობდი. მიქელანჯელოსა და რაფაელის დროს ნატურის ზუსტად აღბეჭდვის ტენდენცია არსებობდა, მაგრამ ამჟამად ეს აღარ არის მთავარი. დღეს სულ სხვა რაღაცეები არსებობს და აუცილებელია გავიგოთ, რომ ესეც კი არა, ესაა ახლა ძალიან მნიშვნელოვანი. რასაც ჩვენ საქართველოში ვსწავლობდით, ნამდვილად მნიშვნელოვანია, მაგრამ ამის გარეშე შეიძლება გადმოსცე ის ემოცია და შენი შინაგანი სამყარო, რაც შენს შიგნითაა. ამისთვის კი არ არის საჭირო კუნთებსა და ბოთლებს ხატავდე გადასარევედ. თუ ადამიანს მაინცდამაინც ამგვარი ნატურალიზმისკენ აქვს მიდრეკილება, მას შეუძლია ხატოს ნატურალისტურად, მაგრამ ყველას სხვადასხვანაირი ნიჭი ეძლევა და მთავარი ამ ნიჭის გახსნაა და არა ყველაფრის ერთ ჩარჩოში მოქცევა.

მ.შ.: მე გურამზე ორი წლით გვიან ჩამოვედი აქ და, სიმართლე გითხრა, იმისდა მიუხედავად, რომ ვიცოდი აქაური მიდგომების შესახებ, ჩემთვის მაინც დიდი აღმოჩენა იყო ის ფაქტი, რომ შესაძლებელი იყო ამხელა თავისუფლება დამხვედროდა. მახსოვს, მაშინ რალაც აფეთქებასავით მოხდა ჩემში – თურმე რაც მჭირდებოდა ზუსტად ის მომეცა აქ. დამხვედა ფანტასტიკური პირობები, ძალიან მაგარი სახელოსნოები, მასალა, მილიონი გამოფენა, ინფორმაცია და გარემო, რომელიც გაძლევს საშუალებას, რომ აკეთო ის, რაც გინდა. ის თავისუფლება, რომელიც აქ მოგვეცა, ერთი შეხედვით ძალიან მარტივია, რადგან არ არსებობს არანაირი დავალება. აქ უბრალოდ გეუბნებიან, რომ არაფრისგან გამოვიყვანო რალაც. აქ ჩვენვე უნდა მოვქმნოთ ის თემა, რომელსაც ჩავეჭიდებით და ჩვენვე უნდა შევქმნათ ყველაფერი. სწორედ ეს არის აქ სწავლის ყველაზე დიდი სირთულე და ასევე ის, რაც ყველაზე დიდ ინტერესს ბადებს ჩემში.

ლ.შ.: მაგრამ გარდა იმისა, რომ ამ აკადემიაში არსებობს მთავარი წესი, რომ ხატო რაც შეიძლება თავისუფლად და ამ თავისუფლებაში გამოხატო თავი როგორც მხატვარმა, ალბათ არსებობს გარკვეული სისტემა და სტრუქტურაც.





„მე და სმაილი“, გურამ შავდია

ისტორია

მამო: რა თქმა უნდა – აქ არსებობს ეგეთი წესი, რომ ყველა, ვინც აბარებს, პირველ წელს ავტომატურად ხვდება **Orientierungsbereich-Si**, ანუ საორიენტაციო განყოფილებაში. აქ იკრიბება ყველა ის, ვინც ახალი ჩარიცხულია აკადემიაში. ყველა სტუდენტი, მიუხედავად იმისა, თუ რა მიმართულებით უნდა მას სწავლის გაგრძელება. ამით მათ შესძლებლობა ეძლევათ „მიედ-მოედონ“ ყველაფერს – მხატვრობით და ქანდაკებით დაწყებული, ფილოსოფიით და სოციოლოგიით დამთავრებული. ერთი წლის შემდეგ ყველა სტუდენტი აბარებს გამოცდას, ანუ წარმოადგენს წლის განმავლობაში შესრულებულ თავის სამუშაოს და თუკი პროფესორები ჩათვლიან, რომ სტუდენტი უკვე მზადაა აირჩიოს თავისი მიმართულება, მას საშუალება ეძლევა გააკეთოს ის, რაც სურს და, რაც მთავარია, ის ცდილობს მოძებნოს პროფესორი, რომელიც იქნება მისი ხელმძღვანელი სწავლის დანარჩენი პერიოდის განმავლობაში. აქედან უკვე იწყება რთული და საინტერესო პროცესი, რომელსაც შეიძლება ბრძოლაც კი დავარქვათ. შენთან არავინ მოდის და არ გთავაზობს, რომ მის კლასში იყო. სტუდენტმა თავად უნდა წარუდგინოს პროფესორს თავი ისე, რომ მოეწონოს. შეიძლება ითქვას, საორიენტაციო განყოფილების შემდეგ იწყება ომი და კონკურენცია სტუდენტებს შორის. მერე, როცა პროფესორთან ხვდები სახელოსნოში, ძალიან განსხვავებული პროცესის თანამონაწილე ხდები. მიუხედავად იმისა, რომ ყველა პროფესორს თავისი მიდგომა აქვს, მაინც თავისუფალი რჩები განრიგის ამბავში და შეგიძლია ნებისმიერ დროს მიხვიდე და ხატო.

გარდა ამისა, კვირაში ერთხელ, ან ორ კვირაში ერთხელ, არის კოლოკიუმი, სადაც პროფესორებთან ერთად იკრიბებიან სტუდენტები და ორი-სამი სტუდენტი წარმოადგენს თავის ნამუშევრებს. ამის შემდეგ უკვე ხდება ამ ნამუშევრების კრიტიკა. პრინციპში ეს არის კიდევ ის ერთადერთი შეფასება, რომელიც კეთდება სწავლის დროს. სტუდენტები და პროფესორები გამოთქვამენ აზრს იმის შესახებ თუ რა გააკეთე ცუდად, რა იყო საინტერესო, რა აკლდა ნახატს და ა.შ. ეს პროცესი ძალიან გეხმარება იმაში, რომ წინ ნახვიდე, მაგრამ ამ კრიტიკაში არ იგულისხმება ის, რომ სტუდენტი რამენაირად უნდა დაემსგავსოს თავის პროფესორს და თუ ეს ასე ხდება, მაშინ ეს ძალიან უარყოფითად არის ხოლმე აღქმული სხვა პროფესორების და საერთოდ, აკადემიის მხრიდან, რადგან ეწინააღმდეგება აკადემიაში სწავლის პრინციპებს. პროფესორის მოვალეობა ისაა, რომ საკუთარი თავის პოვნაში მოგეხმაროს და არა ის, რომ თავისი ორეული შექმნას.

კიდევ, რაც მნიშვნელოვანია, აკადემიაში მუდმივად ტარდება სხვადასხვა გამოფენები, ჩამოდიან ცნობილი არტისტები, რომლებიც ატარებენ სემინარებს, რაც ძალიან დიდ ცოდნას გვაძლევს – როგორც თეორიული, ასევე პრაქტიკული კუთხით. ხოლო წელიწადში ერთხელ ტარდება ე.წ. **Rundgang**-ი, რაც შეიძლება ქართულად ითარგმნოს როგორც „შემოვლა“. რუნდგანგის დროს აკადემია გარდაისახება დიდ საგამოფენო სივრცედ, სადაც სტუდენტები საკუთარ ნამუშევრებს წარმოადგენენ. ეს ერთგვარი დღესასწაულიცაა ჩვენთვის, რადგან ამ დროს ბევრი რაღაცის შანსი ჩნდება – მთელი გერმანიიდან ჩამოდის ხალხი, რათა ეს გამოფენა ნახოს. გვიგროვდება დიდი

გამოცდილება, თუ როგორ უნდა მოაწყო გამოფენა, რა არის მისი ორგანიზების სირთულეები და როგორ უნდა იყოს ის დაგეგმილი.

გურამი: ცოტას კრიტიკაზე მეც ვიტყვი – აკადემიის სწავლების მთავარი პრინციპი არის ის, რომ არსებობს კონსტრუქციული კრიტიკა. ყოველი სტუდენტი და პროფესორი ცდილობს გამოსატოს თავისი აზრი და არ არსებობს არანირი ზღვარი, რომ პროფესორმა კოლოკიუმზე უფრო მეტი უნდა ილაპარაკოს, ვიდრე სტუდენტმა. მთავარი ამოსავლი პრინციპი არის ის, რომ ყველა ადამიანი პიროვნებაა და აბსოლუტურად იგივე უფლებები აქვს რაც სხვას.

მამო: ჩვენთან, საქართველოში, ხშირად არის ხოლმე, რომ ლექტორი სტუდენტს ზემოდან უყურებს და ეს არა მარტო აკადემიაშია, არამედ სხვა სასწავლებლებშიც ასეა და საერთოდ, მთელ საქართველოში ასე ხდება. აქ კი, როგორც სტუდენტს, საკმაოდ დიდი ნონა გაქვს და შენი უფლებებიც დაცულია. ყველაფერს რომ თავი დავანებოთ, თქვენობით მოგმართავენ, რაშიც ფორმალურად მაინც გამოიხატება, რომ პიროვნება ხარ. იმისდა მიუხედავად, რომ ჯერ კიდევ სტუდენტები ვართ და აკადემია არ დაგვიმთავრებია, მხატვრის სტატუსს დიპლომთან ერთად კი არ მივიღებთ, არამედ ჩვენ უკვე ვართ მხატვრები. კარგები ვართ თუ ცუდები, ამას, ამ შემთხვევაში, მნიშვნელობა არა აქვს. მთავარი ისაა, რომ ჩვენ მხატვრები ვართ და აკადემიაშიც მხატვრები გვქვია.

გურამი: აქ არავიან არ გეტყვის უცებ, „აი, შენ, რაღაცას რომ ჯღაბნი, ესე კი არ უნდა დაჯღაბნი...“ და ა.შ. პროფესორი აქ ისედაც ავტორიტეტია და სრულებითაც არ სჭირდება, რომ მსგავსი ხერხებით დაამტკიცოს თავისი უპირატესობა. იდეა იმაში მდგომარეობს, რომ სტუდენტმა, რომელზეც არის აკადემიის ფოკუსი მიმართული, თავი პიროვნებად იგრძნოს და გაიგოს ის თავისუფლება, რომელსაც აკადემია აძლევს მას. ამით იქმნება ის განცდა, რომ ხარ თავისუფალი, მაგრამ ამ თავისუფლებაში მუდამ უნდა იცოდე, რომ გაგაკრიტიკებენ. თუმცა ეს კრიტიკა მიმართულია არა დამცირებაზე, არამედ იმაზე, რომ განვითარდე. აქ არავინ არ გეტყვის: „ნუ აფრენ, ჯერ ისწავლე და მერე გააფრინე“, არამედ, პირიქით – თუ გინდა გაგიყდი კიდევ, ბოლომდე შეყევი ამ პროცესს.

მამო: კოლოკიუმის შემდეგ, როცა გაგაკრიტიკებენ, ბევრად უფრო კარგია, ვიდრე მაშინ, როდესაც მხოლოდ შეგაქებენ. იმიტომ, რომ შექების შემდეგ არ იცი რა უნდა გამოასწორო. ქების შემდეგ, თითქოს იძულებული ხარ, რომ იმავე ადგილას დარჩე.

გურამი: ქება იგივეა, გაქცეულ კაცს ფეხი რომ დაუდო. შექება არანაირად არ ემსახურება უმთავრეს პრინციპს, იმას, რომ პრობლემა გადაიჭრას. კრიტიკით, რომელიც სხვადასხვა ადამიანისგან მოდის, ხდება იმ სიძნელეების დაძლევა, რომელიც კონკრეტულ ნახატში შეიძლება წარმოიქმნას. შენ, რა თქმა უნდა, შეგიძლია არ მოუსმინო მათ და არც არაფერი გაითვალისწინო, მაგრამ ასე შორს ვერ ნახვალ, ჩაიკეტები. ჩაკეტვას კიდევ თავისუფლებასთან არაფერი აქვს საერთო. თავისუფალი ისაა, ვისაც შეუძლია კრიტიკა მოისმინოს, იმიტომ, რომ მას სურს, რომ კიდევ უფრო გათავისუფლდეს.



„დირსი“ - ყველაფერი აუცილებელი უკვე აქ არის!

დედაქალაქში მიმდინარე უამრავი სამშენებლო პროექტის ფონზე, განსაკუთრებით რთულია იმ შემთავაზების მიგნება, რომელიც მაქსიმალური კომფორტისა და უსაფრთხოების უზრუნველსაყოფად, ყოველდღიური ცხოვრებისთვის აუცილებელ ყველა პირობას გთავაზობს.

სწორედ ასეთი დილემებისგან გათავისუფლებას სთავაზობს საქართველოში მცხოვრებ ადამიანებს ახალი სამშენებლო პროექტი - „დირსი“, რომლის განხორციელება თბილისში 2012 წელს დაიწყო. პროექტი ამერბაიჯანულ კომპანიას „AS Group Investment“-ს ეკუთვნის, რომლის საქმიანობის სფერო - სამშენებლო სექტორის, ბეტონის, რკინა-კონსტრუქციებისა და აგურის წარმოებას აერთიანებს. აღნიშნულმა კომპანიამ საკუთარი წარმომადგენლობა საქართველოში 2011 წელს, „AS Georgia“-ს სახელით დააფუძნა და საქართველოსა და ამიერკავკასიის მასშტაბით უმსხვილესი პროექტის განხორციელებას ჩაუყარა საფუძველი.

სამშენებლო პროექტი თბილისის ისტორიულ ნაწილში 20 ჰექტარზე გაშენებულ ულამაზეს საცხოვრებელ კომპლექსს მოიცავს და ერთადერთი ადგილია დედაქალაქში, რომელიც თანამედროვე და უსაფრთხო ცხოვრების შესაბამის პირობებს ქმნის. მასში განთავსებულია 22 საცხოვრებელი შენობა, რომელიც 5 228 ბინას (დასრულებული რემონტით) აერთიანებს. ბინების კეთილმოწყობის უზრუნველსაყოფად, საცხოვრებელი კომპლექსი აღჭურვილია თანამედროვე აბაზანით, სამზარეულოს იტალიური ავჯით, ცენტრალური გათბობით, საკაბელო ტელევიზიითა და მა-


ლალსიქარიანი ინტერნეტით. თანამედროვე დიზაინით გამორჩეული საცხოვრებელი კომპლექსი ჩოლოყაშვილის ქუჩასა და მდინარე მტკვარს შორის მდებარეობს და მობინადრეებს ძველი თბილისის შთამბეჭდავ პანორამულ ხედებს სთავაზობს.

„დირსის“ უნიკალურობა კი იმაშია, რომ მისი მობინადრეები ყოველდღიური კომფორტისთვის საჭირო ყველა პირობას ერთ სივრცეში იღებენ: თანამედროვე სკოლები, საბავშვო ბაღები, სამედიცინო, სავაჭრო და გასართობი ცენტრები, სპორტული მოედნები, აუზები, კაფე-ბარები და რესტორნები. აქვეა ავტოსადგომები და მიწისქვეშა ავტოფარეხებიც, რომლებიც საცხოვრებელ ბინას მაღალსიქარიანი ლიფტით უკავშირდება. ჯანსაღი ცხოვრებისთვის აუცილებელი სპორტული ობიექტების გარდა, საცხოვრებელი კომპლექსის ტერიტორიაზე ბულვარია გაშენებული, რომელიც მდინარე მტკვრის სამკილომეტრიან სანაპიროს მოიცავს.

საცხოვრებელი გარემოს შერჩევასთან დაკავშირებული პრობლემების გადასაღებად, კომპანია მომხმარებლებს ფასდაკლებების, შიდა განვადებისა და იზოთეკური სესხების მოქნილ პირობებს სთავაზობს. დამატებითი ინფორმაციის მიღების მიზნით დაინტერესებულ პირებს „დირსის“ გაყიდვების ოფისი მასპინძლობს, რომელიც თბილისში, ჩოლოყაშვილის ქუჩასა და მდინარე მტკვარს შორის მდებარეობს. (ტელ: + 995 322 74 04 04; ელ.ფოსტა: info@dirsi.com.ge, www.dirsi.com.ge)



Philip Roth 80



ფილიპ როთის 80 წლისთავს მთელს ამერიკაში აღნიშნავენ, მაგრამ ყველაზე გულის ამაჩუყებელი ალბათ ის დღე იქნებოდა, როცა მწერალს ზეიმი მშობლიური ნიუარკის მაცხოვრებლებმა მოუწყვეს და მარშით მოსიარულე კამერული ორკესტრი და წიგნების გროვად გამომცხვარი უზრმაზარი ტორტი დაახვედრეს. როთი, კარგა ხანია, ხან კონექტიკუტის შტატის ერთ-ერთ სოფელში ცხოვრობს, ხანაც ნიუ-იორკში, ზედა უესტ საიდზე, მაგრამ მაინცდამაინც ნიუარკია ის ადგილი, რომლისკენაც ცოცხალთა შორის ამერიკის ყველაზე დიდ პროზაკოსად აღიარებული მწერლის ფანებისა და „მომლოცველების“ ნაკადი არასდროს წყდება. ეს ის ქალაქია, რომელიც როთმა დიდი ხნის წინ დატოვა, და რომელშიც დაუსრულებლად ბრუნდებოდა საკუთარ რომანებში. აქ დაიბადა თავად როთიცა და მისი სახელგანთქმული პერსონაჟიც, ფსიქოთერაპევტებთან მოსიარულე კინო თუ ლიტერატურულ გამირთავან უდავოდ უდიდესი ალექს პორტნოი („პორტნოის სინდრომი“), ებრაულ ტრადიციას, დემოკრატიის იდეალებსა და ძირითად ინსტიტუტს შორის „გაჭედილი“ ებრაელი ლიბერალი. იუბილარი ფილიპ როთი დღეს ჩვენი ნომრის გმირია, „პორტნოის სინდრომი“ კი ამიერიდან ქართველი მკითხველის კუთვნილებაც გახდა – ერთი კვირის წინ, აპრილში, ქეთი ქანთარიას მიერ თარგმნილი რომანი გამომცემლობა „დიოგენემ“ გამოსცა.

ფილიპ როთი ის ერთადერთი მწერალია, რომელსაც ამერიკის ნაციონალურმა ბიბლიოთეკამ განსაკუთრებული პატივი არგუნა, და 1959 წელს დაწერილი „მშვიდობით, კოლამბუსიდან“ 2010 წელს გამოცემულ „ნემეზიდამდე“ უკლებლივ ყველა რომანი გამოუცა. გასულ წელს მწერალმა განაცხადა, რომ ლიტერატურასთან სამოცდახუთწლიან „ჭიდილზე“ უარს ამბობს და ამიერიდან აღარაფრის დაწერას აღარ აპირებს. ჯერჯერობით მწერალი სიტყვას არ გადასულა.

დიდი ამერიკელი მწერლის იუბილეს აღსანიშნავად დღევანდელ ნომერში გთავაზობთ NPR-ის (National Public Radio) მიერ 2013 წლის მარტში ჩანერგილ ინტერვიუს, რომელშიც ფილიპ როთს სკოტ საიმონი ესაუბრება. ასევე გთავაზობთ დევიდ რემნიკის მიერ 2000 წელს დაწერილ ვრცელ ესეს.

ფილიპ როთი:

„უკვე რამდენიმე წელიწადია, მართლა არაფერი დამინერია“

საიმონი: დაბადების დღეს გილოცავთ, მისტერ როთ. როგორ იგრძენით თავი, როცა ნახეთ, როგორ იზეიმა ეს დღე მთელმა ნიუარკმა, და ვთქვათ სიმართლე, არამარტო ნიუარკმა?

როთი: არაჩვეულებრივი იყო. დარბაზი ერთიანად გაივსო, მოსულთა შორის ბევრი იყო ისეთი, ვისთან ერთადაც სკოლაში ვსწავლობდი. იყვნენ გოგონები, რომლებსაც მაშინ ვხვდებოდი ხოლმე. გადასარევი იყო, დიახ.

წავიკითხე, თითქოს მანჰეტენზე, თქვენს ბინაში, წარწერა გაგიკრავთ, სადაც წერია, რომ მწერლობასთან ჭიდილი დაამთავრეთ.

დიახ, დიახ, დიახ.

კი ბატონო, მაგრამ ეს სიმართლეა?

დიახ, დიახ, დიახ. მანამდე არ ვიცოდი, რომ თურმე წერა შემინწყვეტია, ეს აზრი თავისით მომიმწიფდა. კაცმა რომ თქვას, უკვე სამი წელია, რაც „ნემეზიდა“ დავასრულე. არც ის ვიცოდი, რომ „ნემეზიდა“ ჩემი უკანასკნელი რომანი იქნებოდა, თვეების განმავლობაში ვცდილობდი რაღაც ახლის დანყებას და არაფერი გამომდიოდა. ბოლოს მივხვდი, რომ ვალდებული არ ვიყავი, რამე დამეწერა. 1955 წლის შემდეგ ვწერ. მაშინ 22 თუ 23 წლის ვიყავი. თანდათანობით ამ საქმეს თავი ვანებე და აღმოვაჩინე, რომ თურმე ეს ძალიან სასიამოვნო ყოფილა. უკვე რამდენიმე წელიწადია, მართლაც არაფერი დამინერია.

ნიშნავს თუ არა ეს იმას, რომ ცხოვრებას აღარ აკვირდებით, რომ ისეთს ვერაფერს ხედავთ, რაზეც წერა ღირს?

ალბათ, რომ წერდეთ, რაღაცას უნდა მოეჭიდოთ ცხოვრებაში, ამბავი იქნება ეს, პერსონაჟი თუ სახეები?

დიახ, სწორედ ამას ნიშნავს. უფრო ხშირად ასე ხდებოდა. ვილაც ამბავს მიაბობოდა თუ არა, ადრე მაშინვე მასზე ვინყებდი ფიქრს, ხვდებით ალბათ, რასაც ვგულისხმობ, თუ საინტერესო ამბავი იყო, მაშინვე ვულრმავდებოდი, რა იყო მასში ყურადღების ღირსი. შინ მივიდოდი, ჩავინერდი და შევინახავდი, შევეთამაშებოდი, გონებაში მის ტრიალს დავინყებდი. ეს მართლა დაუსრულებელი გონებრივი მუშაობის პროცესი იყო. ახლა კი მთხრობელს უბრალოდ ვუსმენ და ეს შესანიშნავია. მერე შინ მივდივარ და ვიძინებ.

გაქვთ იმის შეგრძნება, რომ რაღაც ტვირთი მხრებიდან მოიშორეთ? თუ...

ძალიან ჰგავს ამას, ძალიან. იცით, ზოგიერთი საქმიანობა ძალიან მძიმე სამუშაოს გულისხმობს. წერა ერთერთია მათ შორის. მე ისეთ მწერალს არ ვიცნობ, ვისაც ეს საქმე თამაშ-თამაშით გამოსდის. შესაძლოა, მხოლოდ ჯონ აპდაიკი – აპდაიკს ამბავი ერთიანად, მთლიანად მოსდიოდა თავში, პირადი გამოცდილებიდან უტივტივდებოდა, მაგრამ ჩვენ, დანარჩენები, ასეთი ილბლიანები ვერ ვართ და დიახ, მე წერა მძიმე სამუშაოს ფასად მივხდებოდა.

როგორი გავლენა მოახდინა თქვენზე იმ წარმატებამ და ყურადღებამ, რომელიც 1969 წელს „პორტნოის სინდრომის“ გამოსვლამ მოიტანა?

ამ რომანმა მკვეთრად შეცვალა

ჩემი ცხოვრება. ძალიან საფუძვლიანად. მგონი ცხოვრებაში პირველად გამიჩნდა ფული. საკმაო სახელიც მომიტანა და თან სახელი გამიფუჭა. ვერ გეტყვით, ქუჩაში ყველა გამვლელ-გამომვლელი მაჩერებდა-მეთქი, მაგრამ თვეების განმავლობაში რომანი ბესტსელერების სიის თავში იყო მოქცეული, ცნობილი ხომ იმით გახდა, რომ „ბინძური“ წიგნი იყო, და უამრავი ადამიანი ცდილობდა ქუჩაში ჩემთან მასზე გამოლაპარაკებას. ხანდახან მანქანებიდან მიყვიროდნენ, „პორტნოი, შეეშვი მაგ საქმეს...“

(იციინან)

მოკლედ, ამ ხუმრობების ობიექტი მე ვიყავი. და ეს ნორმალურია. ესეც ამ ყველაფრის ნაწილია, ალბათ გესმით. მაგრამ ბოლოს, ცოტა არ იყოს, მომბეზრდა და საცხოვრებლად სოფელში გადავედი.

ნება მომეცით, ნათან ცუკერმანზე შეგეკითხოთ, პერსონაჟზე, რომელიც მგონი თქვენს ცხრა რომანში ჩნდება. რა გაქვთ საერთო თქვენ ორს?

ნათან ცუკერმანმა ბევრი რამ მასწავლა. სასარგებლო ინსტრუმენტი გამოდგა ჩემთვის. მისი აზროვნება გამოდგა სასარგებლო. ბევრ ჩემს რომანში ის იყო გონიერების ხმა, გონიერი მთხრობელი.

რამდენად გონივრული გეჩვენებათ ზოგიერთის აზრი, თითქოს თქვენ და ნათან ცუკერმანი ლამის ერთი და იგივე პიროვნება იყოთ?

ჩემი აზრით, ეგ უგუნურებაა, მაგრამ როგორც ჩანს, მე მანდ ვერაფერს ვანწყობ. ადამიანი, რა თქმა უნდა, საკუ-



Philip Roth 80

თარ გამოცდილებას ეყრდნობა. ეს იმას არ ნიშნავს, რომ რაც ყოველდღიურად შემგმთხვევა, ყველაფერზე წერდე. მაშინ მწერალიც აღარ გქვია. მაგრამ გამოცდილება გასწავლის, მისი მემეობით იგებ, როგორია ცხოვრება. და მერე ანონ-დანონი, არჩევ შენს გამო-ნაგონსა და აქტუალობის განცდას შორის. მაგალითად, ხანდახან ისეთი რამ შემგმთხვევა, რაც ინტერესს იმსახურებს, მაგრამ მე ასე ვიტყვი, ვილაცის თავს გა-დამხდარი შემთხვევების 80 პროცენტი მაინც ვილაცას საინტერესო ეჩვენება.

მგონი არსებობს ადამიანი, სახელად ბლეიქ ბელი, რომელიც თქვენი ბიო-

ძლოა, ისინი გააკვირვებთ კიდევ, როცა, სამოცდაათ წელს გადაცილებულმა, მხოლოდ ახალ-ახალი რომანები კი არა, თქვენს ნაწერებს შორის საუკეთესო-ბიც კი დანერეთ.

უბრალოდ იმის კეთებას ვაგრძელებდი, რაც მანამდე მიკეთებია. ძალ-ღონე და ენერჯია მყოფნის, კარგად ვარ ნავარჯიშევი. და ამ საქმის მიმართ თავდადება გამაჩნდა. მთელი ჩემი ცხოვრება წერას მივუძღვენი. ჩემი დიდი პრობლემა ეს იყო ხოლმე – როგორ დამწერა წიგნი. ერთ წიგნს რომ დანერ, მერე მეორე უნდა დანერო, საკუთარ თავს ხომ უნდა დაუ-მტკიცო, რომ ამის გაკეთება ხელახლა შეგიძლია. ასე რომ, ჩემი 70 და მას მოყოლებული წლები 60 და 50 წლის ასაკისგან დიდად არც განსხვავდებო-და. მძიმე პერიოდი ერთადერთხელ მქონდა, 60-იანი წლების დასაწყისში,

რე. ნახევარ-რომანებზეც დამიწერია, შეკვეცილი ფორმის რომანებიც და ასე შემდეგ. მაგრამ დრო გადიოდა, და თანდათანობით ცოტა უკეთ გა-ვერკვე, როგორი იყო ჩემი საკუთარი ტერიტორია და როგორი უღერადობა უნდა მქონოდა. ამიტომ, სიმართლე გითხრათ, არც კი ვიცო, რა მოხდა ახალი მას შემდეგ, რაც 70 წლის გავხდი. საუბრედ იმავე ფაფას ვჭამ, რომელ-საც ადრეც გეახლებოდით.

ალბათ უჩემოდაც კარგად გეცოდინე-ბათ: ზოგი მკითხველი, უმეტესად ქალები, ამბობენ ხოლმე, თითქოს ზოგიერთი თქვენი რომანი უსიამოვნო განცდას უჩენს; ბრალად იმას გიყენებენ, რომ თქვენი ქალი პერსონაჟების უმეტესობა უსიმპათიოდ, კარიკატურულადაა შექმ-ნილი.

ეს დაუფიქრებელი განზოგადებებია

ახლაც ისეთივე სამუშაო მაქვს შესასრულებელი, როგორიც უნინ. თავშიც ვთქვი: როცა დამწყები მწერალი ხარ, გარკვეულ პრობლემათა ერთობლიობა აუსილებლად იჩინს თავს. მაგრამ საქმე არც მერე იოლდება.

გრაფია. ეხმარებით მას მუშაობაში? გამოიცანით. რასაც ახლა ვწერ, სწორედ მისთვისაა განკუთვნილი. მგონი დღეში ორი საათი მაინც მიხდება მუშაობა, რომ მის ყველა კითხვას პასუხი გავცე.

როგორ გრძნობთ თავს, როცა ეს ადამიანი, ამაში დარწმუნებული ვარ, თქვენი ცხოვრების ყველაზე პირად მომენტებში ცდილობს გარკვევას?

ეს ჩვენი შეთანხმების ნაწილია. ხედვებით ალბათ, არსებობს შეთანხმება, რომლის პირობებსაც იღებ, ან არ იღებ. მაინცდამაინც დიდი საიდუმლოებები არც მაქვს. თქვენ გაქვთ დიდი საიდუმლო? მე, სიმართლე გითხრათ, არა.

რამდენადაც ვიცო, ამერიკის ბიბლიოთეკამ თქვენი ნაწერების სრული გამოცემა ათი წლის წინ დაიწყო, მერე, შესა-

იმიტომ კი არა, რომ ცხოვრება გამიჭირდა, სწორედ მაშინ ვიმაგრებდი ფეხს ამ სარბიელზე, და ჯერ არ ვიცოდი, როგორი მწერალი ვიყავი. დაწერე ერთი წიგნი, „ნახვამდის, კოლამბუს“, და ეს ერთი ტიპის რომანი იყო. მერე დაწერე უზარმაზარი „Letting Go“ – დიდი, სერიოზული რომანი. მესამე ყაიდის რომანი, ჩემი განსხვავებული ხმა „როცა ის კარგი და კეთილი იყო“ („When She Was Good“) გახლდათ, „პორტნოის სინდრომი“ კი ამათგან განსხვავებული, მეოთხენაირი რომანი იყო. ხედვებით ალბათ: ვერ გავერკვე, რომელი ხმა იყო ჩემული. ამით იმის თქმა მიწნდა, რომ პირველი ათი თუ თხუთმეტი წელი გზას შენი ტიპის ლიტერატურაში იკაფავ, მაგრამ წინასწარ ვერ გეცოდინება, რანაირი ლიტერატურაა ეს. ახლა ვფიქრობ, რომ თავიდან ბევრი ცრუ სტარტიც შეიძლება იყოს, ასეთი რამ ხომ მეც გამოვი-

და ამგვარი მკითხველის არსებობას დიდად არ ვუღრმავებდი.

მაშასადამე, პრობლემა მათეულ წაკითხვაშია, თქვენ ასე ფიქრობთ? აბსოლუტურად. რასაკვირველია.

საკმარისია, წიგნს თქვენი სახელი ეწეროს – თქვენ კი შეიძლება შემეწინააღმდეგოთ, მაგრამ ასეა – რომ მას მკითხველი დიდი პატივით იღებს, და თქვენც იცით, რომ ასე იქნება, როცა მომდევნო რომანს დანერთ. მაგრამ როგორც თავადვე თქვით, როცა წერას იწყებდით, უფრო ძნელი იყო იმის თქმა, რომ თავს საკუთარი ნაწერები გაგატანინებდათ.

ამისგან სამუშაოს სირთულე არ დაკლებია. ახლაც ისეთივე სამუშაო მაქვს შესასრულებელი, როგორიც უნინ. თავშიც ვთქვი: როცა დამწყები მწერალი ხარ, გარკვეულ პრობლემათა ერთ-

ბლიობა აუცილებლად იჩენს თავს. მაგრამ საქმე არც მერე იოლდება. შეიძლება, იმ წიგნის მთვარი პრობლემატიკა, რომელსაც წერ, მოხელთებულ გეონდეს, მაგრამ მძიმე სამუშაო მძიმე სამუშაოდვე რჩება. შეიძლება წიგნი ორი წელი წერო. ხანდახან დღეში თითო გვერდს წერ, ხანდახან – არც ერთს; შეიძლება, სამი გვერდი დაწერო, მაგრამ მერე მოისროლო. ყოველი წინადადება ახალ პრობლემას წამოჭრის. შენი ამოცანა ისაა, ერთი წინადადება მომდევნოს გადააბა. წერ ამ წინადადებას, და მერე უნდა გაიაზრო, რა შეიძლება მოსდევდეს მას, და რა არ უნდა მოსდევდეს.

ყველა იმ პრემიას არ ჩამოვთვლი, რაც წლების განმავლობაში გაქვთ მიღებული, მაგრამ მაინტერესებს, იყო თუ არა აღიარების ფორმა, რომელიც თქვენთვის ახლაც ბევრს ნიშნავს.

რა გითხრათ, ასეთი ბევრი იყო და ალბათ უკვე საკმარისია. ბოლოს და

ბოლოს, ისე ხდება, რომ პრემიები ბევრს აღარაფერს ნიშნავს შენს ცხოვრებაში. თუმცა ზოგი ჯილდო უფრო მნიშვნელოვანი გეჩვენება, ასეც არის. და როცა ჯილდოთი იმ წიგნს გამოარჩევენ, რომელიც განსაკუთრებით მოგწონს – უნდა გითხრათ, ეს არაჩვეულებრივია. იცით, ჯილდოს მიღება ადამიანში ბავშვს აღვიძებს. და მეორე დღეს სამუშაოს ახალი ძალით უბრუნდები.

არის თუ არა ისეთი რამ თქვენს ცხოვრებაში, რასაც ახლა მეტ დროს უთმობთ?

დიახ, ხანმოკლე ნაძინებებს. მოდი, ორიოდ სიტყვას გეტყვით ამაზე. ეს სრულიად ფანტასტიკური რამეა. პატარა რომ ვიყავი, მამაჩემი სულ ცდილობდა, ჩემთვის კაცად ყოფნა ესწავლებინა. და ერთხელ მითხრა – მაშინ ალბათ ცხრა წლის ვიქნებოდი – ფილიპ, ნაძინება რომ მოგინდება, ტანზე გაიხადე, პლედი ან საბანი დაიფარე

და უკეთ დაგეძინებაო. ახლა სწორედ ასე ვიქცევი. როგორც სხვა დანარჩენში, მამაჩემი აქაც მართალი იყო. წამოვწევი, წავუძინებ ხოლმე, აუზიდან რომ ამოვდივარ, წავიხემებ, გაზეთს წავიკითხავ და ისევ ამ შესანიშავ რამეს ვაკეთებ – თვალს ვატყეუბ. თვალს რომ ახელ, პირველი თხუთმეტი წამის განმავლობაში ვერც ხვდები, სად ხარ. უბრალოდ ცოცხალი ხარ, სული გიდგას. ნეტარება სხვა კი არაფერია. აი ესაა აბსოლუტური ნეტარება. თქვენ ალბათ ჯერ კარგა ხანს იმუშავებთ, მაგრამ მერე ამის დროც დაგიდგებათ.

მგონი არაჩვეულებრივი რჩევა მომეცით.

და ტანზე გახდა არ დაგავინყდეთ.

მისტერ როთ, ძალზე სასიამოვნო იყო თქვენთან საუბარი. დიდი მადლობა. გმადლობთ, სკოტ.

ინგლისურიდან თარგმნა ქეთი ქანთარიამ




ლიბერალიზმი
 ბაზისი
 ბაზისი რიბი 7 (43 89 39) ბათუმი, ბაზისი რიბი 18 (422 222 7 20 13)
 ბაზისი რიბი 31 (31 30 97), თარხნიძის ქუჩის 2 (22 51 33), აბაშიძის 22 (22 02 76)



დაუფარავად

ფილიპ როთი: შფოთვიდან წესრიგისკენ

ავტორი დავიდ რაბენიკი
ინგლისურიდან თარგმნა ქეთი მანთარია





Philip Roth 80

შარშანინ, ზაფხულში, ფილიპ როთმა კონექტიკუტში თავისი სოფლის სახლის კარი გამოიხურა და „ბაბილონი“ მორიგი „რეიდის“ შესასრულებლად გამოვიდა. რამდენიმე მეგობარი მოინახულა, თმა შეიჭრა და შინ დაბრუნებამდე „ნიუ იორკერის“ ოფისში შემოგვიარა. სანამ სენდვიჩებს გეახლებოდით, ჯერ „იანკებზე“ ვისაუბრეთ, რომლებსაც ბრწყინვალე სპორტული მიღწევების ზაფხული გა-

მოუვიდათ, მერე, ნაკლებ ხალისიანად ვილაპარაკეთ კლინტონებზე, რომლებსაც, მათგან განსხვავებით, დასაკვენნი არაფერი ჰქონდათ. დაახლოებით ერთი წლის შემდეგ, როცა ნიუ-იორკში და კონექტიკუტის სახლში ხელახლა შევხვდით, როთი ზუსტად ისეთი არაჩვეულებრივი მოსაუბრე გამოდგა, როგორადაც მისი მეგობრები ახასიათებდნენ. „ფილიპი მძინვარე ტემპერამენტის ადამიანია“, მითხრა ბიოგრაფმა ჯუდი თარმანმა, „დაუყოვნებლივ და შეუღამაზებლად რეაგირებს ყველაფერზე – ფლეგმატიკოსის სრულიად საპირისპირო ტიპია“. თუ როთი კარგ გუნებაზეა, განუმეორებელი იმიტატორი ხდება (შეუძლია განასახიეროს ნებისმიერი ხმა – მაიკის და მედ დოგის რადიოგუნდის ციებცხელებიანი ღრიანცილიდან ჰაროლდ პინტერის მსუყე ანტიამერიკანიზმებამდე). ისეთი სასაცილო შეუძლია იყოს, როგორც რომელიმე დიდ კომედიანტს, რომელიც თან ბრწყინვალე ლინგვისტური ნიჭით იქნება დაჯილდოებული. მაგრამ ზაფხულის იმ მშფოთვარე დღეს, როცა ქვეყანაში დინჯ განსჯასა და დამცინავ ხითხითს შუამდგომი განწყობა სუფევდა, ვერც როთი იყო მაინცდამაინც გუნებაზე. მუქ თვალებში სერიოზული გამომეტყველება ედგა. ეს მონიკას (მონიკა ლევენსკი იგულისხმება – მთარგ.) ზაფხული იყო, ორალურ სექსზე აგებული ანექდოტების, „ღალატისა და სუბვერსიული სიამოვნების სეზონი:

ფარისევლობის ექსტაზი“, ასე უწერია თავად როთს. უეცრად მისი რომანების არაერთი თემა ამოტივტივდა: ღალატი, მოჩვენებითი მწუხარება, და, როგორც ჩანს, იმაზე დაფიქრებული, როგორ უნდა გამოსულიყო კლინტონი ამ საჩოთირო სიტუაციიდან, როთი უცებ წელში გაიმართა და ნახევრად ხუმრობით თქვა, „იქნებ ტელევიზიით გამოვიდეს და ცოლქმრულ ღალატზე ალაღად დაგველაპარაკოს“. შეიძლება იმას გულისხმობდა, რა სირთულეები ახლავს თან ხანგრძლივ, არცთუ უღრუბლო ქორწინებას. არანაირი პოლიტიკური მიზანშეწონილობა მისი ფრაზის უკან არ იდგა. მერე გვითხრა, „არ გინდათ, მწერლების ჯგუფს ამ ამბავზე დაანერინოთ? რა საჭიროა მორალის პრობლემაზე დაწყებული ნაციონალური დისკუსიის დაყვანა პრიმიტიულ თემებამდე?“ თუმცა, ბოლოს, ერთ-ერთი იმ იშვიათ მწერალთაგანი, ვინც ამ საკითხის გარშემო აზრის გამოთქმას მოერიდა, თავად როთი გამოდგა.

როგორც გაირკვა, მაშინ დროის დაკარგვა ენანებოდა, რადგან რომანს წერდა, რომანს, რომელშიც მოქმედება იმ ზაფხულში ხდება, როდესაც „ამერიკის სინმინდე შეიბღალა“, როცა „ტერორიზმი, რომელმაც, როგორც ქვეყნის თავზე აღმართულმა მუდმივმა საფრთხემ, თითქოს სამუდამოდ ჩაანაცვლა კომუნიზმი, უეცრად ორალურ სექსად გარდაისახა“. როთი მაშინ „ადამიანურ ლაქას“ წერდა, ნიგნს, რომელიც შემდეგ ომის შემდგომი ამერიკული რეალობისადმი მიძღვნილ ტრილოგიაში შევა. მას წინ „ამერიკული პასტორალი“, ვიეტნამის თემაზე დაწერილი რომანი და მაკარტის პერიოდისადმი მიძღვნილი „როგორ გავყევი ცოლად კომუნისტს“ უძღოდა. როთი ისეთი მთხრობელია, რომელსაც პრობლემაზე ჯიქურ გადასვლა და პერსონაჟისთვის დანიშნულების მოძებნა არ უჭირს, და „ადამიანურ ლაქაში“ შეუცდომლად აღწერს იმ ზნეობრივ და პოლიტიკურ ამინდს, რომელშიც მის გმირებს უნევთ არსებობა: „ამერიკაში ის ზაფხული იდგა, როცა გულისრევის შეგრძნება და-

ბრუნდა, როცა ენს უკავია და ანექდოტების გაცვლა-გამოცვლას, განსჯის, თეორეტიზირების და ჰიპერბოლიზების სურვილს ბოლო არ უჩანდა, როცა ბავშვებისთვის ზრდასრული ცხოვრების გაცნობის მორალური ვალდებულება მის შესახებ ილუზიების შენარჩუნების საჭიროებამ გადაფარა, როცა ადამიანების უნამუსობამ დამანგრეველი ძალა შეიძინა, როცა ერს სულში რომელიღაც აწყვეტილი დემონი ჩაუსახლდა, როცა ორივე მხარეს, აქეთაც და იქითაც, ხალხი კითხულობდა, ეს რა შეშლილობამ დაგვრია ხელიო, როცა დილაობით ქალებიცა და კაცებიც იმ შეგრძნებით იღვიძებდნენ, რომ ღამით, მძინარე მდგომარეობაში, რომელსაც ისინი, წესით, შურისა და სიძულვილის განცდისგან უნდა გაეთავისუფლებინა, ბილ კლინტონის უსირცხვილო საქციელი ესიზმრებოდათ. მე თვითონ, მაგალითად, თეთრი სახლის ერთი კიდედან მეორემდე ყოვლად დადაისტურად, ქრისტესავით გადაჭიმული ბანერი მესიზმრა, რომელიც ყველა იმ ადამიანის ცხოვრების აღწერილობას იტევდა, რომელთაც ოდესმე იქ უცხოვრიათ. ეს ის ზაფხული იყო, როცა გონებაში ყველას პრეზიდენტის ასო ჰქონდა გაჩხერილი, და სიცოცხლე, მთელი თავისი უსირცხვილო უწმინდურობით, ხელახლა აოცებდა და ანითლებდა ამერიკას“.

დონ დე ლილოსგან განსხვავებით, რომელმაც „სასწორში“ ლი ჰარვი ოსვალდის, ხოლო რომანში Underworld – ედგარ ჰუვერის სრული სახეები შექმნა, როთი ისტორიული პერსონაჟების მხატვრულ „დამუშავებას“ სულაც არ ცდილობს. პირიქით, მისი ტრილოგიის თითოეულ რომანში ისტორია ყოველგვარი რაციონალური ახსნა-განმარტების გარეშე იჭრება ჩვეულებრივი ადამიანების ცხოვრებაში.

ფილიპ როთი ისეთ ქალაქში ცხოვრობს, რომელიც, შეუღამაზებლად რომ ვთქვათ, ქალაქს არც ჰგავს. იქ არის ფოსტა, და მორჩა, სხვა არც არაფერი არ არის. ქალაქი ჩრდილო-დასავლეთ კონექტიკუტში მდებარე-


ობს, შერონის, ლიჩფილდის, კენტის მსგავსი ქალაქების სიახლოვეს, იქ რესტორნებია, ანტიკვარიატის მაღაზიები, ბიბლიოთეკები, სკოლები. „აქ, ჩვენთან, არც პლაჟია, არც ქალაქია, საერთოდ არაა ადგილები, სადაც შეიძლება ადამიანი წავიდეს, ამიტომ, ერთადერთი, რაც შეიძლება გააკეთო, სახლში ჯდომაა“, ამბობს როთი. საუბრისას მანქანაში ვისხედით და მდინარე ჰუსეტონიკის ნაპირს მივუყვებოდით, როცა როთი უცებ გამოცოცხლდა: „უჰ, თუმცა მდინარე გვაქვს, რასაკვირველია, გვაქვს, რაც გვაქვს, გვაქვს, კი ბატონო!“ მერე ჩვენი მანქანა მთაგორიან გზას გაუყვა. ნიუ-იორკში წვრილად და ყოვლად გულისგამანვრილებლად ცრიდა, აქ კი მდინარის ზედაპირი ყინულისას წააგავდა, ჯინივით კამკამა იყო. ტყე, ცალკე მდგომი ხეები თოვლს დაეფარა. როთი მხიარული სოფელის როლიდან არ გამოდიოდა, „გვაქვს ხიდიც. გინდათ ნახოთ, როგორია ნამდვილი ხიდი? კი ბატონო!“ ხიდს რომ მივუახლოვდით, სახელდახელოდ რალაც წყალდიდობის ამბავი გამოიგონა, „ამან მთელი ქალაქი დატბორა და დააჭაობა, დაიხ!“

როთი ნიუარკში გაიზარდა (აღმოსავლეთ ჯერსის ურბანული ნაწილი მისი იოკნაპატოფა და მისი კომბრეა), დროდადრო და ხანგრძლივად უცხოვრია ჩიკაგოში, მანჰეტენზე, აივა სითიში, რომში და ლონდონში. მისი სახლი, ნაცრისფერი, ორსართულიანი, ხის ფიცრებისგან ნაგები შენობა, 1790 წელსაა აშენებული. მის მფლობელს თუ არ ჩავთვლით, გაუჭირდება აქ თვალს რამე განსაკუთრებულის მოძებნა. არც ისე დიდი ხნის წინ როთმა ორასი აკრი მინა შეიძინა და მანამდე კუთვნილ ორმოც აკრს მიამატა. მას შემდეგ, რაც შეიძინა წლის წინ კლერ ბლუმს, ინგლისელ მსახიობ ქალს დაშორდა, აქ სრულიად მარტო ცხოვრობს. სტუმრებიც ძალზე იშვიათად ჰყავს ხოლმე. რომანში „ტექსტების მთხზველი“ (The Ghost Writer) უფროსი ასაკის მწერალი, გვარად ლონოფი, როთის რომანის ხშირ პერსონაჟს, ნათან ცუკერმანს ეუბნება, რომ მოუწესრიგებელი პირადი ცხო-

ვრება მწერალს გაცილებით მეტ სამსახურს უწევს, ვიდრე ტყეში სეირნობა და ირმების ცქერა. „მის სამუშაოს ტურბულენტობა სჭირდება, აი, რას სჭირდება მოფრთხილება, ტყეებს რა თავში ვიხლი“. როთის ცხოვრებაში ეს ყველაფერი დასრულდა. არანაირი მოუწესრიგებლობა. თუ მშფოთვარება მაინც რჩება განმსაზღვრელ ტონად მის ნაწერებში, ახლა მის ცხოვრებისეულ კრედილ „წესრიგი ცხოვრებაში“ ქცეულა. დილაობით როთი სეირნობს, ასე იქცევა კვირაში შვიდი დღე. წინა ოთახში ბუხარი, სანერი მაგიდა, კომპიუტერის კუთხე და რალაც ბარ-მაგიდასავით აქვს, რომელთანაც წერა ფეხზე მდგომს შეუძლია, თუ ზურგი აწუხებს ხოლმე. კედლებზე აქა-იქ საოჯახო სურათები უკიდია: აქ არის მამამისი, ჰერმანი, რომელიც „მეტროპოლიტენ ლაიფში“ დაზღვევის აგენტად მუშაობდა. დედამისი ბესი. უფროსი ძმა – სენდი, რომელიც ადრე სარეკლამო ბიზნესში იყო, ახლა კი მხატვრობისთვის მოუკიდნია ხელი. სახლის ძირითად ნაწილში თავისი რომანების თითქმის ყველა გამოცემა აქვს, ყველა ოთახში უწყვია, ანბანური თანმიმდევრობით აქვს დაწყობილი.

მას რომ ვსტუმრობდი, ზამთრის მიწურული იყო, ადრიაწი დილა. სტუდიოს გარშემო თოვლის გროვები იდგა, როთს „შეთლანდის“ ცისფერი ჯემპრი ეცვა და მწვანე ველვეტის შარვალი. საერთოდაც, ორმოცდაათიანების ბოლო წლების სტუდენტით იცვამს. მერე უკანა ოთახში შემიყვანა. იქ, სხვა ნივთების შორის, ბრუკლინის „დოჯერსის“ 1947 წლის ფოტო ვნახე. როთს თერთმეტი წლის წინ გულის შუნტირება აქვს გაკეთებული და სხვა გზა არ აქვს, თავს უნდა მოუაროს, ფორმა უნდა შეინარჩუნოს. მთელი დღე სახლშია, არც ტელეფონი აქვს შინ, არც ფაქსი. საღამოობით დიდხანს სეირნობს. ამ დროს ხშირად იმ რომანის პერსონაჟების ურთიერთკავშირებს „ჩარხავს“, რომლითაც მოცემულ მომენტშია ატანილი.

„მარტო ვცხოვრობ, არც პასუხისმგებლობა მანევს ვინმეს გამო, არც



ფილიპ როთი
 ისეთ ქალაქში
 ცხოვრობს, რომელიც,
 შეულამაზებლად რომ
 ვთქვათ, ქალაქს არც
 ვბავს. იმ არის ფოსტა,
 და მორჩა, სხვა არც
 არაფერი არ არის.



Philip Roth 80

ვინმე მყავს ისეთი, ვის-თან ერთადაც დრო მექ-ნება მოსაკლავი“, ამბობს როთი, „აბსოლუტურად ჩემი საკუთარი გეგმით და სქემით ცვხოვრობ. რო-გორც წესი, მთელი დღე ვწერ, მაგრამ თუ უკან, სტუდიოში მომინდება სა-დილის შემდეგ დაბრუნე-ბა, ჩემი ნებაა. სასტუმრო ოთახში ჯდომა არ მიწე-ვს, ვილატის გართობის ვალდებულება არ მაქვს, შემიძლია, საწერ მაგიდას მივუბრუნდე და ისევ ორი-

-სამი საათი ვიმუშაო. თუ დილის ორ საათზე გამეღვიძა – რაც ძალიან იშ-ვიათად ხდება, მაგრამ მაინც ხდება ხოლმე – და თავში რამე აზრი მომი-ვიდა, შუქს ვანთებ და საძინებელში-ვე ვწერ. ეს პატარა ყვითელი რამეები მთელ ბინაში მაქვს. თუ კითხვის გუ-ნებაზე ვარ, იმდენი საათი ვკითხუ-ლობ, რამდენიც თავად მინდა. თუ დილის ხუთზე გამეღვიძა, არ მეძი-ნება და მუშაობის განწყობაზე ვარ, მივდივარ და ვმუშაობ. ისე ვმუშაობ, ვითომ გამოძახებაზე ვარ. ვითომ ექიმი ვარ, სასწრაფო ოპერაცია მა-ქვს ჩასატარებელი და საოპერაციოში ვიმყოფები. მე თვითონ ვარ სასწრა-ფოსავით“.

იმ დღემდე არც ისე დიდი ხნით ადრე, სანამ ფილიპ როთთან კონე-ქტიკუტში ჩამოვიდოდი, იმ საუბრის ტექსტის ნაკითხვა მომიხდა, როთსა და ფრანგ ფილოსოფოს ალენ ფინკე-ლკრაუს შორის რომ შედგა. როცა ის ცნობილი კითხვა – „თქვენს რომანე-ბში ის ტიპი თქვენ ხართ?“ ოდნავი სახეცვლილებით და მემილიონეჯერ ახლა მისგან მოისმინა, როთმა ვირ-ჯინია ვულფის 1915 წელს დაწერილი რომანი „The Voyage Out“ შეახსენა. მომავალი მწერალი იქ ამბობს, „რო-მანს თქვენ იმისთვის კითხულობთ, რომ გაიგოთ, რას ნარმოადგენს მისი დამწერი მწერალი, თუ მას იცნობთ, მაშინ იმისთვის, რომ გამოიცნოთ, რომელი თავისი მეგობარი ჰყავს იქ გამოყვანილი. რაც შეეხება თვით რო-მანს, მის მთლიან კონცეფციას, იმას,

თუ როგორ ხედავს ავტორი საგნებს და მოვლენებს, რას განიცდის მათ გამო, როგორ უკავშირებს მათ ერთ-მანეთს, ეს მილიონში ერთ კაცსაც არ აინტერესებს“.


იმის გათვალისწინებით, რა ინ-ტენსივობით აქვს გამოყენებული საკუთარი ცხოვრების მომენტები, ან საკუთარი თავი (ამ მხრივ სელინთან, ჟენესთან და გომბროვიჩთან ძალზე ბევრი აქვს საერთო), იმ მითქმა-მო-თქმის და ვერსიების ფონზე, მისი და მისი პერსონაჟების გამოცდილების მსგავსებაზე რომ არსებობს, გასაგები ხდება, რატომ შეიძლებოდა მოსწონე-ბოდა ვირჯინია ვულფის ეს პასაჟი. ერთ საღამოს როთს მისი მეგობრი-სა და რომანისტის, დევიდ პლანტის ლიტერატურულ სემინარზე წაყვევი, რომელიც მას კოლუმბიის უნივერსი-ტეტში სტუდენტებისთვის მიჰყავდა. „ოპერაცია „შილოკს“ კითხულო-ბდნენ, რომელშიც პერსონაჟი, სა-ხელად „ფილიპ როთი“ ისრაელში იმ წელს ჩადის, როცა ივან დემიანჩუკის ცნობილი სასამართლო პროცესი მი-მდინარეობს. ამ დროს იერუსალიმში ერთი პერვერსიული ჯეელი, ვინმე პიპიკი აცხადებს, რომ სინამდვილე-ში თავად გახლავთ ფილიპ როთი. კოლუმბიის უნივერსიტეტის რომე-ლიღაც სტუდენტმა არც აცია, არც აცხელა და როთს კითხვით მიმართა, ნამდვილია თუ არა ეს ამბავიო.

„არა, ნამდვილი ამბავი არ არის“, უპასუხა როთმა საკმაოდ რბილად, „ამ ამბავში მე ავტობიოგრაფიუ-ლი არაფერი მეჩვენება. მე მეჩვენება, რომ ეს უფრო მხატვრული ლიტერატურაა. იმაზე აღარაფერს ვამბობ, რომ აუცილებელი არაა, ადამიანი მაინცდამაინც საკუთარი ცხოვრების ფაქტებზე წერდეს. მის-თვის მთავარია ნაკითხულიდან რამე სარგებელი გამოიტანოთ“. ცხოვრე-ბა დიდი ამორფული რამაა, და ხე-ლოვანისთვის არაფერია შექმნილ-ზე, გამონაგონზე უფრო ნამდვილი და მნიშვნელოვანი. ცხოვრებაშიც და „შილოკშიც“, როთს ნერვული აშლილობა მას მერე დაეწყო, რაც დამამშვიდებელი საშუალება „ჰალ-ციონი“ მიიღო, მაგრამ თუ რეალურ

ცხოვრებაში მსგავს კრიზისს კარგი არაფერი მოაქვს, რომანში ავტორმა ეს მდგომარეობა იმ შფოთვის და და-ბნეულობის გამოსაკვეთად გამოიყე-ნა, რომელიც ნარატორს ისრაელთან პირველი შეხვედრისას ემართება. როთი ამ ყველაფერს მშვიდად ხსნი-და, მაგრამ როცა საუბარი შექმნილ რეალობას, გამონაგონს გადაწვდა, აქ კი გამოიღარა: „როთის პერსონა-ჟს დინებასავით მსჭვალავს ებრაული უკიდურესობები, წინააღმდეგობრივი ბუნება, ებრაული ტკივილი“, უთხრა სტუდენტებს. „ფინეგანის ქელეხში“ ერთი პერსონაჟია, ჰამფრი ს. ერვი-კერი, რომელსაც, სანამ სძინავს, მის გონებასაც ასე მსჭვალავს მსგავსი განცდები, და ჯოისი მის ინციდენტს H. C. E. fraza Here Comes Everybody-ს (დაახ. „აქ შემოდის ყველა“) უკავში-რებს. ახლა ჩათვალეთ, რომ „ოპერა-ცია „შილოკში“ „აქ შემოდის ყველა ებრაელი“ უნდა ამოიკითხოთ. ლეონ კლინგზოფერი, ჯონათან პოლარდი, მენაჰემ ბეგინი, მეირ კაჰანე – ეს სა-ხელები იმ დროს სწორედ ასე „მსჭვა-ლავდა“ კოლექტიურ ებრაულ ტვინს, მე კი ამ ებრაულ ტვინში შეღწევა მინდოდა“.

როთის ლიტერატურული კარიე-რა ორმოცდასამი წლის წინ დაიწყო, დაახლოებით ზემოთ ნახსენების მს-გავსი პროექტით: მას ებრაელებზე უნდოდა წერა. მისი გაბედულება თუ გამომწვევი ბუნება გახდა იმის მიზე-ზი, რომ მისი მწერლური რეპუტაცია თავიდანვე სკანდალით, ფაქტების დამახინჯებითა და მტკივნეული თა-ვდასხმებით განისაზღვრა. სკანდალი თავიდან მასშტაბური არ ჩანდა, მა-გრამ მალე მძლავრი ქარიშხალივით დაატყდა თავს, რომლის გახსენება დღეს უკვე მხოლოდ კურიოზულ ის-ტორიად შეიძლება მოგვეჩვენოს.

წლების შემდეგ სოლ ბელოუმ აღ-ნიშნა, რომ კრიტიკოსები მას, ბერ-ნარდ მალამუდსა და ფილიპ როთს პატარა მავნე ებრაულ კამპანიადა აღი-ქვამდნენ, ამერიკული ლიტერატურის ჰარტად, შაფენრად და მარქსად. მა-გრამ გავლენა მიბაძვითა თუ გენეტი-კური მემკვიდრეობის იმ პრინციპით არ მოქმედებს, როგორც ეს კრიტი-



AMERICAN
PASTORAL

PHILIP
ROTH

'MARVELLOUS... HAGING AND ELEGIAC'
GUARDIAN



THE GHOST
WRITER

PHILIP
ROTH

'A WELL-TEMPERED TRIUMPH... MARVELLOUSLY CONTROLLED...
MERCELESSLY COMPACT'
NEW STATESMAN





Philip Roth 80

კოსებს ჰგონიათ. როთი, ჯერ ბუქნელის, შემდეგ კი ჩიკაგოს უნივერსიტეტების კურსდამთავრებული, მალამუდსაც ნამდვილად კითხულობდა და სოლ ბელოუსაც. მალამუდში ებრაული იმიგრაციის თემაზე დაწერილი „დაუნდობელი იგავების“ ავტორს ხედავდა, ეს იგავები მის თანამედროვეებზე ბევრად უფროსი, იდიშზე მოლაპარაკე ებრაელების თაობის იგავები იყო, რომლებიც თავად როთსაც კარგად

ახსოვდა. მათ უფრო მინორულ ტონალობაში დაწერილი ამბები ეთქმოდა, ვიდრე სი მაჟორული, ამერიკული სულისკვეთებით გაჯერებული მოთხრობები. სოლ ბელოუსი, კონკრეტულად, მის „ოგი მარჩის თავგადასავლებში“ როთი სულიერად უფრო ახლობელ ატმოსფეროს გრძნობდა, უფრო მხნე, ამერიკულ, მათავისუფლებელ ხმად აღიქვამდა, ეს უკვე იმიგრანტი ებრაელის ხმა აღარ იყო. რომანიც ხომ ამერიკის მოქალაქის განაცხადით იწყება, იქ ნოსტალგიის ადგილიც არ რჩება: „ამერიკელი ვარ, ჩიკაგოში დაბადებული და გაზრდილი“. როთისთვის მეოცე საუკუნის ამერიკული ლიტერატურის ხერხემალს ფოლკნერი და ბელოუ ქმნიან, და იმის მიუხედავად, რომ როთი ბელოუსავით არასდროს წერდა – მკითხველს ეს ორი ხმა ერთმანეთში არასდროს აერევა – სწორედ „ოგი მარჩი“ იყო ის წიგნი, რომელმაც მას სილაღე მიანიჭა, რომელმაც მიახვედრა, რომ ევროპიდან იმიგრირებული ვიქტიმური თაობის ჩრდილქვეშ კი არ უნდა ეგმინა, ამერიკაში ამერიკელებად ნაშობი თაობის ხმა, მისი თავისუფლება და მისი ინტონაცია, მისი ენერჯია და სიმძლავრე უნდა აერჩია.

ფილიპ როთს, ორმოციან წლებში ნიუ-ჯერსიში დაბადებულ და გაზრდილ ადამიანს ჩაგვრის, „პოგრომების“, ნაცემ-ნატანჯი წერილი მევაჭრეების ბედ-იღბლისა არაფერი გაეგებოდა. „მე უფრო სხვა გამოცდილება მქონდა“, მითხრა როთმა,

„ნიუარკში მე ჩვენს საკუთარ აგრესიას ვხედავდი. სამი ან ოთხი მეგობარი ლამაზობით ნიუარკის ქუჩებში დავხეტებოდი... სიდის ბარში ან ჩენსელორ ევენიუზე გავიდოდი და სექსთან დაკავშირებულ ჩვენ-ჩვენს ამბებს ვყვებოდი. იქ იყო იქაურების თავშეყრის ადგილი. იქ მეტყველება უხეში გამოთქმებით იყო სავსე, მაგრამ ადამიანები დასაცემი იუმორით ყვებოდნენ ამბებს, ბურთს თამაშობდნენ, ერთმანეთს ეჯიბრებოდნენ, იქ ენერჯია ჩქეფდა... ცხოვრებას გემო ნამდვილად ჰქონდა. გემო – ალბათ ეს იქნება სწორედ შესაფერი სიტყვა. ცხოვრების მადაზე ვიყავით და ეს მადა აგრესიასაც მოიცავდა“.

მერე, 1959 წლის მარტში „ნიუ იორკერმა“ „რწმენის დამცველი“ გამოაქვეყნა, მეორე მსოფლიო ომის ბოლოსკენ მისურის სამხედრო ბაზაზე აღმოჩენილი ებრაელი ახალწვეულის ამბავი. სკანდალის მიზეზი, პირველ რიგში, ის გახდა, რომ მოთხრობის მთავარი გმირი, ახალწვეული, ერთი შეხვედრით ვინმეა, რომელიც ნაწილის ოფიცრებში დანაშაულის გრძნობის გაღვივებას ცდილობს. მეორე მიზეზი ის იყო, რომ მოთხრობა ჯერ ებრაულ ჟურნალში ან ალმანახში არ გამოქვეყნდა. როთს, რა თქმა უნდა, ებრაელებზე მოთხრობები ადრეც ჰქონდა დაწერილი, მაგრამ ისინი *ommentary-Si da Paris Review*-ში დაიბეჭდა, ჟურნალებში, რომელთა მკითხველი გაცილებით მეტ რადიკალიზმს და ასეთსავე იუმორს იყო ნაჩვევი. „ნიუ იორკერი“ ცოტა სხვა რამე იყო. აქ ბევრი ებრაელი მწერლის ნაწერები გამოქვეყნებულა, ჯ.დ. სელინჯერის, ს.ჯ. პერელმანის, ირვინ შოუს ჩათვლით. მაგრამ 1959 წელს იქ ატმოსფერო უფრო ბრონქსული იყო, ვიდრე ზედა უესტსაიდური.

როთი ამ ადრეული პუბლიკაციისგან სიამოვნების მეტს არაფერს მოელოდა: ისთ ვილიჯის ნახევარსარდაფში, პატარა ორთახიან ბინაში ცხოვრობდა, და იმ დღეს, როცა მისი მოთხრობით ნომერი უნდა გამოსულიყო, სახლიდან გამოვიდა და კიოსკისკენ გაემართა. როცა, როგორც

იქნა, იმდღევანდელი „ნიუ იორკერი“ ბიც“ მოიტანეს, ოთხი ცალი შეიძინა.

„ნომერი გადავშალე, მერე დავხურე, მერე ალაგ-ალაგ კითხვა დავიწყე, ხან იქ ვკითხულობდი, ხან აქ, მერე ხელახლა დავიწყე გადაკითხვა, იმდენი ვიკითხე, რომ ბოლოს სიტყვები თავში არ მიჩერდებოდა და მათი მნიშვნელობა აღარ მესმოდა. საშინლად ამაღელვებელი მომენტი იყო“. რამდენიმე დღის შემდეგ ჟურნალის რედაქტორმა, რეიჩელ მაკენზიმ დაურეკა და უთხრა, რომ მისი მოთხრობის გამო უამრავ წერილს იღებდნენ, რომლებიც უფრო ხშირად – მრისხანებით იყო სავსე. მერე მოვიდა წერილი ებრაელთა ანტიდეფამაციის ლიგიდან, მერე გაირკვა, რომ ქალაქის რაბინები თავიანთ ქადაგებებში მის მოთხრობას გამოდნენ და მინასთან ასწორებდნენ. როთის ბრალი შემდეგში მდგომარეობდა: რომ თავხედობა ეყო და ებრაელი ახალგაზრდა მანკიერ, აგრესიულ, ზერელე და ფულს დახარბებულ ტიპად გამოიყვანა – და თან მოთხრობა ისეთ ჟურნალში გამოაქვეყნა, რომელსაც მთელი ამერიკა კითხულობს. ესე იგი, ებრაელთა უსიტყვო ტომობრივი შეთანხმება დაარღვია: ოღონდ გოიმების წინაშე არა! წერილები ჟურნალსაც მისდოდა და თავად როთსაც:

„მისტერ როთ,

ამ თქვენი ერთი მოთხრობით, რომელსაც „რწმენის დამცველი“ ჰქვია, ებრაელობას უფრო მეტი ზიანი მიაყენეთ, ვიდრე მთელმა ორგანიზებულმა ანტისემიტიზმმა. თქვენ ადამიანებს არწმუნებთ, რომ ებრაელები გაიძვერა, მატყუარა ხალხია. თქვენი ერთი მოთხრობის გამო ადამიანებს – მთელს ჩვენს საზოგადოებას – დაავინყდათ ყველა ის ებრაელი ყმანვილი, ვინც სამხედრო სამსახური პირნათლად მოიხადა, ყველა ის ებრაელი, ვისაც მთელს მსოფლიოში პატიოსნად, მძიმე შრომით უცხოვრია“.

ანტიდეფამაციის ლიგიდან მოსული ერთი წერილი ერთ ძალიან ცნობილ რაბინს ეკუთვნოდა, რომელიც წერდა: „რა შეიძლება გაკეთდეს ამ კაცის გასაჩუმებლად? შუა საუკუნეებში ებრაელებმა კი იცოდნენ, რო-



SOBRANIE
LONDON



მოწევა
კლავს

მოწევა
კლავს

მოწევა
კლავს

სობრანია
ლონდონი

სარეგისტრაციო
ლონდონი სინს 1879 ლონდონი სინს 1879 ლონდონი სინს 1879 გოლდი ლუჯი ბლექი
სობრანია სობრანია სობრანია სობრანია

მოწევა კლავს
მოწევა იწვევს კანის
ნაადრევ დაბერებას

გორ მოველოთ მისნაირებისთვის“.

ამ მტრულმა და აგრესიულმა თავდასხმებმა როთი იმდენად არ შეაშინა, რამდენადაც ინტერესით აღავსო. მთლად პირყვითელადაც აღარ ეთქმოდა: ოცდაექვსი წლის იყო – ამბიციური, განათლებული, ჩიკაგოს უნივერსიტეტდამთავრებული ახალგაზრდა, რომელსაც იმ დროს უკვე საკმაოდაც ემოგზაურა და ჯარში სამსახურიც კი მოესწრო. იყო რაღაც გამახალი-სებელი ამ მოულოდნელ რეაქციაში, რომელიც მისი მეგობრების, მისი რედაქტორების წრის მიღმა სამყაროდან წამოვიდა. „მაინტერესებდა, ვინ იყო ეს ხალხი,“ მითხრა როთმა, „მოულოდნელად ამ რაბინებისთვის რაღაც ცენტრად გადავიქციე, რომლისთვისაც წინააღმდეგობა უნდა გაენიათ“.


მერე სკანდალი გარკვეულწილად განელდა. კრებულმა „ნახვამდის, კოლამბუს“, რომელშიც ავადსახსენებელი მოთხრობა „რწმენის დამცველი“ შედიოდა, 1960 წელს ნიგნის ნაციონალურ პრემიას იღებს, და როთს სხვადასხვა პილელეებში და სინაგოგათა კონგრეგაციებში სასაუბროდ ინვევენ. კითხვები, რომლებსაც როთს უსვამდნენ, როგორც წესი, თავაზიანი და ადვილი საპასუხო იყო, მაგრამ მერე, 1962 წელს, როთი, რომელიც იმ დროს აიოვას უნივერსიტეტში ასწავლიდა, იემივას უნივერსიტეტში ორთოდოქსული იუდაიზმის აკადემიურ ბასტიონში მიიწვიეს. „ვგრძნობდი, რომ ვალდებული ვიყავი, წავსულიყავი, მინდოდა კიდევ, რაღაცნაირად ამასაც მწერლობას ვუკავშირებდი, არც ვიცი, ოცდარვა, ოცდაცხრა, ოცდაათი წლის ასაკში ნეტავი სხვანაირი რეაქცია მექნებოდა? ახლა კი ვიცი, როგორც მოვიქცეოდი: ამ ნაწერს მივუშვებდი, საკუთარ თავზე თვითონ ელაპარაკა.“

ლონისძიებას, რომლის ფარგლებშიც ჩვენი შეხვედრა უნდა შემდგარიყო, ერქვა „სინდისიერების კრიზისი უმცირესობათა მწერლებს შორის“. ჩემ გარდა, სხვა განსახილველი ავტორები გახლდნენ პიეტრო დი დონატო, პროლეტარული რომანის „ქრისტე ცემენტში“ ავტორი, და რაღვ ელისონი, რომლის 1952 წელს

დანერილი რომანი „უხილავი კაცი“ რადიკალი შავკანიანი ნაციონალისტების თავდასხმების ობიექტი შეიქნა. იმ საღამოს იემივამი ლამის სისხლი დაიღვარა. სტუდენტებს უცხოები, ანუ ელისონი და დი დონატო თითქმის არც გახსენებიათ და როთი, ანუ „თავისიანი“ ამოიღეს სამიზნეში. ამ როთზე დაუფლავად მიჰქონდათ იერიში, დაუსრულებლად, სხვადასხვა ფორმით, მისვამდნენ ერთსა და იმავე კითხვას: „მისტერ როთ, დაწერდით თუ არა ასეთსავე მოთხრობას, ნაცისტურ გერმანიაში რომ გეცხოვრათ?“ ეს დაახლოებით ის კითხვაა, რომელსაც შეუვალი ნიუარკელი მოსამართლე ლეოპოლდ ვაპტერი როთის არაერთი რომანის მუდმივ პერსონაჟს, ნათან ცუკერმანს უსვამს: „შეგიძლიათ, პატიოსნად მოგვახსენოთ, არის თუ არა თქვენს მოთხრობაში რამე ისეთი, რაც იულიუს შტრაიხერს და იოზეფ გებელსს გულს გაუთბობდა?“... „მაგრამ ჩვენ ნაცისტური გერმანიის საპირისპირო საზოგადოებაში ვცხოვრობთ“, პასუხობდა მათ როთი, თუმცა ვერაფერს გახდა.

„ბოლოს, მეთერთმეტე რაუნდში“, იხსენებს როთი, „როცა რაღვმა იგრძნო, რომ მეთორმეტეს ველარ გადავიტანდი, ჩემთან მოვიდა და მითხრა, „რა ხდება აქ, ბოლოს და ბოლოს?“ რაღვს ამასობაში შავკანიანი ამერიკელებისგან უამრავი წერილი ჰქონდა მიღებული იმის გამო, რომ თავის რომანში შავკანიან ოჯახში მომხდარი ინცესტი აღწერა. ესეც ტიპური წერილები იყო, რომლებშიც მას ეკითხებოდნენ, როგორ გაბედა რომანში ასეთი სცენის შეეტანა, როცა შავკანიანთა მოძრაობა ქვეყანაში, ის-ის იყო, ფეხს იკიდებდა. ელისონი აუდიტორიის წინაშე გამოვიდა და ერთადერთი შესაძლო პასუხი გასცა: რომ მწერალი დამოუკიდებელია, და რომ ეს უნდა იყოს ამოსავალი პოზიცია. „მე სამოქალაქო უფლებებისთვის ბრძოლის მექანიზმის ჭანჭიკი არ ვარ“, თქვა მან“.

იემივას სტუდენტებმა ელისონს თავაზიანად მოუსმინეს – და მერე ისევ საკუთარ როთს მიუბრუნდნენ. შეხვედრის დასრულების შემდეგ,



როთის ბრალი შემდგომში მდგომარეობდა: რომ თავხედობა იყო და ებრაელი ახალგაზრდა მანკიერ, აბრეუსიულ, გერელე და ფულს დახარბებულ ტიკად გამოიყვანა – და თან მოთხრობა ისეთ შურნალში გამოაქვეყნა, რომელსაც მთელი ამერიკა კითხულობს.



Philip Roth 80

როცა როთი სცენიდან გასასვლელად წამოდგა, ის სტუდენტები, რომლებიც დისკუსიის დროს ყველაზე მეტად ეკამათებოდნენ, გარს შემოეხვივნენ და ყვირილი დაუწყეს. ერთმა მუშტი მოუღერა და უყვირა:

„თქვენ ანტისემიტურ ლიტერატურაზე ხართ გაზრდილი!“

„მართლა? უთხრა როთმა, „და რომელია ეგ ლიტერატურა?“

„რომელი და ინგლისური ლიტერატურა“, მიიღო პასუხად, „ინგლისური ლიტერატურა ანტისემიტური ლიტერატურაა!“

იმ ღამით „სთეიჯ დელიკატესენში“ როთმა პასტარამიანი სენდვიჩის ზემოდან თავის მეგობრებს გახედ-გამოხედა და თქვა, „მორჩა, ებრაელებზე არასდროს არაფერს აღარ დავენერ“.

მართლაც, მისი ორი მომდევნო რომანი, „Letting Go“ და „როცა ის კარგი და კეთილი იყო“, მისი ყველაზე ნაკლებად „ებრაული“ რომანები იყო. თუმცა თავშეკავებამ დიდხანს ვერ გასტანა. იემივას უნივერსიტეტის ინციდენტმა, მოთხოვნილებამ, საკუთარი მწერლური ხმისთვის მეტი ნიუარკულობა მიენიჭებინა, კვლავ იმ ენერგიით მჩქეფარე პროზას დაბრუნებოდა, როგორსაც 60-იანი წლების დასაწყისში წერდა, თავისი ქნა. ასე დაიწერა „პორტნოის სინდრომი“. ამჯერად რომანში შემთხვევითი არაფერი ყოფილა. მაშ, მკითხველი განრისხებული იყო? „მრისხანებას ახლა ნახავთ“, თითქოს თქვა როთმა. „პორტნოი“ დიდხანს, რთულად და ქაოტურად იწერებოდა. მისი პირველი ინკარნაცია ორასგვერდიანი „ებრაელი ბიჭი“ გახდა, რომელიც მთლიანად ნიუარკში გატარებული ბავშვობით იყო ნასაზრდოები. 1966 წელს როთმა გრძელი მონოლოგი დაწერა, „რომელთან შედარებით „პორტნოის სინდრომი“ ლუიზა მეი ოლკოტის უმანკო თხზულებად გამოჩნდებოდა“. მოთხრობა სლაიდშოუს დახმარე-

ბით წაკითხული ლექციასავით იყო, რომლის თემაც ზრდასრულთა მასტურბაცია გახლდათ. მერე გაჩნდა კიდევ ერთი ხელნაწერი – მას „ხელოვანის პორტრეტი“ ერქვა – რომელშიც ებრაული ოჯახის, გვარად პორტნოი, ამბავია მოთხრობილი, ბოლოს კი მოთხრობა „ებრაელი პაციენტი თავის გაანალიზებას იწყებს“. მოთხრობაში მოქმედება ფსიქოთერაპევტის კაბინეტში ვითარდებოდა, იქვე, სადაც „პორტნოის სინდრომის“ მთავარი გმირი ყვება თავის ამბავს.

რომანს, რომელიც ამ ეტაპობრივი სამუშაოს შედეგად 1969 წელს დაიბადა, არაფერი ჰქონდა საერთო იმ პერიოდის აქტუალურ პრობლემებთან, ვიეტნამთან, ადამიანის უფლებებისათვის ბრძოლასთან და ა.შ., მაგრამ თავისი აბსოლუტური ღიაობით, შეუდარებელი კომიკურობით და სილადით ეს უდავოდ თავისი დროის წიგნი იყო. პორტნოი ფსიქოთერაპევტს დაუფარავად უყვება მასტურბაციასთან დაკავშირებული საკუთარი გამოცდილების შესახებ. ესაა ვაშლში, რძის გაურეცხავ ბოთლში, ლინორ ლაპიდუსის წარმოსახულ ლიფში და ბოლოს, ყველაზე ცნობილი – ჩარლზ ლინდბერგის მიერ შესრულებული ტრანსატლანტიკური ფრენის შემდეგ ყველაზე საოცარი – ლვიძლის ნაჭერში (რომელიც მერე პორტნოის ოჯახის სადილად იქცევა) ეაკულაციის გასაოცარი ამბავი. პორტნოი თავდაუზოგავად ცდილობს, რესპექტაბელური მოქალაქის მდგომარეობა შეიგრძოს, მაგრამ ამავე დროს, ბრაზი ახრჩობს, ბრაზი ოჯახის, რელიგიის, ტაბუს მიმართ:

„ყური მიდგეთ, გგონიათ, ვაჭარბებ, როცა ვამბობ, რომ მარტო სასნაულის ძალით გამოვედი ნორმალური ადამიანი? მე, მუდმივი ისტერიისა და ცრურწმენების გარემოში გაზრდილი ბიჭი! ამდენი „ფრთხილად“ და ამდენი „არ შეიძლება“ როგორი ასატანია? ...შემეშვით! „არ შეიძლება!“ „ამწუთას ძალიან მნიშვნელოვან წესს არღვევ!“ „ჩვენს ჩვეულებებს ლალატობ!“ კარგი ერთი, რა, რა წესი, რის ჩვეულება! ვინ მოიგონა ეგ წესები! ხომ შეიძლებოდა, ამ ხალხს ყელზე რგოლები ჰქონოდა ასხმული, ან – მთელი

ტანი ლურჯად შეღებოდა, სოფიტო ტომში ეგეც ძალიან ნორმალურ რამედ ითვლება! ...ოჯახში ანეკდოტით ვიხსენებდით ამ ამბავს: ერთხელ, პატარაობისას, ფანჯრიდან ქარბუქს ვადევნებდი თვალს, მერე თურმე მოვბრუნებულვარ და იმედიანად მიკითხავს, „დე, ჩვენ, ებრაელებს, ზამთრის არსებობა გვჯერა, ხო?“ გესმით, რას ვამბობ? ღმერთო ჩემო! ჰოტენტოტების და ზულუსების გაზრდილი ვარ! ჭიქა რძე და ძხვებიანი ბუტერბროდი არ შემრგებია, სულ იმის მეშინოდა, რომ სანამ ჩემთვის წყნარად ვილუკმებოდი, მამაზეციერს ვაყენებდი შეურაცხყოფას! ახლა წარმოიდგინეთ, როგორი დანაშაულის გრძნობა უნდა მქონოდა ამ ჩემი დაუსრულებელი ნძრევის გამო?“

„პორტნოის სინდრომი“ გამოცემისთანავე ბესტსელერად იქცა (1969 წელს, წიგნის მალაზიების თაროებზე დადებისთანავე მისი 400 000 ეგზემპლარი გაიყიდა) და მაშინვე პოპულტურის ისეთივე ნაწილი გახდა, როგორებიც ვუდსტოკის ფესტივალი და „მეტსები“ იყვნენ. ფილიპ როთმა მნიშვნელოვანი მწერლის რეპუტაცია შეიძინა: დაამტკიცა, რომ მხოლოდ მსუბუქი ფარსის კი არა, მაღალი დრამის შექმნაც ხელუნიფებოდა. და მაინც, ამ რომანის გამოქვეყნებას თავისი შედეგები მოჰყვა, რომელთა ჩამოშორება როთმა ათწლეულების განმავლობაში ვერ მოახერხა. „პორტნოის“ განუზომელმა წარმატებამ მას ამერიკელი „სელებრიტის“ დეფორმირებულ და დამაბნეველ სამყაროში შეაბიჯებინა (ჭორების ცნობილი სვეტის ავტორი, ლეონარდ ლაიონზი, მაგალითად, წერდა, რომ როთი ბარბარა სტრეიზანდის საყვარელია; სინამდვილეში ეს ორი ადამიანი ერთმანეთს არასდროს შეხვედრია) და მეორე: რომანის წაკითხვის შემდეგ ხელს არავის! – პრაქტიკულად არავის! – არაფერი უშლიდა, ამიერიდან როთი ერთგვარ ეროტომანად აღექვა, რომელიც ბროდვეიზე შიქსების მოსანადირებლად გამოდის. როთის მშობლებს, ალექს პორტნოის მშობლების მსგავსად, გაზეთებიდან ამოჭრილ სტატიებზე ვიშვიძი

და ნაცნობ-მეგობრების ათასნაირი კომენტარების სმენა უხდებოდათ, ვთქვათ, იმის თაობაზე, რომ მთავარი გმირის მშობლების პროტოტიპები ისინი არიან, და რომ ანტისემიტი შვილი გაზარდეს.

საბოლოოდ, ნიგნი მიანიც უყურადღებოდ იქნა ნაკითხული. „პორტნოს“ ბრწყინვალე იუმორს მიღმა მკითხველს და კრიტიკოსებს კომიზმით შენიღბული ტკივილი გამოეპარათ. ხალხს გამოეპარა პორტნოსის პარადოქსი, მისი სურვილი, ყოფილიყო არასრულყოფილი – მაგრამ თავისუფალი. სულისმზუთველი რეალობისგან თავის დაღწევის სურვილი.

დღეს ალბათ ძნელია უკვე იმის წარმოდგენა, რამდენად შფოთიან რომანად შეიჭრა ამერიკულ ლიტერატურაში „პორტნოი“ ოცდაათი (ნერილი თორმეტი წლის წინაა დაწერილი, – მთარგმნ.) წლის წინ. როთის გავლენა და როლი ამ ლიტერატურაში


ში დღეს უზარმაზარია. რასაკვირველია, ეს არ მოხდებოდა, მრავალი წლის დაუზოგავი შრომა რომ არა, სწორედ ასევე, ვერც პარკერის საოცარი იმპროვიზაციები იარსებებდა მუშაობაში გატარებული იმ ათასობით საათის გარეშე, რომელიც მან აკორდებისა და გამების ცვლას და ექსპერიმენტირებას მოანდომა. „არამგონია, როდესმე ფილიპი ამაზე ბედნიერი ყოფილიყო, ვიდრე ახლა“, ამბობს ჯუდიტ თარმანი. „ახლა ისეთი ცხოვრებით ცხოვრობს, როგორც ყოველთვის ოცნებობდა, სხვა ადამიანების მზერას მიფარებულ ცხოვრებაზე. საყვარელი ადამიანები, რასაკვირველია, არ ითვლება. ის ახლა სწავლადამთავრებული სტუდენტით და ბერივითაა. მის ცხოვრებაში დიდად აღარაფერი იცვლება. რთული ოჯახური კონფლიქტები, ოჯახის საჭიროებები, მოვალეობები მის წინაშე – ახლა ფილიპი ამ ყველაფრისგან

თავისუფალია. როცა ახალგაზრდა ხარ, უამრავი ლაგამამოუდებელი მისწრაფება გაქვს. ახლა თუკი არის რამე, რაც მას მოსვენებას არ აძლევს, მხოლოდ ეს: მუშაობის სურვილი.

„მინდა, მხოლოდ ჩემს სამუშაოზე ვრეაგირებდე. სხვა დანარჩენ რამეებზე რაგირება აღარ მინდა. ეს ყველაფერი არაა მნიშვნელოვანი. ადრე იყო, და ყოველთვის იქნება, როდესმე, ვილაცისთვის, გარკვეული დროის განმავლობაში, მაგრამ შეუძლებელია, ბოლოს მნიშვნელოვნება არ დაკარგოს.

თუ ჯანზე ვარ და ყოველდღე წერა შემიძლია, ვისი რა საქმეა? როგორი პრობლემის წინაშე უნდა ვიდგე წერის დროს, მაგაზე ნუ სწუხართ, ყველაფერს მოევლება: მხოლოდ დროა საქმრო. დრო, სხვა არაფერი. ახლა ხელს არაფერი მიშლის. დრო თავზე საყრელად მაქვს. დრო ჩემს მხარეზეა“.

ბაილამაზე ბაზაფხული



shine
spa
for Sheraton

საბაზაფხულო შემოთავაზება ჭვენი სიამოვნებისთვის!

- გადაიხადეთ მასაჟის საფასური და იხიამოუნეთ “შაინ სპა” და “შერატონ ფიტნეს“-ის მომსახურებით დღის მანძილზე უფასოდ
- სპა წვერებისათვის – დაჯავშნეთ 100 ლარის ზემოთ ღირებულების მასაჟი და მიიღეთ ერთჯერადი უფასო საშუი მკვებრისათვის
- ერთოვანი აურობიკის კურსი 3 - ჯერ კვირაში - 60 ლარი
- სპა წვერებისათვის ერთოვანი აურობიკის კურსი 3 - ჯერ კვირაში - 30 ლარი
- ერთოვანი აბონემენტი შეზღუდული დროით - ორშაბათიდან პარასკევის ჩათვლით დღის 7 საათიდან საღამოს 5 საათამდე - 160 ლარი

შეხვედით ზაფხულს გაბრწყინვალული! აირჩიეთ სხეულის მოღეღირებისა და კორპეციის პროგრამები:

499 ლარი:

- სკრაბი ან ჰამამ მასაჟი
- პროგრამა “ლიპოსტოკი”
- ღვინის თერაპია
- გოლდენ შაინი

საჩუქარი შერატონისგან ერთოვანი სპა აბონემენტი

250 ლარი:

- ჰამამის პროცედურა “Stretch and Glow”
- პროგრამა “ლიპოსტოკი”

საჩუქარი შერატონისგან ორკვირიანი სპა აბონემენტი



FM
სენტი
98.0


საქართველო
რადიო



მტკვარი, მტკვარი, ჭანარი...

ნიგნიდან „მტკვარი და მისი ორი ნაპირი“

დათო ქარდავა



მტკვარი და მისი ორი ნაპირი

ყველა დიდი ქალაქი დიდი მდინარის პირასაა გაშენებული. შესაბამისად, გადახლართულია ქალაქისა და მდინარის თავგადასავლებიც. ცხადია, ამ მხრივ გამონაკლისი არც მტკვარ-თბილისის წყვილია, თუმცა ამის მიუხედავად მტკვარს – საქართველოს უპირველეს მდინარეს, სხვა დიდი მდინარეებისგან განსხვავებით, დღემდე არ ღირსებია მეტ-ნაკლებად სრულყოფილი აღწერა, გამოკვლევა და, თუ გნებავთ, ბიოგრაფია. **დათო ქარდავას** წიგნი „**მტკვარი და მისი ორი ნაპირი**“, რომელსაც სულ მალე **ბაკურ სულაკაური** გამოსცემს, ამ ხარვეზის გამოსწორების მცდელობაა. ეს არის მტკვრის ერთგვარი ილუსტრირებული ბიოგრაფია, მდინარის კულტურული თავგადასავალი თბილისის ფარგლებში: ავჭალიდან ორთაჭალამდე, დაარსებიდან დღემდე.

მრავალი საუკუნის განმავლობაში მტკვარი იყო თბილისის (მისი ყოფისა და კულტურის) ნაწილი, მისი სასიცოცხლო ძარღვი. მტკვრის წყლით იკლავდნენ წყურვილს, რწყავდნენ თბილისის სახელგანთქმულ ბაღებს. მტკვარში იჭერდნენ თევზს, გრილდებოდნენ ზაფხულის ხვატში; მტკვარი და მისი ორივე ნაპირი შეუცვლელი ადგილი იყო ქეიფისა და დროსტარებისთვის, ანუ როგორც გრ. ორბელიანი იტყოდა „ლაზათიანი ჩასხდომისათვის“. გარდა ამისა, მტკვარზე გამართული ნისქვილებით ფქვავდნენ ხორბალსა და სხვა მარცვლეულს. მტკვრის კალაპოტში მოპოვებული რიყის ქვით იკირწყლებოდა ქუჩები და შენდებოდა სახლები. მტკვრის საშუალებით გადაჰქონდათ ტვირთი და მტკვარზე (როგორც ქართველთა იორდანეზე) სრულდებოდა მნიშვნელოვანი რელიგიური რიტუალები, თუმცა ასეთი ვითარება იყო მანამ, ვიდრე კომუნისტებმა მტკვარი „გრანიტის აკვანში“ არ ჩაანვინეს და საავტომობილო მაგისტრალეებით არ ჩახერგეს მდინარემდე მისასვლელი გზები. შედეგად მტკვარი დაიკარგა, გაქრა თბილისელთა ყოფიდან, რასაც ხელი შეუწყო წყლის დაბინძურებამ. მასში ჩაღვრილი სანარმოო თუ საყოფაცხოვრებო ნარჩენებით. „მტკვარი და მისი ორი ნაპირი“ – ეს არის მცდელობა, დაუბრუნოს თბილისელებს „დედა მდინარე“, როგორც მიხეილ ჯავახიშვილი უწოდებდა მტკვარს.

გთავაზობთ მეთევზეებისადმი მიძღვნილ თავს დათო ქარდავას წიგნიდან.



„ზის მტკვარსა შინა თევზნი მრავალნი და გემოიანნი, რომელსა იპყრობენ ბადით, ციხით, ფაცრით, ნევეს-კავითა, საფიჩხულითა და ოჩხითა; ჟამად იპყრობისცა ზუთხი“.
ვახუშტი ბაგრატიონი, „აღწერა სამეფოსა საქართველოსა“

„ნინ შეეგებეთ, წვიმაში გადით, შფოთიან მტკვარში ჩასძახეთ თევზებს, მებადურები მოდიან ბადით და კალმახები უსხედან მხრებზე!“
ილო მოსაშვილი, „თბილისის წვიმა“

„თუ შენ, ჩემო ძმაო და ტოლო, ტყეში გიყვარს ნადირობა შევლებზედ და ხობებზე, – თბილელი ყარაჩოღელი მტკვარში ნადირობს! თუ შენ, თავიდან ფეხებამდე იარაღში ჩამჯდარს, მაინც გეშინიან გაუდაბნოვებულ ნადირისა და ყოველი ხის ქახაჭუხი ქალაღის ფერს გაძღვეს, თბილელის კარაბადინში შიში არ არსებობს. იგი თამამად გადაისვრის ხოლმე ტყეებით შემძიმებულ ბადეს წყალში, ხოლო თუ ამას საჭიროება მოითხოვს, – თითონაც ზედ გადაჰყვება და უვნებლად ჩაიყურყურმალავებს შიგ“.
იოსებ გრიშაშვილი, „საიათნოვა“

„მიღელავს მტკვარი, ძლიერი დევზე, გაურკვეველი საყვედურებით და გამალებით იჭერენ თევზებს ორთაჭალელი მებადურები“.
ხარიტონ ვარდოშვილი, „მუხრანის ხიდი“

ძველი ტფილისისა და მისი ყოველდღიური ყოფის ნაწილი იყო მებადურთა სამშო – გაბერილ ტიკებზე შემდგარი განუწული მეთევზეები, რომლებიც მხოლოდ ერთმანეთისა და მტკვრის იმედად იყვნენ. ტფილისელ მებადურთა ღირსეული წარმოადგენელია არჩილ სულაკაურის მოთხრობის („წყალდიდობა“) პერსონაჟი – მეთევზე ლადო, რომელიც „მინაზე თითქოს გაუბედავად დადიოდა, თითქოს რაღაცას ეკრძალებოდა, ხოლო როდესაც ნავში იდგა... აქ ვერაფერი შეედრებოდა. ნავი თითქოს განუყოფელი ნაწილი იყო მეთევზის სხეულისა. ისინი ერთმანეთს ავსებდნენ. თავისი ბრტყელძირიანი ნავით ლადო ყოველთვის ჩაგრავდა მტკვარს, როგორი მშფოთვარე და გახელებულიც უნდა ყოფილიყო მდინარე“.

ტფილისელ მეთევზეებზე საუბრისას ძნელია ფიროსმანისათვის გვერდის აქცევა. ალბათ, ხატვისას ფიროსმანსაც სცემდა თევზისა და მდინარის სუნი, რომელიც ნადავლით ხელდამშვენებულ ნითელპერანგა მებადურს ასდიოდა. პოზირებისას ჯერ კიდევ წყალში მდგომი მებადური, ალბათ ცოტა ხნის წინ მთვარის

შუქით აელვარებულ მდინარეს მიუყვებოდა ნავით და სწრაფად აეცვილ ბადეს მარჯვედ აფენდა მტკვრის მოვერცხლილ ტალღებს. ვინ იცის, ეგება ფიროსმანის ეს მებადური ირჯებოდა ოვანეს თუმანიანიანის ერთ-ერთ მოთხრობაშიც?

„ხიდქვეშ მტკვარი ემსხვერვა ქარვასლის კედლებს. მორევთან ტალღა ტალღას ატრიალებს და ყრუ ხმაურობით იწევს მეორე ხიდისკენ. ნაპირთან შორიახლოს ტორტმანობს მწვანე ნავი, რომელშიც მოჩანს ორი კაცი. ერთი ბადეს ეწევა. ხოლო მეორე დგას ნიჩბით ხელში და ნავს ყარაულობს“ (ო. თუმანიანი, „გიქორ“).

მეთევზე (მებადური) იყო გაბრიელ სუნდუკიანცი (ყველაზე ცნობილი პიესის „პეპოს“ მთავარი პერსონაჟი, რომლის შესახებაც იოსებ გრიშაშვილი („გაბრიელ სუნდუკიანცი და ქართველი საზოგადოებრიობა“) წერდა:

„პეპო ქალაქის ტიპია, პეპო ალალმართალი ადამიანია თავისი შრომით მცხოვრები, პეპო მეთევზეა, მებადური, მისი ქონება – ბადეა, მისი შემნახავი – მტკვარი. მართალია, პეპოს მამას თავის კვალობაზე ცოტაოდენი თანხაც ჰქონია ზომზომოვზე გასესხებული (კეკეს მზითვევი),

მაგრამ თვითონ პეპო ყოველდღიურად გამოსული მუშაკია: სწორედ პეპოს ასეთმა მდგომარეობამ მიკარნახა მეთევზე შემდეგი სტრიქონები:

„სისხამ დილით თევზებს ვიჭერ, ბადით ხელში მივალ წყალზე, ვენაცვალე ჩემ ძმა-ბიჭებს – არ ფიქრობენ მომავალზე. დღეს მოგებულს, დღესვე ვხარჯავ, შესანახად ვის აქვს თავი? ბადე – ჩემი ქონებაა, მტკვარი ჩემი შემნახავი. გაიშალე, ბადეე, მალე, გენაცვალე! როცა წყალში ვისვრი ბადეს, – თითქოს ახლად დავიბადე. მთვარე მტკვარზე აფენს სხივებს და თევზებიც – ჯან – ლივლივებს. მდიდრებით არ ვარ უქმად, მე ღია მაქვს ყველგან კარი. ვენაცვალე ალალ ლუკმას, ტკბილია და უწყინარი!“

ღამით დაჭერილი თევზი დილით ბაზარში ხვედებოდა, სადაც თევზის დიდი რიგი



ქალაქი
ეროვნული
გიგანტიუმი



ტფილისელ
მეთევზეებზე
საუბრისას ძნელია
ფიროსმანისათვის
გვერდის აქცევა.
ალბათ, ხატვისას
ფიროსმანასაც
სცემდა თევზისა
და მდინარის სუნი,
რომელიც ნადავლით
ხელდამშვანებულ
წითელკერანგა
მეზადურს ასდიოდა.

იდეა, რადგან თბილისი უთევზოდ ვერ
ძლებდა:

„ქალაქ თბილისში ძველ დროიდანვე
სანოვაგის უმთავრეს ბაზარად ითვლე-
ბოდა რიყე. მხოლოდ 1880 წლიდან თე-
ვზის ბაზარი გადმოიტანეს პუშკინის ბა-
ლის ადგილას, სადაც ურმებით იდგნენ
და აუწონრათ იაფ თევზს ყიდდნენ. თე-
ვზს მაღალ თვლებიან თათრის ურმებით

შეუწყვეტლათ სალიანიდან მოეზიდებოდ-
ნენ, თევზეულში მარტო ორაგული იყი-
დებოდა წონით, რადგანაც მეტათ დიდია
და ერთი ადამიანი ვერ იყიდის. ახალი
თევზი, სუდაკა, საზანი, კუტუმი ზუთხი,
იშხანი, შამაია და სხვა ესენი სულ იყიდე-
ბოდა აუწონრათ. ორაგულის თავი ღირ-
და ორი შაური, კარგი ადგილი გირვანქა
სამი შაური, კუტუმი მთელი სამი შაური,

საზანი ერთი აბაზი, იშხანი და გელაქნური
წყვილი ერთი აბაზი, შამაია წყვილი სამი
შაური, ზურგიელი და დოში გირვანქა ორი
შაური, ხიზილალა ათი შაური.“ (კარაპეტ
გრიგორიანცი, „ძველი თბილისის დაუფუ-
რებელი ამბები“).
გიორგი კაკაბაძეც, ფიროსმანის ცხო-
ვრებაზე დაწერილი წიგნის ავტორი ამ-
ბობს, რომ ზოგ ქალაქში იმდენ პურს არ

ჭამდნენ, რამდენსაც თბილისში თევზს გვახლებოდნენ, თუმცა ეს იმას არ ნიშნავს, რომ ტფილისის ბაზრებში მხოლოდ მტკვარზე დაჭერილი თევზი იყიდებოდა:

„კასპის ზღვიდან, ალანზინდან, სევანინდან, მტკვრიდან და არაქსიდან შემოჰქონდათ. სავაჭროებში როფები იდგა, რომელშიც კალმახი ცურავდა, ირგვლივ ჭილობებზე ლოქო, მურწა, ქორჭილა, სვია, ჭანარი, შამაია, ტარაღანა და ხრამული ეწყო. კასრებში დამარილებულ ქაშაყს ინახავდნენ. დუქნის ყველაზე მშრალ ადგილას კი ჭერში ზუთხის, ორაგულისა და თართის დოშები ეკიდა. მათ ქვემოთ პატარა ლამბაქები ჩამენკრივებინათ, რომ ჩამონვეთებული ცხიმი არ დადვრილიყო. ყველაზე თვალსაჩინო ადგილას, რა თქმა უნდა, რამდენიმე სახეობის ხიზილალა ეწყო, რომელიც მაშინ ერთი გირვანჯა აბაზი ღირდა“.

„სახალხო ფურცლის“ 1915 წლის №211-ში განთავსებულია თევზის მრეწველი ძმ. ძეგველოვების (პუშკინის ქუჩა, საკუთ. სახლი №7 ტელეფ. №712, განყოფილება ავლაბარში კახეთის ქუჩა, საკუთ. სახლი №7 ტელ. 712) სარეკლამო განცხადება:

„ყოველდღე მოგვდის საკუთარ და სავაჭრო სახლ „ლ. მაილოვ-შვილებით“ სრულებით ცოტა მარილიანი, შავი მემოწინი ხიზილალა. აგრედვე ახალ-ახალი მტკვრის ზუთხი, თართი, ფარგა და ლოქო. გვაქვს აგრედვე მიღებული ყოველგვარი კონსერვები და სარდინკები რუსეთისა საზღვარგარეთის ფორმებისა. ხანგრძლივ ინახება.“

თუ მწერალ კონსტანტინე ლორთქიფანიძეს ვერწმუნებით, ყველა თბილისელმა იცოდა ზნე-ჩვეულება ორთაჭალელი მეთევზეებისა, რომლებიც მთელი დღე მტკვარში ბადესა შლიდნენ, საღამოს კი თევზით სავსე ვედროს ხელში დაიჭერდნენ და თბილისის ქუჩებს მოედებოდნენ.

„ისინი ყველგან თამამად შედიოდნენ, სადაც კი დაფა-ზურნის ხმას გაიგონებდნენ. სუფრას მტკვრის ცოცხალით დალოცავდნენ, ოჯახს გაახარებდნენ და ისევ თავის გზას გაუდგებოდნენ“ („*ორთაჭალელი მეთევზეები*“).

მეთევზეთა შრომას დიდად აფასებდა ძველი თბილისის არისტოკრატია, რომელსაც თევზის საჭერად საგანგებო კაცები ჰყოლია. მეთევზენი ბადით, კონით, ფაცრით, ნემსკავით, საფინჯურითა და ოჩხით იჭერდნენ სხვადასხვა სახის თევზულს და პატრონებთან მიჰქონდათ.

ზაქარია ჭიჭინაძის ცნობით ნიკოლოზ ბართაშვილის მამას – მელიტონს „ორი ყმა კაცი გლეხი მიჩენილი ყავდა ყოველდღე ზამთარ-ზაფხულს თევზი ეჭირნათ მტკვარში“ (ზ. *ჭიჭინაძე „სოლომონ დოდაშვილი და ნიკოლოზ ბართაშვილი“*).

ცნობილია, რომ გრიგოლ ორბელიანს თევზით ამარაგებდა ორთაჭალელი „მეჩანგლე და მოკრივე“ მიხუა – მეტსახელით ლოპიანა, რომელსაც, როგორც იოსებ გრიშაშვილი ამბობს, ერთი ძველი მოქალაქის, გრიგოლ მამრადის სიტყვით, ყოველდღე მიჰქონდა გრიგოლ ორბელიანთან „ცოცხალი“ (თევზი): „თვითონვე გამოშინავდა, შეამზადებდა „ორთაჭალურად“ და მერე ერთად შეექცეოდნენ სადილს საზანდრებით! წელიწადი-თორმეტი თვე სულ ერთად იყვნენ და, ჩემის თვალთ მინახავსო, დასძენს ციხისუბნელი მამრადი: ორბელიანს „პარადის“ დროსაც კი თან დაჰყავდა ლოპიანა და ეს ვეება ვაჟკაცი ყველას ხიზლავდა თავის სიტყვა-პასუხით, ნაკეთიერობით, ბუდალი ფერით და ნიკაპზე აყვავებული ცნობილი ხალით!“ (ი. *გრიშაშვილი „საიათნოვა“*). აკი, უკვდავყო კიდევ თბილისელი მეჩანგლე პოეტმა-გენერალმა თავის ერთ-ერთ ყველაზე ცნობილ ლექსში, როცა დაწერა:

„ჩემს დარდებსა ვინ ინალვლის, ვინ არის... ვის რათ უნდა ლოპიანა, ვინ არის, მკვდარია თუ ცოცხალია, ვინ არის...“ (გრ. *ორბელიანი, „მუხამბაზი“*)

იოსებ გრიშაშვილი „საიათნოვაში“ იმასაც ამბობს, რომ თბილელებმა იცოდნენ თავის პატივი და „პირის გემო“. მათ უყვარდათ, რომ სუფრაზე ხორაგეული ნაირნაირობდა. აკი, გრიგოლ ორბელიანიც იგონებდა: „მოთალი, თევზი, მწვანილი აგვიჭრელებდნენ წინ სუფრასო...“ თუმცა, იმავე გრიშაშვილის თქმით, თბილელები განსაკუთრებით ეტანებოდნენ ცოცხალ თევზს, რომელშიაც შედიოდა ყველა ჟიჟმატი (წვრილი) თევზი: ფინჯული, თხუნელა, ლურჯა, მურწა, ჭიჭყინა, ნაფოტა, ღონა და სხვ...

თევზის სიმრავლე სათანადოდ აისახებოდა თბილისელთა კულინარიულ მიდრეკილებებზეც. სუფრა წარმოუდგენელი იყო თევზეულის გარეშე, განსაკუთრებულად განთქმული იყო ორთაჭალაში დაჭერილი და „ორთაჭალურად“ მომზადებული თევზი.

აკი, ლადო ასათიანიც თბილისის ყველაზე ცნობილი მხატვარის შესახებ წერდა:

„უყვარდა მტკვარი, მტკვარზე ტივი, ტივზე ტიკები, გოჭი, მწვანილი და ფრთიანი ორაგულები!“ („*ფიროსმანის მეგობრებთან*“)

თბილისურ ქეიფსა და დროსტარებაზე ოცნებობენ კახის ბატონის დატყვევებული მოციქული დიაკვნები დავით გურამიშვილის „ქართლის ჭირშიც“:

„ერთმან იხუმრა: ვიბანებ თიფლის აბანოს ნურითა, მეორემ – თევზით გავძლები ზურგიელ გელაქნურითა, მესამემ – მივიბრუყები ღვინითა ატენურითა“ („*დავითიანი*“, „*კახის ბატონის მოციქულეების დაჭერა ქართველის ბატონისაგან*“).

ცხადია, შეძლებულ თბილისელ მოქალაქეებს ზუთხისა და ხიზილალისგან მომზადებულ კერძებზეც მიუწევდებოდათ ხელი, ხელმოკლეებისთვის კი ნოყიერ საზრდოდ თევზის შიგნეულიც გამოდგებოდა. შემთხვევით არაა, რომ ბარბარე ჯორჯაძის „სრულ სამზარეულოში“ თევზეული შთამბეჭდავადაა წარმოდგენილი. 1874 წელს გამოცემული ამ წიგნის მიხედვით, შვინდის ჩურჩით გელაქნურის მოსამზადებლად საჭირო იყო ერთი აბაზი (წყვილი გელაქნურის შესაძენად), შვინდის ჩურჩა – ერთი სტაქანი, ხახვი – ორი თავი და დანაყილი ნიგოზი – ორი სტოლის კოვზი.

„გელაქნური თუ დიდი არის, სამად გასჭერით და პატარა – ორად; მერმე კარგად გარეცხეთ და თავის შესაფერს ქვაბში აადუღეთ კილოთ მარილ-წყალი, გემოთ გასინჯეთ, როგორც მლაშე არ ვარგა, ისე უმარილოც არ უნდა იყოს და ის გელაქნური ჩაყარეთ; რომ წამოდუღდეს, ქაფი მოხადეთ, ერთი რიგობა ისე ძალიან უნდა აადუღოთ, რომ რძესავით გადმოვიდეს და რაც ჭუჭყი აქვს თან გადმოიტანოს; მოხარმევა რომ შეატყოთ, ბლუღზე ამოაწყეთ და წვენი ამ რიგად მოუმზადეთ: ერთი სტაქანი შვინდის ჩურჩა გარეცხეთ, ჩაყარეთ ქვაბში, ორი თავი ხახვი წვრილად დაჭრილი, დანაყილი ნიგოზი, დაასხით ერთი ჯამი წყალი და კარგად მოხარმეთ; მერე გელაქნურს



მოსახით ეს წვენი ან მარტო დანაყილი ნიგოზი წყალში გახსნილი“.

ტფილისური სამზარეულო თევზეულის სხვა არაერთ კერძს იცნობს, თუმცა მათ შორის ყველაზე ეგზოტიკური ალბათ „ორაგულის შიგანურებია“. მასალად საჭიროა: ორაგულის შიგანეულობა – ერთი, დაფნის ფოთოლი, ქინძი, ძმარი – ერთი სტაქანი, პილპილი – ხუთი მარცვალი, მარილი:

„ისინი ყველგან თაგამად შედიოდნენ, სადაც კი დაფა-გურნის ხმას გაიგონებდნენ. სუფრას მძკვრის ცოცხალით დალოცავდნენ, ოჯახს გაახარებდნენ და ისევ თავის გზას გაუდგებოდნენ.“



„ერთი ორაგულის შიგნეულობა კუჭ-ღვიძლით და ნაწლავებით კარგად გარეცხეთ, ნაწლავები ქინძის თავის წვერით დახიეთ, კიდევ კარგად გარეცხეთ; შიგანურები დასჭერთი წერილად, ჩაყარეთ ქვაბში, დაასხით იმდენი წყალი, რომ დაჰფაროს; შიგ ჩაყარეთ მარილი, პილპილი, დაუნის-ფითილი; დუღილში ქაფი მოხადეთ; როცა მოიხარშოს, ქვაბი გადმოდგით, სიმსუქნე მოხადეთ და ცალკე შეინახეთ; სხვა წვენი გადაწურეთ, ერთი სტაქანი ძმარი დაასხით და თან დაუმატეთ მოწნეული სიმსუქნე, წერილად დაჭრილი ქინძი. ასე გაკეთებული სამი დღე შეინახება“.

კიდევ უფრო მეტად ეგზოტიკურ კერძებს ამზადებდნენ მეორე მსოფლიო ომის შემდეგ თბილისში ჩამოყვანილი ტყვეები, რომელთა შრომას, როგორც საქართველოს მაშინდელი პირველი კომუნისტი კანდიდ ჩარკვიანი იხსენებს, თბილისის საქალაქო მშენებლობებზე იყენებდნენ:

„ტყვეთა დიდი უმრავლესობა გერმანელი იყო, მაგრამ მათში საკმაოდ ერივნენ რუმინელები და უნგრელებიც... ორთაჭალაში სამუშაოზე მყოფმა რუმინელმა ტყვეებმა კრწანისის მიდამოებში კუ სულ განყვიტეს. ისინი კუს კვერცხის ერობ-კვერცხსაც ამზადებდნენ და მაღიანად შეექცეოდნენ. ვაკეში მომუშავე იაპონელმა ტყვეებმა კი კუს ტბის გზა ისწავლეს, წყლის კუს მოხერხებულად იჭერდნენ და მისგან საყვარელ კერძს იმზადებდნენ. სხვათაშორის, იაპონელები კუს ტბაში მაღარის კოლოს კვერცხების მშთანთქავ პატარა თევზ გამბუზიასაც დახვერტილი ვედროებით იჭერდნენ.“

სხვათა შორის, კანდიდ ჩარკვიანის გადმოცემით, იყო დრო (1951 წ.), როცა კუს ტბა მტკვრის წყალით ივსებოდა. ფრაგმენტი კ. ჩარკვიანის წიგნიდან „განცდილი და ნააზრევი“:

„ვაკის პარკს, ტყეპარკთან ერთად, 120 ჰა ფართობი უნდა დაეკავებინა, თუმცა მცირეკვეთიანი გვირაბით ვარაზის ხევის ჩამონადენი კუს ტბაში ჩაუშვით, აქ იმდენი წყალი არ გროვდებოდა, რომ ასეთი ფართობი მოერწყო. გადაწყვიტეთ წყალი ისევ მტკვრიდან მოგვეყვანა. იყო ვერეს ჩამონადენის გამოყენების წინადადებაც, მაგრამ ის უარყვავით, რადგან ვფიქრობდით, რომ ეს მდინარე პარკის საიმედო წყალმომარაგებას ვერ უზრუნველყოფდა. მაშინდელი ბაქტერიოფაგის ინსტიტუტის

ახლოს, მტკვართან, დაიდგა სატუმბავი სადგური, რომელიც მილსადენით წყალს კუსტბამდე აწვდიდა. ტბის დონე ამაღლდა, მისი სარკე რამდენჯერმე გადაიდდა. ამით პარკი უფრო დამშენდა და ტბაც სარწყავი წყლის საკმაოდ ტევად რეზერვუარად იქცა. რაკი მტკვრის წყალი მოხვდა, ნარგაობამ თითქმის უკლებლივ გაიხარა“.

თუმცა მტკვრით ნასაზრდოები კუს ტბა და მისი ბინადარი კუ და გამბუზიები იქით იყოს. უშუალოდ მტკვრის აუზში გავრცელებული 12 სახეობის თევზიდან, მტკვრისა და მისი შენაკადების ენდემი ყოფილა 9 სახეობა. მათ შორის აღსანიშნავია მტკვრის წვერა (*Barbus lacerta*), მურნა (*Barbus mursa*), ჭანარი (*Barbus capito*) და სხვ. გარდა ამისა, იხტიოლოგების თქმით, მტკვრის აუზში ასევე გვხვდება: მტკვრის ციმორი და ტობი, ნაფოტა, შამაია, ქაშაყი, ხრამული, მტკვრის გოჭალა, ღორჯო, კობრი, კაპარჭინა და სხვა („მდინარე მტკვრის ჰიდრობიოლოგიური რეჟიმი და იხტიოფაუნა“. ავტ. ცისკარიშვილი, სუპატაშვილი, მგელაძე, 1980.).

ცხადია, იხტიოფაუნის ასეთი მრავალფეროვნება მანამდე იყო, ვიდრე ბრაკონიერობისა და კაშხლების აშენების გამო თევზაობის ალო წავიდოდა. საქმე ის არის, რომ მტკვარსა და სხვა მდინარეებზე ჰიდროტექნიკური ნაგებობები სპეციალური თევზსასვლელების გარეშე აშენდა. ამ პრობლემის შესახებ ჯერ კიდევ ნახევარი საუკუნის წინ წერდა ვახუშტი „თბილისი“ სტატილაში „თევზს გზა უნდა“:

„...აი, რას ამბობს საქართველოს თევზდაცვის სამმართველოს უფროსი მიხეილ თოდრაძე: „განცვიფრებული დარჩებით იმ გულმაჯინწყობით, რომელსაც ვიჩენდით ჩვენს რესპუბლიკაში მდინარეებზე ჰიდროტექნიკური ნაგებობების, განსაკუთრებით კაშხლების მშენებლობისას. ჩვენი მდინარეები „თეთრი ნახშირის“ უამრავი ენერჯის გარდა, მეტად მნიშვნელოვან და საჭირო სხვა დოვლათსაც გვიწახავენ თევზის მდიდარ მარაგის სახით. მურნა, ჭანარი, ხრამული, თევზების დედოფალი – კალმახი, შამაია, სვია, რიპუსი, კობრი, ზუთხი, ლოქო და სხვა, მაგრამ ბოლო წლებში საქართველოს მდინარეებსა და წყალსაცავებში თევზის მარაგს აშკარად დაეტყო კლების ტენდენცია. მაგალითად: 1946-1950 წწ.-ში ჩვენი მეთევზეობის მეურნეობები რესპუბლიკის მდინარეებში საშუალოდ

ყოველწლიურად იჭერდნენ 1,600 ცენტნერ თევზს, 1958 წელს მხოლოდ 873 ცენტნერი ამოიყვანეს წყლიდან, ხოლო შარშან თითქმის იმდენივე. საქართველოს მდინარეებში გაიშვიათდნენ ისეთი ძვირფასი თევზები, როგორც არის ორაგული და ლოქო. რა მოხდა, რამ გამოიწვია ჩვენი მდინარეების ტალღებქვეშ ბუნების მიერ შემონახული ამ სახალხო საუნჯის დაკნინება?

...კასპიის ლოქოს სახელი აქვს განთქმული. ისიც ევირითის დასაყრელად მტკვარს გამოჰყვება ხოლმე სათავისკენ. ეძებს მყუდრო, სუფთა, დანმენდილ ადგილს. ერთმა იხტიოლოგმა გვიჩვენა, ორთაჭალაჰესის კაშხალთან თევზების ბრძოლის სეირისთვის გვეცქირა. მართლაც განსაცვიფრებელ სურათს წაანყვება ხოლმე ადამიანი აქ ხანდახან, როცა მდინარეში წყალი დანმენდილია და თევზები ქვემო მხრიდან ზედა მიმართულებით დაიძვრებიან. უამრავი თევზი გროვდება კაშხლის ქვედა ბიეფში. ბადის ნაცვლად თოკობმული კალათაც რომ ჩაუშვით წყალში, თევზით სავსეს ამოიღებთ.

თევზის დაუსრულებელი ჯოგი სათავის მიმართულებით მიილტვის, კაშხალი ვერ გადაულახავს და უმწეოდ ფართხალებს, ხტება, უნდა ჩანქერზე ახტეს, მაგრამ საამისო ძალა ყველას არ შესწევს. მართლაც კარგი სანახაობაა, მაგრამ მარტო ორთაჭალის კაშხალთან როდი იმართება ხოლმე თევზის ასეთი ალიაქოთი. არცერთ მდინარეზე, არცერთ კაშხალთან, ჰიდროტექნიკურ ნაგებობათა არცერთ კომპლექსში არ არის გაკეთებული თევზსასვლელი გზა. ...ასე იყო დღემდე, მაგრამ აღარ იქნება ამერიიდან. შეუდარებელ ჩვენებურ კალმახს, მურნას, ჭანარს, ხრამულს მალე გაუხსნიან გზას. პირველი ასეთი თევზსასვლელის გაკეთება განზრახულია წლეულს ორთაჭალაჰესის კაშხალზე“ („თევზს გზა უნდა“, „თბილისი“, 1960 წ. 12 თებერვალი).

ბოლო დროს სანაპიროზე კვლავ მომრავლდნენ თბილისელები, რომლებიც თევზის ჭვრით ირჩენენ (თუ იქცევენ) თავს და თბილისსაც, ძველი მებადურების მსგავსად, მტკვრის ნაპირიდან აჰყურებენ. კვლავ არჩილ სულაკაურს დავესხსობთ: „მეთევზეს ქალაქი მხოლოდ მტკვრის ნაპირიდან ჰქონდა დანახული და განცდილი, დაბლიდან შესცქეროდა ხეებს, სახლებს, ხიდებს, მტკვრის ნაპირიდან ყველაფერი მალალი იყო, დიდი...“

მეთევზეები მტკვარზე

ფოტო: ეკა მახათაძე




ეს ფოტოპროექტი დათო ქარდავას ნიგნის თემატური გაგრძელებაა. მტკვრის შესახებ დაწერილი ამ პირველი „ბიოგრაფიული“ ნიგნიდან დღევანდელ ნომერში დასაბეჭდად სწორედ ის თავი ავარჩიეთ, რომელიც ქალაქთან დაკავშირებულ ცოცხალ ტრადიციას ეძღვნება, თევზაობა კი ჩვენი ქალაქის ერთ-ერთი ყველაზე ცოცხალი ტრადიციაა. მეთევზეები ყოველთვის იყვნენ თბილისში და დღესაც მტკვრის ნაპირებსა თუ ხიდებზე არაერთ გამოცდილ თუ ახალბედა მეთევზეს ნახავთ.

დღეს მტკვარს, სამწუხაროდ, აღარა აქვს ის დატვირთვა, რაც მას საუკუნეების მანძილზე ჰქონდა. ქვეყნისა და დედაქალაქის მთავარ მდინარეს მხოლოდ თითო-ორი კულტურული ნიშანი თუ შემორჩა, ისეთი ნიშნები, რომლებიც მდინარის სიცოცხლეზე მეტყველებენ. მტკვარზე, სამწუხაროდ, ბრაკონიერიც ბევრია და ამ მტკიცეულ თემაზე სხვა დროსაც არაერთხელ ვისაუბრებთ, ეს ცალკე განხილვის თემაა. დღევანდელ ფოტოპროექტში კი ჩვენს დაბინძურებულ, ჯებირებში მოქცეულ, მაგრამ მაინც ცოცხალ მდინარეში მოთევზავე რამდენიმე ადამიანს გაგაცნობთ, მათ, ვინც „თბილისის მტკვრის ნაპირიდან აწყურებენ“.



მარჯვნივ: ნოდარ ფეიქრიშვილი, 65 წლის, მტკვარზე თევზაობს 1984 წლიდან



ბექან ყვირილიანი, 60 წლის, მტკვარზე თევზაობს ღრმა ბავშუობიდან



ავთო მირიანაშვილი, 60 წლის, მტკვარზე თევზაობს 14 წლიდან




ნოდარ დათუაძე, 52 წლის,
მტკვარზე თევზაობს მას შემდეგ, რაც ფეხი აიღდა



ივანე ელიზბარაშვილი, 42 წლის,
მტკვარზე თევზაობს 12 წლიდან



ტარიელ ძეგისაშვილი,
63 წლის, მტკვარზე თევზაობს 11 წლიდან



ალექსანდრე მაილოვი,
45 წლის, მტკვარზე თევზაობს 35 წელია



ნოდარ ცინცაძე, 77 წლის, მტკვარზე თევზაობს 6 წლის ასაკიდან

რეკანიბალიზაცია

ავტორი პაატა ქურდაძე

ბოლო ოცი წლის მანძილზე საქართველოში დღემდე არსებული ყველა პოლიტიკური ძალა, თავისი არსებობის ძალიან ადრეულ ეტაპზევე, გამუდმებით რელიგიური და ნაციონალისტური ექსტრემიზმის მძევალი ხდება.

რენესანსის ჰუმანისტების მიხედვით, კულტურა იბადება მაშინ, როდესაც მთავრდება კანიბალიზმი. თუმცა შეგვიძლია პირიქითაც წარმოვიდგინოთ: კანიბალიზმი იწყება იქ, სადაც მთავრდება კულტურა. კანიბალიზმისა და კულტურის მონაცვლეობა წარმოადგენს ორ ძირითად ფაზას, რომელიც ქმნის კაცობრიობის ისტორიას.

ჩვენ, ადამიანებს, ჩვენი არსებობისა და განვითარების ყოველ ეტაპზე, დღევანდელის ჩათვლით, გაგვაჩნია უნიკალური უნარი, ყველაზე მაღალი კულტურული ფაზიდან საოცრად ადვილად და სწრაფად დავეცეთ უკიდურესად დაბალში. უკუ, ანუ კვლავ გაადამიანურების პროცესი კი ძალიან მძიმე, რთული და ხანგრძლივია, მას თაობების ცვლა სჭირდება

ფაზების ეს მონაცვლეობა ადამიანად დაბადების საფასური, ჩვენსავე სხეულსა და გონებაში ინტეგრირებული მძიმე ჯვარია, რომელსაც კანიბალიზმისა და კულტურის ნანიზურზე დავატრევთ მთელი ჩვენი ისტორიის მანძილზე. მისი სიმძიმე გამუდმებით უკან გვექაჩება არაერთხელ დაძლეული პრიმიტიული, ბარბაროსული სანყისისკენ, რომელშიც დროდადრო ვვარდებით, რომ მერე კვლავ მოვკლავთ ჩვენში კანიბალი და ისევ ვშვით ბესტიალური ხანგრძლივი ორსულობიდან მშობიარობის აუტანელ ჭინთვებსა და ჯოჯოხეთურ ტკივილებში კულტურა... ანუ ადამიანი.

ჩვენ ყველანი კანიბალიზმიდან მოვდივართ – განურჩევლად ეროვნებისა, რასისა და კულტურისა. ჩვენი შორეული წინაპრები, მაგალითად, ჩვენი ევროპელობის უტყუარი და საამაყო გარანტები, ჩვენი მზია და ზეზვა, უკეთეს შემთხვევაში, პატიოსანი ეგზოკანიბალები იყვნენ; ანუ ჭამდნენ თავიანთ მტრებს, რომლებიც, თავის მხრივ, როგორც კი ხელთ ჩაიგდებდნენ, დიდი პატივითა და მოწინებით მიირთმევდნენ ჩვენს დიდ ბებიებსა და ბაბუებს. ყველაფერი დღესავით ნათელი იყო. ყველა კმაყოფილი გახლდათ: ისინი, ვინც ჭამდნენ, და ისინიც – ვისაც ჭამდნენ. როგორც ცნობილია, შამფურზე აგების წინ, მათ

შესანიშნავად ექცეოდნენ – კარგად აჭმევდნენ, ნებისმიერ სურვილს უსრულებდნენ და, რაც მთავარია, ღირსებას არ უღაზავდნენ. ღირსება, მოგეხსენებათ, ისეთი რამ არის, ბევრ რამეზე დაგახუჭვინებს თვალს; ცოტას როდი ნიშნავს, როცა ასეთ დროსაც კი პატივით გეპყრობიან, და არა ისე, როგორც დღევანდელი „სოციო-პოლიტიკური კანიბალები“ ვეპყრობით ერთმანეთს.

ქართველებმა მაინც განსაკუთრებულად მოვინდომეთ: ჩვენ ანთროპოფაგიის სრულიად ახალი და განსაკუთრებულად პერვერსული ფორმა მოვიგონეთ, რომელსაც კოჰაბიტაცია დავარქვით და რომელიც ბევრად უფრო ახლოა „ევროპულ ენდოკანიბალიზმთან“ (ენდოკანიბალიზმი – ადამიანის მიერ საკუთარი ჯგუფის წევრის ჭამა), ვიდრე ჰუმანისტების მიერ აღწერილ ტუპინამბას ტომის პატიოსან ეგზოკანიბალიზმთან (ეგზოკანიბალიზმი – უცხო ადამიანთა ჯგუფის წევრის ჭამა).

ჩვენი ტანჯვის შარავანდედით მოსილი სამშობლოს ისტორია, რომელიც ათასწლეულებს ითვლის, არაფერს ამბობს ჩვენში ანთროპოფაგიის შემთხვევებზე. ეს, ერთი შეხედვით, თითქოს ეწინააღმდეგება ადამიანში ბუნებისგან ჩადებული კანიბალის დემონური გენის არსებობის ლოგიკას... თუმცა, თუ მცირეოდენ ძალას დავატანთ ჩვენს დაღლილ გონებას, უმალ მივხვდებით, რომ ჩვენში ანთროპოფაგიის სრულიად უნიკალური ფორმა გავრცელებული, რომელსაც მე პირობითად ნერვოფაგიას დავარქმევდი. ზემოხსენებული კოჰაბიტაცია, სწორედ კანიბალიზმის ამ განსაკუთრებით სასტიკი ფორმის ერთ-ერთი მძიმე გამოვლინებაა.

ნერვოფაგები ძირითადად საკუთარი მოყვასის ნერვებით იკვებებიან და არა მათი ხორციით. ისინი ადამიანს უსისხლოდ ჭამენ, ყოველგვარი კულინარული კრეატიულობის გარეშე. ნერვოფაგია თავის თავში მოიცავს ანთრო-

პოფაგიის ყველა ცნობილ ფორმას, ენდო და ეგზოკანიბალიზმს, აგრეთვე ნეკროფაგიას (ნეკროფაგია – საკუთარი ოჯახის გარდაცვლილი წევრის ამა თუ იმ ფორმით საკვების სახით მიღება)...

ნერვოკანიბალები, ვოლტერის მიერ აღწერილი ბრაზილიელი თავაზიანი კანიბალებისგან განსხვავებით, განსაკუთრებული სისასტიკითა და პერვერსიულობით გამოირჩევიან. ისინი საკუთარ და უცხო ჯგუფის წევრს იმ რაოდენობით მიირთმევენ, რამდენიც ხელში ჩაუვარდებათ. მათი უმრავლესობა ქრონიკული აგრესიული ბუღემითაა დაავადებული და ამ სენისთვის დამახასიათებელ ყველა ნიშანს ატარებს: ის ადამიანებს ჭამს არა იმიტომ, რომ შია... მისთვის ჭამა შორს ნასული ნარკომანიაა, რომელიც კონტროლს არ ექვემდებარება. მას უბრალოდ არ შეუძლია არ ჭამოს... განუწყვეტილად – დღე და ღამე, დღე და ღამე, ღამე და დღე...

ამასთან, როგორც ხშირად ხდება ბუღემის შემთხვევაში, „ნერვოკანიბალიზმს“ თან ახლავს საკუთარი პერსონის მიმართ ძლიერი სიძულვილი. შესაძლოა უფრო ძლიერიც კი, ვიდრე მსხვერპლის მიმართ. ამიტომ, დროდადრო განსაკუთრებულად აგრესიული, საკუთარი თავის ჭამას იწყებენ.

ქართველი ერი მორიელის ნიშნის ქვეშ არის დაბადებული.

19 თებერვალი, 2013 წ.

პოლიციის მიერ ბუტა რობაქიძის მკვლელობის ამსახველი ნატურალური კადრების ჩვენების შემდეგ ტელეკომპანია „რუსთავი 2-ის“ მიერ გაკეთებული ოფიციალური განცხადება მედიაში:

„კიდევ ერთხელ გვსურს საზოგადოებას, განსაკუთრებით, ამირან რობაქიძის ოჯახს და მის ახლობლებს ზოდიში მოუხადოთ ამ მძიმე კადრების საჯაროდ ჩვენებისთვის. კიდევ ერთხელ განვმარტავთ, რომ გადაწყვეტილება ვიდემასალის ეთერში გაშვების შესახებ, ამ კონკრეტული საქმისადმი **საზოგადოების განსაკუთრებულად მაღალი ინტერესიდან** გამომდინარე მივიღეთ“.

რა ცერემონიულობაა „რუსთავი 2-ის“ მხრიდან! რა ელემენტური მანერულობა!.. ნუთუ მისი გენერალური დირექტორი და პროდუსერები მე-15 საუკუნეში ბრაზილიაში რომ დაბადებულიყვნენ და სადმე გაუვალ ჯუნგლებში ამერიკო ვესპუჩის გადაპყროდნენ, მას შემდგომ ააგებდნენ და გემრიელად შესანსლავდნენ? ალბათ, სავარაუდოდ, ასეც მოხდებოდა და ამაში შოკის მომგვრელი არაფერი იქნებოდა მოცემულ კონტექსტში. ამიტომაც ვოლტე-

რი აუცილებლად ივარაუდებდა, რომ დღევანდელი თული ტელებარბაროსობის ხარისხი ბევრად აღემატება ტუპინამას ტომის მშვენიერი ინდიელებისას, რომლებმაც „ერთხელ“ ელდორადოსკენ მიმავალ გზაზე იეზუიტებად გადაცმული მისი პერსონაჟები, კანდიდი და მისი მსახური კაკამბო დაიჭირეს ჯუნგლებში, და როდესაც შეჭმა დაუპირეს, კაკამბომ მათ ასეთი შესანიშნავი სიტყვით მიმართა:


„ბატონებო, თქვა კაკამბომ, თქვენ აპირებთ დღეს შეჭამოთ იეზუიტი! ეს ძალიან კარგია. არაფერი ისეთი სამართლიანი არ არის, ვიდრე ასე მოექცე საკუთარ მტერს. მართლაც, ბუნების კანონები გვასწავლის მოკლათ მოყვასი, ჩვენც სწორედ ასე ვიქცევით დედამიწის ყველა კუთხეში. და თუ მათი ჭამის უფლებით არ ვსარგებლობთ, ეს მხოლოდ იმიტომ, რომ ჩვენ სხვა შესანიშნავი ხორცი გაგვანია საკვებად. მაგრამ თქვენ არ გაქვთ იგივე რესურსი რაც ჩვენ, ამიტომ, რასაკვირველია, სჯობს საკუთარი მტერი შეჭამო, ვიდრე გამარჯვების ნაყოფი ყვავებსა და სვავებს დაუტოვო საჯიჯგნად.“

მაგრამ, ბატონებო! თქვენ არ მოისურვებთ შეჭამოთ თქვენი მეგობრები! თქვენ ფიქრობთ, რომ იეზუიტს წამოაცვამთ შამფურზე, სინამდვილეში კი ის, ვის მოხრაკვასაც აპირებთ, თქვენი დამცველი, თქვენი მტრების მტერია...“ და ა.შ... (კანდიდი, ანუ ოპტიმიზმი. ვოლტერი)

მართლაც, რაში ვხედავთ უფრო მეტ სისასტიკეს? მე-18 საუკუნეში თავიანთი ტრადიციების ერთგული ინდიელების მიერ იეზუიტის ჭამაში, თუ აგრესიული ბრიყვი პოლიციელის მიერ მოკლული ცხრამეტი წლის ახალგაზრდის მკვლელობის მიჩქმალვის მცდელობაში მთელი სახელმწიფო სისტემის მიერ?

ადგილობრივი მოსახლეობის პერვერსული დაუოკებელი სურვილი – უყუროს ძალადობას პირდაპირ ეთერში, საკუთარი თვალთ იხილოს ყველა მომხდარი ტრაგედიის შედეგების ყოველი გადაღებული სანტიმეტრი, ყოველი დეტალი, მტკიცებულება, ალიბი, სისხლი, გვამები... ნუთუ ნაკლებად შემზარავად გამოიყურება?! რაც შეიძლება მეტი, მეტი გვამები!..

განა სახელმწიფოს მიერ მოსახლეობის ამ სანახაობის ნახვის გარყვნილი სურვილის დაკმაყოფილების ლეგიტიმაცია უფრო ცივილურად გამოიყურება, ვიდრე ტიპინამბას რომელიმე ბელადის მიერ დატყვევებულის შესანსლავად გაკეთებული ლეგიტიმაცია?! (ცივილურობის რომელ ხარისხს





შეესაბამება კანონმდებლობა, რომელიც ქართულ არხებს უფლებას აძლევს რიტუალურად კვებოს ადამიანთა ეს აბსოლუტურად პარანოიდული ცნობისმოყვარეობა, რომელიც არანაკლებ ბარბაროსულად გამოიყურება, ვიდრე პრიმიტივი კანიბალების მიერ მტრად მიჩნეული იეზუიტის შეჭმის მათთვის სრულიად ბუნებრივი სურვილი?!

ჩგანა „რუსთავი 2-ის“ მიერ ბუტა რობაქიძის ნერვებ-გამიშვლებული მშობლების მაყურებლისთვის საჯიჯგნად მიგდება, ვინმეს ბესტიალური ინსტინქტების ნაკლებ გამოვლინებად მიაჩნია?!

აჰ, ვოლტერი რომ ცოცხალი ყოფილიყო! და პატივი ჰქონოდა ეხილა, თუ სამი ათასი კილომეტრის სიშორიდან როგორ ისრუტავენ გადახარშული სპაგეტით ჩემს ნერვებს ქართველი ტელეკანიბალები; რომ შესძლებოდა ენახა „რუსთავი 2-ის“ ეს ექსკლუზიური ბარბაროსობა! და ამასთან, ერთგვარი ბონუსის სახით, ნინა დლით, ტელეკომპანია „იმედის“ ყოფილი დირექტორის მიერ თავის ახალ საიტზე გაშვებული ასევე ექსკლუზიური რეპორტაჟი კახური ჯოჯოხეთიდან – ქვევრში დამხრჩვალ ჩვილის შესახებ, რომელიც, რეპორტაჟის ავტორი-მონსტრის მიხედვით, ასევე საზოგადოების მაღალი ინტერესის დასაკმაყოფილებლად იქნა გადაღებული და ნაჩვენები...

ქვევრში მოტივტივე პატარა გოგონა... გაშვებული, გაშლილი პანანინა ხელები და ფეხები... მისი თოჯინასავით გვამის რეანიმირების უსარგებლო, ისტერიული მანიპულაციები... ახლობლების შემადრწუნებელი, არაადამიანური გოდება, კომენტარები, კომენტარები... რეპორტაჟის ნამყვანი ქალის მანიაკალური, დემონური ხმა, ოფფ!

ანთროპოფაგია ამა თუ იმ გამოხატულებით მთელს მსოფლიოში გვხვდება. კაცობრიობის განვითარების ყველა ეტაპზე, ყველა ეპოქაში, ყველა კონტინენტსა თუ ქვეყანაში, ყველა კულტურის ჩანასახში. განსაკუთრებით კი – ყველა კულტურის აგონიისას, როგორც დიდის, ისე, პატარის. კანიბალიზმი სწორედ კულტურის აგონიისას იღვიძება ჩვენში. მიზეზი ყველა ეპოქაში ერთი და იგივეა: ომი, აგრესია, სისასტიკე, სიღატაკე, უსამართლობა, შიმშილი...

ერთგვარი „სამართალი“ კანიბალიზმსაც აქვს. ის ძალიან მარტივია და სახელად შიმშილი ჰქვია. არაფერი ისე

არ აკარგინებს ადამიანს თავის სახეს, არაფერი ისე არ აჩქარებს ბესტიალურ მდგომარეობაში ჩავარდნის პროცესს, როგორც ხანგრძლივი და უიმედო შიმშილი.

შიმშილი სულ რამდენიმე დღეში აშიშვლებს ადამიანს საუკუნეების მანძილზე წინაპართა მრავალი თაობის მიერ ნაქსოვი სამოსისგან, რომელსაც კულტურა ჰქვია, და თავის პრიმიტიულ სანყისს უბრუნებს. რეკანიბალიზაციის ძირითადი გამომწვევი მიზეზი სწორედ შიმშილი და მისი შიშია. ჩვენ, რასაკვირველია, სრული უფლება გვაქვს ვილაპარაკოთ ერთგვარ სოციალურ კანიბალიზმზე, რომელთანაც კულტურულ შიმშილს მივყავართ; ამ უკანასკნელამდე კი, როგორც ვთქვით, ფიზიკურ შიმშილს; თუმცა ფიზიკურ შიმშილსაც არა იმდენად, რამდენადაც ფიზიკური შიმშილის შიშს. სწორედ ეს უკანასკნელი გახლავთ ყველაზე ბესტიალური გრძნობების მკვებავი ელემენტი და არა თავად რეალური შიმშილი. ეს არის ფაზა, როდესაც ადამიანი, მიუხედავად უკიდურესი გაჭირვებისა, მაინც არ არის იძულებული, პირდაპირი გაგებით შეჭამოს სხვა ადამიანი, თუმცა რაღაც გაუგებარი მიზეზის გამო მაინც „ჭამს“ მას, თან განსაკუთრებული სისასტიკით, შეიძლება ითქვას – ცოცხლად და სხვადასხვა აგრესიული ფორმით: ომით, რევოლუციით, სიხარბით, ბრიყვული კანონებითა და მათი კიდევ უფრო ბრიყვული ინტერპრეტაციების აპლიკაციებით.

ეს სწორედ ის ევროპული „კანიბალიზმია“, რომელზეც ვოლტერი მიგვანიშნებდა ფონტენბლუში ბრაზილიელ ქალბატონთან მეგობრული გასაუბრების შემდეგ. ეს არის ადამიანების თვისება, ცივილიზაციის ფასი, რომელიც შესაძლოა თავისი უგუნურებითა და ბესტიალური სისასტიკით აღემატებოდეს კიდევ ინდიელთა პრიმიტიულ ანთროპოფაგიას.

ჩვენ გამუდმებით უნდა გვახსოვდეს კანიბალი, რომელიც ჩვენში თვლემს! უნდა გვახსოვდეს, რომ სულ რამდენიმე დღიანი შიმშილი გვაშორებს მის გაღვიძებასთან; რომ ამ დღეების რაოდენობა პირდაპირპროპორციულია ჩვენში კულტურის მარაგისა, რომელიც ერთმანეთის ჭამისგან თავის შეკავებას გვაიძულებს. კულტურა ჩვენი ერთადერთი თავდაცვის საშუალებაა ჩვენივე საკუთარი ბარბაროსობისგან, ჩვენივე კანიბალიზმისგან, მძინარე დემონისგან, რომელსაც ნებისმიერ დროს შეუძლია გაიღვიძოს

და, როგორც ზემოთაც აღვნიშნეთ, ჩვენნივე პირველყოფილ, ბესტიალურ ფაზაში ისეთი სისწრაფით მოგვისროლოს, რომ გონზე მოსვლაც ვერ მოვასწროთ...

ჩვენ გაცილებით უფრო გვძულს ერთმანეთი, ვიდრე მტრის სახე. მიუხედავად იმისა, რომ მისი შექმნის უალრესად დიდი კრეატიული ნიჭით ვართ დაჯილდოებულნი. მხოლოდ გარემო მტრის მიმართ სიძულვილის იდეოლოგიად გარდაქმნას, მის ინსტიტუციონალიზაციას ვერ ვასწრებთ, რადგან შიდა პრობლემები სიძულვილის მოთხოვნის დაკმაყოფილების უფრო იოლ გზას გვიხსნის და ერთმანეთის სიძულვილით ვკმაყოფილდებით. გარეშე მტერს ერთმანეთზე ნადირობისას ვიყენებთ როგორც სატყუარას. საერთაშორისო მორალით ეს ჩვენ ლეგიტიმური ენდოკანიბალიზმის ჩარჩოებში გვტოვებს – ბოლოს და ბოლოს, ერთმანეთს ვჭამთ, და არა სხვებს, და კიდევ: ეს ჩვენი საშინაო საქმეა!...

თუკი ამ ჩვენს „კანიბალიზმში“ ნამდვილი კულტურა არ იბადება, ეს, რა თქმა უნდა, სულაც არ გახდებოდა ვოლტერის შეშფოთების მიზეზი, ის რომ ჩვენი თანამედროვე ყოფილიყო. ისევე, როგორც თავის ეპოქაში ტუპინამბას ინდიელებთან, მას შესაძლოა ჩვენშიც აღმოეჩინა რაღაც თავისთვის სასარგებლო მარცვალი, რომლის კულტივაციასაც ზუსტად ისევე მოახმარდა თავის ფრანგულ კულტურას, როგორც „მშვენიერ“ მისისიპელ კაციჭამია ქალბატონებთან გასაუბრებას ფონტენბლუს სამეფო სალონში... სხვათა შორის, მათ რომ 2012



წლის ჩვენი წინასაარჩევნო გრძელი და ღრმად მანიაკალურ-დებურესიული საარჩევნო მარათონი და არჩევნების შემდგომი კოჰაბიტაციის პაროდია ენახათ, ალბათ კეთილრჩევას მისცემდნენ დღევანდელ ქართველებს. ეტყოდნენ, რომ აჯობებდა ერთმანეთი პატიოსნად შეეჭამათ ფიზიკურად, ვიდრე ფრანგული ტერმინით შენიღბული პოლიტიკური ანთროპოფაგიით გამხეცვებულს ერთმანეთი ეძიებნათ და ეკორტნათ როგორც სვაებს – მტანჯველად და სასტიკად.

ბრაზილიური მოდერნის ერთ-ერთი ყველაზე თვალსაჩინო წარმომადგენელი, ტუპინამბების, ან შემოკლებით ტუპების ტომის ღირსეული შთამომავალი ოსვალდ დე ანდრადე, თავის ცნობილ „ანთროპოფაგიის მანიფესტში“, რომელიც მან 1925 წელს გამოსცა, წერს: „ჩვენ მხოლოდ ანთროპოფაგია გვაერთიანებს. სოციალურად, ეკონო-

მიკურად და ფილოსოფიურად. ეს ერთადერთი საშინაო სამყაროში. ნებისმიერი ინდივიდუალიზმისა და კოლექტივიზმის, ყველა რელიგიისა და მშვიდობის დეკლარაციის შენიღბული გამოხატულება.

Tupi, or not tupi that is the question?!

ჩვენ გვსურს კარიბის რევოლუცია. უფრო დიდი, ვიდრე საფრანგეთის რევოლუცია იყო! უნიფიკაცია ადამიანისგან მომდინარე მთელი ამბოხისა... ჩვენ რომ არა, ევროპას თავისი ადამიანის უფლებების უბადრუკი დეკლარაცია კი არ ექნებოდა...“

მართლაც, ადამიანის უფლებების დეკლარაცია სამოქალაქო ომებმა და რევოლუციებმა შექმნეს და არა საერთაშორისო კონფლიქტებმა. დამეთანხმებით, შუა საუკუნეებში, ისევე როგორც დღეს, ადამიანის უფლებებს ძირითადად ჩვენვე ვარღვევთ – პირველ რიგში საკუთარ ოჯახში, და მხოლოდ შემდეგ მეზობელთან კონფლიქტებში. ევროპული ცივილიზაციის ამ შემადუღებელი „ცემენტი დეკლარაციის“ შექმნის აუცილებლობაში ამაზონელმა კანიბალებმა თავისდაუნებურად მართლაც გარკვეული როლი შესრულეს. რენესანსის ჰუმანისტები მათ აკვირდებოდნენ როგორც ლაბორატორიის თავგებს... დაახლოებით ისე, როგორც ჩვენ გვაკვირდება დღეს ზოგიერთი მათი შთამომავალი. ალბათ გახსოვთ, სულ ახლო წარსულში ჩვენი დემოკრატიის „ქვეყანა – ლაბორატორიის“ ექსტრავაგანტურ კონცეფციაზე გამუდმებით საუბრობდნენ საერთაშორისო ფორუმებსა და დასავლურ მედიაში პრეზიდენტი სააკაშვილი და მისი ერთობ უცნაური მრჩეველი-ლაბორანტები...

ისევე როგორც დიდი ომები, გარკვეული რევოლუციებიც – შესაძლოა უფრო ხანგრძლივი პერიოდით და განსაკუთრებული ეფექტურობით – კლავენ კულტურას და საზოგადოება სწორედ ენდოკანიბალიზმის ფაზაში შეჰყავთ, რომლის დროსაც ადამიანი საკუთარი ჯგუფის, საკუთარი ოჯახის წევრის ჭამას იწყებს. ეს სწორედ ის ფაზაა, რომელშიც საქართველო იმყოფება უკანასკნელი 22 წლის მანძილზე.

ჯერ კიდევ 1989 წლის 9 აპრილმა, ლეგიტიმური უფლება მოგვაპოვებინა, მტრის სახის დეფინიცია გაგვეკეთე-



ბინა, ანუ პატიოსან ეგზოკანიზალებად გვაქცია. მტერს – ნითელ არმიას, რა თქმა უნდა, სიამოვნებით შევსანსლავდით, მაგრამ, სამწუხაროდ, ეს მთელ რიგ სრულიად გასაგებ სირთულეებთან იყო დაკავშირებული. ამიტომ, ჩვენ ისევ ერთმანეთს დავერიეთ, განსაკუთრებით სიამოვნებით რუს და ოს თანამოქალაქეებს ვახრამუნებდით, სანამ მათმა უმრავლესობამ თავს არ უშველა და არ გადაიხვეწა კავასიის ქედს გადაღმა. ამის შემდეგ, ჩვენი მენიუ ექსკლუზიურად ეთნიკურად ქართული გახდა. მალე სამოქალაქო ომიც დაიწყო, ჩვენ საბოლოოდ ჩამოვყალიბდით ენდოკანიზალებად.

აფხაზეთის ომის პერიოდი აბსოლუტური ჯოჯოხეთია საქართველოს ისტორიაში, და არა მხოლოდ იმიტომ, რომ ზოგადად ყველა ომი დაუნდობელი და სასტიკია. იმ წლებში ჩვენი წინაპრების მიერ ათასწლეულების მანძილზე დაგროვილმა სიბრყვემ თავის კულმინაციას მიაღწია. ყოველ ერს საერთოდ თავისი უნიკალური და განუმეორებელი სიბრყვეისა და სიბრძნის ზუსტად განსაზღვრული მარაგი აქვს. ჯოჯოხეთი კი კუპრითა და ცეცხლით წამების გარდა უიმედო სიბრყვეცაა... რალაცნაირი ბედსშეგუებული, დეპრესიული სიბრყვე; ასევე წინაპრების მიერ დაგროვილი სიბრძნის, კულტურის მარაგი ნულის ნიშნულს ჩამოსცდა... ეგზო- და ენდოკანიზალები ერთდროულად გავზდი. გვძულდა ყველა და ყველას ვძულდით. თუმცა ამას მალე შევეგუეთ, და იმ დროიდან დღემდე მხოლოდ ერთმანეთს ვჭამთ.

2008 წელს ერთგვარი ახალი, დაკანონებული, სახელმწიფოს მიერ რეზოლუციადადებული და ბეჭედდასმული მოლაღატეების ერა დაიწყო; ბევრად უფრო მასშტაბური, ვიდრე გამსახურდიას დროს. პატრიოტიზმი ჩვენთვის ჭეშმარიტების მთავარ არგუმენტად და კანიზალური მენიუს მთავარ, ფავორიტ კერძად იქცა.

ადამიანებს ძირითადად სძულთ ისინი, ვისაც იცნობენ. სიძულვილი ერთგვარი „არისტოკრატული“ გრძობა, საკუთარ თავთან დაუნდობელი ბრძოლით მოპოვებული უფლებაა.

საქართველოში დღესაც ძირითადად იმავე მიზეზითა და მადით შეექცევიან ერთმანეთს, რომლითაც სისხლიან

90-იანებში. მხოლოდ სხვა, უფრო მეტი მანქანითა და ცერემონიულობით... მაშინდელი მთავარი ვულგარული ინგრედიენტი – ფული – დელიკატურად შეზავდა და შეიკაზმა პატრიოტიზმით და, შესაბამისად, ლალატი.

ჩვენ ვერაფრით მივალნიეთ განვითარების ისეთ დონეს, როდესაც ერთმანეთთან კონფლიქტის სინონიმი აღარ იქნება სიტყვა – ლალატი: სამშობლოს, მეგობრის, ღმერთის... ის ხელისუფლება, რომელიც შექმნის პოლიტიკურ კონტექსტს, რომელიც ქართულ საზოგადოებას საშუალებას მისცემს ამ ბრყვეული სიტყვის ტყვეობიდან გათავისუფლდეს, ადამიანების შეხედულებების ხარისხი, კრიტერიუმი, სამშობლოსთან და ღმერთთან კი არა, ადამიანის მთავარ უფლებასთან, პიროვნულ და სხვისი თავისუფლების პატივისცემასთან მიმართებაში შეფასდეს – საქართველოს ისტორიას ჭეშმარიტი რეფორმატორის სახელით შემორჩება. მომდევნო ხელისუფლებები კი ისე მოვლენ და წავლენ, რომ მათ არსებობას მხოლოდ პოლიტოლოგებიღა თუ გაიხსენებენ...

2003 წლის თვითმარქვია რევოლუციამ ვერ შეძლო დაემთავრებინა კანიზალიზმი, და მას მხოლოდ სახე შეუცვალა. მან ვერ შექმნა კულტურა, რადგან თავად კანიზალი კულტურას ვერ ქმნის. 2003 წლის ნოემბერი მხოლოდ ადმინისტრაციული ძიძგილაობა გახლდათ და არა რევოლუცია. დიდი ოქტომბრის რევოლუციამ, რომელმაც მიწასთან გაასწორა უზარმაზარი კულტურები, მსოფლიოს მნიშვნელოვანი ნაწილი, და მათ შორის საქართველო, კანიზალიზმის ერთ-ერთ ყველაზე სასტიკ ფაზაში შეგვიყვანა. თუმცა მაშინვე, პირველივე სისხლიანი წლებიდან შექმნა საკუთარი კულტურა, ხშირად მაღალი ხარისხისა, რამაც ამ აბსურდულ, უსუსურ და მშვიერ უზარმაზარ მონსტრს სამოცდაათი წელი გააძლიერა.

ნამდვილი კულტურის არსებობის ყველაზე ნათელი დასტური გახლავთ კონტრკულტურა. ის არასდროს არ ჩნდება ცარიელ ადგილზე. ნითელ იმპერიაში ის რალაც დოზით ყოველთვის არსებობდა, თავის კულმინაციას კი სწორედ იმ პერიოდში მიაღწია, რომელსაც მოგვიანებით „ზასტოი“ – უძრაობა შეარქვეს.

ჩვენ მიჩვეულები ვართ ვეძებოთ დასავლური ანდერგრაუნდის ანალოგი საბჭოთა კავშირში, და რადგან ანდერგრაუნდი როკვარსკვლავების კლუბი გვგონია, მას, რა

ჩვენ
გაცილებით
უფრო გვძულს ერთ-
მანეთი, ვიდრე მტერს სა-
ხე. მისი შექმნის უაღრესად
დიდი კრეატიული ნიჭით ვართ
დაჯილდოებული. მხოლოდ გა-
რეშე მტერს მიმართ სიძულვილის
იდეოლოგიად გარდაქმნას ვერ
ვასწრებთ, შიდა პრობლემები სი-
ძულვილის მოთხოვნილების
დაკმაყოფილების
უფრო იოლ გზას
გვიხსნის.

თქმა უნდა, ვერ ვპოულობთ. სინამდვილეში საბჭოთა ან-დერგრაუნდი, რა თქმა უნდა, არსებობდა, და მას თავისი უნიკალური სახე გააჩნდა, არანაკლებ საინტერესო, ვიდრე დასავლურს; მხოლოდ იმ განსხვავებით, რომ ყველა და-სავლური ანდერგრაუნდი შოუბიზნესში ამთავრებდა თავის განვითარებას, საბჭოთა კი – გულაგში, ან საკუთარი დეპრესიით გაყვლითილ „კომუნალკაში“, ნაგანის ლულით პირში. „ზასტოის“ დროს, სწორედ ამ დაუნდობელი ან-დერგრაუნდიდან აღმოცენდა პატარა მახინჯი მონსტრი, საბჭოთა კონტრკულტურა, რომელმაც ამ ბოროტ იმპე-რიას და მის ბრიყვულ კულტურას ბოლო მოუღო. სწორედ ეს საბჭოთა კონტრკულტურაა, რომელიც პოსტსაბჭოთა 90-იან წლებში უკვე კულტურად ტრანსფორმირებული შე-ვიდა და, რომელიც, თავის მხრივ, ადვილად მოკლეს, რად-გან მისი ენერჯის წყარო საბჭოთა კულტურის სიძულვი-ლი, მისგან გათავისუფლებისთვის ბრძოლა გახლდათ, და არა თავად თავისუფლება...

აი ასე დამთავრდა საბჭოთა კულ-ტურა და დაიწყო პოსტსაბჭოთა კანიზალიზმის გრძელი ეპოქა თავისი ასევე საბჭოთა კულ-ტურისა და კონტრკულტუ-რის უდღეური, მახინჯი ნაყოფებით, რომლებმაც მხოლოდ საკუთარი თავის დაგესვლა მოახერხეს ნარკოტიკით, ალკოჰო-ლით, სიძულვილით... მათი კულტურის მარაგი მალე დამთავრდა, თავად იქცნენ კანიზალეზად, და როდესაც შესაქმელი ალა-რავინ დარჩათ, საკუთარი სხეულის ნაწილების, ბოლოს კი საკუთარი ღირსების, საკუთარი სულის ჭამა დაიწყეს...

საბჭოთა კავშირის მოულოდნელმა ხავერდოვანმა დაშ-ლამ ქართველ ერში გაუთვალისწინებელი კულტურული სიცარიელები შექმნა, რომელთაგან ერთ-ერთი, ყველაზე დიდი და მნიშვნელოვანი, ეკლესიამ დაიკავა. არა იმიტომ, რომ სულიერებაზე ფიქრი ნებადართული გახდა (სულიე-რება კანონს მიღმაა და ის კონსტიტუციურ ცვლილებებს არ ემორჩილება). მიზეზი უფრო ის არის, რომ ქვეყანაში არ აღმოჩნდა არც სახელოვნებო, არც ინტელექტუალური, არც პოლიტიკური ან ნებისმიერი სხვა რაიმე სერიოზული ძალა, რომელიც მთელი ოთხმოცდაათიანი წლების გან-მავლობაში უპატრონოდ მიგდებულ ამ ცარიელ სივრცეს დაიკავებდა. ამიტომ ის ეკლესიამ დაიკავა. დღეს ქარ-თული ინტელექტუალური ელიტა დაკარგულ სამოთხეს მისტირის, თვლის, რომ ეკლესიამ პირწმინდად ასწავნა ცხვირწინ მისთვის განკუთვნილი სივრცე და მრევლი.

ეკლესიას, რა თქმა უნდა, არაფერიც არ აუნაპნის, საერ-თოდ განსაკუთრებული არც არაფერი გაუკეთებია საა-მისოდ. უბრალოდ ადგა და შევიდა ცარიელ, უპატრონო „საერო ეკლესიაში“, დაეპატრონა და ზუსტად ისე ეწევა მის „ექსპლუატაციას“, როგორც ესმის... როგორც მას ყოველთვის ესმოდა – თავისი არსებობის ოციდან ყოველ სისხლიან საუკუნეში. მას თავისი ათი მცნება აქვს, რო-მელთაგან საჭიროების მიხედვით ხან ერთს აყენებს პრიო-რიტეტად, ხან მეორეს, არც ამაშია რაიმე გასაკვირი და ახალი... ამაში საინტერესოც კი არაფერია მეტ-ნაკლებად განათლებული პატიოსანი კაცისთვის.

გაცილებით ყურადსაღებია 21-ე საუკუნის ქართული ინ-ტელექტუალური და კულტურული ელიტის, და ზოგადად საზოგადოების უუნარობა, მისი კულტურული, პოლი-ტიკური ცვედანობა... რაც ამ სივრცის დაკარგვის უპირ-ველესი მიზეზია და, რისი აღიარებაც ამ ელიტებს ისევე უჭირთ, როგორც მათ წინამორბედ „წითელ ინტელიგენციას“ საბჭოთა სისტემაში მოღვაწეობისას, თავისი ინტელე-ქტუალური სიმხდალის აღიარება. როგორც მოსალოდნელი იყო, საბჭოთა იმპერიის რღვევამ ამ უკანასკნელთა შორის ყველაზე უნიჭონი ნიჭიე-რებად ვერ გადააქცია, და ეს ფაქტია: 22-წლია-ნი სრული, უტოპიის ხარისხში ასული ანარ-ქიული თავისუფლების პირობებში მათ ფასეული თითქმის არაფერი შეუქმ-ნიათ; სამაგიეროდ შექმნეს საკუთარ თავზე მორგებული ისტორია – საკუთარი წარსული კიდევ უფრო ბნელი და სახიფათო გახადეს, ვიდრე სინამდვილეში იყო.

დღეს ლამის ათიდან ცხრა საშუალო ასაკის ადამიანი თავისი დისიდენტური წარსულით ამყო-ბს; ასეთები მეორე ჭიქის მერე როკისა და ჯაზის ჩუმად და გამირულად მოსმენისთვის მარად ფხიზელი „კაგებეს“ აგენტების თვალთვალსა და დევნაზე უპრობლემოდ მო-გიყვებიან რამე სულისშემძვრელ ისტორიას... საკუთარ უნიჭობასა და უბადრუკობას ხან „კაგებეთი“ „გაათეთრე-ბენ“, ხან ეროვნული მოძრაობით, ხან მხედრობით, ხანაც სააკაშვილის „პირსისხლიანი“ რეჟიმით.

საბჭოთა იმპერიის რღვევამ პოლიტიკური გემოვნე-ბის თავისუფალი სივრცეებიც შექმნა. ისინიც ოც წე-ლინაღზე მეტია უპატრონოდ არიან მიგდებულნი. მათი დაკავება დღემდე, ფაქტობრივად, ვერავინ შეძლო, რად-გან პოლიტიკური გემოვნების ცარიელი სივრცისკენ გზა უკვე ეკლესიისა და ჰიპერპატრიოტთა მიერ დაკავებულ





კულტურულ სივრცეზე გადის. ამ გზას მუჯღუფუნების გარეშე დღეს უკვე ვეღარ გაივლი. ამისთვის ძალაა საჭირო, რაც, როგორც ჩანს, საქართველოში ძალიან ცოტას აქვს. არადა, ასეთი სივრცეები დიდხანს არ რჩება ცარიელი, მით უმეტეს, როდესაც წინამორბედი სივრცე უკვე თითქმის სავსეა ზღვარს გადასული პატრიოტული ვენებათაღელვით, რომლის შხეფები აუცილებლად მოხვდება პოლიტიკური გემოვნების სივრცეში, მის შესვლას დაინყებს მონამლული სითხესავით, და ეს სითხე სხვა არაფერია, თუ არა ფაშიზმი... ეს გაუფასურებული სიტყვა, რომელსაც დღეს საქართველოში უფლებადამცველები ეგრეთ წოდებული „ცნობადი ინტელექტუალები“ და მათი „მიმდევრები“ სრულიად არაადეკვატურ კონტექსტებში იყენებენ, ბოლოს და ბოლოს, თავის რეალურ კონტექსტში მოხვდება და იმ ნამდვილ ინსტიტუციონალურ მნიშვნელობას შეიძენს, როგორც მას, საბედნიეროდ, ჯერ არასდროს ჰქონია ჩვენს ქვეყანაში.

ფაშიზმი ბევრად უფრო ცოცხალი და სამიში სიტყვაა, ვიდრე უბრალოდ მაკომპრომეტირებული რაღაც „ვინთიჯ“ შეურაცხყოფა. ის კანიბალიზმის ერთ-ერთი ფორმის ეტიმოლოგიური დასტურია და მისი პრიმიტიული, ბესტიალური ჩანასახი მეტ-ნაკლები დოზით, ყოველ ჩვენგანში ცოცხლობს, განსხვავებით აბსოლუტურად ხელოვნური და უტოპიური კომუნისტური იდეოლოგიისა, რომელსაც დღეს საკუთარი საბჭოთა წარსულის მოდელირებით დაკავებული ინტელექტუალებად ტრანსფორმირებული ინტელიგენტები ხშირად ფაშიზმი-სა და ნაციზმის ეკვივალენტ ბოროტებად წარმოაჩენენ.

კომუნიზმისა და ბოლშევიზმის მონამლული თესლი არ დევს ადამიანში, მას მხოლოდ ძალადობით ან მოტყუებით თუ მოახვევ ადამიანს თავს. სამაგიეროდ, ფაშიზმის ბუნებრივად თანდაყოლილი თესლი ექსტრემალურ გარემოში მოხვედრისას ძალიან ადვილად ილვიძებს ისეთი პრიმიტიული გამოხატულებით, როგორითაც მაგალითად საქართველოს დამოუკიდებლობის გარიჟრაჟზე მოგვევლინა, და რომელსაც ედუარდ შევარდნაძემ სავსებით შესაფერისი ტერმინი მოუძებნა – პროვინციული ნაციონალიზმი.

ეს უკანასკნელი ძალიან განსხვავდება „ინსტიტუციონალური კანიბალიზმისაგან“ – ფაშიზმისგან. ჩვენი სამშობლოს ფაშიზმით ორსულობა ადრეულ ეტაპზევე ყოველთვის დიდი და პატარა უდღეური ნაყოფებით მთავრდება.

ფაშიზმი პირველ რიგში შიდა ოჯახური საქმეა. სისხლის განწმენდა-პურიფიკაცია უცხო რასის სისხლისგან, და მხოლოდ ამის მერე – საერთაშორისო პრობლემა, ფაშიზმი – ენდოკანიბალიზმია. აქვე აუცილებლად უნდა აღინიშნოს, რომ ის „მარტივ“ ადამიანში არ იბადება, რადგან ასეთ ადამიანს საკუთარი ნაციონალისტური სიბრყვის ინსტიტუციონალიზაციისთვის არც ინტელექტი გააჩნია და არც მეთოდი.

ფაშიზმი ყოველთვის ინტელექტუალ-ინტელიგენციის მხდალ ტვინებში ისახება, ნაყოფიერდება, იზრდება იფურჩქნება... ბოლოს ნაყოფს ისხამს, რომელსაც მარტივი ადამიანები წყვეტენ, მიირთმევენ... ისინი ნელ-ნელა კანიბალებად ტრანსფორმირდებიან, ჯერ სხვის, მერე ერთმანეთის ჭამას იწყებენ. კულტურა მთავრდება. ხოლო კულტურის მონოპოლისტებს მელანქოლია იპყრობს, და ისევე ამ საცოდავი უგზური კანიბალებისგან საკუთარი უბადრუკი პერსონების დისტანცირებით ცდილობენ თავიდან აირიდონ საზოგადოების ბესტიალურ მდგომარეობამდე დაცემის პასუხისმგებლობა, რათა ამით ბინძური, სველი ქუჩიდან დაბალ, ასევე ჭუჭყიან ტროტუარამდე მაინც ამაღლდნენ.

დღეს ქართული საზოგადოების დიდი ნაწილი, შესაძლოა, როგორც არასდროს, ისე ახლოს არის ფაშიზმთან. რა თქმა უნდა, აქ არ იგულისხმება ფაშიზმი – სახელმწიფო მონყობის მოდელი. თითქმის ყველა სოციალურ ფენაში ადვილად იპოვით იდეებს, რომელთაც მსოფლიოს იმ ნაწილში, სადაც ფაშიზმი დაიბადა და სადაც მას ძალიან კარგად იცნობენ, სათანადო კვალიფიკაციას მინიჭებდნენ. ყველას თავისი შესაფერისი სიძულვილის ობიექტი ჰყავს. დღეს საქართველოში მცხოვრებ სხვადასხვა ეთნიკური წარმოშობის ადამიანებზე ისევე მსჯელობენ, როგორც ავად სახსენებელი 90-იანი წლების დასაწყისში; მათ სულ უფრო და უფრო ხშირად მოიხსენებენ უცხო ტომელებად, ჩამოთესლებულებად... კიდევ სხვა ეპითეტებსაც ანებებენ სომხებს, ჩინელებს, ინდოელებს დავითის ყვითელი ვარსკვლავით. ყოველივე ამას მკაცრად ადევნებს თვალყურს და აკონტროლებს ზემოთ ხსენებული ერთგვარი ინტელექტუალური ელიტა და ნებისმიერი სიძულვილის ენის გამოვლინებაზე ის „უმკაცრესად“ რეაგირებს. ამ კლასმა კარგად შეისწავლა ადამიანის უფლებების რამდენიმე პუნქტი, დაშანტაჟების საერთაშორისოდ აღიარებული და ცნობილი რამდენიმე ხერხი და ახლა ოსტატურად იყენებს მას. ამასთან, მას თავისი საკუთარი ინტელექტის

რე-
ვოლუსიების
 - შესაძლოა უფრო ხან-
 გრძლივი პერიოდით და გან-
 საკუთრებული ეფექტურობით
 - კლავენ კულტურას და საზოგადოება
 დოება სწორედ ენდოკანიბალიზმის
 ფაზაში შემყვავთ, რომლის დროსაც
 ადამიანი საკუთარი ჯგუფის, ოჯახ-
 ხის წევრის ჭამას იწყებს. ეს ის
 ფაზაა, რომელშიც საქართვე-
 ლო იმყოფება უკანასკ-
 ნელი 22 წლის გან-
 ძილზე.

შესაფერისი სიძულვილის ობიექტი გააჩნია – პუშკინი, „დასტაევსკი“, ბომჟი კაცები, ქერა, იაფფასიანი ქაღალე-ბი... რომლებიც, მათი აზრით, იმ ქართველ მამაკაცებზე კარგავენ ჭკუას, რომლებსაც თავად ვერ იტანენ მაჩო-ბის, აგრესიულობისა და უამრავი სხვა მიზეზის გამო... მორალის მხრივ თავი ქუდში აქვთ: რუსეთი ოფიციალური მტერია, და მათ მიმართ სიძულვილის ენის გამოყენება, მათი აზრით, სრულიად ლეგალურია, მით უმეტეს, ბოლო დროს კიდევ ერთი ახალი ილეთი ისწავლეს: ოპ, ისეთი არაფერი, ვისაც ევროპაში უცხოვრია, ეს ილეთი ყველამ მშვენივრად იცის, და მას გამუდმებით იყენებენ ძველი ყაიდის მორასისტო ბურჟუა ბებები. ძალიან მარტივია: რუსებზე ნათქვამ ათას სისაძაგლეს, ხანდახან დაამატებენ ხოლმე, რომ მათ რუსული სახელმწიფო სძულთ და არა ხალხი. მიუხედავად იმისა, რომ ზუსტად იცი, სულ ცოტა ხნის წინ რუს ხალხს ღორებად მოიხსენებდა... ასე-

თებს ძნელია გააგებინო, რომ ფუნდამენტა-ლისტი ებრაელი, რომელიც გერმანელ ერს ბინძურ ღორებად მიიჩნევს, არაფრით არ არის უკეთესი ვიდრე ის გერმანელი ნაციისტი, რომელიც მის საბრალო წინაპრებს ანამებდა ოსვენ-ცემში. ძნელია გააგებინო იმიტომ, რომ მან ეს უშე-ნოდაც მშვენივრად იცის, მხოლოდ ვერაფრით ვერ ერევა საკუთარ პულ-საციებს. მას სჭირდება სძულდეს ვინმე... ეს კი, კაცმა რომ თქვას, ადამიანურია და არც არის გასაკვირი. ჩვენ ისევე ვიბადებით სიძულვილის რაღაც განსაზღვრული მარაგით, როგორც სიყვარულის, გააჩნია რომლის კულტივირებას ვახდენთ შედგომ.

საქართველოში ბოლო ოცი წელია პერმანენტული სიძულვილის კულტივაცია მიმდინარეობს.


საქართველოში შიმშილი, თავისი ნებისმიერი მნიშვნელობით, უკვე ორი ათეული წელია ვერა და ვერ აღმოიფხვრა. ამიტომ, სულაც არ არის გასაკვირი, რომ ექსტრემალურ სიტუაციაში მოხვედრილი საზოგადოების ელიტების ბევრ წარმომადგენელს თავად „დაუმთავრდა კულტურა“ და თავად იქცა კანიბალად. მით უმეტეს, ყველა პოლიტიკური ელიტისთვის ამომრჩეველთა კანიბალიზმი დღემდე ამომრჩეველთა ყველაზე ადვილად მანიპულირებად სუსტ ნერტილს წარმოადგენს და, ამდენად, ყველანაირად უწყობს მის შენარჩუნებას ხელს – განსაკუთრებით ხელისუფლებაში მოსვლის, ან ძალაუფლების განმტკიცების კრიტიკულ მომენტში. მოკლედ

რომ ვთქვათ, მას არავითარ შემთხვევაში არ ახსოვს მასზე მაღალი კულტურის ამომრჩეველი.

ბოლო ოცი წლის მანძილზე საქართველოში დღემდე არსებული ყველა პოლიტიკური ძალა, თავისი არსებობის ძალიან ადრეულ ეტაპზევე, გამუდმებით რელიგიური და ნაციონალისტური ექსტრემიზმის მძევალი ხდება. რადგან მათი სანაცვლო და საპირწონე იდეოლოგია თავად არ გააჩნია, ზუსტად ისე იყენებს თავისი პოლიტიკური ეგზისტენციალური პრობლემების გადასაწყვეტად, როგორც მაფიოზ ნთლიმამებს, შემდეგ კი იძულებული ხდება ხარკი გადაუხდოს.

სწორედ ამიტომ, დიდი სურვილის შემთხვევაშიც კი, ვერც ერთი მათგანი ვერ იწყებს რეალურ „კულტურას“, ვერც ერთი მათგანი ვერ ხდება რეალურად პროგრესული რეფორმატორი, ძალა, რომელიც ქვეყანას ბევრად უფრო საშიში სიბნელიდან ამოიყვანს, ვიდრე ეს უბრალოდ უშუქობაა. ამ სიბნელიდან ქვეყნის ამოყვანას შეძლებს მხოლოდ ის პოლიტიკური ძალა, რომელსაც ეყოფა პრინციპული „არას“ თქმის გამბედაობა მაშინ, როდესაც ამის რეალური საჭიროებაა – თუნდაც ასჯერ, ათასჯერ თქვას, იმდენჯერ, რამდენჯერაც საჭირო იქნება; რომელიც არ შეუშინდება საკუთარი პოლიტიკური კარიერის ეჭვქვეშ დაყენებას პრინციპების, იდეის სასარგებლოდ, რადგან თუ პოლიტიკოსს, ან პოლიტიკოსთა გუნდს, არ გააჩნია იდეა, რომლისაც სჯერა, არა აქვს მეთოდი, რომლითაც მას განახორციელებს, და სიმამაცე, რომლითაც მას დაიცავს, ის ვერასდროს ვერავის ვერ გადაარჩენს, და მით უმეტეს სახელმწიფოს, რომელიც თავის მხრივ უდიდეს როლს ასრულებს საზოგადოების ჩამოყალიბებაში.

საზოგადოება და სახელმწიფო არასდროს არ იზრდება ერთმანეთისგან დამოუკიდებლად. ისინი სიამის ტყუპებით ერთმანეთს ზრდიან, ან ღუპავენ. შეცდომაა ყველაფრის ერთისთვის, ან მეორესთვის გადაბრალება. სახელმწიფოს მიერ დაშვებულ შეცდომას, ნებისმიერ ცუდად დაწერილ კანონს, მის აპლიკაციას, შეუძლია გამოუსწორებელი შედეგები მოიტანოს, რაც შემდეგ ბუმერანგივით უკანვე უბრუნდება მას, შემდეგ კი ისევ საზოგადოებას. ამ ურთიერთობის ჰარმონია არის სწორედ კულტურა, რომელიც იბადება იქ, სადაც მთავრდება კანიბალიზმი.



მარტინ მაგდონაჰ



შარტანტონ უიკარეაჰა



ქრეა
მარჯანიშვილის
სახელოვანი
სახელმწიფო
დრამატული თეატრი



რეჟისორი გურამ ვაშაკიძე

ორი იბავი პოლიტიკაზე

ერთი მხრივ, ძალიან ლოგიკურია ამ ორი ტექსტის ერთად დაბეჭდვა, მაგრამ მიჭირს მათზე ერთად წერა, თქმა, რა აერთიანებთ მათ. ისევე, როგორც გამიჭირდებოდა, მეთქვა, რა აკავშირებთ კალვინოსა და პაზოლინის. ამ პატარა წერილით, რომელიც 1980 წლის 15 მარტს დაიბეჭდა „ლა რეპუბლიკაში“, იტალი კალვინომ სამუდამოდ დაუსვა წერტილი სოციალურ და პოლიტიკურ თემებს თავის შემოქმედებასა თუ საჯარო გამოსვლებში. ამ გადაწყვეტილებისთვის კალვინოს არასოდეს უღალატია. პაზოლინის ტექსტმა „მე ვიცი“ ისევე შეარყია პოლიტიკური სივრცე იტალიაში 1974 წლის 14 ნოემბერს, როგორც მალევე – მისმა უკანასკნელმა ფილმმა „სალო“ – იტალიური საზოგადოება. ბევრი მკვლევარი პაზოლინის სიკვდილს პირდაპირ უკავშირებს ამ წერილს და მასში გაჟღერებულ ბრალდებებს.

არ ვიცი, კმარა იმის თქმა, რომ ორივე მათგანი სულით ხორცამდე მემარცხენე იდეოლოგიის ერთგული იყო სიცოცხლის ბოლომდე? რომ პრაქტიკულად არ დარჩენილა ინტელექტუალური, სოციალური თუ შემოქმედებითი თვითგამოხატვის ფორმა, ამ ორ ადამიანს რომ არ ეცადა? რომ სრულიად უნიკალურია მათი ენობრივი ექსპერიმენტები თანამედროვე იტალიური ენის განვითარებაში? რომ მათი თითოეული სიტყვა დღეს ასე შემამოფოთებლად აქტუალურია? კალვინოსა და პაზოლინის ალბათ ბევრი რამ აკავშირებთ, მაგრამ, ვფიქრობ, ეს ორი პატარა წერილი ყველაზე მეტად მაინც იმითაა შთამბეჭდავი, რომ გვიჩვენებს პოლიტიკისადმი ორ კარდინალურად განსხვავებულ დამოკიდებულებას, ინტელექტუალის მოქალაქეობრივი ვალდებულებისა და ფუნქციის ორ სრულიად განსხვავებული ხედვას. კალვინოსი, რომელმაც სურეალისტური, ნახევრად ფანტასტიკური განზომილება არჩია თვითგამოხატვის ნარატიულ ფორმად, იგავის, ზღაპრის არარსებული, ანონიმური დრო და სივრცე, რომელსაც სამხრეთამერიკული ლიტერა-

ტურის მისტიური სურნელი გადაკრავს. და – პაზოლინი — ნამდვილის, რეალურის, ავთენტურის ხარბი მაძიებელი ყველაფერში: „მინდა, ადამიანებს კამერით ვსდლიო დილიდან საღამომდე, არ გამომჩრეს მათი არცერთი მიმიკა, მიხრა-მოხრა, ღიმილი, გამოხედვა“ - ეს პაზოლინის სიტყვებია, პაზოლინისა, რომელიც ქუჩაში ეძებდა ფილმების პერსონაჟებს, რადგან იქ ეგულებოდა ყველაფერი ნამდვილი, კონფორმიზმით დაღდაუსმელი. რომელიც ეთაყვანებოდა ადამიანის სხეულს, როგორც ერთადერთს, რასაც „ხელისუფლებამ, პოლიტიკამ ვერაფერი მოუხერხა“.

შოკისმომგვრელად განსხვავებულია კალვინოსა და პაზოლინის ემოციური და ინტელექტუალური განწყობა პოლიტიკისადმი და ამავე დროს – საფუძველმდებარე პრინციპების სრული გაზიარება. პაზოლინის არ ასვენებდა ინტელექტუალის სოციალური როლი და პასუხისმგებლობა, აგიჟებდა კონფორმიზმი, ნებისმიერი სახის ინტელექტუალური კომპრომისი. ის ამხელს და ბოლომდე ცდილობს, გაარღვიოს კედელი, რომელიც წინ აღუმართეს, მოიპოვოს ინფორმაცია, რომელიც დაუმალეს, აღიდგინოს ინტელექტუალური ღირსება, რომელიც შეულახეს, დაიბრუნოს ფუნქცია, რომელიც წაართვეს. მაგრამ ამხელს არა იმიტომ, რომ გამოხს პოლიტიკას, არამედ – პირიქით: „მე მნამს პოლიტიკის, მნამს დემოკრატიის ზოგადი პრინციპების, მნამს პარლამენტის, მნამს პარტიების.“


კალვინოს მხილება იმედგაცრუებით, გულსტიკვილით, უარით, უკანდახვევითაა სახე და თან უცნაური, თითქმის გულისამაჩუყებელი ოპტიმიზმითაა ნაზავი. ძნელია, ემოციის გარეშე წაიკითხო მისი წერილის ბოლო სიტყვები პატიოსანი ადამიანების მარგინალ ქვესაზოგადოებაზე, რომელიც უბრალოდ ვალდებულია, კაცობრიობის წინაშე ვალდებული, გადარჩენისთვის იბრძოდოს.

პუბლიკაცია მოამზადა ხათუნა ცხადაძემ

პიერ პაოლო პაზოლინი

მე ვიცი

„კორიერე დელა სერა“, 1974 წლის 14 ნოემბერი



მე ვიცი მათი სახელები, ვინც პასუხისმგებელია სახელმწიფო გადატრიალებაზე (თუმცა სინამდვილეში ეს „სახელმწიფო გადატრიალება“ მთელი სერიაა, რომელიც ხელისუფლების დაცვის ერთგვარ სისტემადაც კი ჩამოყალიბდა).

მე ვიცი, ვისი ნახელავია 1969 წლის 12 დეკემბრის აფეთქება მილანში.

მე ვიცი 1974 წლის დასაწყისში ბრეშასა და ბოლონიაში მომხდარი ტერაქტების ავტორთა სახელები.

მე ვიცი მათი სახელები, ვინც ამ ყველაფერს მართავდა. ყველას სახელი ვიცი: ძველი ფაშისტების, სახელმწიფო გადატრიალების სულისჩამდგმელების, პირველი ტერაქტების მომწყობი ნეო-ფაშისტებისა და ბოლოდროინდელი აფეთქებების ფიზიკური შემსრულებლებისა.

მე ვიცი მათი სახელები, ვინც დაძაბულობის ორ განსხვავებულ, უფრო სწორად, ურთიერთდაპირისპირებულ ფაზას მართავდა: ანტიკომუნისტურს (მილანი, 1969) და ანტიფაშისტურს (ბრეშა და ბოლონია, 1974).

მე ვიცი მათი სახელები, ვისაც ძალაუფლების სადავეები უჭირავს, ვინც, ამერიკის ცენტრალური სადაზვერვო სააგენტოს ხელშეწყობით (შემდეგ კი მაფიოზი ბერძენი პოლკოვნიკების დახმარებით) ჯერ ანტიკომუნისტური ჯვაროსნული ლაშქრობა წამოიწყო (რომელშიც სამარცხვინოდ დამარცხდა) 1968 წლის ტალლის შესაკავებლად, შემდეგ კი, კვლავ ცენტრალური სადაზვერვო სააგენტოს შთაგონებითა და შემწეობით, ანტიფაშისტური უმანკოება აღიდგინა, რომ როგორმე დაეხმო რეფერენდუმზე (იგულისხმება 1974 წლის 12 მაისის ცნობილი რეფერენდუმი, რომელიც ქრისტიან-დემოკრატებისა და მემარჯვენე ძალების ოთხწლიანი მცდელობის შემდეგ ჩატარდა 1970 წელს

მიღებული „განქორწინების კანონის“ გაუქმების მიზნით. რეფერენდუმი ჩავარდა: იტალიის მოსახლეობამ უარი განაცხადა კანონის გაუქმებაზე. – მთარგმ. შენ.) მომხდარი კატასტროფა.

მე ვიცი მათი სახელები, ვინც წირვასა და წირვას შორის სახელდახელოდ გამომცხვარი განკარგულებებით პრაქტიკულად უზრუნველყოფდა ძველი გენერლების პოლიტიკურ უსაფრთხოებას (ისე, ყოველი შემთხვევისთვის, სათადარიგოდ, პოტენციური სახელმწიფო გადატრიალების საყრდენი ბირთვის შესანარჩუნებლად); ვინც ხელს აფარებდა ახალგაზრდა ნეოფაშისტებს, უფრო სწორად, ნეონაცისტებს (ანტიკომუნისტური დაძაბულობის შესაქმნელად კონკრეტულ მომენტში) და ბოლოს, ვინც მფარველობდა ჩვეულებრივ, უსახელო კრიმინალებს, ვინც დღესაც იცავს მათ და ალბათ მუდამ დაიცავს (ანტიფაშისტური დაძაბულობის შესაქმნელად მომავალში). მე ვიცი მნიშვნელოვანი ადამიანების სახელები, რომლებიც ისეთ უსუსურ, კომიკურ ტიპებს ეფარებიან, როგორც სატყუო პოლიციის გენერალი იყო, ოპერეტის პერსონაჟივით რომ ფაციფუცობდა ჩიტადუკალეში (მაშინ, როცა იტალიის ტყეებს ცეცხლი ეკიდა), ან ისეთ უსახურ, არაფრისმთქმელ, წმინდად ადმინისტრაციული ფუნქციის მქონე ტიპებს, როგორცაა გენერალი მიჩელი.

მე ვიცი იმ მნიშვნელოვანი ადამიანების სახელები, ტრაგიკული ახალგაზრდების ზურგს რომ ეფარებოდნენ, ნორჩ გოგო-ბიჭებს, რომლებმაც შემზარავი ფაშისტური თვითმკვლელობა არჩიეს სიცოცხლეს; ვიცი, ვინც იმალება ჩვეულებრივი კრიმინალების, სიცილიელებისა თუ სხვების უკან, წვრილფეხა ავაზაკების, დაქირავებული მკვლელების უკან.

ყველას ვინაობა ვიცი, ვიცი მათი სა-

ხელები, ვიცი ფაქტები (თავდასხმებსა და ტერორისტულ აქტებზე), რომლებშიც მათ მიუძღვით ბრალი.

ვიცი. მაგრამ ვერ ვამტკიცებ. სამხილებიც კი არ მაქვს.

ვიცი, რადგან ინტელექტუალი ვარ, მწერალი, რომელიც ცდილობს, თავი ადევნოს ყველაფერს, რაც მის ირგვლივ ხდება, იცოდეს ყველაფერი, რაზეც წერს, წარმოიდგინოს ის, რაც საზოგადოებისთვის უცნობია, რაზეც არავინ ლაპარაკობს; ინტელექტუალი, რომელიც ცდილობს, ძველი მოვლენები დაუკავშიროს ერთმანეთს, დაფანტული, დაქუცმაცებული ფაქტებით შეაკონინოს ერთიანი და თანმიმდევრული პოლიტიკური სურათი; ლოგიკა შეიტანოს იქ, სადაც ბუნდოვანება, სიგიჟე, გაუგებრობა გამეფებულა.

ეს ყველაფერი ჩემი ხელობის, ჩემი პროფესიული ინსტინქტის ნაწილია. და არა მგონია, ვცდებოდე. არა მგონია, ჩემი მოსაზრებები „რომანის სიუჟეტი“ იყოს და მეტი არაფერი, არა მგონია, შორს იყოს რეალობისგან. არ მგონია, ჩემი ეჭვები კონკრეტულ ფაქტებსა და ადამიანებზე უსაფუძვლო იყოს. მჯერა, რომ ბევრმა სხვა ინტელექტუალმა და მწერალმაც იცის ის, რაც მე ვიცი, როგორც ინტელექტუალმა და მწერალმა. არც ისეთი რთულია სიმართლის დადგენა იმაზე, რაც 1968 წლის შემდეგ მოხდა იტალიაში.

ეს სიმართლე მხოლოდ წარმოსახვასა და ფიქციაში როდი აისახება, ისეთში, როგორც ჩემი პროფესია: ეს სიმართლე – და ეს აბსოლუტური სიზუსტით იგრძნობა – კონკრეტულ პოლიტიკურ და ჟურნალისტურ ქმედებებში ირეკლება. უკანასკნელი მაგალითი: ცხადია, რომ სიმართლე უნდა თქმულიყო *კორიერე დელა სერას* რედაქტორის სვეტში 1974 წლის 1 ნოემბერს. იქნებ ჟურნალისტებსა და პოლიტიკოსებს მაინც ჰქონდეთ მტკიცებულებები. თუ მტკიცებულებები არა – სამხილები მაინც.

პრობლემა ისაა, რომ ჟურნალისტები და პოლიტიკოსები, მიუხედავად იმისა, რომ მტკიცებულებებს და სამხილებს ალბათ, ალბათ კი არა, უეჭველად, ფლობენ, დამნაშავეებს არ ასახელებენ.

მაშ, ვისი მოვალეობაა სახელების თქმა? ალბათ მისი, ვისაც გამბედაობაც ჰყოფნის და არც ხელისუფლებასთან ალიანსით გაუსვრია საკუთარი თავი, ვინც სუფთაა და თან დასაკარგიც არაფერი აქვს: ინტელექტუალის.

ინტელექტუალს თავისუფლად შეუძლია დამნაშავეთა დასახელება, მაგრამ მას არც მტკიცებულებები გააჩნია და არც სამხილები.

ხელისუფლებამ, მისმა მოკავშირეებმა და მათაც კი, ვინც უშუალოდ არ ზის ხელისუფლებაში, თავისუფალ ინტელექტუალს არანაირი საშუალება არ მისცეს, რომ მტკიცებულებები და სამხილები ჰქონოდა.

შეიძლება ვინმე შემედავოს, მითხრას, რომ როგორც ინტელექტუალსა და მწერალს, მეც შემიძლო, შემიღწია პოლიტიკის სამყაროში (ხელისუფლებაში, ან ხელისუფლებასთან დაახლოებულ წრეებში), გავრეულიყავი მასში და ასე მომეპოვებინა საკუთარი უფლება (ალბათ ამის დიდი შანსიც მექნებოდა), მეც მქონოდა მტკიცებულებები და სამხილები.

ვუპასუხებდი, რომ ეს სრულიად შეუძლებელია, რადგან სწორედ ეს – რომ პოლიტიკის სამყაროში გარევა ჩემთვის მიუღებელი – მაძლევს პოტენციურ ინტელექტუალურ გამბედაობას, სიმართლე ვთქვა, ანუ დამნაშავეები დავასახელო.

ინტელექტუალური გამბედაობა და პოლიტიკური საქმიანობა იტალიაში ერთმანეთთან სრულიად შეუთავსებელი ცნებებია.

ჩვენში ინტელექტუალს – რომელიც სულით ხორცამდე სძულს მთელ იტალიურ ბურჟუაზიას – ძალად ანებებენ ვითომ ამაღლებულ და კეთილშობილ, სინამდვილეში კი დამამცირებელ მოვალეობას: ილაპარაკოს მხოლოდ მორალურ და იდეოლოგიურ პრობლემებზე.

და თუ ის ამ ფუნქციას გაემიჯნება, საკუთარი მოვალეობის ღალატს აბრალებენ: მაშინვე აყვირდებიან (თითქოს სწორედ ამას ელოდნენ) „მრნამსის ღალატზე“. პოლიტიკოსებსა და ხელისუფალთ ხომ მეტიც არ უნდათ.

მაგრამ არსებობს არა მხოლოდ ხელი-

მაშ, ვისი
მოვალეობაა
სახელმწიფოს თქმა?
ალბათ მისი, ვისაც
გამბედაობაც
ჰყოფნის და არც
ხელისუფლებასთან
ალიანსით გაუსვრია
საკუთარი თავი,
ვინც სუფთაა და
თან დასაკარგის
არაფერი აქვს:
ინტელექტუალის.

სუფლება: არსებობს ხელისუფლების ოპოზიციაც. იტალიაში ეს ოპოზიცია იმდენად მრავალრიცხოვანი და ძლიერია, რომ თავადაც სერიოზულ ძალას წარმოადგენს: ცხადია, იტალიის კომუნისტურ პარტიას ვგულისხმობ. რა თქმა უნდა, დღეს ოპოზიციაში ასეთი მასშტაბის პარტიის არსებობა იტალიისა და მისი უსუსური დემოკრატიული ინსტიტუტების სხნაა.

იტალიის კომუნისტური პარტია სუფთა ადგილია ბინძურ სამყაროში, პატიოსანი – უნამუსოში, გონიერი – რეგვენებში, განათლებული – უბირთა შორის, ჰუმანისტური სივრცე კონსუმერობის მორევში. ამ ბოლო წლებში იტალიის კომუნისტურ პარტიას (ვგულისხმობ „მმართველების, უბრალო ნევრებისა და ამომრჩევლების კომპაქტურ ერთიანობას“) და დანარჩენ იტალიას შორის ერთგვარი ორმხრივი ურთიერთობა დამყარდა. იტალიური კომუნისტური პარტია მართლა იზოლირებულ ქვეყნად, კუნძულად იქცა და სწორედ ამიტომ მას დღეს (ისე, როგორც არასდროს აქამდე) შეუძლია, მჭიდრო კავშირი ჰქონდეს რეალურ ხელისუფლებასთან: კორუმპირებულთან, გახრწნილთან, დეგრადირებულთან. ეს ორ ქვეყანას შორის დიპლომატიურ ურთიერთობას უფრო ჰგავს. სინამდვილეში ეს ორი მორალი სრულიად შეუთავსებელია ერთმანეთთან, ზოგადადაც და კონკრეტულ გამოვლინებებშიც. სწორედ ამ საძიკველზე შეიძლება იმ რეალური „კომპრომისის“ წარმოდგენა, რომელიც ალბათ სრული გახრწნისაგან იხსნიდა იტალიას: „კომპრომისი“, რომელიც სინამდვილეში ორი მოსაზღვრე ქვეყნის „მოკავშირეობა“ იქნებოდა; უფრო სწორად, ორი ქვეყნისა, რომელთაგან ერთი მეორეში მდებარეობს.

მაგრამ რაც კომუნისტურ პარტიაზე დადებითი ვთქვი, სწორედ ისაა მისი უარყოფითი მხარეც. ქვეყნის ორ ქვეყნად გახლეჩა, რომელთაგან ერთი კისრამდე ჩაფლულია ხრწნასა და დეგრადაციაში, მეორე კი სუფთაა და არაკომპრომეტირებული, მშვიდობისა და კონსტრუქციულობის საწინდარი ვერ იქნება. გარდა ამისა, ისეთ სი-

ვრცეში, როგორც მე აღწერე (ვფიქრობ, ობიექტურად), ქვეყანა ქვეყანაში, ოპოზიციაც ძალაუფლებასთან იდენტიფიცირდება, სხვაგვართან, მაგრამ მაინც ძალაუფლებასთან. შესაბამისად, ამგვარი ოპოზიციის პოლიტიკური ფიგურებიც ისევე იქცევიან, როგორც ხელისუფლებაში მყოფი ადამიანები. სხვაგვარად შეუძლებელიცაა.

დღეს უკვე (და ეს უაღრესად დრამატულად ეხება თითოეულ ჩვენგანს) მათაც მიაკრეს ინტელექტუალის მათ მიერვე შეთითხნილი ფუნქცია და დანიშნულება. და თუ ინტელექტუალი ამ როლს – წმინდად მორალურსა და იდეოლოგიურს – არ შეასრულებს, აი ისიც (და ყველა რა ბედნიერია, როცა ამ სიტყვას ყვირის): მოღალატე!

რატომ ხდება, რომ ოპოზიციის პოლიტიკური ფიგურები, თუ მათ აქვთ – და ალბათ აქვთ – მტკიცებულებები, ან სამხილები მაინც, არ ასახელებენ ნამდვილ დამნაშავეებს, ანუ პოლიტიკოსებს, სახელმწიფო გადატრიალებისა და ბოლო წლების შემზარავი ტერაქტების მომწყობებს? პასუხი მარტივია: ისინი იმიტომ არ ამბობენ სახელებს, რომ მიჯნავენ – ინტელექტუალისგან განსხვავებით – პოლიტიკურ სიმართლეს პოლიტიკური ქმედებებისგან. და, მაშასადამე, ცხადია, ისინიც არასოდეს ჩაუგდებენ ხელთ მტკიცებულებებსა და სამხილებს ინტელექტუალს, რომელიც ხელისუფლების სამსახურში არ დგას: არც კი გაივლებენ ამას გონებაში, და ეს ჩვეულებრივი ამბავია, თუ კონკრეტულ ობიექტურ სიტუაციას გავითვალისწინებთ.

ინტელექტუალმა უნდა განაგრძოს დაკისრებული მოვალეობის შესრულება და საკუთარი, კოდიფიცირებული საშუალებებით იმოქმედოს.

კარგად ვიცი, ახლა იმის დრო არაა – ახლა, როცა იტალიის ისტორიაში სრულიად განსაკუთრებული მომენტი დგას – საჯაროდ გამოუცხადო უნდობლობა იტალიის მთელ პოლიტიკურ კლასს. არც დიპლომატიური იქნება და არც მართებული. დიას, დიპლომატიურობა და მართებულობა: უძლური ინტელექტუალი იძულებუ-

ლია, სწორედ პოლიტიკის ამ კატეგორიებს ემსახუროს და არა – პოლიტიკურ სიმართლეს.

და ვინაიდან დამნაშავეთა დასახელება არ შემოძლია, ვერ ვამბობ მათ სახელებს, ვისაც ბრალი მიუძღვის სახელმწიფო გადატრიალების მცდელობასა და ტერორისტულ აქტებში (სწორედ ამიტომ და არა ამის სანაცვლოდ) არ შემოძლია, საჯაროდ გამოუცხადო ჩემი უსუსური, მაგრამ სრული უნდობლობა იტალიის მთელ პოლიტიკურ კლასს, საჯაროდ დავდო მას ბრალი.

იმიტომ, რომ მე მწამს პოლიტიკის მწამს დემოკრატიის ზოგადი პრინციპების, მწამს პარლამენტის, მწამს პარტიების. ცხადია, ჩემებურ, განსხვავებულ ჭრილში, რომელიც არსებითად კომუნისტურია.


მზად ვარ, უკან წავიღო საკუთარი ბრალდება (მეტსაც გეტყვით, ერთი სული მაქვს, როდის გავაკეთებ ამას), თუკი ერთი პოლიტიკოსი მაინც – არა იმიტომ, რომ „საჭიროა“, ანუ „ამის დრო დადგა“, არამედ იმიტომ, რომ გადაწყვეტს, თავად შექმნას ასეთი შანსი – ხმამალა წარმოთქვამს სახელმწიფო გადატრიალების მცდელობასა და ტერაქტებში დამნაშავეთა სახელებს, რომლებიც უეჭველად იცის, ისევე, როგორც მე; მაგრამ მას ხომ, ჩემგან განსხვავებით, შეუძლებელია, არ ჰქონდეს მტკიცებულებები, ან სამხილები მაინც.

შესაძლებელია – თუ ამერიკა დაუშვებს ამას და ერთ მშვენიერ დღეს „დიპლომატიურად“ გადაწყვეტს, სხვა დემოკრატიებსაც მისცეს იმის უფლება, რისი უფლებაც ამერიკულმა დემოკრატიამ მისცა საკუთარ თავს ნიქსონთან დაკავშირებით – ადრე თუ გვიან მაინც ითქვას დამნაშავეთა სახელები. და მაშინ გამოჩნდება, რომ ეს ის ადამიანები არიან, რომლებიც ხელისუფლებასთან იყოფდა ძალაუფლების ბერკეტებს: ნაკლებად დამნაშავეები მეტად დამნაშავეებთან (და ისინი არაფრით იქნებიან მათ მიერ დასახელებულ დამნაშავეებზე უკეთესები). აი, ეს კი საბოლოო, ნამდვილი სახელმწიფო გადატრიალება იქნება.

იბალო კალვინო

იბალო კალვინო

ბახრნილთა ქვეყანაში



იყო ერთი, უკანონობაზე დამყარებული ქვეყანა. განა კანონები აკლდა, არა. პოლიტიკური სისტემაც ისეთ პრინციპებს ეფუძნებოდა, რომელთაც, მეტ-ნაკლებად, ყველა იზიარებდა. მაგრამ ძალაუფლების ცენტრებისგან შემდგარ ამ სისტემას საარსებოდ დიდძალი ფული სჭირდებოდა (ღიახ, სჭირდებოდა, რადგან დიდი ფულის განკარგვას ნაჩვევს ცხოვრება სხვაგვარად ვეღარ წარმოუდგენია), ამ ფულის შოვნა კი მხოლოდ უკანონოდ შეიძლებოდა. ანუ საჭირო იყო ფულის თხოვნა მისთვის, ვისაც ფული ჰქონდა, პასუხად კი უკანონო სამსახურის შეთავაზება. მას, ვინც რალაც-რალაცების საფასურად ფულს იძლეოდა, ეს ფული ადრე მიღებული უკანონო შეღავათებით ჰქონდა ნაკეთები, და ასე შემდეგ. მოკლედ, ამ ქვეყანაში ერთგვარი წრიული და სავსებით ჰარმონიული ეკონომიკური სისტემა მუშაობდა. ერთიმეორის უკანონოდ დაფინანსების გამო ძალაუფლების ცენტრებს დანაშაულის გრძობა სულაც არ ანუხებდათ, რადგან ერთგვარი „შიდა“ მორალის თანახმად ის, რაც ჯგუფის ინტერესებისთვის კეთდებოდა, კანონიერი, უფრო მეტიც, მართებული იყო: და ვინაიდან თითოეული ჯგუფი საკუთარ ძალაუფლებას საერთო კეთილდღეობასთან აიგივებდა, ფორმალური უკანონობა სულაც არ გამოიცილებოდა ერთგვარ უზენაეს, არსებით კანონიერებას. კოლექტიური ერთეულების სასარგებლოდ განხორციელებული თითოეული უკანონო ფულადი ოპერაციიდან, როგორც წესი, გარკვეული წილი ცალკეული ინდივიდების ხელში რჩებოდა, როგორც დამსახურებული ანაზღაურება სამსახურებრივი მოვალეობის შესრულებისთვის: საქმის გაჩარხვის, შუამავლობისთვის და ა.შ. ამრიგად, ჯგუფის შიდა მორალით დაშვებულ უკანონობას უკანონობათა

მთელი ასხმა ებმოდა. კერძო პირი, რომელიც კოლექტიური ქრთამიდან თავის ინდივიდუალურ წილს იფიქრებდა, დარწმუნებული იყო, რომ კოლექტიური ანგარიშის სასარგებლოდ მოქმედებდა, ანუ საკუთარ ქცევას გულწრფელად მიიჩნევდა არა მხოლოდ კანონიერად, არამედ — მართებულადაც.

ამ ქვეყანას ჰქონდა მდიდარი ბიუჯეტი, რომელიც ყოველგვარი კანონიერი საქმიანობიდან ამოღებული გადასახადებით საზრდოობდა და კანონიერად აფინანსებდა ყველას, ვინც, კანონიერად თუ უკანონოდ, მოახერხებდა, ბიუჯეტიდან თავი დაეფინანსებინა. ამ ქვეყანაში გაკოტრება არავის უნდოდა, გაკოტრება კი არა, კაპიკის გაღებაც არ სურდათ საკუთარი ჯიბიდან (და გაუგებარიც იყო, რისი სახელით უნდა მოეთხოვა ვინმეს ვინმესთვის, საკუთარი ჯიბიდან გაელო რამე) და ამიტომ საჯარო ფული აუცილებელი იყო, რომ კანონიერად შეესებულყო ჯგუფური კეთილდღეობის სახელით აღსრულებული უკანონო ქმედებების შედეგად შექმნილი დანაკლისები. გადასახადების ამოღების პროცესი, რომელიც სხვა ეპოქებსა და ცივილიზაციებში სამოქალაქო ვალდებულებით იქნებოდა გამართლებული, ამ ქვეყანაში თავის პირვანდელ, წმინდა სუბსტანციას დაბრუნებოდა, ძალისმიერი ქმედებისა (ზოგან სახელმწიფო ბეგარას განგსტრუქული და მაფიოზური დაჯგუფებებისთვის გადასახდელი ხარკიც ემატებოდა), რომელსაც გადასახადის გადამხდელი ვერსად გაექცეოდა, თუ სურდა, უარესი უბედურება აეცილებინა თავიდან. მაგრამ წესიერი გადამხდელი მშვიდი სინდისით მოგვირღო შევებას როდი განიცდიდა: მას უსიამოვნო შეგრძნება ღრღნიდა, რადგან გრძნობდა, რომ პასიურად მონაწილეობდა საჯარო სახსრების ცუდ განკარგვაში და უკანონობის ხელშემწყობად მიაჩნდა თავი, იმ

მათი ნუბეში იყო,
 ეფიქრათ, რომ
 საუკუნეების
 მანძილზე,
 მუდამ, ყველა
 საზოგადოებასთან
 თანაარსებობდა
 ძურდბაცაცების,
 ავაზაკების,
 ნაძირლების
 მარგინალი
 კონტრსაზოგადოება,
 რომელსაც არასოდეს
 ჰქონია სურვილი,
 საზოგადოებად
 ქცეულიყო



უკანონო საქმიანობების თანამონაწილედ, რომლებიც, როგორც წესი, საერთოდ არ იბეგრებოდა.

ხანდახან, მაშინ, როცა ადამიანი ყველაზე ნაკლებად ელოდა ამას, რომელიღაც სასამართლო რომელიღაც კანონის გამოყენებას გადაწყვეტდა და პატარ-პატარა რყევებს გამოიწვევდა ძალაუფლების რომელიმე ცენტრში; ამას ზოგიერთი ისეთი ინდივიდის დაპატიმრებაც მოჰყვებოდა ხოლმე, რომელსაც იქამდე ყველა მიზეზი ჰქონდა საიმისოდ, რომ დაუსჯელი ჰგონებოდა საკუთარი თავი. ასეთ შემთხვევებშიც, მოსახლეობაში დომინანტური გრძობა იყო არა კმაყოფილება (სამართალმა გაიმარჯვა...), არამედ ეჭვი, რომ ეს სამართლის ზეიმი კი არა, რალაც ანგარიშსწორების მაგვარი იყო ძალაუფლების სხვადასხვა ცენტრებს შორის. მოკლედ, რთული გასარკვევი იყო, კანონის გამოყენება უკვე მხოლოდ ტაქტიკური და სტრატეგიული იარაღის სახით შეიძლება უკანონო ინტერესების შიდა ბრძოლებში თუ სასამართლოებს თავიანთი ინსტიტუციური მოვალეობის ლეგიტიმაციისთვის სჭირდებოდათ იმ აზრის განმტკიცება, რომ ისინიც ძალაუფლებისა და უკანონო ინტერესების ცენტრებს წარმოადგენდნენ.

ბუნებრივია, იგივე ხდებოდა ტრადიციულ დანაშაულებრივ სამყაროშიც, რომელიც ადამიანების გაცაცებითა თუ ბანკების ძარცვით (ან, თუნდაც, ჯიბის ქურდობით) არაპროგნიზირებადი ელემენტის სახით ჰარმონიულად ეწერებოდა მილიარდების კარუსელში და მისი სვლის დევიაციას ახდენდა სხვადასხვა, ფარული მიმართულებებით; მერე კი, სადმე, ოდესმე, აუცილებლად ამოტივტივდებოდა ხოლმე კანონიერი თუ უკანონო ფულის ათასნაირი, სრულიად მოულოდნელი ფორმებით.

სისტემისადმი დაპირისპირებით საქმეს იკეთებდნენ ტერორისტული ორგანიზაციები, რომლებიც დაფინანსების იმავე მეთოდებს იყენებდნენ, რომლებსაც ტრადიციული კანონგარეშე სამყარო და კარგად გათვლი-

ლი, მოქალაქეთა ყველა კატეგორიაზე თანაბრად გადანაწილებული მკვლევარობებით (ცნობილი პიროვნებები, კრიმინალური წარსულის მქონე სუბიექტები) თავს სისტემის ერთადერთ გლობალურ ალტერნატივად წარმოაჩენდნენ. სინამდვილეში კი ტერორისტული ორგანიზაციები მხოლოდ აძლიერებდნენ სისტემას, იმდენად ამყარებდნენ მას, რომ თავად ხდებოდნენ სისტემის განუყოფელი ნაწილი და არწმუნებდნენ მას, რომ სწორედ ის იყო საუკეთესო შესაძლებელი სისტემა და რომ ის არანაირად არ უნდა შეცვლილიყო.

ასე მტკიცდებოდა და ფესვს იდგამდა სისტემაში უკანონობის ყოველგვარი ფორმა, ყველაზე ფარული თუ ყველაზე აღვირახსნილი; სისტემაში, რომელიც თავისებურად სტაბილური, შეკრული, თანმიმდევრული იყო, რომელშიც უამრავი ადამიანი ნახულობდა საკუთარ პრაქტიკულ სარგებელს ისე, რომ არ კარგავდა მშვიდი ძილისთვის აუცილებელ მორალურ კომფორტს. მოკლედ, შეიძლება გვეთქვას, რომ იმ ქვეყნის მცხოვრებლები ერთნაირად ბედნიერები იყვნენ, რომ არა მოქალაქეთა კიდევ ერთი და საკმაოდ მრავალრიცხოვანი კატეგორია, რომელთა როლიც ვერავის განესაზღვრა: პატიოსანი ადამიანები.

ისინი პატიოსნები იყვნენ არა რამე განსაკუთრებული მიზეზის გამო (ისინი არანაირ დიად პრინციპებს არ ემსახურებოდნენ, არც პატრიოტულს, არც სოციალურს და არც რელიგიურს), არამედ უბრალოდ მენტალური ჩვევით, ხასიათის წყობით, გნებავთ, ნერვული ტიკებით. მოკლედ, ვერაფერს გაანყოფენ, ასეთები იყვნენ და ის, რაც მათ უყვარდათ, პირდაპირ ვერაფრით აისახებოდა ფულად ერთეულში. ვერაფერს გაანყოფენ იმასთან, რომ მათი გონება იმ მოძველებული მექანიზმით მუშაობდა, რომელიც თავისთავად უკავშირებს შრომას შემოსავალს, პატივისცემას — დამსახურებას, საკუთარ კმაყოფილებას — სხვა ადამიანების კმაყოფილებას. იქ, იმ ადამიანების ქვეყანაში, სადაც ყველა

მშვიდი სინდისით ცხოვრობდა, ისინი მუდამ საკუთარ სინდისში ჩხრეკით იტანჯებოდნენ და თავს იმტვრევდნენ იმაზე ფიქრით, რისი გაკეთება შეეძლოთ. იცოდნენ, რომ სხვისთვის მორალის კითხვა, აღმშობება, კეთილშობილების ქადაგება (გულწრფელი თუ ყალბი) ადვილად მოაპოვებინებდათ სხვათა მონივნებასა და მხარდაჭერას, მაგრამ მათ ძალაუფლება იმდენად არ იზიდავდათ, რომ მასზე ეოცნებათ (ყოველ შემთხვევაში, ის ძალაუფლება, რაზეც სხვები ოცნებობდნენ); არც თავს იტყუებდნენ, რომ სხვა ქვეყნებსაც იგივე სენი არ ხრავდა, თუმცა ზოგან უფრო ფარულად; უკეთესი საზოგადოებისა აღარ სჯეროდათ, რადგან იცოდნენ, რომ უარესი ყოველთვის უფრო შესაძლებელი და უფრო ადვილად მოსალოდნელია.

გადაშენებას უნდა შეგუებოდნენ? არა, მათი ნუგეში იყო, ეფიქრათ, რომ საუკუნეების მანძილზე, მუდამ, ყველა საზოგადოებასთან თანაარსებობდა ქურდბაცაცების, ავაზაკების, ნაძირლების მარგინალი კონტრსაზოგადოება, რომელსაც არასოდეს ჰქონია სურვილი, საზოგადოებად ქცეულიყო, რომელიც დომინანტი საზოგადოების ნაოჭებში ცხოვრებით კმაყოფილდებოდა და ცდილობდა, საკუთარი არსებობა შეენარჩუნებინა საყოველთაოდ აღიარებული პრინციპების სანინალმდეგოდ და თავი თავისუფლად, ცოცხლად წარმოეჩინა (და ახერხებდა კიდევ, სანამ კარგად არ დააკვირდებოდი); იქნებ ასევე მოეხერხებინა წესიერი ადამიანების კონტრსაზოგადოებას, საუკუნეებისთვის გაეძლო, არსებული დომინანტური საზოგადოების კიდევ ეარსება უჩუმრად, ყოველგვარი პრეტენზიის გარეშე და მხოლოდ საკუთარ განსხვავებულობას გაფრთხილებოდა, გამიჯვნოდა ყოველივეს, რაც ირგვლივ ხდებოდა; ასე, შეიძლება, ოდესმე გაიგივებულიყო კიდევ რალაც არსებითთან ადამიანთა უმრავლესობისთვის, რალაც ისეთთან, რისი გადმოცემაც სიტყვებით უკვე შეუძლებელია, რაც ჯერ არ თქმულა და რაც ჯერ კიდევ არ ვიცით, რა არის.



პულმონი
59 GEL

MANGO.COM

თბილისი, ჭავჭავაძის გამზ. №16 პეკინის გამზ. №19
TBILISI, 16 CHAVCHAVADZE AVE. 19 PEKINI AVE.

MANGO



გადარჩენილი სპეროუ



ტონია და მარვინ მორისები მისურის შტატის ერთ-ერთ სოფელში ცხოვრობდნენ. ეზოში საცურაო აუზი ჰქონდათ, სადაც მათი ხუთი შვილი ხშირად თამაშობდა ხოლმე. ერთხელ 2 წლის სპეროუს სარწყავისთვის აუზიდან წყლის ამოღება მოუნდა, ბავშვს ფეხი დაუცდა, აუზში ჩავარდა და გონება დაკარგა. შეშინებულმა ბავშვებმა მშობლებს დაუძახეს. ტონიამ ნაბოლარა გოგონა წყლიდან უგონო მდგომარეობაში ამოიყვანა. ბავშვი მთლიანად გაღურჯებული იყო, აღარც პულსი ესინჯებოდა და აღარც სუნთქავდა. დედა სასწაფო დახმარების ბრიგადის მოსვლამდე შვილს ხელოვნურ სუნთქვას უტარებდა. ადგილზე მოსული ექიმები რეანიმაციულ ღონისძიებებს 47 წუთის განმავლობაში ატარებდნენ, ბავშვი გონს ვერ მოდიოდა, ამიტომ სასწრაფოდ უახლოეს საავადმყოფოში გადააფრინეს.

სპეროუს უშანგბადობის გამო ტვინი ძალიან დაუზიანდა. თავდაპირველად ექიმები ფიქრობდნენ, რომ ის უმძიმესი მდგომარეობიდან ვერ გამოვიდოდა და მშობლებს მისი გადარჩენის იმედს არ აძლევდნენ, თუმცა, საბედნიეროდ, პატარა გადარჩა. ბავშვი სახლში გაწერეს, მაგრამ მის გამოჯანმრთელებამდე ჯერ კიდევ შორი იყო: სპეროუს წამოჯდომა არ შეეძლო, საკვების მისაღებად ზონდი ესაჭიროებოდა. ექიმებმა პატარას რეაბილიტაციის კურსები დაუნიშნეს, რომელიც დღეში რამდენჯერმე უტარდებოდა, თუმცა ერთი წლის შემდეგაც ბავშვის მდგომარეობა მხოლოდ უმნიშვნელოდ გაუმჯობესდა.

ამ დროს ტონიასა და მარვინს გაახენდათ, რომ მათ სპეროუს ტიპლარის სისხლის უჯრედები ჰქონდათ შენახული. ამ შესაძლებლობის შესახებ მათ მაშინ გაიგეს, როცა გოგონას დაბადებას ელოდნენ. მიუხედავად იმისა, რომ ჯანმრთელი შვილები ჰყავდათ, უჯრედების შენახვა მაინც გადაწყვიტეს: ხომ შეიძლებოდა ისინი რომელიმე ბავშვს მომავალში დასჭირვებოდა და შეინახეს კიდევ.

სპეციალისტებისთვის ეს ფაქტი სასიამოვნო სიურპრიზი აღმოჩნდა. მშობლებს სასწრაფოდ აცნობეს, რომ ბავშვის ჯანმრთელობაზე ტიპლარის ღეროვან უჯრედებს უაღრესად პოზიტიური გავლენის მოხდენა შეეძლო. სპეროუს სასწრაფოდ ჩრდილოეთ კაროლინაში, დიუკის უნივერსიტეტში გადაიყვანეს და უბედური შემთხვევიდან 13 თვის შემდეგ საკუთარი ტიპლარის სისხლის ღეროვანი უჯრედები გადაუსხეს.

მედიკოსებმა ოპერაციიდან მომდევნო რამდენიმე დღის განმავლობაში დაუჯერებელი შედეგები მიიღეს: ბავშვმა ლაპარაკი დაიწყო, სახეზე ღიმილი ისევ დაუბრუნდა, თამაშობდა, მერე კი სიარულიც შეძლო. ყველაფერი ელვის უსწრაფესად განვითარდა. თუ გამოჯანმრთელება ტრანსპლანტაციამდე თითქმის შეუძინველი იყო, ოპერაციის შემდეგ პროცესი ყველა მიმართულებით პროგრესულად განვითარდა და ზოგიერთი პარამეტრით ბავშვი ასაკის ნორმას დაუბრუნდა.

ახლა ტრანსპლანტაციიდან უკვე 3 წელია გასული. სპეროუს 5 წლისაა. მას რეაბილიტაცია აღარ სჭირდება, უპრობლემოდ გადაადგილდება, სირბილი და ხტუნვა შეზღუდვის გარეშე შეუძლია. ბავშვი კარგად ხატავს, ხელსაქმეც ეხერხება, წერა-კითხვასაც ახლა იწყებს. მეტყველება ჯერ კიდევ უჭირს, მაგრამ წინადადებების წარმოთქმას ახერხებს.

„როდესაც ტიპლარის სისხლს ვინახავდი, ცხადია, ვერც კი წარმოვიდგენდი, რომ ჩემი შვილი ოდესმე ასეთი მძიმე განსაცდელში აღმოჩნდებოდა. მხოლოდ ჰიპოთეტურად, მომავალში გამოსაყენებლად, ყოველი შემთხვევისათვის შევიწინახეთ“, - ამბობს ტონია. ახლა კი ის და მისი ქმარი საკუთარი გადაწყვეტილებით ამბობენ: მათ ხომ მხოლოდ ტიპლარის სისხლის შენახვით შეძლეს შვილი უმძიმესი მდგომარეობიდან ეხსნათ და მისთვის სიცოცხლის ხალისი დაებრუნებინათ!

სადღეისოდ ტიპლარის სისხლის ღეროვანმა ათასობით სიცოცხლე იხსნა, მრავალი პაციენტი სასიკვდილო დაავადებებისაგან განკურნა, ბევრს კი მძიმე მდგომარეობა მნიშვნელოვნად შეუმსუბუქა. ყოველწლიურად ფართოვდება იმ დაავადებების ჩამონათვალი, რომელთა სამკურნალოდ ტიპლარის სისხლი გამოიყენება და ეს მხოლოდ დასაწყისია. ღეროვანი უჯრედების ფიზიოლოგიური როლი ორგანიზმის თვითგანახლებაში, ანუ რეგენერაციაში მდგომარეობს, ამიტომ, ბუნებრივია, ყველაზე ნორჩი, აღდგენის უდიდესი პოტენციალის მქონე ტიპლარის სისხლის ღეროვანი უჯრედების გამოყენება აღდგენით ანუ რეგენერაციულ მედიცინაში სულ უფრო და უფრო წარმატებულია. მსოფლიოს კერძო ბანკებში შვილებს ტიპლარის სისხლი, მათი ჯანმრთელი მომავლის უზრუნველსაყოფად, მილიონობით მშობელმა შეუნახა.

ავტორი ნინო ბერძენიშვილი

ილუსტრაცია: მაია სუმბაძე

ილუსტრატორები

ავტორი: სალომე აფხაზიშვილი

იდეის ავტორი: ქეთი ქანთარია

ფოტო: მაკა გობალაძე



ილუსტრაცია ძალიან მნიშვნელოვანი თანამედროვე კულტურული მოვლენაა და მისი ე.წ. მეორადობა და ტექსტზე ბრმა დამოკიდებულება უკვე დიდი ხანია არააქტუალურ თემად იქცა. რა თქმა უნდა, ყველაზე მრავალფეროვანი დღეს საბავშვო ილუსტრაციებია, ასე იყო ყოველთვის და ახლაც, ალბათ ყველაზე მეტი ილუსტრატორი საბავშვო წიგნებზე მუშაობს, თუმცა აუცილებლად უნდა ვახსენოთ ის ილუსტრატორებიც, რომლებიც განსაკუთრებული ენერგიულობით უდგებიან თავიანთ საქმეს და ვისი წყალობითაც, ილუსტრირება თვითგამოხატვის ერთ-ერთ

ყველაზე მნიშვნელოვან თანამედროვე ხერხად იქცა.

ჩვენი დღევანდელი სპეცპროექტი სწორედ თვითგამოხატვას ეძღვნება, ილუსტრატორების მე-ს, და ამ პროექტში სხვადასხვა თაობის ქართველი ილუსტრატორების მოსაზრებებსა და ნამუშევრებს გაეცნობით. საქართველოში წიგნის ილუსტრირების დიდი ტრადიცია არსებობს, უძველესი ხელნაწერი წიგნებიდან მოყოლებული – დღემდე, ჩვენი რუბრიკის ზოგიერთი პერსონაჟი ძალზე აქტიურად და ნაყოფიერად მუშაობს ტრადიციასთან, ზოგიერთი კი ამჯობინებს სრულიად ახალი გზებით იაროს.



ლევან ცუცქირიძე

მხატვარი, ილუსტრატორი

„ვეფხისტყაოსანი“, ვაჟა-ფშაველას პოემები, „შუმანიკის წამება“, „დათა თუ-თაშხია“, გალაკტიონ ტაბიძე და ქართული ლიტერატურის სხვა ილუსტრირებული გამოცემები 1960-80-იან წლებში სწორედ ლევან ცუცქირიძის სახელს უკავშირდება. „ვეფხისტყაოსანის“ გერმანულენოვანი თარგმანი, რომელიც 1960-იან წლებში გერმანიაში გამოიცა, სწორედ მის მიერაა დასურათებული. მხატვრის პირველი პერსონალური გამოფენა 1961 წელს, თბილისის ხელოვნების მუშაკთა სახლში მოეწყო, რის შემდეგაც მის შემოქმედებას მსოფლიოს რამდენიმე ქვეყანაში, მათ შორის – გერმანიაში, იაპონიაში, რუსეთსა და სომხეთშიც გაეცნენ. გრიგოლ ორბელიანის პოემა „სადღეგრძელოს“ გაფორმებისთვის, საბავშვო წიგნის საერთაშორისო კონკურსში, 1974 წელს მას ანდერსენის სახელობის დიპლომი გადასცეს. 2004-2005 წლებში ლევან ცუცქირიძის პერსონალურ გამოფენას თბილისის გოეთეს ინსტიტუტმა და საჯარო ბიბლიოთეკის საგამოფენო დარბაზმა უმასპინძლა.

ლიტერატურული ნაწარმოების გაფორმებაში, ლევან ცუცქირიძე ილუსტრატორს განსაკუთრებულ როლს ანიჭებს. შედარებისთვის მას „ვეფხისტყაოსანი“ მოჰყავს და ამბობს, რომ ამ პოემის შინაარსი სამ გვერდში შეგიძლია ჩაატო, თუმცა არის მასში ის სპეციფიკა, რომელიც მხოლოდ ილუსტრატორს შეუძლია აღმოაჩინოს და გადმოსცეს. მისი თქმით, ილუსტრაცია ილუსტრატორის შინაგანი სამყაროდან გადმოსული ტექსტია, რომელიც თავისთავად იმეორებს ილუსტრატორის

ხასიათს. შინაგანი ენერჯის მნიშვნელობასა და საკუთარ თავში ჩაღრმავებაზე საუბრობს უხუცესი ილუსტრატორი თავის დღიურებშიც:

„დიდი განცდა, დიდ ქმედებას იწვევს; მშვენიერი რომ განიცადო, ეს უნდა მოხდეს დიდი შინაგანი წვის შედეგად! ადამიანის ტრაგიკული სული, მისი აქ გაცხადება, მისი ჩაღრმავება საკუთარ ინტელექტში და აქედან გამომდინარე, უწყვეტი ჯაჭვი აზროვნებისა აღსრულებამდე, არის შედეგი მუდმივი ძიებისა იდეათა საუფლოში...“





მამია მალაზონია


მხატვარი, ილუსტრატორი

მამია მალაზონიას ილუსტრაციებში მსოფლიო ლიტერატურის უნიკალურ ბიბლიოთეკას ამოიკითხავთ – სულხან-საბა ორბელიანის „სიბრძნე სიცრუისა“, იაკობ ცურტაველის „შუშანიკის ნამება“, „ვეფხისტყაოსანი“, უილიამ შექსპირი, ჰენრიკ იბსენი, გიომ აპოლინერი, ეჟენ იონესკო, გოეთე, ვლადიმერ ნაბოკოვი, გოგოლი, მიხაილ ბულგაკოვი და ა.შ. ლიტერატურული შედეგების დასურათების გარდა, მისი შემოქმედებითი მოღვაწეობა ქართულ თეატრსა და კინოს უკავშირდება. საქართველოსა და უცხოეთში გაფორმებული აქვს 150-მდე მუსიკალური თუ დრამატული სპექტაკლი. დღეს ის საკუთარ გამოცდილებას თბილისის სახელმწიფო სამხატვრო აკადემიის სტუდენტებს უზიარებს.

ერთ ილუსტრაციაში მოთხრობილი მთელი სიუჟეტი და სიუჟეტის უმნიშვნელოვანეს დეტალებზე ხაზგასმა – მამია მალაზონიას ილუსტრაციებისთვის დამახასიათებელი აუცილებელი თვისებაა. ის ამბის განვითარებას ერთმანეთისგან დამოუკიდებელი კადრების საშუალებით წარმოგვიდგენს, რომელიც ერთი ამბის ნაწილია და ერთ ილუსტრაციაში ერთიანდება. მისი თქმით, ილუსტრაციაზე მუშაობა, სხვა მხატვრულ ნამუშევართან შედარებით, ილუსტრატორისგან განსაკუთრებულ დაკვირვებას მოითხოვს, რაშიც მხატვარი, პირველ რიგში ტექსტის დეტალურ გააზრებას და მასში მოცემული ფაქტებისა და ცნობების უზუსტეს გადმოცემას გულისხმობს. თვალსაჩინოებისთვის მას პოემა „ვეფხისტყაოსანი“ მოჰყავს:

„დაუშვებელია, ვეფხისტყაოსნის გმირებს ქართული კულტურის ნიშნები შესძინო. ტექსტში პირდაპირ წერია, რომ კონკრეტული ამბავი ხატავთ, გულანშაროში, არაბეთში ვითარდება, საგარეჯოდან-სამტრედიაში კი არ მომხდარა, ჩვენს საზღვრებს გარეთ მოხდა“, – მამია მალაზონიას ამ სიტყვებიდან ნათლად ჩანს, რომ ის თავის ილუსტრაციებში არათუ საკუთარი თავის, არამედ ნაციონალური ნიშნების წარმოჩენასაც ერიდება. ამბობს, რომ მის ხასიათსა და პიროვნებაზე, ილუსტრირების მისეული ხელწერა მეტყველებს. მამია მალაზონიას ერთადერთი ილუსტრაცია, რომლის გმირიც თავადვე გახლავთ, „ვეფხისტყაოსნის“ საიუბილეო დასურათებულ გამოცემაშია და აქაც პოემის ის ადგილი მონიშნა, სადაც მხატვრის სამუშაო პროცესზეა საუბარი.





თამაზ ვარვარიძე


მხატვარი, დიზაინერი

თამაზ ვარვარიძის ნამუშევრებს დღეს ასობით წიგნის გარეკანზე შეხვდებით. თანამედროვე და კლასიკური ლიტერატურის ქართულენოვანი შედეგების გაცნობა სწორედ თამაზ ვარვარიძის დიზაინით შექმნილი გარეკანიდან იწყება. 1976 წლიდან, თამაზ ვარვარიძე მონაწილეობს ათობით საერთაშორისო, თუ ადგილობრივ გამოფენებში. 2002 წელს, წიგნის მე-4 საერთაშორისო ფესტივალზე მას გადაეცა პრიზი წიგნის საუკეთესო მხატვრული გაფორმებისთვის, 2001 წელს კი, რეკლამის კავკასიის საერთაშორისო ფესტივალის პრიზიორი გახდა. მისი ნამუშევრები დაცულია თბილისის ეროვნულ გალერეაში, ზიმერლის ხელოვნების მუზეუმში (აშშ), კანაგავას თანამედროვე გრაფიკული ხელოვნების მუზეუმში (იაპონია) და მსოფლიოს კიდევ რამდენიმე ქვეყანაში. დღეს ის თბილისის სახელმწიფო სამხატვრო აკადემიაში, გრაფიკის კათედრას ხელმძღვანელობს და ამავე დროს არის გრაფიკული დიზაინის ასოციაციის პრეზიდენტი.

ილუსტრაციებში საკუთარი თავის წარმოჩენაზე საუბრისას, თამაზ ვარვარიძე სტალინისა და ლენინის ჩინურ პორტრეტებს იხსენებს, რომელთა ავტორებიც ამ ნამუშევრებში ისტორიული პირების გააზრებას ნაციონალურ ჭრილში გვთავაზობენ. მხატვარი დარწმუნებულია, რომ ილუსტრაციებზე მუშაობა საკუთარ თავთან და კულტურასთან მიმსგავსების ინსტინქტური პროცესია. თამაზ ვარვარიძე, როგორც წიგნის დიზაინერი, ამ იდეას შემოქმედებითი თავისუფლების კონტექსტში განიხილავს:

„ჩემთვის ყველაზე მნიშვნელოვანი შემოქმედებითი თავისუფლებაა, ჩვეულებრივი მოვლენის ან ობიექტის სრულიად მოულოდნელი კუთხით წარმოჩენა, იდეაც, მაშინ ხდება სხარტი და ადამიანზე ზემოქმედებას ახდენს. ამიტომ პარადოქსული აზროვნება და არასტანდარტული ხედვა პირად თვისებად უნდა გადაიქცეს. ამ შემთხვე-

ვაში უფრო სრულად ხდება საკუთარი პოტენციალის გამოვლენა და ინდივიდუალური ხედვის, თუ მეთოდების რეალიზაცია. საუკეთესო სინთეზია, როდესაც ერთდროულად ხარ მხატვარიც და დიზაინერიც, განსაკუთრებით დღეს, როდესაც შემოქმედებითი თვალსაზრისით წიგნი გათავისუფლდა გარკვეული სტანდარტებისგან და შეიძინა ჭეშმარიტად დემოკრატიული უფლებები. და მაინც, დიზაინერი თითქმის ყოველთვის ასრულებს დაკვეთას და ამდენად დამოკიდებულია გამომცემელზე და ავტორზე, გამომცემელი თავის მხრივ დამოკიდებულია ბაზარზე, რომელიც ხშირად განსაზღვრავს მოთხოვნას, როგორც თემატურად, ასევე გაფორმების კუთხით. თუმცა მე მაქვს ფუფუნება, ისეთი წიგნები გავაფორმო, რომელიც მომწონს. მაგალითად აკა მორჩილაძის წიგნები, ან სხვა ავტორები“.





სანდრო ასათიანი


ილუსტრატორი, ვებ-დизაინერი

თბილისის სამხატვრო აკადემიის დასრულების შემდეგ, სადაც მან წიგნის ილუსტრაციის მიმართულებით საბაკალავრო საფეხური გაიარა, სანდრო ასათიანი სწავლა ფლორენციის სახელოვნებო აკადემიაში, მოგვიანებით კი – მინეაპოლისის ხელოვნებისა და დიზაინის კოლეჯში განაგრძო. დღეს მისი სახელი რამდენიმე პოპულარული ვებ-პორტალის დიზაინთან ასოცირდება. წერს და ინტერნეტშივე აქვეყნებს საკუთარ წიგნებს ვირტუალური გამოცემლობის („სანდროს წიგნები“) სახელით. იგი მკითხველს სოციალურ მედიასთან დაკავშირებულ წიგნებს და თავის ზღაპრებსაც სთავაზობს. შემოქმედებითი საქმიანობის გარდა, ის რამდენიმე ქართულ – კერძო და სახელმწიფო უნივერსიტეტთანაც თანამშრომლობს, სადაც სოციალური მედიის და გრაფიკული დიზაინის მიმართულებით სალექციო კურსებს უძღვება.

სანდრო ასათიანი ბევრი სხვა ილუსტრატორისგან განსხვავებით, ილუსტრაციებს, არა რომელიმე გამოცემლობის დაკვეთით, არამედ საკუთარი წიგნებისთვის ქმნის. ამბობს, რომ მის დაუწებურად, ყველა მისი ილუსტრაცია მცირედით, მაგრამ მაინც თავად მას ჰგავს. ამას იმით ხსნის, რომ ხშირად მისი ილუსტრაციები ბავშვობის მოგონებებისა და ილუზიების გაგრძელებას წარმოადგენს. იმას, რასაც უფროსები ილუზიებს უწოდებდნენ, სანდრომ მოზრდილ ასაკში თავის წიგნებში გააცოცხლა. უფრო მეტიც, მან მეუღლის შესახებ დანერჩილ წიგნში თავის თავზე ისაუბრა და საკუთარი თავის ილუსტრაციაც შექმნა:

„თამარა, რომელიც მაღალი იყო და ღრუბლებში ცხოვრობდა თავის ოცნებებს ლამაზ ყუთებში აგროვებდა. პირველად რომ დააპირა ოცნება ყუთში ჩადო, არაფერი გამოუვიდა, მერე კი ასეთი რამ მოიგონა: იღებდა

ხოლმე რაიმე ნივთს, აი მაგალითად, გასაღებს, უამბობდა ამ ნივთს თავის ოცნებას და მერე საგანგებოდ შერჩეულ ყუთში ინახავდა. ასე, თამარას უამრავი ყუთებში ჩაკეტილი ოცნება მოუგროვდა და თითქოს, ეს ოცნებები თამარასთან ერთად რაღაცას ელოდნენ. და ერთხელაც, თამარამ სანდრო გაიცნო. სანდროც მაღალი იყო და მასზეც ამბობდნენ როდესაც, სანდრო ღრუბლებში ცხოვრობსო. თამარასგან განსხვავებით, სანდრო უბრალოდ ოცნებობდა და, სამწუხაროდ, მოუცლევლობის გამო ოცნებების შეგროვებას ვერ ახერხებდა. მერე ერთხელ, თამარამ სანდროს თავისი ყუთების კოლექცია ანახა. თამარამ და სანდრომ ერთად გახსნეს ზოგიერთი ყუთი და თამარას რამოდენიმე ოცნება რეალობად აქციეს. და ამ დღის მერე, მათ საუკეთესო გართობად იქცა თამარას ოცნებების დათვალიერება და მათი რეალობად გადაქცევა“.





დათო მაჭავარიანი (კაკადუ)


მხატვარი, ილუსტრატორი, დიზაინერი

დათო მაჭავარიანის შემოქმედებითი საქმიანობა განსაკუთრებით მრავალფეროვანია – წიგნისა და თამაშების ილუსტრაციები, საგაზეთო და საჟურნალო კომიქსები, ინტერიერისა და ექსტერიერის დიზაინი. მისი ილუსტრაციები შესულია „ვეფხისტყაოსნის“ განახლებულ გამოცემაში, რომელიც „ბაკურ სულაკაურის გამომცემლობას“ ეკუთვნის. მისი პერსონალური გამოფენა რამდენჯერმე მოეწყო თბილისში, თურქეთსა და აშშ-ში. 2003 წელს მისი ნამუშევრები მსოფლიო ბანკის მიერ გამართულ ჯგუფურ გამოფენაზე მოხვდა.

ილუსტრაცია, დათო მაჭავარიანისთვის პოპკულტურა უფროა, ვიდრე მალალი ხელოვნება, ამიტომ, სხვადასხვა ლიტერატურული ტექსტებისა თუ თამაშების მხატვრული გაფორმებისას, ამ ნამუშევრებში საკუთარი თავის გამოვლენაზე თითქმის არასდროს ფიქრობს. სულ სხვაგვარად ხდება გრაფიკულ და ფერწერულ ნამუშევრებში. აქ მხატვარი ხშირად იმ მდგომარეობას გადმოსცემს, რომელიც ცხოვრების რომელიმე კონკრეტულ მომენტს ან ეტაპს ასურათებს. თუმცა ყოველდღიურ ცხოვრებაში მომხდარ ამბებს ხშირად სწორედ ილუსტრაციებით ყვება:

„რამდენიმე წლის წინ, მე და ბიძაჩემი კლუბის ქართველ მეპატრონეებთან აღმოვჩნდით შეხვედრაზე,

რომლებიც ბიძაჩემს ამ კონკრეტული კლუბის პრომოუშენს ავალბდნენ. შეხვედრაზე მისვლისთანავე, ჩვენი მოლოდინები სრულიად საწინააღმდეგოდ განვითარდა. ბიძაჩემი ამერიკული კლუბის მუშაობის სტილისტიკაზე საუბრობდა, კლუბის მეპატრონეები კი სახინკლის მეპატრონეებს უფრო ჰგავდნენ, ვიდრე კლუბის გახსნით დაინტერესებულ ადამიანებს. სახლში რომ დავბრუნდი, მეუღლის მეგობრები დამხვდნენ, რომლებსაც ეს ამბავი ორ წუთში ილუსტრაციით მოვუყევი. ავიღე ფურცელი და ფანქარი და სრულად დავუხატე იქ მყოფი ადამიანები და ის სიტუაცია, რაც ამ მოულოდნელობით შეიქმნა. ეს ილუსტრაცია შემდეგ ჩემს მეუღლეს ვაჩუქე“.





მაია სუმბახია

მხატვარი, მულტიმედია არტისტი

იაკობ ნიკოლაძის სახელობის სამხატვრო კოლეჯის დასრულების შემდეგ მაია სუმბახიამ სწავლა ამსტერდამში, გერიტ რიტველდის სახელობის სამხატვრო აკადემიაში განაგრძო. მოგვიანებით კი სწავლა თბილისის სამხატვრო აკადემიაში, კინოსა და სატელევიზიო დიზაინის ფაკულტეტზე გააგრძელა. სხვადასხვა ქართული პერიოდული გამოცემებისთვის შესრულებული ილუსტრაციების გარდა, მაია სუმბახე რამდენიმე აუდიო-ვიზუალური პროექტის ავტორადაც გვევლინება. მისი ნამუშევრები, სხვა მხატვარ-ილუსტრატორებთან ერთად, გამოიფინა პარიზის, ამსტერდამის, სტამბულის, ბერლინის, პრალის, თბილისისა და ბათუმის საგამოფენო სივრცეებში.

კითხვას, თუ როგორ ხედავს თავის თავს მაია თავისსავე ილუსტრაციებში, ის ასე პასუხობს:

„დიდ, მზით განათებულ მაგიდაზე გაშლილია ნახაზები, ნანერები, ნახატები, თხელი და სქელი ქაღალდები, ერთმანეთზე დანყობილი ნიგნები, ჟურნალები. L'architecture D'Aujourd'hui, მოვერცხლისფრო ნაცრისფერი ფანქრის ხაზები და რკალები, იისფერი მელნით დანერილი ასოები, საშლელის ნამცეცები, გრაფიტის

მტვერი. ბრტყელი დაყოფილი სივრცეები – სქემებში და გეგმებში. უკაცრიელი ადგილები და შენობები შავ-თეთრ ფოტოებში. მე ფეხზე ვდგავარ, მაგიდის ზედაპირი ძალიან ახლოსაა. პაპა მუშაობს. იქით ოთახში მუსიკაა ჩართული. ალბათ Blood, Sweat and Tears. მამა რეისფედერში ასხამს ჟოლოსფერ გუაშს და ავლებს სწორ ხაზს. დღეს ახალი ნიგნები მომიტანა, ფერადი, ბევრი ნახატებით. მეც მიინდა ესე ვხატავდე, როცა გავიზრდები“.



საქსპროექტი
ეროვნული
ზიზლირთქს

ვიზუალური ნიშნების ენა

ავტორი სანდრო ასათიანი

სიტყვა ენის გაგონებაზე პირველ რიგში სხეულის ნაწილი გვახსენდება. არადა, ამ სიტყვას უამრავი განმარტება აქვს. ერთ-ერთის მიხედვით ენა კომპლექსური საკომუნიკაციო საშუალებაა. არსებობს ისეთი ენები, ანუ საკომუნიკაციო სისტემები, რომელთაც არანაირი კავშირი არა აქვთ სხეულის ნაწილ ენასთან. მაგალითად, ფესტების ენა, რომელსაც სმენადაქვეითებული ადამიანები იყენებენ, ან კომპიუტერული ენები, რომელთაც განვითარების მეტად საინტერესო ის-

ენა ყველასთვის მისაღები კომპრომისი იქნებოდა და იგი საყოველთაო საკომუნიკაციო საშუალებად გადაიქცეოდა. დღესდღეობით ასეთ დომინანტად ინგლისური ენა გვევლინება, ამ ენაზე ხომ ჩვენი პლანეტის მოსახლეობა უმრავლესობა საუბრობს.

ნიშნების ენა

ამ ყველაფრის პარალელურად, ყოველგვარი ძალდატანების ან ხელოვნურად დამკვიდრების მცდელობის გარეშე, სრულიად ბუნებრივად იქმ-

ნილაკითა და გადასართავით. დღეს კი ბევრად უფრო რთული მონყობილობის, სმარტფონის მომხმარებელი ინსტრუქციას არასდროს კითხულობს, ვინაიდან ჩვენ ადვილად შეგვიძლია ამოვიკითხოთ სასურველი ინფორმაცია შესაბამის სიმბოლოებში. თუკი ძველი მობილური ტელეფონების ეკრანებზე შესაბამისი სიმბოლოს ქვეშ ტექსტური განმარტება იყო მითითებული, დღეს ეს აუცილებელი არ არის. დღეს, ყველა, ვინც კომპიუტერთან ურთიერთობს, ფლობს ვიზუალურ



ყოველგვარი ძალდატანების ან ხელოვნურად დამკვიდრების მცდელობის გარეშე, სრულიად ბუნებრივად იქმნება კიდევ ერთი ახალი ენა, რომელსაც არანაირი კავშირი არა აქვს ჩვენი სხეულის ნაწილთან. ეს ვიზუალური ნიშნების ენაა, რომელიც თითქოს შეუმჩნეველად, სრულიად ბუნებრივად იმკვიდრებს ადგილს.

ტორია აქვთ. ადამიანი მუდამ ცდილობდა დაემკვიდრებინა ან შეექმნა ისეთი ენა, რომელზეც ყველა ისაუბრებდა, რომელიც ყველასთვის გასაგები იქნებოდა. ყველა იმპერიას სურდა თავისი ენა დაემკვიდრებინა უნივერსალურ საკომუნიკაციო საშუალებად. ბიბლიაში საუბარია უნივერსალურ ენაზე, რომელზეც მთელი კაცობრიობა საუბრობდა. ზოგიერთი ლინგვისტი თვლის, რომ არსებობდა პროტოენა რომელიც შემდეგ სხვადასხვა ენად დაიყო. გვახსოვს უნივერსალური საკომუნიკაციო საშუალების ხელოვნურად შექმნის მცდელობებიც. მაგალითად, ესპერანტო, ენა, რომელიც სხვადასხვა ენების ერთმანეთთან ხელოვნური გაერთიანების შედეგად შეიქმნა. ბევრი თვლიდა, რომ ასეთი სახით შექმნილი

ენა კიდევ ერთი ახალი ენა, რომელსაც არანაირი კავშირი არა აქვს ჩვენი სხეულის ნაწილთან. ეს ვიზუალური ნიშნების ენაა, რომელიც თითქოს შეუმჩნეველად, სრულიად ბუნებრივად იმკვიდრებს ადგილს. ვიზუალური ნიშნების საყოველთაო გავრცელებას დიდად შეუწყო ხელი ელექტრომონოპოლიზაციისა და კომპიუტერული ტექნიკის განვითარებამ. ჩვენ ხომ კომპიუტერთან ურთიერთობას ძირითადად სიმბოლოებით ვახერხებთ. სიმბოლოების საშუალებით ვაძლევთ დავალებას და, ხშირ შემთხვევაში, კომპიუტერი სიმბოლოებითვე გვიბრუნებს პასუხს. მამაჩემმა პირველი რადიომიმღები რომ შეიძინა, გულდასმით ნაიკითხა მომხმარებლის ინსტრუქცია. რადიო იმხანად საკმაოდ რთული, მაღალტექნოლოგიური აპარატი იყო, უამრავი

სიმბოლოების ენას. ვიზუალური რეპორტაჟი გამოსახულების საშუალებით ინფორმაციის მონოდებას არამარტო თანამედროვე მონოპოლიზაციებში ვხვდებით. დღეს ტრადიციულ მედიაშიც აქცენტი ვიზუალურ მასალაზე გადადის. მაგალითად, 10 წლის წინანდელი გაზეთები დღევანდელ გამოცემებს რომ შევადაროთ, ვნახავთ, რომ ფოტოების ზომა საგრძნობლად გაიზარდა. ტექსტის ზომა კი, პირიქით, შემცირდა. აქ საუბარი იმაზე არ არის, რომ თანამედროვე გამოცემებში ბევრი ლამაზი ფოტოებია. უბრალოდ დღეს იმ ამბის ნაწილი, რომელსაც ადრე ტექსტით ჰყვებოდნენ, გამოსახულების საშუალებით არის გადმოცემული. თუკი თავიდან პრესას მასალებით მხოლოდ რეპორ-

შენი არჩევანი გამოსატავს შენს სტილს



საერთაშორისო რეგულაცია

პინსტონი

○○●○○
XSTYLE

○○●○○
XSENSE

პინსტონი პინსტონი იქსსენსი იქსსაილი
პინსტონი პინსტონი იქსსაილი იქსსენსი იქსსენსი

სთეი
ორუ

STAY
TRUE

მოწევა კლავს
მოწევა იწვევს კანის
ნაადრევ დაბერებას

ტიორები ამარაგებდნენ – ადამიანები, რომლებიც ტექსტის საშუალებით ჰყვებიან ამბავს, მოგვიანებით გამოცემებთან თანამშრომლობა ფოტოგრაფებმაც დაწყეს. მათ უბრალოდ ლამაზი ფოტოების გადაღება კი არ ევალებოდათ, არამედ ისეთი ფოტოების, რომლებიც ამბავს ჰყვებიან. შესაბამისად, მათ ფოტორეპორტიორები დაარქვეს. არც ისე დიდი ხნის წინ გაჩნდნენ გრაფიკოსრეპორტიორები, ანუ ადამიანები, რომლებიც ამბავს გრაფიკული გამოსახულების საშუალებით ჰყვებიან. ხშირად ისეთი ამბის მოსაყოლად, რომლისთვისაც რამდენიმე გვერდი ტექსტიც კი ცოტაა, შეიძლება ერთი გამოსახულება საკმარისი აღმოჩნდეს. ყველაფერთან ერთად, ასეთი გამოსახულებიდან, ე.წ. ინფორმაციის/მონაცემთა ვიზუალიზაციიდან ამბის ამოკითხვაც უფრო მარტივია.

რამდენიმე წლის წინ იაპონურ ატომურ ელექტროსადგურ ფუკუსიმაზე

მომხდარი კატასტროფის შემდეგ სხვადასხვა გამოცემაში გრძელი სტატიები გრაფიკულმა რეპორტაჟებმა შეცვალა. იმის ნაცვლად, რომ ჟურნალისტებს ტექსტის საშუალებით განემარტათ მომხდარის გამომწვევი მიზეზები, პრესაში გაჩნდა ატომური ელექტროსადგურის სქემატური გამოსახულებები, რომლებზეც ისრების საშუალებით გაკეთებული იყო მინიშნებები. გამოსახულებას დართული ჰქონდა მოკლე განმარტებები.

მსოფლიოში ყველაზე პოპულარულ სოციალურ ქსელ Facebook-შიც ინტერფეისის ყოველ ახალ ცვლასთან ერთად ფოტოების ზომა და ზოგადად ვიზუალური შემადგენელი იზრდება.

საერთაშორისო აეროპორტებში საგრძნობლად იკლო ტექსტურმა მინიშნებებმა. დღეს მინიშნებები სიმბოლოების სახით არის წარმოდგენილი. სიმბოლოებისა, რომლებიც ყველა ენაზე მოლაპარაკისთვის გასაგებია.

ახალი საერთაშორისო ანბანი
 ვიზუალურმა ნიშნებმა დამწერლობაც გადმოინაცვლეს. მაგალითად, ნაკლებობის ნიშანი და სამიანი „<3“ ნებისმიერ ენაზე დანერგულ ტექსტში ერთსა და იმავეს, სიყვარულს ნიშნავს. არითმეტიკულ სიმბოლოთა ეს ნყობა ჯერ კიდევ 2011 წელს შეიტანეს ოქსფორდის ინგლისური ენის განმარტებით ლექსიკონში.

თუ კაცობრიობის ისტორიას გულისყურით გადავხედავთ, დავინახავთ, რომ ახალი გლობალური საკომუნიკაციო ენის შექმნა, ან სულაც უკვე არსებული, ბუნებრივი ენის ასეთად გაცხადება, უსარგებლოა. ენა ცოცხალი ორგანიზმია, მას თვითრეგულაციისა და განვითარების გარკვეული პოტენციალი გააჩნია. ეს ეხება ვიზუალური კომუნიკაციის, ნიშნების ენასაც. პროცესი თავისთავად განვითარდება და მომავალში, შესაძლოა სტატიის დანერგა არა სიტყვებითა და ასოებით მომინოს, არამედ ამბავი ყველასათვის გასაგები ვიზუალური ნიშნებით მოგვეცე.





ნიგნის სახლი
 BOOK & COFFEE HOUSE **ბასტრიონში**

თანამედროვე ქართული და უცხოური გამოცემები
 საზოგადოებრივი სივრცე
 სალონური შეხვედრებისა და საღამოებისთვის

ცნობილი მხატვრების ნამუშევრების გამოფენა-გაყიდვა
 კაფე
 Wi-Fi
 ბასტრიონის 11^ბ, ტელ: 2 33 28 18
 bookandcafe@gmail.com



28.8	28.4	28.8	28.0	28.4	28.8	28.4	28.8	28.4	28.8
31.8	31.2	31.6	31.8	31.2	31.8	31.2	31.8	31.2	31.8
41	41	42.5	41	41	42.5	41	41	41	42.5
50	50	50	50	50	50	50	50	50	50
57-75	57-75	57-75	57-75	57-75	57-75	57-75	57-75	57-75	57-75
68	68	68	68	68	68	68	68	68	68
88	88	88	88	88	88	88	88	88	88



ბლუზი მტკვრის პირას

ავტორი: ბიძინა მაყაშვილი
 ილუსტრაცია: მანია სუმბაძე

„როკ-ურნალიზმი, ესაა, როცა ადამიანი, რომელმაც არ იცის წერა, ესაუბრება ადამიანებს, რომლებმაც არ იციან ლაპარაკი და ამის საფუძველზე აქვეყნებს სტატიებს იმ ადამიანების გასართობად, რომლებმაც არ იციან კითხვა“.

ფრენკ ზაპა

წინასიტყვაობა

იმის დანერა, რასაც ახლა კითხულობთ, რამდენიმე მიზეზმა განაპირობა.

ეს მიზეზები დრომ გააჩინა. დრო კი ისეთი რამ არის, რომ შენ არაფერს გეკითხება, თვითონ გკარნახობს პირობებს და განსაზღვრავს შენი ცხოვრების წესს.


პირველ ყოვლისა, ჩემი დაბადებიდან გასული დროის ბრალია, რომ მომინდა სხვებისთვის გამეზიარებინა ის, რასაც ქვევით გაეცნობით. ამასთან ერთად, დროის განმავლობაში დაგროვდა ჩემთვის ხშირად დასმული რამდენიმე ტიპური კითხვა, რომლებსაც შევეცდები, რომ ერთიანად გავცე პასუხი. და ბოლოს, რაც მთავარია, აქ მოთხრობილი ამბები დროში შეკუმშული ისტორიაა იმისა, თუ როგორ ვცდილობდი ქართულ დამოუკიდებელ მედიაში პოპულარული კულტურა ამესახა.

მაგრამ ესეც, ბევრი ჩემი სხვა იდეასავით განუხორციელებული დარჩებოდა, რომ არა ერთი ტექნიკური ფაქტორი: რაც დრო გადიოდა, სულ უფრო და უფრო მოუხერხებელი ხდებოდა ჩემი პუბლიკაციების არქივის გამოყენება სამუშაოდ. ამკარად საჭირო იყო, საწერი მაგიდის უჯრე-

ბში ჩალაგებული 1990-იანი წლების გაზეთების გაყვითლებულ ფურცლებზე დატანილი ტექსტები, რომელთა ორიგინალები კალმისტრით ინერებოდა, ვორდის ფაილებად მექცია და განმეთავსებინა კომპიუტერის კლავიატურით შექმნილი, მათი უფრო თანამედროვე „თანამომძეების“ გვერდით.

ამ პროცესში, ჩემდა სამწუხაროდ, აღმოვაჩინე, რომ ბევრი წერილი, რომელიც თავის დროზე დადებითად მუშაობდა ჩემი იმიჯის ჩამოყალიბებაზე, დღეს სერიოზულ კონფლიქტს მიქმნიდა ჩემივე გემოვნებასთან. ამის პარალელურად ჩემმა შვილმა დაიწყო ამ სტატიების გაცნობა, რომ იქნებ რამენაირად გაეგო, როგორ შეიძლებოდა ყოფილიყო მათი ავტორი. რალაცის, თუნდაც ისეთი მშვენიერი მოვლენის ექსპერტი, როგორიც როკია. ამასთან დაკავშირებით, რინგო სტარი გავიხსენე.

რინგოს ძალიან აღიზიანებდა ის, რომ, მისგან, 22 წლის ბიჭისგან, აინტერესებდათ მოესმინათ პასუხები ზოგადსაკაცობრიო პრობლემების, ბედნიერებასა და აბსოლუტური ჭეშმარიტების, მონარქიის არსისა და ქვეყნის პოლიტიკური მონყობის შესახებ. „ამ დროს შენ გაუნათლებელი





ხარ, არაფერი არ იცი; ერთადერთი, ჯობებს სხვებზე ოდნავ უკეთ ურტყამ დოლებს“, ამბობდა ბრძენი რინგო. ის გაუნათლებელი იყო, სანამ „ბითლზს“ შეუერთებოდა და გაუნათლებელი დარჩა „ბითლზის“ შემდეგაც. უბრალოდ, ცხოვრებაა უდიდესი განათლება.

ალბათ უკვე მიხვდით, რას უნდა ელოდოთ ამ გაურკვეველი ჟანრის ნაწარმოებიდან, რომლის პუბლიკაციას ამ ნომრიდან და შემდგომი გაგრძელებებით იწყებს „ცხელი შოკოლადი“. თუ ვერ მიხვდით, კიდევ ერთ ამბავს გავიხსენებ. ერთხელ, ახალგაზრდა ჟურნალისტი, რომელმაც აღმოაჩინა, რომ განათლებით (დიპლომით) ფიზიკოსი ვარ, გაცდა – კი მაგრამ ფიზიკის ფაკულტეტი

მისაჯალი

ალბათ ხშირად გაგიგიათ, როცა ვინმეს უნატრია, ნეტავ ამა და ამ ეპოქაში მეცხოვრაო, ან ცოტა ადრე (ან გვიან) დავბადებულიყავიო. ამ მხრივ, ვთვლი, რომ დასაჩვიელი არაფერი მაქვს. ძირითადად იმიტომ, რომ ჩემი ბავშვობა, საბედნიეროდ, „ბითლზის“ ეპოქას დაემთხვა. ეს კი იმას ნიშნავდა, რომ გინდოდა თუ არა, „ბითლზი“ აუცილებლად შემოიჭრებოდა შენს ცნობიერებაში.

იმაზე ლაპარაკი, თუ რა გავლენა მოახდინა ამ ჯგუფმა მეოცე საუკუნის მეორე ნახევრის პოპულარული მუსიკის და საერთოდ, ცნობიერების განვითარებაზე, შორს წაგვიყვანს. დანამდვილებით მხოლოდ ამის თქმა შემიძლია: რომ არა „ბითლზი“, ეს

თრებით, უცნაურმა ვარცხნილობა მიიპყრო ჩემი ყურადღება.

მალე ასეთი ფოტოები უფრო მომრავლდნენ ჩემს ირგვლივ. კარგად მახსოვს, როგორ ყიდიდნენ უცხოური ჟურნალებიდან გადაღებულ „ბითლზის“ შავ-თეთრ ფოტოებს 10 კაპიკად სკოლებთან მოდარაჯე ძიები. ასეთი უხარისხო არაფერი გენახოთ. მაგრამ თავისი საქმე გააკეთეს: ეს ოთხი სახე მკაფიოდ ჩაიბეჭდა მთელი თაობის მეხსიერებაში. ჩაიბეჭდა ძალიან დიდხანს – დღემდე.

მათი ფერადი გამოსახულების ნახვა იმ პერიოდში მხოლოდ დისკებზე თუ შეიძლებოდა. ამ დისკების ნახვა კი ჩვენთან ძალიან ჭირდა. თუ არ ვცდები, პირველად მათი ფერადი ფოტო ფრანგი კომუნისტების

კარგად მახსოვს, როგორ ყიდიდნენ უცხოური ჟურნალებიდან გადაღებულ „ბითლზის“ შავ-თეთრ ფოტოებს 10 კაპიკად სკოლებთან მოდარაჯე ძიები. ასეთი უხარისხო არაფერი გენახოთ. მაგრამ თაობის საქმე გააკეთეს: ეს ოთხი სახე მკაფიოდ ჩაიბეჭდა მთელი თაობის მეხსიერებაში. ჩაიბეჭდა ძალიან დიდხანს – დღემდე.

ზე რაღას აკეთებდით. ჟურნალისტს კი ვუპასუხებ – რასაც ნიკოლსონი „კუკუშკაში-თქო“, მაგრამ დავფიქრდი – მართლა რამ განაპირობა ჩემი მედიაში მოსვლა და მასში სტაბილურად ყოფნა იმ საინტერესო პერიოდში, რომელსაც დამოუკიდებელი საქართველოს სახელმწიფოებრიობის შენება ჰქვია.

ისე კი რინგო ტყუილად არ გამახსენდა, რადგან ეს ყველაფერი მუსიკის ბრალია; უფრო სწორედ – როკის.

მაგრამ მე რა საქმე მქონდა ყველაფერ ამასთან? ფაქტობრივად, არაფერი. იმიტომ, რომ ჩემნაირი, ანუ ისეთი, ვისაც გარკვეულ ასაკში გარშემომყოფებზე ცოტათი მეტად აინტერესებდა პოპულარული მუსიკა, ძალიან ბევრი იყო მსოფლიოში. მე ვიყავი უბრალო მსმენელი. ნუ, კარგი, ვთქვათ, უბრალოზე ოდნავ მეტად ინფორმირებული და მეტი არაფერი.

და ეს ყველაფერი „ბითლზიდან“ და ამ ოდნავ მეტიდან დაიწყო.

ტექსტი დიდი ალბათობით არ იარსებებდა.

ახლა ნამდვილად ვერ გეტყვით პირველად როდის გავიგე ამ ჯგუფის არსებობის შესახებ, ან რა სიმღერა მოვისმინე. მახსოვს მხოლოდ მასთან დაკავშირებული უაზრო ეპიზოდები.

კომუნისტების ხანაში არსებობდა ყოველკვირეული გაზეთი Неделя – იმდროინდელ საბჭოთა პრესაში ალბათ ყველაზე პროგრესული მოვლენა იყო. ერთხელ, ჯერ კიდევ მაშინ, როცა რუსულად კითხვა წესიერად არც შემეძლო, იმ გაზეთში უცნაური ბიჭების ფოტომ მიიპყრო ჩემი ყურადღება. გაზეთის ბოლო გვერდზე, უცხოური მოზაიკა, თუ რაღაც მსგავსი ტუტუცობები რომ იბეჭდებოდა, იქ იყო. პატარა ფოტო და სამ-ოთხხაზიანი მიწაწერი. თავს ვაძიულე და ნავიკითხე: დაახლოებით ის გავიგე, რომ ეს ოთხი ბიჭი ლივერპულელები იყვნენ და რაღაც კავშირი ჰქონდათ ხოჭოებთან და მუსიკასთან. განსაკუ-

შურნალ „იუმანიტეში“ ვნახე. მაშინ კაპიტალისტური ქვეყნების კომუნისტური გამოცემები „სლიუზპეჩატის“ ჯიხურებში იყიდებოდა. ეს ნომერი ერთმა ბიჭმა გვაჩვენა. თან გვითხრა, სადაც ვიყიდე, იქ მეტი აღარ ჰქონდათო. ორიოდ ადგილას გვეგულებოდა და გავიქეცივით საყიდლად, მაგრამ ყველგან გაყიდული დაგვხვდა. ერთ კიოსკში მოხუცმა გამყიდველმა კაცმა გვკითხა, დღეს ყველა რამ გადაგრიათო: „ძლივს ვასაღებ ხოლმე, დღეს კი მოდიან ბიჭები და სულ მაგას ყიდულობენ. სულ ფურცელ-ფურცელ დავათვალიერე – მეთქი პორნოგრაფია იქნება, რამე ტიტველი ქალები, მაგრამ შენც არ მომიკვდე. ვერაფერი გავიგე“.

მაგრამ, ალბათ „ბითლზით“ ყველაზე მეტად მაინც უფროსი თაობის, „ავტორიტეტების“ გამო დავინტერესდი. ერთხელ სკოლის მეგობარმა, რომელიც როგორც დღეს იტყოდნენ, ნამდვილად არასდროს არ გამოირ-

ჩეოდა ლიბერალული ღირებულებებისადმი თავყვანისცემით, ზომიერად ნაფიქრად მოუშვა თმა. ვერ ვიტყვი, რომ უხდებოდა, მაგრამ ორიგინალური ნამდვილად იყო. ეხლა ეს მოდაშია, ყველაზე მაგარი ანსამბლი რომ არის, „ბითლზი“, მისი წევრები ასე ატარებენო. „ბითლზს“ მაშინ ფაქტობრივად, მხოლოდ ფოტოებით ვიცნობდი და ისიც არ ვიცოდი, რომ აუცილებლად უნდა მომწონებოდა.

მის უფროს ძმას სახლში უშველებელი „ბაბინებანი“ მაგნიტოფონი ჰქონდა, რომლებზეც „ბითლზის“ ჩანაწერებს აკეთებდა. ერთხელაც გაკვეთილების შემდეგ მასთან შევიარეთ. ალბათ ეს იყო ჩემი პირველი „ოფიციალური“ შეხვედრა ამ ანსამბლთან. არ ვიცი, კარგია თუ ცუდი, მაგრამ ეს არ იყო ის შეხვედრა, რომელზეც ტრაფარეტულად იტყვიან ხოლმე: „და იმ ნუთიდან ჩემი ცხოვრება რადიკალურად შეიცვალა“, ან „მაშინ მივხვდი, რომ აქამდე ტყუილად მიცხოვრია“ და სხვა კლასიკური სისულელები. მსგავსი არაფერი ყოფილა.

ძმამ მაგნიტოფონი ჩაგვირთო, თან ფოტოებს გვაჩვენებდა. უბრალო შავ-თეთრი ფოტოები იყო, მაგრამ მაშინ მათ უფრო დიდი შთაბეჭდილება მოახდინეს, ვიდრე მუსიკამ. ის ფოტოები დღესაც მახსოვს. მაშინ წარმოადგენა არ მქონდა, მაგრამ მოგვიანებით მივხვდი, რომ 1967-1968 წლებში იყო გადაღებული. ეს იყო სერჟანტ პეპერის, **Magical Mystery Tour**-, **mahariS**-ის პერიოდი. ამ ფოტოებზე ასახული სამყარო რადიკალურად განსხვავდებოდა ჩვენი რეალობისგან. მანამდე ნანახ ფოტოებზე, ანუ მათზე, რომლებსაც სკოლების წინ ყიდდნენ, „ბითლზის“ წევრები უბრალოდ პოზირებდნენ. ეს იყო კოსტიუმებში გამოწყობილი ბიჭების სალონური ფოტოები.

მეგობრის ძმის ფოტოებზე კი აბსოლუტურად სხვა სამყარო აღმოვაჩინე: მარტო **Sgt. Pepper's**-ის ყდა რად ღირდა: პოპ-არტის ფანტასტიკური შედეგები! ე.წ. „მეჯიქალის“ ფოტოებს სულ სხვა გარემოში გადავყავდით: ბრიტანული აბსურ-

დი, ავღანური ქურთუკები, როიალი მდელიზე და სხვა არაორდინარული სიტუაციები. ასევე, თავისი ხიბლი ჰქონდა ინდოეთში, მაჰარიშისთან მედიტაციაზე გადაღებულ ფოტოებს: იოგებივით ფეხმორთხმული, თეთრ ინდურ სამოსში გამოწყობილი, ყვავილებით მორთული, გრძელთმიანი ახალგაზრდა კაცები, მეგობარ ქალბთან ერთად.

რალაცეები ტელევიზორთან დაკავშირებითაც მახსოვს.

ცენტრალურ ტელევიზიას ჰქონდა გადაცემა „ობიექტივშია ამერიკა“ და ანალოგიური პროგრამა დიდი ბრიტანეთის შესახებ. ჩემთვის საინტერესო ის იყო, რომ ამ გადაცემების მუსიკალურ ქუდებს შესაბამისად წარმოადგენდნენ სიმღერები – „ბითლზის“ **Can't Buy Me Love** და საიმონის და გარფანკელის **Sounds Of Silence**. მაშინ ამაზე არ მიფიქრია, მაგრამ მოგვიანებით სულ მიკვირდა, რატომ შეარჩიეს პროგრამების ავტორებმა ამერიკის შესახებ გადაცემისთვის ბრიტანული ჯგუფის სიმღერა, ხოლო ბრიტანეთისთვის – ამერიკული.

საქართველოს ტელევიზიასაც ჰქონდა ერთი გადაცემა, რომელიც ჩემთვის ისევ „ბითლზთან“ არის დაკავშირებული. ჩვეულებრივი, იდიოტური სახელი ერქვა - „მუსიკა თქვენი თხოვნით“. ვუყურებდი ხოლმე, რადგან სულ იმედი მქონდა, რომ ოდესმე ისეთ რამეს მოითხოვდნენ, რაც მეც დამაინტერესებდა. ჰოდა, ერთხელაც გამოაცხადეს, ამის და ამის თხოვნით გათავაზობთ „ბითლზის“ **This Boy**-სო. ცხადია, ეს სასიამოვნო სიურპრიზი იყო, მაგრამ სიხარული სანახევრო გამოდგა. საქმე ის არის, რომ ცოცხალი გამოსახულების ნაცვლად სიმღერას ფონად ედო „ბითლზის“ ფოტო.

კიდევ უამრავი რამის გახსენება შეიძლება ამ ჯგუფთან დაკავშირებით, მაგრამ უმჯობესია ყველაფერს ქრონოლოგიურად მივყვეთ.

1960-იანები

ალბათ 6-7 წლის ვიქნებოდი, როცა მუსიკას პირველად მივაქციე ყურადღება. რა მუსიკალური გარემო

მერტყა მაშინ? სახლში მუსიკის რა მდენიმე წყარო მქონდა: ძველი, დამტვერილი გრამოფონის ფირფიტები (გრამოფონის გარეშე), რადიო, ტელევიზორი და „ბეკერის“ როიალი, რომელსაც ჩემი და იძულებით აწვალდებდა. ამ ჩამონათვალთან განსაკუთრებით არაფერი მიზიდავდა. მაგრამ, ალბათ მაინც ტელევიზორი იყო პირველი, რამაც მუსიკით დამაინტერესა. თუმცა ეს მისი პირდაპირი დანიშნულებით არ მომხდარა.

საქმე ის არის, რომ 1960-იან წლებში საქართველოს ტელევიზია საღამოს მაუწყებლობას ექვს საათზე იწყებდა. გადაცემების დაწყებამდე ნახევარი საათით ადრე ეკრანზე ჩნდებოდა დასარგებელი ბადე, რომელსაც ფონად უცხოური სიმღერები დაჰყვებოდა. ცხადია, დიდი არაფერი სიმღერები იყო. ძალიან მიკვირს, მაგრამ ზოგიერთი მომღერლის სახელი ეხლაც მახსოვს. მარინო მარინი, ჯორჯე მარინოვიჩი, რადმილა კარაკლაიჩი, ლილი ივანოვა, კარელ გოტი, იოვანა, რაფაელი, მიჩელი, რობერტინო ლორეტი... ეს იყო ჩემი პირველი შეხება უცხოურ პოპ-მუსიკასთან. სამწუხაროდ, არცთუ წარმატებული. ცხადია, ამ მუსიკოსებმა კარგად იცოდნენ თავიანთი საქმე, პროფესიონალები იყვნენ, ზოგიერთი ვარსკვლავიც კი (მაგალითად იტალიელი ვოკალური ვუნდერკინდი რობერტინო), მაგრამ მაშინვე ვგრძნობდი, რომ ეს იყო ერთგვარად მეორე პლანი, რომ სადღაც იყო უფრო მხიარული, უფრო ნამდვილი მუსიკა. ეს „სხვანაირი“ პირველ რიგში ამერიკა იყო, ინგლისი და დასავლეთ ევროპა. „ჩემი ბავშვობის“ მუსიკოსები კი ხმელთაშუა ზღვის ევროპას (ესპანეთს, იტალიას და საბერძნეთს) და სოციალისტურ ქვეყნებს (იუგოსლავია, ბულგარეთი, ჩეხოსლოვაკია) წარმოადგენდნენ.

ამ მომღერლებიდან ზოგიერთი არაერთხელ ჩამოსულა თბილისში და კონცერტებზე მრავალრიცხოვანი აუდიტორია შეუკრებია. ამ სიაში შეგნებულად არ შევიყვანე პერუელი მომღერალი იმა სუმაკი, რომელსაც თურმე უნიკალური ვოკალური მო-



ნაცემები ჰქონია, რაც საშუალებას აძლევდა, ერთგვარად, ორი ხმით ემღერა. ამის შესახებ მოგვიანებით მომიყვა დედაჩემმა, როცა თავისი უჯრის დალაგებისას, სხვა ანალოგიურ ფურცლებთან ერთად, მისი კონცერტის პროგრამა (დღეს რომ ფლაერს ვეძახით) იპოვა. სამწუხაროდ, არც ერთი ფურცელი იმ უჯრიდან არ შემინახავს. იმა სუმაკის შესახებ კი კარგა ხნის შემდეგ შემახსენა ქართული როკის პატრიარქმა, ბაჩი ქიტიაშვილმა. მისი სიტყვებით, ნამდვილი ნ-სიმიანი გიტარა პირველად 14 წლის ასაკში ნახა, 1960 წელს, იმა სუმაკის კონცერტზე.

თბილისში ჩამოსულ გასტროლიორებზე იმ პეროდში ისევე ვრცელდებოდა ლეგენდები, როგორც მო-

გამოჩნდა, ამერიკელი მომღერალი დინ რიდი იყო. მის ანგაჟირებას საბჭოთა კავშირში უფრო პოლიტიკური მოტივები ედო საფუძვლად, ვიდრე მუსიკალური: ანტიამერიკული აქტიურობის გამო, მას სამშობლოში აღარ დაედგომებოდა. ხან ჩილეში სახალხოდ რეცხავდა ამერიკის დროშას, ხან გერმანიის დემოკრატიულ რესპუბლიკაში იღებდნენ ვესტერნებში და ხან საპროტესტო მარშებში მონაწილეობდა.

თვითონ ტელევიზიის მუსიკალური პროგრამები მაშინ ძირითადად კლასიკური და ხალხური მუსიკით და საბჭოთა და ქართული ესტრადით შემოიფარგლებოდა. არააქაურებიდან რატომღაც ყველაზე უკეთ მახსოვს აზერბაიჯანული ვოკალური

გარემოს სხვა კომპონენტების შესახებ.

ერთ უაზრო კარადაში გრამოფონის ორმოციოდე ფირფიტა იღო – ძირითად, რუსული რომანსები და საოპერო არიები. ორი მათგანის გარდა, ყველა საბჭოთა კავშირში იყო დამზადებული. იმ ორს კი ცნობილი ამერიკული ფირმის „ქოლაბიას“ ემბლემა ამშვენებდა. მიუხედავად იმისა, რომ ორივე ქვეყნის ფირფიტები დაახლოებით ერთ პერიოდში იყო დამზადებული, ისინი გარეგნულად ძალიან განსხვავდებოდნენ ერთმანეთისგან. უპირატესობა აშკარად ამერიკელების მხარეს იყო: მასალა, რისგანაც ფირფიტა იყო დამზადებული უფრო რბილი და დრეკადი იყო, ვიდრე საბჭოთა; ლარები, რომელშიც

რა მუსიკალური გარემო მერტყა მაშინ? სახლში მუსიკის რამდენიმე წყარო იქონდა: ძველი, დამძვარილი გრამოფონის ფირფიტები (გრამოფონის გარეშე), რადიო, ტელევიზორი და „ბეკერის“ როიალი, რომელსაც ჩემი და იძულებით აწვალავდა.

გვიანებით რეალურ ვარსკვლავებზე. მაგალითად, მარიანოვიჩი თურმე ნარკომანი იყო. ვეჭვობ, ამ ინფორმაციას ჩემთვის რაიმე ღირსებით შეემკო მომღერალი, მაგრამ იმას კი აშკარად ვგრძნობდი, რომ მარიანოვიჩი ნამდვილი მუსიკისგან შორს იყო. ამ ჭორების საფუძველი საბჭოთა ბავშვების აულაგმავი და იმავდროულად შეზღუდული ფანტაზია იყო, რასაც მათი სტერეოტიპული აზროვნება და მარიანოვიჩის სცენური იმიჯი ასაზრდოებდა: ის კონცერტის დროს პიჯაკს იხდიდა და სცენაზეც კი წამოწვებოდა! რაც შეეხება ლილი ივანოვას, ძალიან მომწონდა მისი ერთი სიმღერა. მაგრამ როცა გავიზარდე, აღმოვაჩინე, რომ ეს იყო „ბითლზის“ Night Before, რომელსაც ივანოვა ბულგარულად ასრულებდა.

ნამდვილად ღირებული დასავლური პროდუქცია ოფიციალური წყაროებით თითქმის არ ვრცელდებოდა. ერთ-ერთი პირველი, ვინც ტელეეკრანებზე და ფირფიტებზე

კვარტეტი „გაია“ და მათივე მომავალი კულტურის მინისტრი ფოლად ბუღბულ-ოღლი. რუსებიდან ჩემს მეხსიერებას იოსიფ კობზონი, ედუარდ ჰილი და ისევ აზერბაიჯანული წარმოშობის მუსლიმ მაგომაევი შემორჩნენ. მოგვიანებით ლევ ლემჩენკო გამოჩნდა. ხშირად აჩვენებდნენ ჩეხოსლოვაკელ მომღერალს, კარელ გოტს. ქართველებიდან ყველაზე კარგად მახსოვს მომღერლები – ლილი გეგელია, გიული ჩოხელი და სულიკო კოროშინაძე, და ე.წ. ვოკალურ-ინსტრუმენტული ანსამბლები – „დიელო“ და „ორერა“. მაშინ, ცხადია, ამას ვერ ვაცნობიერებდი, მაგრამ დღეს ვთვლი, რომ გიული ჩოხელის დონის ვარსკვლავი საქართველოს პოპულარულ მუსიკას არ ჰყოლია. „ორერა“ და „დიელო“ თავიდანვე პოპულარულები იყვნენ, თუმცა „ორერამ“ პოპულარობის პიკს მოგვიანებით მიაღწია. ამ ჯგუფებს ქვევით ისევ შევხვდებით, ახლა კი ჩემი იმდროინდელი მუსიკალური

გრამოფონის ნემსს უნდა ემოძრავა – უფრო ვიწრო და დაბალკედლიანი; აღარაფერს ვიტყვი ფირფიტის ცენტრში დაკრული საინფორმაციო ეტიკეტის გაფორმებაზე: ისინი ისევე განსხვავდებოდნენ ერთმანეთისგან, როგორც გახუნებული, ნაცრისფერი საბჭოთა კავშირი, ნათელი, მრავალფეროვანი ამერიკისგან. მოკლედ, ამ მიმართულებით თავიდანვე პროდასავლური განწყობა ჩამომიყალიბდა. ახლა ეს ფირფიტები სად არის, არ ვიცი. დანამდვილებით მხოლოდ იმის თქმა შემიძლია, რომ რამდენიმე მათგანი ეზოში ჩავიტანე და მეზობელ ბავშვებთან ერთად მათ საფრენ თვისებებს ვამონებდი. ისინი მშვენივრად დაფრინავდნენ, მაგრამ ასფალტთან შეხებისას ასევე მშვენივრად იმსხვრეოდნენ. დღეს, რა თქმა უნდა, ძალიან ვნანობ ჩემს მაშინდელ საქციელს და მიუხედავად იმისა, რომ სახლი სავსე მაქვს მუსიკალური ინფორმაციის თანამედროვე მატარებლებით, ჩემი კოლექციის რეალურ



სიამაყეს წარმოადგენს გრამოფონის ფირფიტების უშუალო შთამომავალი – ვინილის ფირფიტები.

მუსიკის კიდევ ერთი წყარო ჩვენს ოჯახში მაშინ ქსელის რადიო იყო: ერთობ საყვარელი, რალაცნაირად მოკუსული ნივთი; მოფერება რომ მოგინდებოდა, ისეთი. ეხლა რომ ეგეთი ფორმის რადიო გამოუშვან, ნამდვილად შევიძენდი, თუნდაც დეკორატიული თვალსაზრისით. კედელზე ეკიდა, როიალის თავზე. ავძვრებოდი როიალზე, ჩართვის ღილაკს გადავატრიალებდი და ხმას რომ ამოიღებდა, ხელს ვუსვამდი ხოლმე. მიუხედავად იმისა, რომ ასეთი სითბოთი ვიხსენებ, იქიდან მოსმენილი სიმღერა არ მახსოვს. უფრო ქართულ ხალხურ მუსიკას გადმოს-

„ბეკერი“. ერთია, რომ ის მიყვარდა მაშინ, როცა მტვრისგან გასანმენდად თავსახურს ახდიდნენ. შიგნით ძალიან ბევრი საინტერესო დეტალი იყო. განსაკუთრებით სიმებზე ხელის გადასმა მიზიდავდა. კიდევ მომწონდა ნოტების დასაღები. ერთხელაც მშობლებმა გადანყვიტეს ჩემი მუსიკაზე შეყვანა, მაგრამ ისეთ სასტიკ წინააღმდეგობას ნააწყდნენ ჩემგან, რომ განზრახვაზე ხელი აიღეს. ვერ გეტყვით, ჩემი და უფრო დამყოლი აღმოჩნდა, თუ მუსიკა ჩემზე მეტად უყვარდა, მაგრამ მან დაიწყო ფორტეპიანოს ათვისება. განსაკუთრებით „სასიამოვნო“ მოსასმენი იყო, როცა გამებში ვარჯიშობდა. ეს კომპარი შვიდი წელი გაგრძელდა. ყველაფრის მიუხედავად, რალაც პერიოდში მეც

მოსმენა მეტ-ნაკლებად სურდებოდა. ჰოდა, მოულოდნელად გაისმა ჩემი ჩეკერის ცნობილი ტვისტი **Let's Twist Again**. ცხადია, იმ დროს არც სიმღერის სახელი ვიცოდი და არც მისი შემსრულებლის (დარწმუნებული ვარ, არც უფროსმა მეგობრებმა იცოდნენ). ეფექტი სრული იყო. სიმღერა ძალიან მომეწონა, მაგრამ ორნახევარი წუთი, რამდენ ხანსაც ის გრძელდებოდა, აშკარად ძალიან ცოტა იყო მისგან სრული სიამოვნების მისაღებად, ამიტომ გულუბრყვილო მიაშიტობით განვაცხადე, კიდევ მინდა-მეთქი.

პატარა ვიყავი, მაგრამ არც იმდენად, რომ არ მცოდნოდა – თუ რამის მეორედ ან რამდენჯერმე მოსმენა გინდოდა, მაგნიტოფონი ან ფირსაკრავი და ცხადია, შესაბამისი ჩა-

მუსიკის კიდევ ერთი წყარო ჩვენს ოჯახში მაშინ ქსელის რადიო იყო: ერთობ საყვარელი, რალაცნაირად მოკუსული ნივთი; მოფერება რომ მოგინდებოდა, ისეთი. ეხლა რომ ეგეთი ფორმის რადიო გამოუშვან, ნამდვილად შევიძენდი, თუნდაც დეკორატიული თვალსაზრისით.

ცემდნენ და კიდევ რადიოდადგმები მახსოვს. ემოციურად ყველაზე დიდი შთაბეჭდილება ზუსტი დროის სიგნალებმა დამიტოვეს, რომელთა ყრუ ხმას დიქტორის სიტყვები მოჰყვებოდა: „თბილისის დროით საღამოს 5 საათია, მოისმინეთ...“. და სევდიანი ხმით კითხულობდნენ ახალ ამბებს. ამ ამბებს, რა თქმა უნდა, არ ვუსმენდი; მეც ძალიან სევდიანი ვიყავი ხოლმე, მაგრამ ვიცოდი, რომ ამ სიგნალების გაგონებიდან დაახლოებით ერთ საათში მშობლები უნდა დაბრუნებულიყვნენ სამსახურებიდან. იმ დროისთვის სულ ეს იყო, მაგრამ მოგვიანებით ამ რადიომაც თავისი როლი ითამაშა ჩემს ჩამოყალიბებაში, ამიტომ ქვევით მას ისევ შევხვდებით.

რაც არ უნდა უცნაურად ჟღერდეს, ერთადერთი, რაც მართლა მაღიზიანებდა, ჩვენი მშვენიერი, მაგრამ თითქმის მუდმივად აუწყობელი როიალი იყო (და ჯერ კიდევ არის) –

მივეპარე როიალის კლავიატურას. თუმცა ეს მოგვიანებით მოხდა, როცა ცვადა რომელიღაცა პოპულარული სიმღერის მელოდიის აწყობა ცალი თითით. აქედან რაც გამოვიდა, არავისთვის არ არის საინტერესო, მაგრამ მაშინ კი ნამდვილად შემშურდა ჩემი დის.

ახლა ძნელი სათქმელია, კონკრეტულად იმ პერიოდმა რა გავლენა მოახდინა ჩემზე, მაგრამ ერთი რამ ცხადია, – საქართველოში რალაც ღირებული მაინც აღწევდა დასავლეთიდან. სხვანაირად ვერაფრით ავხსნი იმ დიდ ზეგავლენას, რომელიც დასავლურმა პოპ-მუსიკამ ბავშვობაში მოახდინა ჩემზე.

ერთ ზაფხულს კიკეთში ვისვენებდით და ჩემზე 10-12 წლით უფროს რამდენიმე ბიჭთან ერთად ფიჭვნარში ტრანზისტორ „სპიდოლას“ ვუსმენდი. მაშინ დასავლურ სადგურებს გულმოდგინედ ახშობდნენ, მაგრამ იყო ორიოდე სადგური, რომელთა

ნაწერი უნდა გქონოდა. მაშინ არც ერთი არ მქონდა. თუმცა სწორედ მაშინ გავაცნობიერე მათი საჭიროება.

არც ბავშვობაში და არც მოგვიანებით მაგნიტოფონები რატომღაც არ მიყვარდა. ვთვლიდი, რომ ჩანანერების კეთებას ფირფიტებიდან და, მით უმეტეს, სხვა ჩანანერებიდან, უმჯობესია ფირფიტები გქონოდა. თავიდან მხოლოდ ე.წ. „ბაბინებიანი“ მაგნიტოფონები არსებობდა. რალაც დიდები და უშნოები იყო. მაგნიტოფონები ზოგჯერ მაგნიტოლების ერთ-ერთი შემადგენელი ნაწილი იყო ხოლმე, ისევე, როგორც ფირსაკრავები – რადიოლების. არც ასეთი კომბინირებული მონაცემილობები მომწონდა. ისინი თბილისის უამრავ ოჯახში ჰქონდათ, ჩვენ კი იმ პერიოდში არ გვქონდა. თუმცა...

(გაგრძელება შემდეგ ნომერში)



კოენზიმ Q10

ახალგაზრდობის ელემსირი



გარეგნული და შინაგანი სილამაგე და ახალგაზრდობა

რომ გამოვიყურებოდეთ მომხიბვლელად, საკმარისი არ არის მხოლოდ გარეგნული მოვლა. მნიშვნელოვანია ის, თუ რით ვიკვებებით.

ყველასთვის ცნობილი ფრაზაა, „რით უნდა ვიკვებოთ რომ კარგად გამოვიყურებოდეთ? “ვიტამინების და მინერალების დეფიციტმა შეიძლება გამოიწვიოს ისეთი უსიმოვნო მდგომარეობები, როგორცაა დაღლილობა, აგზნებადობა, კანის მდგომარეობის გაუარესება და ა.შ. განსაკუთრებით ეს უნდა გვახსოვდეს გაზაფხულზე, როცა ორგანიზმი დასუსტებული და გამოფიტულია.

სილამაგისთვის მნიშვნელოვანია 8 აუცილებელი კომპონენტი:

კალციუმი ■ ომეგა-3 ის ცხიმოვანი მჟავები ■ ფოლიუმის მჟავა ■

B ჯგუფის ვიტამინები ■ **კოენზიმ Q10**; ■ D ვიტამინი ■ ლუთენი ■ E ვიტამინი.

კოენზიმ Q10 (უბიქინონი) ცოცხალი ორგანიზმის ყველა უჯრედში შემავალი მძლავრი ბიოლოგიური ანტიოქსიდანტია, რომლის გარეშეც წარმოუდგენელია ორგანოების ფუნქციონირება და სიცოცხლისუნარიანობა. მონაწილეობს ატფ-ის სინთეზში და ენერჯის ძირითადი წყაროა ადამიანის ორგანიზმში. დადგენილია, რომ 25-30 წლიდან კოენზიმ Q10 ორგანიზმში ასაკის მატებასთან ერთად იკლებს და ვითარდება მისი დეფიციტი, რაც შემდგომ დაკავშირებულია მრავალ პათოლოგიასთან და დაბერების პროცესებთან: ნაოჭები, ჭალარა, თმის ცვენა...

კოენზიმ Q10 აუცილებელია ყველა ჯანმრთელი ადამიანისათვის.

მისი გამოყენება იწვევს:

- ფიზიკური და ენერგეტიკული ტონუსის ამაღლებას,
- ნივთიერებათა ცვლის, იმუნური სისტემის გაძლიერებას,
- ნაადრევი სიბერის პრევენციას.

თანამგზავები

ავტორი ჯულიან ბარსი
ინგლისურიდან თარგმნა ირმა თაველიძემ
ფოტო ნიკო ტარიელაშვილი



ბავშვობაში, სლოკინი რომ ამიტყდებოდა, დედაჩემი უკანა კარის გასაღებს გამოიტანდა, კისერთან საყელოს გადამიწვედა და ცივი ლითონის ნივთს ზურგზე ჩამისრიალებდა ხოლმე. მაშინ ეს ჩვეულებრივი სამედიცინო პროცედურა მეგონა, რომლის შესრულება დედებსაც შეეძლოთ. მხოლოდ კარგა ხნის შემდეგ დაფიქრდი იმაზე, სლოკინის შეწყვეტას, უბრალოდ, ყურადღების გადატანა ხომ არ იწვევდა. ალბათ მედიცინის ენაზე ამას სხვა ახსნაც მოეძებნებოდა – ერთი შეგრძნება ხომ უშუალოდ ზემოქმედებს მეორე შეგრძნებაზე.

ოცი წლისა უიმედოდ ვიყავი შეყვარებული ერთ გათხოვილ ქალზე, რომელსაც წარმოდგენაც არ ჰქონდა,

როგორ მიყვარდა და რა სურვილები მწვავდა. აი, სწორედ ამ დროს კანზე რაღაც დამემართა – რაღაც სენი შემიყარა, რომლის სახელიც აღარ მახსოვს. მაჯებიდან კოჭებამდე ტანი ერთიანად ამინითლდა. პირველ დღეებში ქავილს კალამინიანი ლოსიონიც ვერ მიქრობდა, მერე კანი ნელ-ნელა ამექერცლა, ბოლოს კი ერთიანად გადამძვრა და ტრანსფორმაციის პროცესში მყოფი ქვენარმავალივით ტყავი გამოვიცვალე. სად აღარ ეყარა ჩემი წვრილ-წვრილი ნაფლეუები: ჩემსავე პერანგებსა თუ შარვლებზე, სანოლის თეთრეულზე, ხალიჩაზე. მხოლოდ სახე არ მენვოდა და არ მექავებოდა და კიდევ – ხელის მტევნები, ტერფები და საზარდული. ექიმისთვის არ მიკითხა-

ვს, რა უნდა ყოფილიყო ამის მიზეზი და არც იმ ქალისთვის ამიხსნია სიყვარული.

როცა ცოლს გავშორდი, ჩემმა ექიმმა მეგობარმა, ბენმა მთხოვა, ერთი, შენი ხელები მაჩვენეო. ვკითხე, თანამედროვე მედიცინა ისევ ქირომანტიასა და წურბელებით მკურნალობას ხომ არ დაუბრუნდა-მეთქი და ისიც დავამატე, თუ ასეა, მაშინ ასტროლოგია, ჰუმორალიზმი და მაგნეტიზმის თეორია კარგა შორს ჩამოუტოვებია-მეთქი. მან კი მიპასუხა, შენი ხელის მტევნებისა და თითის წვერების ფერი იმაზე მეტყველებს, რომ ძალიან ბევრს სვამო.

ცოტა ხნის შემდეგ დავეჭვდი: იმიტომ ხომ არ მომატყუა, რომ ნაკლები დამელია. ვკითხე, მაშინ იხუმრე

თუ უბრალოდ, მიხვდი-მეთქი. ხელის მტევნები ამომიბრუნა, ხელისგულებზე დამხედა და კმაყოფილების ნიშნად, თავი დაიქინა. მითხრა: გადავხედავ ერთი, გასათხოვარ ქალ ექიმებს შორის ვინმე ისეთი ხომ არ არის, ვისაც შენზე გული მიუვა და ძალიან აუტანელიც არ მოეჩვენებო.

ის ქალი სწორედ ბენის წვეულებაზე გავიცანი. დედასთან ერთად იყო მოსული. დაკვირვებისხარტ წვეულებაზე ერთად მოსულ დედებს და ქალიშვილებს? გიცდიათ იმის გარკვევა, ვინ ვისზე ზრუნავს? ქალიშვილი დედას იქაურობას ათვალერებინებს თუ დედა ეძებს იმ კაცებს, რომლებსაც მისი ქალიშვილი გულში ჩაუვარდებთ? იქნებ ასეც არის და ისეც. მაშინაც კი, როდესაც საუკეთესო მეგობრებით იქცევთან, მათ ურთიერთობაში ზედმეტი ფორმალურობა მაინც შეინიშნება. უკმაყოფილებას საერთოდ არ გამოთქვამენ, ან მეტისმეტად ცხადად გამოხატავენ: თვალებს აატრიალებენ, თეატრალურ პოზას მიიღებენ და ამბობენ: „ვერც კი ამჩნევს, აქ თუ ვარ“.

ერთად ვიდევით და ვილაც მეოთხეც იდგა ჩვენ გვერდით – აღარ მახსოვს, ვინ იყო. ის ქალი პირისპირ, დედამისი კი მარცხნივ მედგა. ვცდილობდი, ბუნებრივად მოვქცეულიყავი, ის ვყოფილიყავი, ვინც ვარ და აი, ეს კაცი ყველასთვის მისაღები ყოფილიყო, დიდად სასიამოვნო თანამოსაუბრე თუ ვერ იქნებოდა. იმას ვგულისხმობ, დედის თვალში სასიამოვნო თანამოსაუბრედ თუ ვერ გამოჩნდებოდა. იმდენად გამბედავი არ ვიყავი, რომ ქალის გული ასე პირდაპირ მომეგო, მით უფრო, სხვების თანდასწრებით. არ მახსოვს, რაზე ვსაუბრობდით, მაგრამ საუბარი კი მშვენივრად ავანყვეთ – ალბათ იმ დავინყებულმა მეოთხემ იმარჯვა. ჰოდა, აი, რა მახსოვს: ქალს მარჯვენა მკლავი ჩამოშვებული ჰქონდა და როდესაც დაინახა, რომ შევხედე, ჩუმად მაჩვენა მწველების ფესტი – საჩვენებელი და შუა თითები გამოშლილი და ერთმანეთისგან ოდნავ დაშორებული რომ არის, ცერი და დანარჩენი თითები კი მოღუნული და დამალულია. გავიფიქრე, ექიმი რომ ეწევა, ეს კარგი ნიშანია-მეთქი. საუბრის დროს „მარლ-

ბორო ლაითის“ კოლოფი ამოვიღე და მისთვის არც შემხედავს – ხელი მეც ჩამოშვებული მქონდა და ყველაფერს ისე ვაკეთებდი – ერთი ღერი სიგარეტი ამოვადრე, კოლოფი ისევე ჯიბეში ჩავიდე, ის ღერი ფილტრით დავიჭირე, დედამისის ზურგს უკან გავაცურე და ვიგრძენი, როგორ გამომაცალეს თითებიდან. შევნიშნე, რომ ქალი შეყოვნდა და ხელი ისევე ჯიბეში ჩავიყავი, ახლა ასანთის თხელი კოლოფი ამოვიღე, იმ ბოლოთი დავიჭირე, რომელზე გაკვრითაც ცეცხლი ჩნდება და ისევე ვიგრძენი, როგორ გამომაცალეს თითებიდან. მერე დავინახე, როგორ მოუკიდა, როგორ შეისუნთქა ბოლი, როგორ დახურა ასანთის კოლოფი და დედამისის ზურგს უკან გამოიმინდა. ფრთხილად გამოვართვი – ისევე იმ ბოლოთი, რომლითაც გავუნოდე.

ისიც უნდა ვთქვა, რომ დედამისისთვის ცხადზე ცხადი იყო, რასაც ვაკეთებდით. მას არაფერი უთქვამს, არც ამოუხსრია, არც მკაცრად შემოუხედავს, არც ნარკომოვაცხოებაში ვუშხელებოვარ. ამის გამო მაშინვე მომენონა და გავიფიქრე, რომ ეს ქალი ჩემი და მისი ქალიშვილის თანამზრახველობას ამართლებდა. იქნებ სულაც სტრატეგიული მიზნით, განზრახ შეგვაქცია ზურგი. თუმცა ეს სულ არ მანაღვლებდა, უფრო სწორად, მეგონა, რომ არ მანაღვლებდა და მერჩივნა, უბრალოდ, მისი თანხმობა მიმელო. არა, სულ სხვა რამის თქმა მინდოდა. დედამისი რა შუაში იყო?! მთავარი ის სამი წამი იყო, როდესაც ნივთმა ერთი ადამიანის თითებიდან მეორის თითებში გადაინაცვლა.

იმ საღამოს და მომდევნო კვირებშიც ქალს ამაზე მეტად ვერ მივუახლოვდი. გითამაშიათ ის თამაში, როცა თვალდახუჭულები ან თვალახვეულები ნრეში სხედხართ და მხოლოდ შეხებით უნდა გამოიცნოთ, რა ნივთი გიჭირავთ ხელში? მერე სხვას რომ უნდა გადააწოდოთ ის ნივთი და იმ სხვამაც რომ უნდა გამოიცნოს? ვარაუდებს მანამდე არ ამხელთ, სანამ პასუხს ყველა მოთამაშე არ მოიფიქრებს, ბოლოს კი ყველა ერთად ამბობთ. ბენმა მითხრა, ერთხელ, თამაშის დროს, მოცარელა ჩამოატარეს და სამმა მოთამაშემ თქვა,

ძუძუს იმპლანტანტიაო. შეიძლება ასე სამედიცინო ფაკულტეტის სტუდენტები გეხუმრონ, მაგრამ როცა თვალებს ხუჭავ, რალაცნაირად უფრო დაუცველი ხდები და წარმოსახვაც შავ-ბნელ სურათებს წამოგიშლის – განსაკუთრებით მაშინ, თუ ჩამოტარებული ნივთი რბილი და სლიპინაა. ეს თამაში ბევრჯერ მითამაშია და გამოსაცნობად ყველაზე რთული რამ, რაც ყველას გულს გაუხეთქავდა, გათლილი ჩინური ხილი – ლიჩი იყო.

არ ვიცი, რამდენი წელი გავიდა მას შემდეგ – ათი? თხუთმეტი? – რაც ბრუტალისტურად დადგმული „მეფე ლირი“ ვნახე იმ სცენაზე, რომლის სიღრმეშიც მხოლოდ აგურის კედლები იყო აღმართული. არ მახსოვს, ვინ დადგა ან მთავარ როლს ვინ თამაშობდა, მაგრამ გლოსტერის დაბრმავება კი კარგად მახსოვს. ამ დროს გრაფი, ჩვეულებრივ, ხელებშეკრული და სკამზე დამხობილია ხოლმე. კორნუოლი მსახურებს ეუბნება: „მოდით, დამიჭით“*, მერე კი გლოსტერს მიმართავს: „ჯერ მაგ შენს თვალებს გაგისრესავ ჩემის ფეხითა“. ერთ თვალს ამოსთხრის და უცებ რეგანას შემზარავი სიტყვები ისმის: „მეორეცა და!... თორემ დაშრეტილს თვალს დაუნყებს იგი დაცინვას“. რამდენიმე წუთში ცნობილი რეპლიკის დრო დგება: „გა და გაერთხი დედამინას, მურტალო ლორნო!“ გლოსტერს ფეხზე წამოაყენებენ და ყველა ხედავს, როგორ ჩამოსდის სახეზე რალაც სისხლის მსგავსი.

იმ წარმოდგენაში, მე რომ ვნახე, გლოსტერს თვალებს კულისებში სთხრიან. მახსოვს, როგორ იქნევედა ფეხებს, რომლებიც აგურის ერთ-ერთი კედლის უკნიდან ჰქონდა გამოყოფილი, თუმცა შეიძლება ეს ჩემი წარმოსახვის ნაყოფიც იყოს. მახსოვს გლოსტერის კვილი, რომელიც წარმოუდგენლად თავზარდამცემი იყო იმის გამო, რომ კულისებიდან ისმოდა – ალბათ ის, რასაც ვერ ხედავ, უფრო მეტად გამოინებს, ვიდრე ნანახი. პირველი თვალის ამოთხრის შემდეგ ეს თვალი სცენაზე გადმოადგეს. წარმოსახვით – გონების თვალით – ახლაც ვხედავ, როგორ მოგორავს ის მაცურებლებისკენ და სულ ოდნავ პრიალებს კიდევ. ისევე კვილი

და ახლა მეორე თვალი გადმოადგეს აგურის კედლის უკნიდან.

მიხვდებოდით, ესენი გათლილი ჩინური ლიჩები იყო და სხვა არაფერი. მერე კი, აი, რა მოხდა: ანონილმა და ერთიანად გამხეცებულმა კორნუოლმა სცენაზე გამოალაჯა, ლიჩები მოძებნა და გლოსტერს თვალები მეორედ დაუვსო – სულ ფეხით ჩაუჩქრქვა.

კიდევ ერთი თამაში მასხენდება, რომელსაც მაშინ ვთამაშობდი, დაწყებითი სკოლის ერთი სლოკინა მოსწავლე რომ ვიყავი. დილის შესვენებაზე ავტორალებში მონაწილე ავტომობილების მოდელებს ვაჯიბრებდით ხოლმე ასფალტით დაფარულ მოედანზე. ლითონისგან ჩამოსხმული ოთხღუმიანი მანქანები იყო, წითელი რეზინის საბურავებით, რომლებსაც სულ იოლად მოხსნიდი, თუ თამაშის დროს მანქანის გარაჟში გაჩერება და ნაწილების გამოცვლა მოგინდებოდა. სათამაშოებიც ისეთივე ხასხასა ფერებად იყო შეღებილი, როგორც ავტორალებში მონაწილე იმდროინდელი მარკები: ალისფერი „მასერატი“, მწვანე „ვანუოლი“, ცისფერი... ალბათ რომელიმე ფრანგული მარკა.

მარტივი თამაში იყო: ვისი მანქანაც ყველას გაასწრებდა, მოგებულიც ის იყო. ცერს მოგრძო კაპოტის შუაში აჭერდი და დანარჩენ თითებს ოდნავ ღუნავდი, მერე კი, დათქმულ ნიშანზე, მანქანას ცერით სწრაფად უბიძგებდი ისე, რომ წინ, რალაც მანძილზე გასრიალებულიყო. არსებობდა გარკვეული ტექნიკა, რომლის წყალობითაც მანქანისთვის მაქსიმალური ბიძგის მიცემა შეგეძლო. არსებობდა საფრთხეც, რომ შუა თითის სახსარი, რომელიც მოედნის ასფალტს მხოლოდ ერთი დუიმიით სცდებოდა, მას გაეხახუნებოდა, კანი გადაგეგლიჯებოდა და ავტორალს გამოეთიშებოდი. ნატკენ ადგილას კანი მოგიხმებოდა და ახლა სხვანაირად უნდა დაგეჭირა ხელი, საფრთხეში მეოთხე თითის სახსარი უნდა ჩაგეგდო. თუმცა ასე საჭირო სისწრაფეს ვერ აღწევდი და ამიტომ მალევე უბრუნდებოდი ჩვეულ ტექნიკას, რომლის დროსაც ისევ შუა თითის იმედი გქონდა. ხშირად ისევ ხდებოდა, რომ ახლად პირმოხმარ იარაზე კანი

ხელმეორედ გეგრებოდა.

მშობლები სწორ გაფრთხილებებს არასდროს გაძლევენ, არა? ან მხოლოდ მაშინ გაფრთხილებენ, თუ საფრთხე იქვე, იმავე წამს გემუქრება. მარჯვენა შუა თითის სახსარს გიხვევენ და გეუბნებიან, თუ არ გაფრთხილდი, შეიძლება ინფექცია შეგეჭრასო. გიხსნიან, რომ კბილის ექიმი კი გატკენს, მაგრამ ეს ტკივილი მალე გაგივლის. საგზაო მოძრაობის წესებს გასწავლიან, ყოველ შემთხვევაში, იმ წესებს მაინც, რომლებიც მცირეწლოვანმა ქვეითად მოსიარულეებმა უნდა იცოდნენ. ერთხელ მე და ჩემი ძმა ქუჩაზე უნდა გადავსულიყავით, როცა მამამ მტკიცე ხმით გვითხრა: „დადექით ტროტუარის ნაპირზე!“ მაშინ იმ ასაკში ვიყავით, როცა ენის პრიმიტიულად აღქმას მისი შესაძლებლობებით გამოწვეული თავბრუსხვევა ემატება. მე და ჩემმა ძმამ ერთმანეთს შევხედეთ და დავიყვირეთ: „თათები ტროტუარის ნაპირზე!“ მერე კი ჩავიცუცქეთ და გაშლილი ხელები ქუჩისა და ტროტუარის გამყოფ ზოლზე დავანყვეთ. მამას ეს დიდ სისულელედ მოეჩვენა, ალბათ იმის გამოთვლაც კი დაიწყო, რამდენ ხანს ვიმასხრებდით ასე.

ბუნება გვაფრთხილებდა, მშობლები გვაფრთხილებდნენ. მივხვდით, რომ სახსართან კანის მოშუშება და ქუჩაში მოძრაობის წესების ცოდნა საჭირო იყო. ვისწავლეთ, რომ კიბეზე ასვლისას ფრთხილად უნდა ვყოფილიყავით, რათა ცუდად დაფენილი საფენისთვის ფეხი არ წამოგვეკრა. ერთხელ ბებომ კინაღამ კისერი მოიტეხა, როცა ერთ-ერთი თითბერის ჯოხი, კიბეზე დაფენილ ხალიჩას რომ აკავებდა, მორიგი ყოველწლიური გაპრიალების შემდეგ წესიერად არ დაამაგრეს. ვისწავლეთ, რომ შეიძლება თხელი ყინული ჩაგვიტყდეს, შეიძლება ზამთარში კიდურები მოგვეყინოს, თავზეხელაღებულმა ბიჭებმა კი შეიძლება კენჭები და საპარსი ფირფიტები ჩადონ თოვლის გუნდებში, თუმცა მსგავს რამეებს არასდროს გადავყრივართ და არც ეს გაფრთხილებები გამოგვდგომია. ვისწავლეთ, რომ ჭინჭარსა და ნარშავას უნდა ვერიდოთ, რომ ისეთი უწყინარი რამეც კი, როგორც ბალახია,

შეიძლება უცებ ქალაქიდან ხალხს და ცეცხლში გაგვხვიოს. გაგვაფრთხილეს, რომ დანებსა და მაკრატლებს ხიფათის მოტანა შეუძლიათ, ისევე, როგორც ერთმანეთზე გადაბმულ ფეხსაცმლის ზონრებს. გაგვაფრთხილეს, შეიძლება სხვანაირმა კაცებმა ავტომობილებში ან სატვირთო მანქანებში შეგიტყუონო, ჩვენ კი წლები დაგეჭირდა იმის მისახვედრად, რომ „სხვანაირი“ არ ნიშნავდა „უცნაურად ჩაცმულს“, „კუზიანს“, „დორბლიანს“, „ჩიყვიანს“ – კიდევ როგორი შეიძლება იყოს სხვანაირი ადამიანი? – ამ შემთხვევაში, ის, უბრალოდ, „სხვას, უცნობს“ ნიშნავდა. გაგვაფრთხილეს, ცუდ ბიჭებს არ გადაეყაროთო, მოგვიანებით დაამატეს – არც ცუდ გოგოებსო. ბუნებისმეტყველების მასწავლებელმა მორცხვად გვითხრა, ვენერიულ სნეულებებს უფრთხილდითო და თან შეცდომით აგვიხსნა, რომ ამ სნეულებებს „ალვირასხნილი სექსუალური კავშირი“ იწვევდა. გაგვაფრთხილეს, რომ ღორმუცელები და ზარმაცები არ უნდა ვყოფილიყავით და სკოლის მოლოდინი არ უნდა გავგეცრუებინა, რომ ძუნები და ხარბები არ უნდა ვყოფილიყავით და ოჯახის მოლოდინი არ უნდა გავგეცრუებინა, რომ შურიანები და რისხვით ანთებულები არ უნდა ვყოფილიყავით და სამშობლოს მოლოდინი არ უნდა გავგეცრუებინა.

არავის გაუფრთხილებივართ, რომ შეიძლებოდა საყვარელ ადამიანს ჩვენთვის გული ძალიან ეტკინა.

ზემოთ სიტყვა „თანამზრახველობა“ ვიხმარე. მომწონს ეს სიტყვა. ჩემთვის ის ორ ადამიანს შორის უსიტყვო გაგებას, თუ გნებავთ, სიახლოვის ერთგვარ წინათგრძნობასაც კი აღნიშნავს. ეს პირველი ნიშანია, რომელსაც შეიძლება ჩაეჭიდო, სანამ იმ გრძელ გზას შეუდგები, რომლის გავლისასაც თანდათან გაარკვევ, გაქვთ თუ არა „საერთო ინტერესები“, ერთნაირი მეტაბოლიზმი, სექსუალურად შეთავსებადი წყვილი ხართ თუ არა, ორივეს გინდათ შვილების ყოლა თუ არა – განა სწორედ ასეთი გაცნობიერებული რამეებით არ ვამართლებთ ხოლმე გაუცნობიერებლად მიღებულ ჩვენს გადაწყვეტილებებს? მერე, როცა უკან მოვიხედავთ,



რესტორანში შესვლისას მისი სუნამოს სუნი ვიგრძენი, მაგრამ რომ გეპიტიხათ, როგორი სუნი იყო, საგონებელში ჩავვარდებოდი. არადა, სუნის აღსაწერად მართივ სიტყვებს ვიყენებ ხოლმე: მშვენიერი, აუტანალი, სასიამოვნო, სამსუაღური, ყველაფრის ნამღებავი, გულისამრავი – სულ ეს არის სუნთან დაკავშირებული ჩემი ლექსიკა.

გავაფეტიშებთ და ცამდე ავიყვანთ პირველ შეხვედრას, პირველ კოცნას, ერთად გატარებულ პირველ უქმეებს, სინამდვილეში კი ყველაზე მნიშვნელოვანი სწორედ ის არის, რაც საჯაროდ გაცხადებულ ამბამდე მოხდა: ის წამი, როცა ფიქრს წინ გრძნობამ გაუსწრო და... ჰო, ამ ქალთან... ჰო, ამ კაცთან...

წვეულებიდან ერთ-ორ დღეში ბენისთვის ამის ახსნა ვცადე. ბენმა, რომელიც კროსვორდების მოყვარული, ლექსიკონებზე შეყვარებული პედანტია, განმიმარტა, რომ „თანამზრახველობა“ დანაშაულში, ცოდვაში ან რაიმე უღირს ქმედებაში თანამონაწილეობას გულისხმობს. ის რაღაც ცუდის ერთობლივად დაგეგმვას ნიშნავს.

მე კი მიჩვენია, ისე ვიხმარო ეს სიტყვა, როგორც მესმის. ჩემთვის ის რაღაც კარგის ერთობლივად დაგეგმვას ნიშნავს. მე და ის ქალი თავისუფალი, ზრდასრული ადამიანები ვიყავით და

შეგვეძლო, გადაწყვეტილებებიც თავად მიგველო. აქამდე რაღაც ცუდის დაგეგმვაზე ვინმემ რამე თქვა?

კინოში წავედით. ჯერ კიდევ არ მქონდა მკაფიო წარმოდგენა ამ ქალის ხასიათსა თუ ჩვევებზე. ვერ გეტყვით, პუნქტუალური იყო თუ არაპუნქტუალური, უდარდელი იყო თუ ნერვიული, დამთმობი იყო თუ მომთხოვნი, მხიარული იყო თუ დეპრესიული, საღად აზროვნებდა თუ მაგრად ჰქონდა გარეკილი. შეიძლება ამას უხეშად ვამბობ – მეორე ადამიანის გაგება ხომ პასუხების გასწვრივ ცარიელი გრაფების შევსება არ არის. სულ თავისუფლად შეიძლება, რომ ის მხიარულიც იყოს და დეპრესიულიც, უდარდელიც იყოს და ნერვიულიც. მე მხოლოდ იმის თქმა მინდა, რომ ამ ქალის ხასიათის ძირითადი თავისებურებების გარკვევას ვცდილობდი.

დეკემბრის ცივი შუადღე იყო. კინო-

ში მანქანებით ცალ-ცალკე მივედით, რადგან შეიძლებოდა ის ნებისმიერ წუთს საავადმყოფოში გამოეცახებინათ. ვიჯექი და ფილმს ვუყურებდი, თან მის რეაქციებს ფხიზლად ვაკვირდებოდი: ღიმილი, სიჩუმე, ცრემლები, ძალადობის სცენების დროს შეკრთომა – ეს ყველაფერი უხმო ნიშნები იქნებოდა, რომლებიც ინფორმაციას მომანვდიდნენ. კინოთეატრში საკმარისი სითბო არ იყო და სანამ იქ ვისხედით და სავარძლის სახელურზე იდაყვები გვერდიგვერდ გვედო, იმაზე ვფიქრობდი, თუ რა იყო ჩემსა და ამ ქალს შორის. პერანგის სახელო, სვიტერი, ქურთუკი, სანვიმარი ლაბადა, დაბამბული ქურთუკი, ჯემპრი – სხვა რა? ნუთუ მეტი არაფერი იყო სხეულიდან სხეულამდე? მაშ, სულ ექვსი ფენა ყოფილა ჩვენ შორის, იქნებ შვიდიც, თუ პერანგის ქვეშ რაღაც გრძელმკლავიანი ეცვა.

ფილმი დამთავრდა. მისი მობილური ტელეფონი არც კი შერხეულა. მომწონდა, როგორ იცინოდა. უკვე ბნელოდა, გარეთ რომ გამოვედით. მანქანებისკენ ნახევარი გზა გავლილი გვექონდა, როცა გაჩერდა, მარცხენა ხელი ასწია და ხელისგული მაჩვენა.

– შეხედე, – მითხრა.

არ ვიცოდი, რისთვის უნდა შემეხედა: ალკოჰოლიზმის კვალი უნდა მეძებნა თუ სიცოცხლის ხაზი? ახლოს მივედი და ქუჩაში მიმავალი მანქანების შუქზე შევნიშნე, რომ მისი საჩვენებელი თითის, შუა თითისა და არათითის წვერებს მოყვითალო ფერი ედო.

– ოცი იარდი გავიარე ისე, რომ ხელთათმანები არ მკეთებია, – მითხრა, – იმის მერე ასე მემართება.

სინდრომის სახელიც თქვა. ამის მიზეზი სისხლის მიმოქცევის დარღვევა იყო, სიცოცხლის დროს სისხლძარღვები ვინროვდებოდა და სისხლს მცირე რაოდენობით ატარებდა.

ჯიბებში ხელთათმანები მოძებნა: როგორც მახსოვს, მუქი ყავისფერები იყო. ცოტა არ იყოს, უმიზნოდ ჩაიცვა, მერე კი თითები ერთმანეთს გადააქლო, რათა შალის ქსოვილი თითოეულის ძირამდე ჩასულიყო. გავისეირნეთ, ფილმი განვიხილეთ, შევჩერდით, ერთმანეთს გავუღიმეთ, ისევ შევჩერდით და ერთმანეთს დავმორდით. ჩემი მანქანა მისი მანქანიდან ათი იარდის დაშორებით იყო გაჩერებული. როცა კარს ვაღებდი, დავინახე, რომ ის ისევ ტროტუარზე იდგა და ქვემოთ იხედებოდა. ორიოდე წამს მოვიცადე, მერე კი გადავწყვიტე, რომ რაღაც დაემართა და ისევ მასთან დავბრუნდი.

– მანქანის გასაღები, – ისე მითხრა, ჩემთვის არ შემოუხედავს. იქაურობა ცუდად იყო განათებული და ქალი ჩანთაში იქექებოდა, რაღაცას ასე, ხელით ეძებდა.

– რა დებილი ხარ, რა, – მოულოდნელი გააფთრებით თქვა.

წამით დავიჯერე, რომ მე მეუბნებოდა. მერე მივხვდი: მხოლოდ საკუთარ თავზე ბრახდებოდა, საკუთარ თავზე ეშლებოდა ნერვები – იმაზე, რომ გასაღებს ვერ პოულობდა და ალბათ იმაზეც, რომ მის გაბრაზებას მე შევესწარი. ჩემს თვალში კი ამ ქალს არაფერი

დაკლებია. იქ რომ ვიდექი და მის თავგანწირულ მცდელობას ვუყურებდი, ორი რამ მოხდა: რაღაც ისეთი ვიგრძენი, რასაც სინაზეს დავარქმევდი, ასეთი მძაფრი რომ არ ყოფილიყო და ეს ჩემი სირიც მოულოდნელად ამიდაგა.

გამახსენდა, კბილის ექიმმა ნემსი პირველად რომ გამიკეთა. სანამ გამაყურებელი იმოქმედებდა, ის კაცი გარეთ გავიდა, ცოტა ხანში კი ოთახში ენერგიულად შემოაბიჯა, პირში თითები ჩამიყო, იმ კბილის ძირი მომისინჯა, რომლის ამოღებასაც აპირებდა და მკითხა, რამეს თუ გრძნობო. გამახსენდა ის გაშეშება, რომელიც მაშინ გემართება, როცა ძალიან დიდხანს ზიხარ ფეხზე ფეხშემოდებული. გამახსენდა იმ ექიმების მონათხრობი, რომლებსაც პაციენტისთვის ფეხში ქინძისთავი უჩხვლეტიათ, იმას კი საერთოდ ვერაფერი გაუგია.

ძალიან მინდოდა, მცოდნოდა: უფრო გამბედავი რომ ვყოფილიყავი, მარჯვენა ხელი ისე რომ ამენია, როგორც ქალმა ასწია მარცხენა, ხელისგული ფრთხილად რომ მიმედო მის ხელისგულზე, თითებით მის თითებს ისე რომ შევხებოდი, როგორც შეყვარებულებს სჩვევიათ, მერე კი ჩემი საჩვენებელი თითის, შუა თითის და არათითის წვერები მისი ამავე თითების წვერებისთვის რომ მიმედო, ნეტა რამეს იგრძნობდა? ნეტა რა შეგრძნებაა, როცა ვერაფერს გრძნობ? საინტერესოა, ის რას იგრძნობდა და მე რას ვიგრძნობდი. ის ხედავს, როგორ ვეხები თითებით მის თითებს და ვგრძნობ ამ შეხებას, მაგრამ ვიცი, რომ ვერაფერსაც ვერ გრძნობს.

და, რა თქმა უნდა, საკუთარ თავს კიდევ ერთ შეკითხვას ვუსვამდი, უფრო მრავლისმომცველსა და შემამოფოთებელს.

იმაზეც ვფიქრობდი, როცა ერთ ადამიანს ხელთათმანები აცვია და მეორეს არა – რა შეგრძნებაა, კანს რომ შალი ედება და შალს კანი?

ვცდილობდი, ყველა ის ხელთათმანი წარმომედგინა, რომელსაც ჩაიცვამდა, ახლაც და მომავალშიც, თუ საერთოდ იქნებოდა ისეთი მომავალი, რომელშიც მეც ვიგულისხმებოდი.

ყავისფერი შალის ხელთათმანები

უკვე ნანახი მქონდა. მაღალსაფეხურს, რომ, მისი მდგომარეობის გათვალისწინებით, რამდენიმე წყვილი სხვადასხვა ფერის ხელთათმანი უნდა ჰქონოდა. ცივი დღეებისა და ღამეებისთვის ამობრუნებული ტყავის თბილი ხელთათმანები ექნებოდა, რომლებიც, ჩემი წარმოდგენით, შავი უნდა ყოფილიყო – მის შავ თმას ასეთი მოუხდებოდა – ჭრელი კურდღლის ბუნვით განყოფილი, სათითურების გაყოლებაზე მსხვილი თეთრი ნაკერით. ალბათ ერთი წყვილი ისეთი ხელთათმანიც ექნებოდა, თათებს რომ ჰგავს – ცერისთვის გამოყოფილი სათითურით, დანარჩენი თითებისთვის კი ერთიანი გასაყოფით.

სამსახურში, სავარაუდოდ, ქირურგის ხელთათმანები ეცმებოდა – თხელი ლატექსისა, რათა, რაც შეიძლება, მცირე ბარიერი ყოფილიყო ექიმსა და პაციენტს შორის, მიუხედავად იმისა, რომ უმცირესი ბარიერიც კი მთლიანად სპობს სხეულების შეხებისას გაჩენილ განცდას. ქირურგებს მჭიდროდ მორგებული ხელთათმანები აცვიათ, დანარჩენ ექიმებსა თუ ექთნებს კი – ნაკლებად მოჭერილი, აი, ისეთი, დელიკატესების მაღაზიებში მომუშავეები რომ იცვამენ, როცა ლორს სპეციალური მბრუნავი საჭრელით თხელ ნაჭრებად ჭრიან.

ნეტა მებაღეობით გატაცებული ხომ არ იყო, ან მომავალში ხომ არ იქნებოდა? ალბათ სწორედ ლატექსის ხელთათმანებს ჩაიცვამდა გაფხვიერებულ მინაზე მსუბუქი სამუშაოების შესრულებისას, ბოლქვების, ჩითილებისა და ნორჩი ფოთლების გადარჩევისას. თუმცა მერე, შედარებით მძიმე სამუშაოებისთვის, უფრო გამძლე ხელთათმანებიც დასჭირდებოდა – ალბათ თხელი ტყავისგან და დაზოლილი ბრუნვებისგან შეკერილი – გასხვლისთვის, მოფოცხვისთვის, ხვართქლისა და ჭინჭრის ფესვიანად დაგლეჯისთვის.

ნეტა ისეთ ხელთათმანებს თუ იცვამდა, რომლებსაც თითების გასაყოფები ნაჭრილი აქვთ? მათ ჩაცვამში დიდ აზრს ვერსად როს ვხედავდი. ვინ იცვამს ასეთებს, რუსი მემარხილეებისა და იმ ბებერი ძუნწების გარდა, დიკენსის სატელევიზიო ეკრანიზაციებში რომ გვხვდებიან? თუ იმასაც გა-



ნეტა სისხლის მიმოქცევა ძერფებშიც
დარღვეული ხომ არ ჰქონდა? ამ შემთხვევაში,
სანოლში წინდები ეცმებოდა. როგორი
იქნებოდა ის წინდები? იქნებ დიდი და შალისა
– ყოფილი საყვარლის რაგბის წინდები,
რომლებიც კოჭებთან ჩამოეჩაჩებოდა,
როგორც კი ეს ქალი სანოლიდან
წამოდგებოდა?

ვითვალისწინებთ, რაც ამ ქალს თითის
წვერებზე დაემართა, საფიქრებელია,
რომ ასეთებს არ ჩაიცვამდა.

ნეტა სისხლის მიმოქცევა ტერფებ-
შიც დარღვეული ხომ არ ჰქონდა? ამ
შემთხვევაში, სანოლში წინდები ეცმე-
ბოდა. როგორი იქნებოდა ის წინდები?
იქნებ დიდი და შალისა – ყოფილი საყ-
ვარლის რაგბის წინდები, რომლებიც
კოჭებთან ჩამოეჩაჩებოდა, როგორც
კი ეს ქალი სანოლიდან წამოდგებო-
და? ან იქნებ ქალური, ფეხზე კოხტად
მომდგარი წინდები ეცვა? ერთი გა-
ზეთის საოჯახო დამატებაში ფერადი
წინდები ენახე, რომლებსაც ფეხის თი-
თოეული თითისთვის ცალკე სათითუ-
რი ჰქონდა. ნეტა ასეთი რამე ჩვეულებ-
რივად მომეჩვენებოდა, კომიკურად
თუ ცოტა ეროტიკულად?

კიდევ რა? იქნებ თხილამურებზე
სრიალი უყვარდა და ერთი წყვილი
გაბერილი ხელთათმანი ჰქონდა, რო-

მელიც მის გაბერილ ქურთუკს უხდე-
ბოდა? ჰო, რა თქმა უნდა, რეცხვისას
გამოსაყენებელი ხელთათმანები – ასე-
თები ხომ ყველა ქალს აქვს! ისინი ყო-
ველთვის მყვირალა ფერისაა: ყვითელი,
ვარდისფერი, ღია მწვანე, ღია ლურჯი.
როგორი გარყვნილი უნდა იყო, რომ
რეზინის ხელთათმანები ეროტიკულად
მოგეჩვენოს. როგორი ეგზოტიკურიც
არ უნდა იყოს – ბორდოსფერი, შაბიამ-
ნისფერი, თამბაქოსფერი, წვრილად
დაზოლილი თუ შოტლანდიური კუბო-
კრული – ჩემზე სულ მცირე ზემოქმე-
დებსაც კი ვერ მოახდენს.

არავინ ამბობს: „ხელით მოსინჯე
პარმეზანის ნაჭერი“ – ასეა, არა? თუმ-
ცა ალბათ პარმეზანის ოსტატები ამ-
ბობენ.

ზოგჯერ, როცა ლიფტში მარტო ვარ,
ლილაკებს თითებით მსუბუქად გადა-
ვურბენ ხოლმე. ისე კი არ ვანვები, რომ
კარი სხვა სართულზე გაიღოს, უბრა-

ლოდ, ბრაილის შრიფტის ამობურცულ
წერტილებს ვეხები. ვფიქრობ, ნეტა
როგორია, როცა ამათ ეხებიან-მეთქი.

როცა პირველად დავინახე სათითე
ვილაცის ხელზე, ვერ ვიჯერებდი, რომ
მის ქვეშ ნამდვილი თითი იყო.

სულ ოდნავადაც რომ დაგიზიანდეს
ყველაზე უმნიშვნელო თითი, მთელი
ხელი განუხებს. უმარტივესი მოქმე-
დებების შესრულებაც კი – წინდის
ჩაცმა, ღილის შეკვრა, ტანსაცმლის
გამოცვლა – რთული და სანვალბე-
ლი ხდება. ხელი ხელთათმანში ვერ
გეტევა, რეცხვისას თავს გახსენებს,
ლამით ისე უნდა გედოს, რომ ზედ არ
დააწვე და ასე შემდეგ.

წარმოიდგინეთ, რა იქნება სექსი იმ
დროს, როცა მკლავი მოტეხილი გაქვს.
უცებ ისეთი მწველი სურვილი
ვიგრძენი, რომ ამ ქალს ცუდი რამე
არასდროს დამართოდა.

ერთხელ მატარებელში ერთი კაცი

დავინახე, რომელსაც ხელის ნაცვლად კაუჭი ჰქონდა. თერთმეტი-თორმეტი წლისა ვიყავი და კუბეში მარტო ვიჯექი. იმ კაცმა დერეფანი გამოიარა, კუბეში შემოიხედა, ნახა, რომ დაკავებული იყო და გზა გააგრძელა. იმხანად თავში სულ მეკობრეები და საფრთხეები მიტრიალებდა. მხოლოდ კარგა ხნის შემდეგ დავფიქრდი იმაზე, რამდენ რამეს ვერ გააკეთებ უხელოდ. გავიდა დრო და იმ ადამიანების არარსებულ, მოჩვენებით ტკივილებზეც დავფიქრდი, რომლებსაც მოჭრილი კიდურები აქვთ.

ჩვენმა თითებმა, ისევე, როგორც ჩვენმა გრძნობებმა, ერთობლივად უნდა იმოქმედონ. თითოეული მათგანი თავის საქმეს აკეთებს, მაგრამ ამავე დროს ერთგვარ წინათგრძნობასაც უჩენს დანარჩენებს. ხილის სიმწიფეს შეხებით ვგრძნობთ, ხორციანი კერძის მომზადებისასაც ხელით ვსინჯავთ სახსარს, რათა მივხვდეთ, მზად არის თუ არა. ჩვენი შეგრძნებები ერთობლივად მოქმედებენ და კარგ საქმესაც აკეთებენ: მე ვიტყვი, რომ ისინი თანამზრახველები არიან.

იმ საღამოს ქალს თმა ანეული და კუს ბაქნის სავარცხლებით დამაგრებული ჰქონდა, თან ოქროს სამაგრიც ეკეთა. ეს თმა მისი თვალბევივით შავი არ იყო, მაგრამ მის ფონზე სელის პიჯაკი გახუნებული და მოთელილი მოუჩანდა. ჩინურ რესტორანში ვისხედით და მიმტანები სათანადო ყურადღებას უთმობდნენ. იქნებ მისი თმა ჩინელისას ნააგავდა. ან იქნებ მათ იცოდნენ, რომ უფრო მნიშვნელოვანი იყო, მისი გული მოეგოთ, ვიდრე ჩემი. ალბათ უფრო ის იცოდნენ, რომ მის გულს თუ მოიგებდნენ, ამით ჩემს გულსაც მოიგებდნენ. რადგან აქაურობის ხშირი სტუმარი გახლდით, ქალმა მთხოვა, კერძები შენ შეუკვეთო და მეც, ტრადიციულად, ის ავირჩიე, რაც მიყვარდა: წყალმცენარეების სალათი, ბლინები ბოსტნეულისა და ხორცის გულსართით, მწვანე ლობიო ყვითელი ლობიოს სოუსით, დაბრანული იხვი, ჩაშუშული ბადრიჯანი და მოხარშული ბრინჯი. გარდა ამისა, ერთი ბოთლი „გვეიურცტრამინერი“ და წყალიც შევუკვეთე.

რესტორანში შესვლისას მისი სუნამოს სუნი ვიგრძენი, მაგრამ რომ

გეკითხათ, როგორი სუნი იყო, საგონებელში ჩავვარდებოდი. არადა, სუნის აღსაწერად მარტივ სიტყვებს ვიყენებ ხოლმე: მშვენიერი, აუტანელი, სასიამოვნო, სექსუალური, ყველაფრის წამლეკავი, გულისამრევი – სულ ეს არის სუნთან დაკავშირებული ჩემი ლექსიკა. ყოველ შემთხვევაში, რესტორნის სუნმა მალევე გადაფარა ქალის სუნი – მაშინვე, როგორც კი სხვა მაგიდისკენ მიმავალმა მიმტანმა ლანგარზე დახვავებული ღორის ნეკნები ჩვენს მაგიდასთან ჩაატარა. ალბათ ჩინური კერძების სუნს უფრო მძაფრად ვგრძნობთ, ვიდრე სხვა ქვეყნების ტრადიციული კერძებისას, რადგან თასი პირთან უფრო ახლოს მიგვაქვს, ნებისმიერი ფორმის თევზისაგან განსხვავებით. იმ ღამით მოხარშულ ბრინჯსაც კი რაღაც სახასიათო და თავისებური სუნი ასდიოდა.

მუსიკა, რომელიც ჩვენს ვახშამს ფონად გასდევდა, სავარაუდოდ, ბაზრის კვლევის შედეგად უნდა ყოფილიყო შერჩეული: მსუბუქი ჩინური და მარტივი დასავლური მელიოდიები ერთმანეთს ენაცვლებოდა. ყურადღებას არც კი მიაქცევდი, თუ ყურს რამე კარგად ნაცნობი არ მოხვდებოდა. აღვნიშნე, რომ თუ „ლარას თემა“ გაუშვებდნენ „ექიმი ჟივაგოდან“, მაშინვე უნდა გავცქეულიყავით და ის სასამართლოში უნდა დაგვეცვა. ქალმა გამიღიმა და მკითხა, ნუთუ კანონი ნამდვილად იცავს მათ, ვისაც რაღაცის გაკეთებას აიძულებენო. ამაზე ძალიან დიდხანს ვილაპარაკე. მერე პროფესიულ სფეროებს შევეხეთ და იმის გარკვევა ვცადეთ, როდის იჭრებოდა კანონი მედიცინაში და როდის – მედიცინა კანონში. მოწევაზეც ვისაუბრეთ და იმაზეც, ზუსტად როდის მოვუკიდებდით სიგარეტს, მონევა აკრძალული რომ არ ყოფილიყო საზოგადოებრივი თავშეყრის ადგილებში. მთავარი კერძისა და ბოსტნეულის სალათების შემდეგ, დესერტის შემოტანამდე (სულ ერთია, დესერტს მოვინდომებდით თუ არა) – ასე შევთანხმდით. რა აღარ ვთქვით: სიგარეტმა შეიძლება საკვების მონელებას შეუწყოს ხელი, შეიძლება ყელი ჩავვინმინდოსო. ერთიც და მეორეც ვთვლიდით, რომ მსუბუქი მწე-

ველები ვიყავით. მერე ცოტა ხანში ბაზეც ვილაპარაკეთ, ოღონდ ძალიან ფრთხილად. ვკითხე, რამდენი წლის იყავი, როცა სიცოცხლეში თითის წვერების გაყვითლება დაგენყო-მეთქი და ისიც ვკითხე, ბევრი ხელთათმანი გაქვს თუ არა-მეთქი. ამაზე, რატომღაც, გაეცივნა. კინაღამ ამ ხელთათმანების აღწერაც ვთხოვე, მაგრამ გავიფიქრე, რომ სწორად ვერ გამიგებდა.

შუა ვახშამობისას მივხვდი, რომ ყველაფერი კარგად იქნებოდა, თუმცა „ყველაფერში“ მხოლოდ საღამოს ერთად გატარებას ვგულისხმობდი და სხვას არაფერს. არცერთს უცებ მთქნარება არ აგვიტყდებოდა, არც შინ დაბრუნება მოგვინდებოდა, არც ხელის ჩაქნევამდე მივიდოდა საქმე. ალბათ ისიც ამავეს გრძნობდა, რადგან როცა დესერტის დრო მოვიდა, გადაიფიქრა და თქვა, კი, მინდაო. ოღონდ რაღაც ნებოვანი და კრემიანი არ უნდოდა, ჰოდა, ჩინური ლიჩები მიირთვა. გადავწყვიტე, მისთვის არაფერი მეთქვა იმ თამაშზე, დიდი ხნის წინ რომ ვითამაშე და არც „მეფე ღორის“ იმ დადგმაზე, თუმცა გავიფიქრე: თუ აქ კიდევ მოვალთ – არა, მომდევნო შეხვედრაზე კი არა, სულ სხვა დროს – მაშინ შეიძლება ვუთხრა-მეთქი. იმედი მქონდა, რომ ბენტან ის თამაში არასდროს ეთამაშა და არც მოცარელა დაეჭრა ხელში.

სწორედ ამაზე ვფიქრობდი, როცა ხმის გამაძლიერებლებიდან „ლარას თემა“ გადმოიღვარა. ერთმანეთს შევხედეთ და გავიცინეთ, მან კი უცებ ისეთი მოძრაობა გააკეთა, თითქოს სკამის უკან განევას და წამოდგომას აპირებდა და ალბათ შიშაც შენიშნა ჩემს თვალბევივით, რადგან მაშინვე გამიცინა და ხელსახოცი ხუმრობით დააგდო მაგიდაზე. ამ მოძრაობის შესრულებისას ხელი მაგიდის შუამდე გამოშალა.

არც წამომდგარა და არც სკამი გაუნეცია უკან, უბრალოდ, ილიმებოდა და ხელი ისევ ხელსახოცზე ედო, ოდნავ მოხრილი თითებით, ჩემკენ მომართული თითის წვერებით. და, აი, მაშინ შევეხე.

ჩაის სახლი



კაფე მაღაზია

არის თუ არა სიყვარული ვერტიკალური და ბრუნვადი

**ვეთერ ჰირხეს მეთელავი პიესა ნინო ბურდულის
ექსპერიმენტული ვერსიებით**

ავტორი ღაბით ბუხრიკიძე



ძნელია ამტკიცო, მართლა ექსკლუზიურია თუ არა „თეატრალური საღამო მამაკაცებისა და ქალებისთვის“, როგორც აღნიშნავდა მსახიობი და რეჟისორი ნინო ბურდული საკუთარი ახალი სპექტაკლის – „Amor, უცნაური სიყვარულის ისტორია“, შესახებ. ისევე, როგორც ძნელია, ხელშესახებად ამტკიცო რამდენად შევქვეყნეთ აბსურდისა და ეგზისტენციური პიესების სცენურ „ნაკითხვას“... მიუხედავად იმისა, რომ XXI საუკუნეში, წესით, კარგა ხანია უნდა დავეშორებოდით თურქულ-კოლუმბიური ტელესერიალების სიმბიოზს და ყველანაირ ვანოს შოუებს.

ვანიზე გამახსენდა. ზოგადად მაყურებელ ანოსა თუ მაყურებელ ვანოს რეაქციასა და გემოვნებაზე, ცხადია, პასუხს ვერ ვაგებ, მაგრამ გერმანულ დრამატურგიასა და ზოგადად, გერმანულ კულტურასთან ერთობ გაშინაურებული ნინო ბურდულის თითქმის განწირული სულისკვეთება პუბლიკის გასაჯანსაღებლად (შედეგის მიუხედავად) მნიშვნელოვნად მომეჩვენა. მაყურებლისთვის საკმაოდ რთულად მოსანელბელი, მაგრამ კომპაქტური და არასალაღობო სპექტაკლი ორი მსახიობის, ქეთი ასათიანისა და პაატა ინაურის მონაწილეობით, თუმანიშვილის თეატრის სარეპეტიციო დარბაზში თამაშდება.

სპექტაკლის სათაური არანაკლებ დამაინტრიგებელია, ვიდრე საკუთრივ პიესის სახელწოდება – „მსოფლიოში ყველაზე უცნაური სიყვარულის ისტორია“. პიესა ჩვენში თითქმის უცნობმა გერმანელმა მწერლმა, პეტერ ჰირხემ (თუმცა მწერლის გვარი გამოითქმის როგორც ჰირჰე), ჯერ კიდევ XX საუკუნის 50-იანი წლების დასაწყისში დაწერა.

ჰირხე 1923 წელს დაიბადა. მონაწილეობდა მეორე მსოფლიო ომში რო-

გორც რიგითი ჯარისაკი; რამდენ-ჯერმე დაიჭრა კიდეც. ტყვედაც ჩაუვარდა საბჭოთა ჯარებს, ხოლო ომის დამთავრების შემდეგ, 1947 წელს აღმოსავლეთ ბერლინში დასახლდა. მუშაობდა თარჯიმნად და თან რადიოპიესებს წერდა. სახელი გაუთქვა სწორედ რადიოპიესამ „მსოფლიოში ყველაზე უცნაური სიყვარულის ისტორია“, რომელიც დაიდგა გერმანიის სხვადასხვა ქალაქში. ხოლო მოგვიანებით – სცენაზეც. რადიოსა და ტელევიზიისათვის რამდენიმე ძალიან თავისებური, უფრო კი მუსიკალური სტუქტურით გამორჩეული პიესა დაწერა: „დაბრუნება სახლში“, „მარადისობის ღიმილი“, „ტრიუმფი 1000 წელში“ (რომელშიც ნაცისტის ოფიცერის აღსარებაა), „Miserere“, „მეოცნებე“ და ა.შ. დაჯილდოებულია გერმანულ ჰაუპტმანის სახელობის პრესტიჟული ლიტერატურული პრემიითაც.

„დრამატურგი 50-იანი წლების გერმანიის ახალგაზრდა თაობის ტრავმებს აღწერს. ეს ის დროა, როდესაც ადამიანები ჯერ კიდევ ვერ განთავისუფლდნენ მეორე მსოფლო ომის ფსიქოლოგიური და ემოციური ტყვეობისგან. ალბათ ამიტომაც პერსონაჟებისთვის ასეთი მძაფრი სიყვარულის მონატრება. სიყვარული პიესაში ნორმალურ, ადამიანურ ცხოვრებაში დაბრუნების სიმბოლოა, რომელსაც თავისთავად, უფრო დიდი მნიშვნელობა აქვს და ის არ არის დამოკიდებული სოციალურ თუ პოლიტიკურ რეალობაზე“ – ამბობს რეჟისორი.

თუმანიშვილის თეატრის სარეპეტიციო სივრცე ნინო ბურდულისთვის კარგადაა ნაცნობი. მან გასულ წელს ერთ-ერთი მთავარი როლიც ითამაშა სარა რულის პიესაში „სუფთა სახლი“ (რეჟისორი ნინო ჩაკვეტაძე). ამდენად, ახალი პიესის ფორმის ძიება მისთვის მშობლიურ, დავისწყებულ სახლში წამოწყებულ სარემონტო სამუშაოების დანერგვას ჰგავდა. სხვათა შორის, ამგვარი „რემონტი“ უცნობი „მასალითა თუ საღებავებით“ არც ისე სახალისოა, მაგრამ შემოქმედებითად ზრდის რეჟისორსაც და მის თანამოაზრე მსახიობებსაც. ამდენად, ზოგჯერ ის აუცილებელიცაა. სხვათა შორის, დადგმაც, თარგმანიც, სცენოგრაფიაც, კოსტიუმებიც და მუსიკალური გაფორმებაც

ნინო ბურდულს ეკუთვნის. მხოლოდ ქორეოგრაფიულ ნახაზის ათვისება ვერ შეძლო, რომელიც თანამედროვე ცეკვის თეატრში განაფულმა მარიამ ალექსიძემ დამტკრეული ტანგოს ელემენტებით გააწყო.

ტანგოს გარდა სპექტაკლში ჟღერს ცნობილი კონტრ-ტენორის, კლაუს ნომის მიერ შესრულებული არია ჰენრი პერსელის ოპერიდან „მეფე არტური“, 30-იანი წლების გერმანული მუსიკა, ტაიგერლის კომპოზიცია და ბოლოს, „ბითლზის“ ალბათ ყველაზე ცნობილი სიმღერა, როგორც ერთმომედებიანი თეატრალური ქადაგების ყველაზე დასამახსოვრებელი, ფინალური ფრაზა – „ყველაფერი რაც გჭირდება, სიყვარულია!“

ასეთი გადაჭარბებული მუსიკალური ფონი ნაკლებად უტოვებს მსახიობს დროსა და საშუალებას ჩაღმავება-რეფლექსიისთვის, თუმცა თავად პიესის ტექსტი იმდენად რთულია და ზოგჯერ ისეთი ასოციაციებითაა დატვირთული, რომ ძნელია თუმანიშვილის სახელობის თეატრში გამოზდილი მსახიობი მას მოერიოს. ხშირად პერსონაჟთა დიალოგებს გადაკვეთის ნერტილები არა აქვთ და ტექსტი სადღაც პარალელურ სივრცეში იკარგება; მეტწილად პიესის ტექსტი ისე ჟღერს, როგორც მუსიკალური კონტრაპუნქტი, რომლის ქმედებაში გადატანა რეჟისორისთვის თავსატეხს წარმოადგენს. თავად ფაქტი, რომ პიესა „მსოფლიოში ყველაზე უცნაური სიყვარულის ისტორია“ 1953 წელს დაიწერა, ანუ ლამის ბეკეტის „გოდოსთან“ სინქრონიში, მართლაც მრავლისმეტყველია და დღევანდელი გადასახედიდან თითქმის ავანგარდისტულ წინასწარმეტყველებად აღიქმება.

...ვნებით, ახირებებით და მარტოობით გათანგული ქალისა (ქეთი ასათიანი) და ოდნავ ცივი, უგრძობი და საკუთარ კომპლექსებში გამოკეტული მამაკაცის (პაატა ინაური) ისტორია რეჟისორმა ორად გაყოფილ სივრცეში წარმოადგინა. მყურებელიც უზარმაზარი თოკებით „გადატახრულ“ ოთახში მოვლენებს მამაკაცისა და ქალის რეაქციებიდან გამომდინარე აფასებს. ამდენად, სრული სურათისა თუ წარმოსახვის „შესავსებად“, მას მეორე ნერტილი, ანუ მეორე მხრიდან დანახული წარმოდგენაც ჭირდება,

რათა ამბავი ორივე პერსონაჟის თვალთა ალიქვას. ვერ გეტყვით რამდენად მომგებიანია ეს ხერხი რეჟისორული თვალსაზრისით, მაგრამ გარკვეულ ინტრიგას მაყურებელში მაინც ქმნის.

ქალიც და მამაკაციც (მათ პიესაში სახელები არა აქვთ) თითქოს საკუთარ სამყაროში გვექაჩებიან. მათ საკუთარი „სიმართლით“ შემოფარგლული ტერიტორია აქვთ, რომელშიც შეჭრა აკრძალულია. სპექტაკლიც ისე ჩაივლის, რომ ეს ხილული თეატრალური საზღვარი არ დაირღვევა. მხოლოდ ფინალში შეიწყობება ქალი მამაკაცის მხარეს და კაციც თვალს გააპარებს თოკების მიღმა სივრცეს, საიდანაც ლენის, ვნებისა და თავისუფლების დამათრობელი სურნელი მოდის... მაგრამ რადგან რეჟისორის წარმოსახვითა თუ კონცეფციით მათი ურთიერთობა პარალელურ სივრცეში და შესაბამის მიზანსცენებზეა აგებული, სრულფასოვან კავშირს ამყარებენ არა ერთმანეთთან, არამედ საკუთარ წარმოსახვასთან, ფანტაზიასთან. ეს კიდევ უფრო ამძაფრებს მათი წარმოსახვისა და მიზიდულობის ძალას.

მაგალითად, ქალი უფრო ფიზიკური, კონკრეტული და გასაგები ურთიერთობისკენ ილტვის, კაცი – საკუთარი მეტაფიზიკურობით იტანჯება; ქალს უნდა წესრიგი და აკრძალვა დაარღვიოს, ოდნავ მაინც გაგიჟდეს და ვნებაში გადაეშვას, კაცს – სიღარიბეში ნაშობი წესრიგისა და ეგზისტენციური მარტოობით ნაგები საკუთარი ბინა ურჩევნია. მასთან მობინადრე კუს ზოგჯერ უფრო გასაგებ სულიერ არსებებად მიიჩნევს, ვიდრე ქალს, რომლისგანაც რაღაც ირაციონალურ საფრთხეს გრძნობს. ამ „ცდენილ გრძნობათა“ გადაკვეთის მცდელობაში ჩაივლის სპექტაკლის 70 წუთიც, რომელსაც მსახიობები მეტ-ნაკლები სიცხადით შეიგრძნობენ.

თუ ქალისა და მამაკაცის მარადიულ, მაგრამ ბანალურ ლტოლვას რეჟისორის ემპატიურად მოფიქრებულ „ტერიტორიულ აკრძალვას“ დავუმატებთ, მართლაც უცნაური სიყვარულის ისტორიას მივიღებთ. ანუ ჩვენებურად რომ ვთქვათ, სიყვარული გაბრიადის იმერეთშიც და ომისშემდგომ გერმანიაშიც ვერტიკალურია და ბრუნვადი.

წიგნები

ავტორი სალომე აფხაზიშვილი

ქართულენოვანი გამოცემები



სერია „მსოფლიო ლიტერატურის ბიბლიოთეკა“

„ბაკურ სულაკაურის გამომცემლობა“

წიგნების სერია „მსოფლიო ლიტერატურის ბიბლიოთეკა“ მკითხველს უნიკალური პირადი ბიბლიოთეკის შექმნის საშუალებას აძლევს. ბაკურ სულაკაურის გამომცემლობის ლიტერატურული პროექტი 100 ტომს მოიცავს, რომელიც, ანტიკური დროიდან მოყოლებული XVIII საუკუნის ჩათვლით, ყველა მნიშვნელოვან ლიტერატურულ ტექსტს აერთიანებს. ასტომეული 5 სერიად იყოფა, რაც მკითხველს საშუალებას აძლევს თავად აირჩიოს სასურველი სერია შემდეგი ჩამონთვლიდან: ანტიკური მწერლობა (33 ტომი), აღმოსავლური კლასიკური მწერლობა (22 ტომი), შუა საუკუნეების ევროპული ლიტერატურა (15 ტომი), ძველი ქართული მწერლობა (10 ტომი), აღორძინების ხანის და XVII საუკუნის ევროპული მწერლობა (20 ტომი).

სერიაში შემავალი წიგნების თარგმანაში მონაწილეობას 120 მთარგმნელი იღებს, თუმცა მათ შორის წინა წლებ-

ში შესრულებული საუკეთესო ქართული თარგმანებიც მოხვდა. მასშტაბური ლიტერატურული სერია ანტიკური მწერლობის ქვესერიით, აპრილის დასაწყისში გაიხსნა, და ჰომეროსის „ოდისეა“ და „ილიადა“ იწყება. ჰომეროსის პოემებთან ერთად, ანტიკური მწერლობის კიდევ ორი ნიმუში – „პინდაროსის ოდეები“ და „ძველი ბერძნული ლირიკის ნიმუშები“ გამოვიდა.

„ყოველგვარი გადაჭარბების გარეშე შეიძლება ითქვას, რომ კაცობრიობა სწორედ ამ წიგნებზე დგას. ეს წიგნები გვეხმარებიან იმაში, რომ ადამიანები გავხდეთ. ძალიან ცნობილი ფილოსოფიური მოსაზრებაა, რომ საკაცობრიო ისტორია – ეს არის ადამიანად გახდომის ისტორია. ადამიანის სრულყოფის პროცესში მნიშვნელოვანი წილი სწორედ ამ ლიტერატურას აქვს. ეს იმ ტიპის წიგნებია, რომლის სახლში შემოტანითაც ჩვენ შემოგვაქვს სასიამოვნოდ საკითხავი ტექსტები და გვე-

ძლევს საშუალება, სახლში დავატიოთ საკაცობრიო განვითარების ისტორია“ – აღნიშნავს მწერალი ლაშა ბულაძე წიგნების ამ სერიის შესახებ.

წლის ბოლომდე ლიტერატურული გურმანები მსოფლიო ლიტერატურის ბიბლიოთეკაში ისეთ ავტორებსა და წიგნებს იხილავენ, როგორებიცაა: პლატონი, სოფოკლე, ევრიპიდე, არისტოფანე, აპიანე, ტიტუს ლივიუსი, ვისრამიანი, ძველი ინდური და ჩინური პოეზიის ნიმუშები, ფრანსუა რაბლე, პიერ კორნელი, ჟან რასინი, ჟან-ბატისტ მოლიერი, ჯონ ფლეთჩერი და ა.შ. სერიის სხვა წიგნების შექმნა მკითხველს ყოველი თვის დასაწყისში წლის ბოლომდე შეეძლება. თითოეული ტომის ფასი 15 ლარია.



სერია „ამერიკაელები“

„დიოგენე“

ანტიკური მწერლობისა და შუა საუკუნეების ევროპული ლიტერატურის გვერდით, ქართულენოვან მკითხველს შესაძლებლობა ეძლევა ამერიკული ლიტერატურისთვის განკუთვნილი თარო გამომცემლობა „დიოგენე“ ახალი სერიით – „ამერიკელებით“ შეავსოს. სერია სულ 20 წიგნს მოიცავს და მისი გამოცემა წლის ბოლომდე გაგრძელდება. სერიის პირველი ორი ტომი უკვე გაყიდვამია. მათ ანოტაციებს ქვემოთ გავცნობთ.



„ქერუბიმელი მოგზაური“

ანგელუს სილვანიელი

„სიესტა“

„ადამიანი ამქვეყნად ყველაზე საო-
 ცარია

მასში ღმერთი და ეშმაკი მეზობლად
 არიან“ , –


ეს მცირე ამონარიდია წარმოშობით გერმანელი რელიგიური პოეტის – იოჰანეს შეფლერის პოეზიიდან, რომელიც თავის ლექსებში ძირითადად ღმერთისა და ადამიანის ურთიერთობებზე გვიყვება. ამ სახელითა და გვართ მას უფრო ნაკლებად იცნობენ, რადგან პოეტურ კრებულებში ის ანგელუს სილვანიელის სახელით წარადგენს საკუთარ თავს, რაც ლათინურად სილვანიელ მოციქულს ნიშნავს. მისი ორტაეპიანი ლექსების გაცნობა კრებულის სახით დღეიდან უკვე ქართველ მკითხველსაც შეუძლია. ქართულ ენაზე გამოცემული კრებულის სახელწოდება „ქერუბიმელი მოგზაური“, რომელიც ექვსი წიგნისგან შედგება და ტრაქტატის ხასიათს ატარებს. „ლექსებში გატარებული ურთიერთსაინა-
 აღმდეგო აზრების გამო მკითხველი სიძნელეებს აწყდება. ამის ნიადაგზე იბადება საეჭვოდ საკამათო შეხედუ-
 ლებები: სამყაროსა და ადამიანის ურ-
 თიერთკავშირი, უფალთან შეერთება, ღვთაებრივი მსგავსება, განღმრთო-
 ბა, თითოეული ადამიანის ღირსების აღიარება. აი, ის თემები, რომლებიც კათოლიციზმის საეკლესიო დოქტრინებს ერთგვარად სცილდება და მის თავისუფალ პოეზიაში წარმოჩინდება“ – ამბობს პოეტის შესახებ მისი მთარგ-
 მნელი, მარიამ ქსოვრელი.

„სრული გასხივოსნება“

ჯონათან საფრან ფოერი

„დიოგენე“
 408გვ.

„გამაოგნებელი წიგნი“ – ასეთი ეპითეტით შეაფასა ჯონ აპდაიკმა 26 წლის ამერიკელი მწერლის ჯონათან საფრან ფოერის ეს რომანი, რომელიც უკრაინის ერთ-ერთ გამქრალ ებრაულ დასახლებაში ჩასული ამერიკელისა და უხეირო ინგლისურით მოლაპარაკე მისი ოდესელი თარჯიმნის ისტორიას მოგვითხრობს. ამერიკელი-ებრაელი უკრაინაში ახალგაზრდა ქალის საძებნელად ჩადის, რომელმაც ნაცისტური რეპრესიების დროს მამამისის სიცოცხლე გადაარჩინა. „სრული გასხივოსნება“ (Everything is Illuminated) 25 წლის მწერლის პირველი რომანი გახლავთ, რომელიც 2002 წელს გამოიცა. წიგნის მიხედვით 2005 წელს ლივ შრაიბერმა ამავე სახელწოდების ფილმიც გადაიღო, რომელშიც მთავარ როლს ამერიკელი მსახიობი ელაიჯა ვუდი თამაშობს. ფოერის ეს რომანი დღეს „ნიუ-იორკ თაიმსის“, „გარდიანის“ და „ამაზონ.ქომის“ ბესსელერთა სიაშია. წიგნის ქართული თარგმანი გია ჭუმბურიძეს ეკუთვნის.



„პორტნოის
 სინდრომი“

ფილიპ როთი


„დიოგენე“
 340გვ.

ფილიპ როთის რომანის მთელი სიუ-
 ჟეტი ფსიქოთერაპიის სენანს აღწერს. ამის შესახებ წიგნის მთავარი გმი-
 რის, ებრაელი ახალგაზრდის – ალექს პორტნოის უწყვეტი მონოლოგიდან ვიგებთ, რომელსაც ის ბავშვობის მო-
 გონებებით იწყებს. „ფსიქოთერაპიის კურსის დროს, პაციენტის შეფასების გასაჯაროების უფლებამ მომცა სა-
 შუალება, ჩემს ნოველაში ინტიმურ, ხშირად სამარცხვინო დეტალებზე მესაუბრა და უწმინდური ლექსიკა გა-
 მომეყენებინა, რის გამოც პორტნოი-
 ფი, ექსპიციციონისტი და უზრდელი ადამიანი მიწოდეს და საზოგადოე-
 ბიდან გამრიყეს“ – ამბობს რომანის შესახებ თავად ფილიპ როთი. სექსუ-
 ალური შეგრძნებების გულწრფელი გაშიშვლება, ერთი მხრივ ეპოქალურ

პროცესებთანაც იკვეთება, რადგან რომანის გამოქვეყნების წელი (1969 წ.), 60-იან წლებში დასავლეთში და-
 ნყებულ სექსუალურ რევოლუციას უკავშირდება. მნიშვნელოვანია ისიც, რომ წიგნის გამოქვეყნებისთანავე აგორებულმა პროტესტის ტალღამ, რომლის ადრესატი სწორედ ფილიპ როთი გახლდათ, ამერიკულ საზოგა-
 დოებაში დაახლოებით ისეთი დონის ვნებათაღელვა გამოიწვია, როგორც თავის დროზე ვლადიმერ ნაბოკოვის „ლოლიტამ“ და ჰენრი მილერის „კირ-
 ჩხიბის ტროპიკა“.

ქართველი მკითხველი ამერიკული ლიტერატურის ცოცხალი კლასიკოსის ამ სკანდალური რომანის გაცნობას, ქეთი ქანთარიას მიერ შესრულებული თარგმანით შეძლებს.

უცხოურენოვანი გამოცემები



„სხარტი შეკითხვა“

ჯონ ეშბერი

128გვ.

ჯონ ეშბერის „სხარტი შეკითხვა“ ერთგვარი პოეტური ანდერძია, რომელიც ორმოცდაათიანი წლების ამერიკაში მოღვაწე არტისტებისა და პოეტების ერთობლივ მუშაობას ეძღვნება. ავტორი მათ შორის მხატვარს – ჯეინ ფრეილიშერს (Jane Freilicher) გამოარჩევს. წიგნი ამერიკის ყოველდღიური, ურბანული ცხოვრების ამსახველ დეტალებს აერთიანებს, თუმცა, მეორე მხრივ, ამ მიმზიდველ ყოველდღიურობაში ბევრ ადამიანურ სისუსტეს, მარცხსა და საფრთხეს აღმოაჩენს. დიდი ამერიკელი

პოეტის, ცოცხალი კლასიკოსის, ჯონ ეშბერის განსაკუთრებულობა რამდენიმე მნიშვნელოვანი პრემიითაც აღნიშნეს, რომელთა შორის ხაზგასასმელია – პულიცერის პრემია, წიგნის ეროვნული ჯილდო, გრიფინის პოეზიისა და წიგნის კრიტიკოსთა გაერთიანების ეროვნული ჯილდოები. ლექსების ამ ახალი კრებულის გამოქვეყნება პოეტის 85 წლის იუბილეს მიეძღვნა, რითაც ეშბერი თავის მკითხველებს კიდევ ერთხელ დაუმტკიცა, რომ ასაკის მატებასთან ერთად მისი კრეატიული ძალისხმევა უფრო და უფრო მატულობს.


Levels
of Life
Julian
Barnes

„ცხოვრების ეტაპები“

ჯეიმს ბარნსი

144 გვ.

თანამედროვე ინგლისელი ავტორის ჯულიან ბარნსის ახალი წიგნი იმ მწუხარების შესახებ უყვება მკითხველს, რომელიც ავტორმა მეუღლის, ლიტერატურული აგენტის – პეტ კავანას (Pat Kavanagh) გარდაცვალების შედეგად განიცადა. „40 წლის განმავლობაში პეტი ჩემი აგენტი იყო, ამიტომ მასზე საუბრისას, როგორც შეინარჩუნო ობიექტურობა. მე ეს წიგნი მათთვის არ დამინერია, ვინც პეტს დიდი ხანია იცნობს. აქ იმ ამბებს არ ვყვები, რაც მის გარდაცვალებამდე კარგა ხნით ადრე ხდებოდა მის ცხოვრებაში. ჩემს ახალ წიგნში ვსაუბრობ ბოლო დღეებზე, რომელიც მასთან ერთად გაეატარე“ – ამბობს ბარნსი წიგნის შესახებ, რომელშიც, მიუხედავად იმისა, რომ საკუთარ მწუხარებას განსაკუთრებული გულწრფელობით გადმოსცემს, ის მაინც იცავს პირადი ცხოვრების უფლებას. Levels of Life – ეს არის ამბავი სიყვარულის, ორი ადამიანის გაერთიანების და მათი ტრაგიკული განშორების შესახებ. მეუღლის გარდაცვალებით გამოწვეულ სირთულეებს ჯულიან ბარნსმა მემუარული ჟანრის წიგნი (The sense of another ending) გასულ წლებშიც მიუძღვნა, რომლისთვისაც 2011 წელს ბრიტანულ ავტორს ბუკერის პრემია გადასცეს.



„სოლ ბელოუს გული: მამაკვიდრის მემუარები“

გრეგ ბელოუ

240 გვ.


მოგონებები, რომელიც ნობელის, პულიცერისა და კიდევ რამდენიმე პრესტიჟული ლიტერატურული პრემიის მფლობელს, ამერიკელ მწერალს სოლ ბელოუს მიუძღვნა მისმა უფროსმა ვაჟმა, მწერლის შინაგანი სამყაროს განსხვავებულ მხარეებს წარმოაჩენს. მიუხედავად იმისა, რომ გრეგ ბელოუ პროფესიით ფსიქოთერაპევტია, ის ლიტერატურული გულწრფელობით მაინც ახერხებს მწერლის ხედვა გამოავლინოს,

რამაც მას ავტობიოგრაფიული ჩანაწერები, ინტერვიუები და პირადი მოგონებები ეხმარება. ავტორი ცდილობს სოლის შინაგანი ცვლილებების ყველა ეტაპს მიჰყვეს და დაუფარავად გააცნოს ის მკითხველს. ამისათვის ის ორ განსაზღვრებას იყენებს – „ახალგაზრდა სოლი“, რომელიც რევოლუციური სულისკვეთებით, სოციალური ღირებულებების თანასწორობის იდეით, კრიტიკული შეხედულებებითა და ამბიციურობით გამოირჩევა; და „მოხუცი სოლი“ – რომელსაც წლების მატებასთან ერთად შეცვლილ და დასუსტებულ შინაგან ძალისხმევას მიაწერს და რომელსაც მსოფლიო ლიტერატურული საზოგადოება იცნობდა.

„იესოს ბავშვობა“
 ჯონ მაქსველ კუტზეე

288გგ.

The CHILDHOOD of JESUS



„იესოს ბავშვობა“ სამხრეთ აფრიკელი ნოველისტის, ესეისტისა და ლინგვისტის ჯონ მაქსველ კუტზეეს ახალი რომანია, რომელიც საშუალო ასაკის მამაკაცის – სიმონისა და ხუთი წლის ბიჭის – დევიდის მოგზაურობას აღწერს. ისინი ოკეანის გავლით მეტად უცნაურ ქვეყანას მიაღებებიან. ამ ორ ადამიანს ერთმანეთთან არაფერი აკავშირებთ, რადგან პირველად ერთმანეთს ნაგზე ხვდებიან. დევიდი დედას ეძებს, რომლის პოვნა წერილის საშუალებითაა შესაძლებელი. მასში დედამისის სახელი წერია, თუმცა ნაგზე ასვლისას ის აღმოჩნის, რომ ბართი დაკარგა. უახლოესი ადამიანის პოვნაში პატარა ბიჭუნას დახმარებას სიმონი სთავაზობს. ასე იწყება წიგნის ორი მთავარი გმირის მოგზაურობა ქალაქ ნოვილაში, რომელიც, ერთი შეხედვით, უტოპიურ ქალაქს ჰგავს. აქ ადამიანები ბლოკებით აშენებულ სა-

ერთო საცხოვრებელში ცხოვრობენ და საკვებად მხოლოდ პურს იყენებენ.

კუტზეეს მიერ აღწერილი სამყარო არარეალურია: გმირები ერთმანეთს არ იცნობენ, მათ შორის არანაირი კავშირი არ არსებობს. ყოველ მომდევნო თავში მწერლის მიერ გამოგონილ ახალ და განსხვავებულ სირთულეებს ვაწყდებით, რომელთა გადაჭრის გზებსაც ნოველისტი იქვე გვთავაზობს. ერთმანეთისგან დამოუკიდებელი გმირები და არაერთგვაროვანი ისტორიები ის დეტალებია, კითხვისას რომ გროვდება და მათზე დაფიქრებისკენ გვიბიძგებს.

ამ მოტივით მკითხველი მწერლის მიერ დასმული მთავარი ამოცანის ამოხსნისკენ მიდის, რომელიც ასე უდერს: წიგნში აღწერილი ამბები და დეტალები სამყაროს განსახიერებს, რომელსაც წიგნის ნაკითხვის შემდეგ უკეთესად გაიცნობთ.



ROOMS HOTELS
 KAZBEGI

#1 V.Gorgasali street, Stepantsminda, Georgia; Tel: +995 32 2 710099; Fax: +995 32 2 720099
 E-mail: roomskazbegi@roomshotel.com; www.roomshotel.com



მუსიკა

ავტორი სალომე აფხაზიშვილი



Delta Machine
Depeche Mode
Synthpop, New wave, Alternative Dance
Columbia, Mute

Delta Machine – Depeche Mode-ის ახალი ალბომის სახელწოდებაა, რომელიც 17 ახალ კომპოზიციას აერთიანებს. ჯგუფის რიგით მეცამეტე ალბომი, წინა სტუდიური ნამუშევრების მსგავსად, ბლუზისა და გოსპელის გავლენით შეიქმნა. ამ ალბომით ჯგუფი ასრულებს სტუდიური მუშაობის ტრილოგიას, რომელიც პროდიუსერ ბენ ჰილიერს უკავშირდება. კრიტიკოსების მიერ საუკუნის ერთ-ერთ ყველაზე ძლიერ სტუდიურ ნამუშევრად შეფასებული ალბომი კვლავ იმ მძიმე, მუქ და დეპრესიულ ესთეტიკას აგრძელებს, რომლითაც Depeche Mode-მა თავის დროზე გაითქვა სახელი.

Charles Lloyd/Jason Moran
Hagar's Song
Modern Jazz
ECM Records

Hagar's Song საქსოფონისტისა და კომპოზიტორის, ჩარლზ ლოიდისა და პიანისტის ჯეისონ მორანის ახალი სტუდიური ალბომია. ალბომი ჯაზისა ლეგენდების – ბილი სტრეიჰორნის, დიუკ ელინგტონის, ტელონიუს მონქის, ჯორჯ გერშვინის, ბობ დილანის, ბრაიან ვილსონის, ტონი აშერის და კიდევ რამდენიმე მუსიკოსის მუსიკალურ პორტრეტებს გვთავაზობს. ალბომში ასევე მნიშვნელოვან ადგილს იკავებს ხუთი კომპოზიციისგან შემდგარი მთავარი თემა. იგი მთლიანად ლიოიდის ბებრის ბუბის ეძღვნება, რომელმაც ცხოვრების მნიშვნელოვანი ნაწილი მონობაში გაატარა. კომპოზიციებში მორანის მიერ შექმნილ ჰარმონიას ლიოიდის ლირიკული ხაზი აგრძელებს, რომელიც რეფრენივით უღერს და, რომლითაც ლიოდი თავისი ცხოვრების სამხრეთ კალიფორნიულ პერიოდს ეხმაურება. ეს ალბომი ჩარლზ ლიოიდისა და ჯეისონ მორანის განსაკუთრებულ გულწრფელობას ავლენს, რის ფონზეც მსმენელი ორი მუსიკოსის ინტიმური დიალოგის თავისებური მსმენელი ხდება.

Rokia Traore / Beautiful Africa / World Music / Nonesuch

პირველი, რაც აფრიკელი მუსიკოსის, როკია ტრაორეს ახალი ალბომში შესული კომპოზიციების მოსმენისას თქვენს ყურს მოხვდება – დრამის ხმაა, რომელიც რამდენიმე წამს გრძელდება, მანამდე, ვიდრე ეს სუფთა და შეუღამაზებელი ბგერები გიტარის უღერადობით დაიფარება. ეს კი იმას ნიშნავს, რომ ჩვენ ამ მუსიკას კარი იმაზე ადრე გავუღეთ, ვიდრე ის ამისთვის მოემზადებოდა. ტრაორეს ახალი სტუდიური ჩანაწერები მსმენელს მუსიკასთან განსაკუთრებულად აახლოებს, საშუალებას აძლევს თამამად შეაბჯვოს მის სივრცეში და მუსიკით იარსებოს. თითქმის ყველა კომპოზიცია აფრიკული მუსიკალური ინსტრუმენტის – ნგონის (n'goni) რიტმებით სრულდება. მუსიკოსისა და მისი პროდიუსერის დამახასიათებელი სწორედ ისაა, რომ ისინი ამ ინსტრუმენტის ყველა შესაძლებლობის გამოყენებას ცდილობენ. აფრიკული მოტივების მიუხედავად, როკია ტრაორეს მუსიკალურ უღერადობა მაინც საერთაშორისო მუსიკისთვის, უფრო მეტიც, პოპ მუსიკისთვის დამახასიათებელი ნიშნებს ატარებს, განსხვავებით წინა ალბომებისგან, რომლებშიც მუსიკოსმა მელომანებს თავისი ინდივიდუალური, ბუნებრივი მუსიკალური ნიჭი გააცნო.



Haxan Cloak / Excavation / Rock / Nick Nayland

როგორი შეიძლება იყოს გზა, რომელიც სიკვდილთან მიდის – ეს ის თემაა, რომელსაც ბრიტანული როკ-მუსიკის წარმომადგენელი – Haxan Cloak თავისი ახალი ალბომით გვთავაზობს. სიკვდილის შემდგომ მოგზაურობას Haxan Cloak-ის პროდიუსერი – ბობი კრლიკი (Bobby Krlic) 2011 წლის სადებიუტო ალბომშიც შეეხო, რომელიც ადამიანის პლანეტაზე ყოფნის უკანასკნელ დღეებს აღწერდა. Excavation ცალკეულ ტრეკებს არ აერთიანებს, ეს უფრო მეტად საშიში სამყაროსთვის დამახასიათებელი საუნდტრეკებია, რომელიც მძიმე სიჩუმიდან ისმის. ელექტრონული ინსტრუმენტებით შექმნილ კომპოზიციებში, ზოგჯერ სიმბიანი საკრავის ხმაც უღერს: „მუსიკა, რომელიც ძალიან მოგვონს, ხშირად შურისძიების გრძნობით გვავსებს, რის გამოც, სასწრაფოდ მისი გამორთვის სურვილი გვიჩნდება. თუმცა აქვე აუცილებლად უნდა გვახსოვდეს, რომ მუსიკა, რომელიც გასათავისუფლებლად გვჭირდება, საკმაოდ დიდ ძალას ფლობს. Haxan Cloak-ის აღნიშნულ ალბომი იმ მუსიკალურ ალბომებს შორისაა, რომელიც მსმენელისგან სპეციალურ მომზადებას მოითხოვს და რომლისთვისაც სპეციფიკური დროის, ადგილისა და განწყობის შერჩევაა აუცილებელი“ – აღნიშნულია ალბომის ერთ-ერთ უცხოურ მიმოხილვაში.



Shaggy Otis / Inspiration Information: Wings of Love
Soul/Funk/Psychedelic R&B / Epic Records

„მუსიკოსის შემოქმედებითი ცხოვრების ალბათ ერთ-ერთი ყველაზე დიდი უიღბლობა ისაა, რომ ნებისმიერ არაპროფესიონალს აქვს შესაძლებლობა ორიგინალური შესრულების ქავერი შექმნას. ამ სიყალბის ერთადერთი გამართლება ალბომის განახლებაა!“ – ასე შეაფასეს ამერიკელი მუსიკოსის, მულტიინსტრუმენტალისტის – შაგი ოტისის 2013 წელს განახლებული ალბომი, რომელიც ამავე სახელწოდებით, პირველად 1974 წელს გამოვიდა. ინსპირაციის თემით ოტისი ჯერ კიდევ თინეიჯრობის პერიოდში დაინტერესდა, როდესაც R&B-ის მიმდევარ მამასთან – ჯონი ოტისთან ერთად ამავე სახელწოდების პროექტი წამოიწყო. თუმცა ამის შემდეგ, შაგის მუსიკალური ინტერესები სხვა მიმართულებით განვითარდა. ალბომი, რომელიც შაგი ოტისმა 1974 წელს გამოუშვა, უკვე შორს იყო ტრადიციული ბლუზისგან და თანამედროვე ელექტრონულ მუსიკას უახლოვდებოდა. მნიშვნელოვანია, რომ ალბომის გამოსვლისთანავე გაჩნდა მუსიკალური შედარებები სტივი უანდერთან და მერვინ გეისთან (Marvin Gay). Inspiration Information-ის განახლებული გამოცემა 14 კომპოზიციას აერთიანებს, რომელიც ოტისმა 1975-2000 წლებში ჩაწერა. ალბომი 1970-იანი წლების ერთგვარ კალიფორნიულ წარმომადგენს, რომელშიც უღერს მაილს დევისის, ბობ მარლის, ლორელ ქენიონის (Laurel Canyon) და ფოლკ-როკის სხვა წარმომადგენლების მოტივები.



ცხელი შოკოლადი - ახლა უკვე თქვენს iPhone, iPad და iPod Touch-ზე



იოტა iOS-ისტვის

იკითხე ყველგან!
იკითხე კომფორტულად!
www.lit.ge

იოტა iOS-ისტვის საშუალებას გაძლევთ მარტივად იკითხოთ lit.ge-ს წიგნები და პერიოდიკა თქვენს iPhone, iPad და iPod Touch-ზე აპლიკაციის გადმოსაწერად, თქვენი მონეტარიზაციისგან iTunes-ზე მოქმედებით „IOTA READER“





სხილი
შოკოლადი
98.5 FM

www.facebook.com/RadioTskheliShokoladi

98.5